



ԵՂԻՇԵ

Ե Ղ Ո Ր

ՎԱՐԴԱՆԻ ԵՎ ՀԱՅՈՑ
ՊԱՑԵՐԱԶՄԻ ՄԱՍԻՆ

ՄԱՏԵՆԱՇՄՐԸ ՆՎԻՐՎՈՒՄ Է
ՀԱՅԱՍՏԱՆՈՒՄ ՔՐԻՍՏՈՆԵՈՒԹՅԱՆ ԸՆԳՈՒՆՄԱՆ
1700 ԱՄՅԱԿԻՆ

Հրատարակում է
պետական հովանավորությամբ

ԵՂԻՇԵ

Ե ԴՐ

ՎԱՐԴԱՆԻ ԵՎ ՀԱՅՈՑ
ՊԱՏԵՐԱԶՄԻ ՄԱՍԻՆ

Երևան «Հայաստան» 1994

ՀԱՅԿԱՍՏԱՆԻ ԿՈՄՍՏԻՏՍԻՆԻ

ՀԱՅԱՍՏԱՆԻ ԿՈՄՍՏԻՏՍԻՆԻ
ԿՈՄԻՏԵ

Աշխարհաբար քաղցմանությունը և ծանրագրությունները երվԱՆԿ
ՏԵՐ-ՄԻՆԱՍՅԱՆԻ
Առաջարանը ՀԳ ակադեմիայի քրդակից անդամ ՎԱԶԵ ՆԱԹԱՆԻՅԱՆԻ
Խմբագիր՝ ԷՄԱՆՈՒԵԼ ՊԵՎԱԶՅԱՆ

Եղիշե

Ե-400 Վարդանի և հայոց պատերազմի մասին / առաջարանը Վ. Նալ-
բանդյանի, աշխ. թարգմ. և ծանոթագր. Ե. Տեր-Մինասյանի,
Եկարչակ. ձևավ. Խ. Հակոբյանի/, Եր. Հայաստան, 1994, 156 էջ,
«Հայոց մատենագիրներ» մատենաշարի ներկա հատորը բովանդակում է
5-րդ դարի հայ պատմիչ Եղիշեի երկը Վարդանանց Հերոսամարտի մասին:

0503020913

ԳՄԴ 63.3 (22) 42

Ե $\frac{701 (01) 93}{-94}$

ISBN 5-540-01580-0

ԵՐԿՈՒ ԽՈՍՔ

V դարի հայ դասական պատմիչների փայլուն համաստեղության առաջնակարգ դեմքերից է Նղիշեն, որի անզուգական մատյանը՝ «Վարդանի և հայոց պատերազմի մասին» երկը, վիրիսարի դեր է կատարել ինչպես հայ պատմագիտական մտքի, այնպես էլ ազգային գեղարվեստական մտածողության սկզբնավորման ու զարգացման մարզում: Առանձնապես մեծ է եղել այդ ոգեշունչ մատյանի դերը հայ ազգային ազատագրական մտաբանության գաղափարախոսության մշակման գործում, ուր նրա ազդեցությունը հարասել է անգամ մինչև նոր ժամանակները:

Կանգունիչը չեն Նղիշի մասին կենսագրական տեղեկությունները, որոնց հիմնական աղբյուրը միջնադարյան «Ճառերտիր» կոչված ժողովածուում պահպանված գրավոր անանուն ավանդությունն է, որը, ինչպես կարծում են (Մ. Արեղյան, Ե. Տեր-Մինասյան), հիմնված է իրականության վրա, բայց քե «Րշափով» որոշել հնարավոր չէ: Ըստ այդ կատարելագործելու նպատակով ուղարկվել է Ալեքսանդրիա: Հայրենիք վերադառնալուց հետո, որպես զինվոր ու դպիր, ծառայության է մտել Վարդան Մամիկոնյանի մոտ և մասնակցել նրա զիսավորած ապստամբությանը: Ինչպես երևում է, Նղիշեն ևս իր ուսուցչի նման հոգևոր և մշակութային կյանքի բնագավառն է եկել աշխարհիկ-զինվորական կենաց բովում քրժվելուց հետո: Իր երկում տեղ գտած ռազմամարտերի հմտալից նկարագրությունները ցույց են տալիս, որ նա, հավանաբար, ունեցել է ռազմավարական արտակի պատրաստություն: Վարդանանց պատերազմից հետո Նղիշեն, շրջանելով զինվորությունը, դարձել է եզնակեց կրոնավոր ու պարապել գրական աշխատանքով: Պատմիչն իր երկը գրել է Վարդանանց պատերազմից տարի անց, 464—465 թթ. Գավիթ Մամիկոնյան երեցի պատվերով:

Վարդանանց պատերազմի՝ պարսկական բռնապետության դեմ ուղղված ժողովրդագազատագրական այդ հուժկու ապստամբության նպատակն էր երկրի քաղաքական անկախության և բնդամներ երկու տասնամյակ առաջ կործանված հայկական քաղաքականության վերականգնումը, ժողովրդի ազգային ինքնության ու բխտոնեակն կրոնի պաշտպանությունը: Շուրջ 1540 տարի է բաժանում մեզ գարնանահորջ Տզմուտ գետի ափին տեղի ունեցած և բնդամներ միայն մեկ օր տևած Ավարայրի նակատամարտից: Բայց, շնայած դրան, հետավոր անցյալի այդ հերոսական դրվագը բացառիկ խոր հետք է ափսել հայության պատմական հիշողության մեջ՝ բայր ժամանակներում բնկավելով իբրև ժողովրդի հայրենասիրական մեծ խոյանկներ, ապրելու, գոյատևելու նրա անկուն կամքի, քաղության, ազգային պատվի պաշտպանության անզուգական խորհրդանշան, որով դարեր շարունակ զերվել ու ոգեշնչվել են ազատաբազմ հայ քաղաքիների քաղում սերունդներ, ողջ մի ժողովուրդ: Եվ այս գործում, իբրև, շատ մեծ է եղել Նղիշի ոգեշունչ մատյանի դերը:

Ինչպես անասարակ մեր հին պատմագրության մյուս դասական հուշարձանների, այնպես էլ Նղիշի երկի ժանրային ամբողջական բնութագիրն անհնար է սպառել որևէ

Նդիշին, ինարհի, պատշաճն է հաստատում հայտնի պատմական նշանավոր անձերի հայրենակներ վաստակին, բայց դրա հետ մեկտեղ նա երկր մի հրաշալի ներքող է ժողովրդյան համընդհանուր հերոսության, նա տարերային ուժի հզոր պտղովույն, որ այնպես փայլուն կերպով բացահայտված է Երկի մի քանի հատվածներում, մասնավորապես՝ Անգղի դեպքերի դրվագում: Ուշադրության է արժանի նաև այն ազնիվ ու այրող կերպ, գեղարվեստական խառնի վիթխարի զորությունը, որով մեր պատմիչը խառնում, անարգանքի սյունին է թափում հայրենիքի դավաճանությունը, կամ, իր խոսքով ասած՝ «հետ կացածների վատբարությունը», որոնց նկատմամբ հեղինակի շարքերին որպես դաժան, բայց արդար դատավերն է հերոս հայրենադավ ու հավատարաց Վասակ Սյունիի անփառունակ վախճանի նկարագրությունը, որն ավարտվում է այսպիսի տողերով. «Եվ նա, որ հանցագործությամբ ուզում էր Հայոց աշխարհի վրա բազավոր լինել, նա գերեզմանի տեղն էլ շտանվեց. որովհետև մեռավ ինչպես շուն և ֆառչ տրվեց ինչպես էշ: Նա անունը շնիչվեց սրբերի շարքում, և նա շնիշատակվեց եկեղեցում սուրբ սեղանի առաջ: Ոչ մի շարիփ չբողեց, որ չգործեր իր կյանքում, և մեծամեծ շարիփներից ոչ մեկն էլ չմտեց, որ նա զլլած շանցներ մանվան ժամանակ: Այս հիշատակարանը գրվեց նա մասին՝ նա հունցանները կշտամբելու և նրան մեղադրելու համար, որպեսզի ամեն մարդ, որ լսի և իմանա այս բանը, նզով կարգա նա հետևից և նա գործերին ցանկացող շինի»: Պատմիչի այս և հարանման տողերում մեկ անգամ ևս ընդգծված է նա Երկի մի կարևոր յուրահատկությունը՝ խրատարտախոսական բացահայտ միտումը:

Նդիշինի միանգամայն խոր է պատիվ հայեցողականությունը: Գրքի սկզբից մինչև վերջ մշտապես զգացվում է իր որոշակի համոզմունքները, իր համակրություններն ու հակակրություններն ունեցող պատմիչը՝ իր կրթա, ակտիվ վերաբերմունքով նկարագրած անցների ու պատմական անձների վարագործի նկատմամբ, հանգամանք, որով ավելի ևս զորեղանում, շնչավում է հորինվածքի ներազդելու ուժը, զգացմունքներ բարբախելու կարողությունը:

Նդիշին հրաշալի տիրապետում է ճարտասանական արվեստի հմարհներին ու մեծ վարպետությամբ օգտվում է դրանցից: Նա ոճը պարզ է, դյուրընկալելի: Չափազանց ճարտասա է ու բազմազան Նդիշի երկի պոետիկան, պոետիկալոր համեմատություններն ու դիպուկ, հանախ խիստ անսպասելի փոխակերպություններ, ճարտասանական հարց և հակաբեզ (երբեմն այդ երկուսի զուգահեռ օգտագործումով), կենդանի երկխոսություններն ու ճաներ, զանազան նամակներ, պաշտոնական անձանց գրություններ (քառ երևույթին մեծ մասամբ անվավեր) և այլն: Նդիշինի բնորոշ է պատմելու հոգևտեսությունը: Նայած տվյալ հատվածում շարադրված նյութի բնույթին, հեղինակի հյուսվածքն ստանում է մեկ վերահայտ գեղող նրբեանց, մեկ՝ էպիկական հախտուն քափ: Նդիշին ավելի բնորոշ է նա պատմագրած նյութին լավագույնս ներդաշնակող էպիկական բարձր ոճը. այն առանձնապես փայլուն դրսևարում է սասցել ուղղամարտերի նկարագրություններում, որի լավագույն օրինակն է Ավարայրի հերոսամարտի անմոռաց պատկերը:

Չնայած հայերի կրած անդառնակ կորուստներին, հեղինակին այնքան սիրելի ֆաջ այլերի՝ Վարդանի և Վաղարշանց կործանմանը, հեղինակը մի ներհին արդար մղումով հավատում է բարուն և նշմարտի վերջնական հաղթանակին: Հենց այս հանգամանին էլ պայմանավորել է Նդիշի ստեղծագործության լավատեսական ոգին, որի հիմքը հեղինակի խորապես զիտակցված հավատն է հայրենի ժողովրդի բարոյամոգիական կամ ուժարտական անսպառ կարողությունների նկատմամբ: Այս առումով, բովում է, առանձնակի մեծ խորհուրդ ունի Նդիշի մատյանի խորհրդանշական ավարտը, որ վերահայտ վարակիչ շնչով փառաբանվում է բազում զրկանքներ համբերությամբ ու հերոսաբար տա-

րած «հայոց աշխարհի փափկասուն տիկիներն» հոգեկան մեծ ուժն ու բացառիկ տակունությունը: Երկի այդ հատվածն ինքնին մի փառանքի հիմն է մարդկային ոգու անպարտելիության, նրա մեծագույն առափնույունների: Մարդկային կամփի անընկենկիության զաղափարը հեղինակը յուրովի զարգացրել է նաև երկի վկայաբանական բնավորության ունեցող հատվածներում, ուր հույն կրֆով ու հուրականությամբ պատմվում է ազատագրական կռվին զինվորագրված հոգևոր դասի մարդկանց անընկելի վարճագործ մասին, որոնք Ավարայրից հետո էլ, շնայած պարսիկներից կրած անասելի տառապաններին ու անավար տանջանքներին, վերստին շարունակում են հավատարիմ մնալ իրենց կրոնաբարոյական համոզմունքներին:

Նդիշի լեզվին ու ոճին յուրատիպ փայլ, գրավչություն ու սեղմություն են հազարգում ինքնուրույն կամ փոխառյալ աֆորիզմները, քավար խոսքերն ու իմաստայից սասցվածքները, որոնցից հիշենք «Կույրը գրկվում է արեգակի ճառագայթներից, իսկ տղիտուրությունը գրկվում է կատարյալ կյանքից»: «Լավ է աչքով կույր [լինել], քան մտքով կույր»: «Ինչպես որ հոգին մեծ է մարմնից, այնպես էլ մահի տեսողությունը մեծ է մարմնական տեսողությունից»: «Ամբողջ մարմնի կենդանությունը հոգին է, իսկ մարմինն ու հոգին կառավարող միտն է»: «Միաբանությունը բարի գործերի մայրն է, իսկ անմիաբանությունը՝ չար գործերի ծնողը» և այլն:

Հարյուրամյակներ անընդմեջ Նդիշի անզուգական մատյանը եղել է հայ ժողովրդի ամենասիրելի ու օտարածված գրվածքներից մեկը: Այդ մասին են վկայում դարերի խորհրդից մեզ հասած նրա բազմաթիվ ձեռագիր ընդօրինակությունները, ինչպես և գրաբար բնագրի հրատարակությունները: Նդիշի ամենամին ձեռագիրն ընդօրինակված է 1174 թ., Կոշավանում, Գավիթ կրոնավարի ձեռնով: Վարդանանց պատմության գրաբար բնագիրը առաջին անգամ լույս է տեսել Կաստանդնուպոլսում, 1764 թ. և մինչ օրս ունեցել է շուրջ 35 վերահրատարակություն: Այդ երկը աշխարհաբար բարգմանվել է 6 անգամ, որոնցից լավագույնը Երվանդ Տեր-Մինասյանի ձեռնով իրականացվածն է: Խույն վաստակաշատ բանասերը կազմել է նաև Նդիշի երկի զիտական-հննական բնագիրը (1957 թ.):

Նդիշի երկը բարգմանվել է ռուսերեն, անգլիերեն, ֆրանսերեն, իտալերեն:

Գաբեր շարունակ «մեղվաչուրքն» Նդիշի ոսկեղենիկ մատյանը առատ նյութ է տվել բազմաթիվ ու ամենատարբեր ժանրերի ու տեսակների գեղարվեստական ստեղծագործությունների: Գեոևս միշին դարերում այն ներշնչանքի աղբյուր է եղել Երեսն Շնորհալու, Հովհաննես Սարկավազ Իմաստասերի, Գրիգոր Կյաքեցու և շատ ուրիշների համար: Վարդանանց պատերազմի քեման կենտրոնական տեղ է գրավում նաև հետագա շրջանի հայ գրականության մեջ, մասնավորապես XIX դարի հայ կլասիցիզմի ու ռոմանտիկական դրամատուրգիայի ստեղծագործություններում: Սակայն վաղընական ժամանակների հայոց պատմության հերոսական իրադրությունը իր բացառիկ խոր պատմափիլոսոփայական ու գեղարվեստական անդրադարձումը գտավ մեր օրերում, Հայրենական մեծ պատերազմի ծանր տարիներին՝ Գերենիկ Դմիտրյանի «Վարդանանք» անման պատմավեպում, որի մեջ դասական գրողը իր հզոր տաղանդի վիրիբարի ուժով բացահայտեց հեռավոր անցյալը ժամանակակից կյանքի հետ կապող ամուր հանգույցները՝ պատմությունը մեկնարանելով որպես արդիականության նախապատմություն, ցույց տվեց հերոսական անցյալի համահնչունությունը մեր օրերի հետ, ընդգծեց պատմական ավանդների բացառիկ նշանակությունը մեր օրերի համար:

Նվ այսպես, հայոց հնադարի նշանավոր սարեգիրը իր ոգեշնչող մատյանով հայլեց ավերամի, փլուզումի, ցավալի կորուստների, բայց և հերոսական մահառումի դա-

րերի միջով՝ հասնելով մինչև մեր օրերը, պատմության բոլոր փուլերում հաճապազ մնալով իր ազատարար ժողովրդի աննկուն ոգու, նրա նվիրական երազանքների ու ազնիվ ձգտումների հարազատ քաղցմանը:

Այս է անա Եղիշի անմահ ստեղծագործության մեծ խորհուրդը:

Վ. ԼԱՐԱՆՅԱՆ

ՀԱՅԿԱՍՏԱՆԻ ԳՐԱԳՐԱԿԱՆ ԿԵՆՏՐՈՆ
ԵՐԵՎԱՆԻ ԳՐԱԳՐԱԿԱՆ ԿԵՆՏՐՈՆ
ԵՐԵՎԱՆԻ ԳՐԱԳՐԱԿԱՆ ԿԵՆՏՐՈՆ

[Faint, illegible text, likely bleed-through from the reverse side of the page.]

**ՄԱՄԻԿՈՆՅԱՆ ԴԱՎԻԹ ԵՐԵՏԻ՝
ԽՆԴՐԱԾ [ՊԱՏՄՈՒԹՅՈՒՆԸ] ՎԱՐՊԱՆԻ
ԵՎ ՀԱՅՈՑ ՊԱՏԵՐԱԶՄԻ ՄԱՍԻՆ**

Այն գործը, որ պատվիրեցիր, կատարեցի, ո՛վ առաքինի. Հայոց պատերազմի մասին հրամայեցիր [գրել], որի մեջ բշերի հանդեպ շատերն առաքինի գտնվեցին:

Ահա շարադրեցի այս յոթը գլուխների մեջ:

Առաջին՝ ժամանակը:

Երկրորդ՝ Արևելքի իշխանի ձեռնարկած գործերը:

Երրորդ՝ Եկեղեցու ուխտի միաբանությունը:

Չորրորդ՝ նույն ուխտից բաժանված մի քանիսի երկպառակությունը:

Հինգերորդ՝ Արևելյիների հարձակումը:

Վեցերորդ՝ Հայերի ընդդիմանալը պատերազմով:

Յոթերորդ՝ Խոտվության գործերի երկարաձգումը:

Այս յոթ գլուխների մեջ կարգով գրեցի և մանրամասն շարադրեցի սկիզբը, միշին [ժամանակն] ու ավարտը, որպեսզի շարունակ կարդաս, լսելով առաքինիների քաջությունը և հետ կացածների վատթարությունը, ո՛չ թե երկրավոր առատ գիտություն անձնական պակասը լրացնելու, այլ երկնավոր նախախնամության այցելության համար, որ նախադիտությամբ երկու կողմերին էլ հատուցում է տալիս, որ տեսանելի բաներով անտեսանելին հայտնի է դարձնում:

Իսկ դու, ո՛վ մեծդ աստվածային գիտության մեջ, ինչո՞ւ արդյոք [ինձ] հրամայեցիր, քանի որ ինքդ կարող էիր հրամաններ ընդունել ավելի լավերը [գրելու] համար: Ինչպես թվում է ինձ և քեզ և իմաստասիրությամբ պարապած մարդկանց՝ այս բանը երկնավոր սիրո նշան է և ոչ թե երկրավոր փառասիրության, ինչպես որ հմուտ պատմագիրներից ոմանք ասել էլ են՝ «Միաբանությունը բարի գործերի մայրն է, իսկ անմիաբանությունը՝ շար գործերի ծնողը»:

Այսպես և մենք տեսնելով, որ քո հրամանը անկեղծ սիրուց է [առաջացել], ամենևին չզանգաղեցինք և չվախեցանք՝ մեր ազատությունը նկատի ունենալով: Որովհետև մեծ բան է անկեղծությունը

տկարութեանն օգնելու համար, ինչպես աղոթքը՝ գիտութեան, և մարտը սերը՝ հասարակաց օգտի համար:

Որ և մենք քո հրամանի հետ ընդունելով՝ հոժարութեամբ սկսեցինք այս բանը, որ սիրելիների համար մխիթարութիւնն է, հուսացողներին՝ հույս, քաջերին՝ քաջալերութիւն, որոնք հոժարակամ հարձակվում են մահվան վրա՝ առաջները տեսնելով հազթութեան զբրայիսին², որը ոչ որի թշնամութեամբ չի արհամարհի, այլ բոլորին սովորեցնում է իր անպարտելի ուժը: Եվ ահա՛, ով որ կամենա՝ կընդունվի որպէս քաջ զինվոր: Եվ քանի որ նահատակութիւնն բառը բազմանշանակ է, նա էլ բազմապիսի շնորհներ է բաժանում բոլորին, որ և անհնեզ սրտի սուրբ սերն ամեն բանից մեծ ենք ճանաչում:

Այս պարզութիւնը նման է երկնային պարզութեանը. և այս էլ քո մեջ տեսնելով՝ մոռացանք մեր բնութեան [հատկութիւնները]: Եվ ահա քեզ հետ վեր ենք բարձրանում սավառնելով, և երբ բարձր թռած կանցնենք բոլոր վնասակար մրրկածին օդերից, փոքրիշատե ծծելով վերին անապական օդերից, կատանանք գիտութիւն մեր անձերի փրկութեան և ամենահազիթ եկեղեցու փառքի համար: Ուստի և բազմաթիվ սուրբ պաշտոնյաները թող զվարթութեամբ կատարեն իրենց պաշտոնն ու ծառայութիւնը, որպեսզի փառավորվի բոլորիս հայրը. ուր և նրա հետ ցնծա ու բերկրի սուրբ երրորդութիւնն իր անտրտում էութեան մեջ:

Արդ որովհետեւ քո աննախանձ բարք ու բնութեանից պատվեր ու հրաման ստացանք, սկսենք, որտեղից արժան է սկսել, թեպետև չէինք հոժարի մեր ազգի թշվառութիւնը ողբալ: Ահա մեր կամքի հակառակ արտասովալից ողբերով շարագրում ենք այն բազմաթիվ հարվածները, որոնց մեջ հենց մենք էլ ընկանք՝ ահանատես լինելով:

ԺԱՄԱՆԱԿԸ

Երբ Արշակունյաց ցեղը³ վերացավ, Հայոց աշխարհին տիրեց պարսիկ Սասանի ցեղը⁴, որ իր իշխանութիւնը վարում էր մոզերի կրոնի համաձայն և շատ անգամ կոխվ էր մղում նրանց հետ, ովքեր չէին ընդունում նույն կրոնը. սկսելով Տիրանի որդի Արշակ թագավորի օրերից՝ կոչում էր մինչև Վասմշապուհի որդի Հայոց Արտաշես արքայի վեցերորդ տարին: Եվ երբ սրան էլ զրկեց թագավորութիւնից, իշխանութիւնն անցավ Հայոց նախարարներին. որովհետև թեպետև հարկը Պարսից արքունիքն էր զնում, սակայն Հայոց հեծելազորն ամբողջապես նախարարներն էին առաջնորդում պատերազմի ժամանակ: Այս պատճառով էլ աստվածապաշտութիւնը բաց ճակատով ու ինքնիշխան փայլում էր Հայոց աշխարհում, արքայից արքա Շապուհի թագավորութիւնն սկզբից մինչև Վասմի որդի արքայից արքա Հազկերտի երկրորդ տարին, որին՝ սաստանան իրեն գործակից գտավ, և հավաքված ամբողջ թույնը դուրս թափեց և լցրեց նրան ինչպես թունավորված նետերով լի կապարձ: Եվ սկսեց հոխորտալ անօրհնութիւններ, գոռոզանում էր և աղմկելով քամի էր բարձրացնում աշխարհի շորս կողմերը, և մեզ, Քրիստոսի հավատացյալներին, իրեն թշնամի և հակառակորդ էր ներկայացնում և նեղվում ու տազնապում էր անխաղաղասեր կյանքով:

Որովհետև նրան շատ սիրելի էր խռովութիւնն ու արյունահեղութիւնը, այդ պատճառով էլ ինքն իր մեջ ալեկոծվում էր, թե ո՞ւմ վրա թափեմ դառն թույներս կամ ո՞ւր արձակեմ բազմաթիվ նետերս: Եվ սաստիկ հիմարութիւն պատճառով ինչպես կատաղի գազան հարձակվեց Հունաց երկրի⁵ վրա, հարվածեց մինչև Մծրին⁶ քաղաքը և ասպատակ սփռելով՝ ավերեց Հոռոմների շատ գավառներ և հրդեհեց բոլոր եկեղեցիները. ավար ու գերի հավաքեց և ահաբեկեց երկրի ամբողջ գորթը:

Իսկ երանելի Թեոդոս կայսրը⁷, որովհետև խաղաղասեր քրիստոնյա մարդ էր, չկամեցավ նրա դեմ պատերազմի դուրս գալ, այլ Անա-

տող անունով մի մարդու, որ Արևելքի նրա սպարապետն էր, շատ գանձերով նրա մոտ ուղարկեց: Եվ բռնեց ու նրա ձեռքը տվեց այն պարսիկ մարդկանց, որոնք քրիստոնյա լինելու պատճառով փախել էին և գտնվում էին կայսեր քաղաքում: Եվ այն ամենը, ինչ որ ասաց [Հաղկերտը] ժամանակին, [Թեոդոսը] կատարեց նրա կամքի համաձայն և իջեցրեց նրա մեծ բարկութունը. և այսպիսով նա վերադարձավ իր քաղաքը՝ Տիզրոն⁵:

Երբ անօրեն իշխանը տեսավ, որ իր շարությունը հաջողվեց, սկսեց մի այլ խորհուրդ էլ մտածել, ինչպես մի մարդ, որ բորբոքված կրակի մեջ շատ վառելափայտ է ավելացնում: Որովհետև որտեղից մի քիչ կասկած ուներ, այնտեղից լիովին ապահովվեց. այդ պատճառով էլ քրիստոնյաների սուրբ ուխտից շատերին խախտեց՝ մեկին սպառնալի խոսքերով, մյուսին շղթաներով ու տանջանքներով, երրորդին շարաշար մահով սպանելով: Հափշտակում էր նրանց ստացվածքն ու կալվածքները. և մեծ անարգանքով տանջում էր բոլորին: Եվ երբ տեսավ, որ ցիրուցան եղան այս ու այն կողմ, խորհրդի կանչեց ձախակողմյան պաշտոնյաներին⁶, որոնք կոապաշտության մեջ կաշկանդված էին անքակտելի կապերով, վառված ու կրակ կտրած ինչպես մի հնոց՝ եկեղեցու սուրբ ուխտն այրելու համար:

Որովհետև այդպիսիները հենց իրենց կենդանության ժամանակ բնակվում են ինչպես թանձրամած խավարում, և հոգիները մարմնի մեջ փակված են ինչպես կենդանի [մարդը] գերեզմանում, որոնց [հոգիների] վրա ամենևին չի ծագում Քրիստոսի սուրբ լույսի նշույլը: Օրհասական արջերն էլ շնչերը հատնելիս ավելի ուժգին են կոպում, և իմաստունները խույս տալով փախչում են նրանցից: Այսպիսի մի վախճան է եկել-հասել այդ տերությանը. երբ նրանց խփում են՝ շեն զգում, և երբ [իրենք] են խփում՝ շեն հասկանում. իսկ երբ արտաքին թըշնամի չի գտնվում, իրենք իրենց հետ են կոխվ սկսում, մարտնչում: Մարգարեի խոսքը հենց հարմար է զալիս նրանց վերաբերմամբ. «Մարդ, ասում է, իր քաղցածությունից [ստիպված] շուռ կգա և կուտի իր անձի կեսը⁷»: Մրա նման ասում է նաև Տերն ինքը. «Ամեն մի տուն և թագավորություն, որ բաժանվում է ինքն իր մեջ, հաստատուն մնալ չի կարող»⁸:

Արդ, ի՞նչ ես ծեծկվում, ի՞նչ ես կոխվ տալիս, ի՞նչ ես այրվում, ի՞նչ ես բորբոքվում, ինչո՞ւ ես հանգչում, ի՞նչ ես խորհրդի կանչում նրանց, ովքեր ձեր հոգիները ձեզնից խլել՝ ձեր անապականը ապակա-

⁵ Նսալի Թ 20:

⁶ Մատթ. ԺԲ, Մարկ. Գ 24—25, Ղուկ. ԺԱ 17:

նություն են դարձրել, իսկ ձեր ապականացու մարմինը զաղրելի դիակի նման քարշ են տվել ու դեն գցել: Չէ՞ որ այդ ես կամենում, որ ամբարիշտ խորհուրդդ ծածկվի. կտեսնես՝ երբ կհայտնվի, հետո կիմանաս դրա վերջը:

Մոգերն ասում են. «Փա՛շ թագավոր, աստվածները տվին քեզ այս տերությունը և հազթություն. նրանք ամենևին մարմնավոր հարստության կարոտ չեն, միայն թե մի կրոնի դարձնես քո տերության մեջ գտնված բոլոր ազգերին ու ժողովուրդներին. այն ժամանակ Հույների երկիրն էլ հնազանդվելով՝ կենթարկվի քո իշխանությանը: Արդ, մեր մի խոսքը շուտով կատարի՛ր, արքա՛, զորք հավաքիր և գունդ կազմիր, վեր կաց գնա Քուշանների¹⁰ երկիրը և բոլոր ազգերին ժողովիր և անցկացրու Պահ՝ դոնից¹¹ ներս, և այնտեղ շինիր քո բնակությունը: Երբ բոլորին արգելես ու պահես հեռավոր օտարության մեջ, քո կամքն ու խորհուրդները կկատարվեն և, ինչպես երևում ես մեր գուշակությունների մեջ, դու կտիրես նաև Քուշանների երկրին և մինչև անգամ Հույները քո իշխանության դեմ դուրս չեն գա: Միայն թե քրիստոնյաների կրոնը մեջտեղից վերացրու»:

Այս խորհուրդը հաճելի եղավ թագավորին ու իրեն համամիտ մեծամեծներին. հրովարտակներ գրեց, արագագնաց սուրճանդակներ ուղարկեց իր տերության բոլոր կողմերը: Եվ այս է հրովարտակի պատճենը.

«Իմ տերության բոլոր ազգերին, արիներին և անարիներին, թող բազմանա մեր մարդասիր ողջույնը ձեզ. գուք ողջ եղեք, մենք էլ արդեն ողջ ենք աստվածների օգնությամբ:

«Առանց ձեզ որևէ նեղություն տալու ելանք-գնացիք Հույների երկիրը, և առանց պատերազմի, սիրով ու մարդասիրությամբ նվաճեցիք ամբողջ երկիրը մեզ ծառայելու: Դուք բարին մտածեցեք և անսպառ ուրախության մեջ մնացեք. բայց շուտով կատարեցեք այս բանը, որ ասում եմ:

«Մենք մտքներումս դրել ենք անպատճառ վերկենալ-դնալ Արևելքի աշխարհը. աստվածների օգնությամբ մեզ ենթարկել Քուշանների տերությունը. դուք հենց որ այս հրովարտակը տեսնեք, շուտով առանց ուշացնելու այլուձի ժողովեցեք՝ ինձանից առաջ, ներկայացեք ինձ Ապար աշխարհում»¹²:

Այս պատճենի համաձայն հրովարտակ հասավ Հայոց, Վրաց և Աղվանից և Լփնաց, Մավղեից, և Կորդվաց, Աղձնյաց աշխարհները և շատ ուրիշ հեռավոր տեղեր, որոնք առաջ պարտավոր չէին այն ճանապարհը գնալ: Զորք էր ժողովում Մեծ Հայքից ազնվականներին և

ազատորդիններին և թագավորական կալվածներից ոստանիկ մարդկանց: Նույն օրինակով Վրաց, Աղվանից և Լինաց աշխարհներից, և հարավի զանազան կողմերից՝ Տաճկաստանի և Հոռոմների աշխարհի սահմաններին մոտիկ, և Կորդվաց և Դասն և Սավդեից և Արզնարդյուն [Երկրներից], որոնք բոլորն էլ հավատում էին մի կաթողիկե առաքելական եկեղեցուն և մկրտված էին:

Եվ անմեղությունը շիմանալով թագավորի խարդախ միտքը՝ յուրաքանչյուրը իր երկրի զվարթությունը և տիրասեր խորհրդով ելան-զնացին, աներկբա հավատով կատարելով [իրենց] զինվորական ծառայությունը: Իրենց հետ վերցրին նաև աստվածային սուրբ կտակարանները շատ պաշտոնյաներով և քահանաներով: Բայց հրաման տվին իրենց աշխարհում, որ կյանքի ակնկալություն չունենան, այլ իրենց վախճանին [սպասեն], հանձնարարելով միմյանց իրենց հոգիներն ու մարմինները: Որովհետև թեպետև թագավորի մտադրությունը նրանց հայտնված չէր, բայց բոլորի սրտում էլ կասկած կար. մանավանդ երբ հույների զորությունն էլ ընկճված տեսան նրա առաջ, շատ խիստ խոցվեցին իրենց մտքերում:

Բայց որովհետև Աստծու սուրբ կտակարանների պատվիրանները պահող մարդիկ էին, շարունակ հիշում էին Պողոսի պատվերները, թե՛ «Մառանե՛ր, հնազանդ եղևք ձեր մարմնավոր տերերին, ո՛չ թե կեղծավորությունը և աշտությունը, այլ սրտանց ծառայեցեք ինչպես Աստծուն և ոչ ինչպես մարդկանց. որովհետև տիրոջից է լինելու ձեր արդար վաստակների հատուցումը»^{*}:

Այս ամբողջ բարեմտությունը ուղևորվելով [իրենց] աշխարհից և իրենց հանձնելով սուրբ Հոգուն, հրամանը շուտով կատարելով՝ ներկայացան, ամեն ինչ անելով նրա կամքի համաձայն: Թագավորը շատ ուրախացավ՝ այն մտքով, թե իր կամքը կատարվեց. և ահա նրանց հետ վարվում էր այնպես, ինչպես խրատել էին նրա ամբարիշտ պաշտոնյաները:

Ապա, երբ թագավորը տեսավ բարբարոսների¹³ գնդի ամբողջ պատրաստությունն ու բազմությունը, որոնք հոժարակամ եկել էին արքունի ծառայության, ավելի ևս ուրախանում էր իր մեծամեծների և զորքերի ամբողջ բազմության առաջ: Արտաբուստ թարցնում էր իր մտադրությունները և ակամա առատ-առատ պարգևներ էր տալիս նրանց: Ելավ-զնաց Հոնաց աշխարհի տերության վրա, որին Քուշանք են անվանում, և երկու տարու շափով կռվելով՝ նրանց ոչ մի վնաս

* Կողոս. Գ 22, հմմտ. Եփես. 2 5:

հասցնել շկարողացավ: Հետո զինվորներին ուղարկեց յուրաքանչյուրին իր տեղը և նրանց փոխարեն իրեն մոտ ուրիշներին կանչեց նույն պատ-
րաստութեամբ: Եվ այսպես տարեցտարի սովորութիւն սահմանեց, և
այնտեղ իր համար բնակութեան քաղաք շինեց, իր թագավորութեան
շորրորդ տարվանից սկսած մինչև իր իշխանութեան տասնմեկերորդ
տարին:

Եվ երբ տեսավ, որ Հոռոմները հաստատ մնացին իրենց դաշին-
քին, որ դրել էին նրա հետ, և խալկուրները¹⁴ դադարեցին ճորա
պահակն¹⁵ անցնելուց, և իր երկիրն ամեն կողմից խաղաղութեան մեջ
է ապրում, և զեռ Հոների թագավորին էլ նեղն է լծել, որովհետև
ավերեց նրա շատ գավառները, և իր թագավորութիւնը հաջող դրու-
թեան մեջ է,— ավետավորներ ուղարկեց իր երկրի բոլոր ատրուշան-
ները, սպիտակ ցուլերով և զիսավոր նոխազներով առատացրեց կրակի
զոհերը և միանգամայն անբնդհատ դարձրեց իր պիղծ պաշտամունքը.
մոզերից շատերին և մոզպետներից է՛լ ավելի շատերին մեծարեց
պսակներով ու պատիվներով: Նաև հրաման տվեց հափշտակել Պարսից
աշխարհում գտնվող քրիստոնյաների ամբողջ ինչքն ու գույքը:

Եվ այսպես հպարտացավ, գոռոզացավ իր մտքում, սանձարձա-
կորեն հոխորտում էր մարդկային բնութիւնից էլ վեր, ո՛չ միայն
մարմնական պատերազմների գործերի մեջ, այլ ինքն իրեն հայրենի
կարգի բնութիւնից մեծ մի բան էր կարծում. այդ պատճառով նա
կեղծավորութեամբ ինքն իրեն իր կարծիքով թաքցնում էր, բայց ինչ-
պես նկատում էին իմաստունները, ինքն իրեն կարծես անմահների
կարգն էր դասում: Եվ սաստիկ զայրացած էր Քրիստոսի անվան վրա,
երբ լսում էր, թե տանջվեց, խաչվեց, մեռավ և թաղվեց:

Եվ երբ այսպես օրեցօր ցնորված տարուբերվում էր նույն մտքով,
Հայոց երիտասարդ նախարարներից մեկն ընդդիմաբանեց նրան և
ասաց. «Քա՛ջ թագավոր, դու որտեղի՞ց գիտես Տիրոջ մասին այդ բա-
ները, որ խոսում ես»: Թագավորը պատասխան տվեց և ասաց.
«Հենց իմ առաջ կարդացին ձեր մոլորութեան գրքերը»: Կրկին պատաս-
խան տվեց պատանյակն և ասաց. «Թագավո՛ր, ինչո՞ւ մինչև այդ-
տեղ միայն կարգալ տվիր. շարունակել տուր կարգալը, և այնտեղ կլսես
հարութիւնը, շատերին հայտնվելը, երկինք վերանալը, հոր աջ կողմը
նստելը, երկրորդ գալստեան խոստումը՝ բոլորին հրաշալի կերպով
հարութիւն տալով, արդար դատաստանի համառոտ հատուցումը»: Երբ
թագավորն այս լսեց, խոր խոցված՝ երեսանց ծիծաղեց և ասաց. «Այդ
բոլորը խաբեութիւն է»: Քրիստոսի զինվորը պատասխան տվեց և

աստղ. «Եթե քեզ համար հավատալի են նրա մարմնավոր շարժարանքը,
է՛լ ավելի հավատալի պիտի լինի քեզ համար նրա երկրորդ ահավոր
զալուստը»:

Թագավորը այս լսելով՝ բորբոքվեց Բարեւոնի հնոցի կրակի նման,
այնպես որ մինչև անգամ յուրայինները ևս քաղցեացիների նման այր-
վում էին:

Այն ժամանակ ամբողջ բարկութունն ու զայրույթը թափեց այն
երանելի մարդու վրա, որի անունը Գարեգին էր: Կապված ոտներով
ու կապված ձեռներով երկու տարու շափ հանձնվեց շարժարանքների և
իշխանությունից զրկվելով՝ մահվան դատապարտվեց:

[The following text is extremely faint and illegible, appearing to be bleed-through from the reverse side of the page.]

ԱՐԵՎԵԼՔԻ ԻՇԽԱՆԻ ԶԵՌՆԱՐԿԱԾ ԳՈՐԾԵՐԸ

Ում հոգիները թուլացած են երկնավոր առաքինությունից, սաստիկ երկյուղի մեջ է ընկած [ներանց] մարմնի բնությունը. ամեն հոգիից շարժվում է և ամեն խոսքից վրդովվում և ամեն բանից դողում. այդպիսի մարդը երազական բաներով է անցկացնում իր կյանքը, իսկ մահվան ժամանակ էլ անդառնալի կորստյան է մատնվում: Ինչպես որ հնում մեկն ասել է՝ չհասկացված մահը մահ է, հասկացված մահը՝ անմահություն: Ով որ շգիտե, թե ինչ է մահը, վախենում է մահից. իսկ ով գիտե մահը, նրանից չի վախենում:

Եվ այս բոլոր շարիքները մարդու միտքն են մտնում անուսումնությունից: Կույրը զրկվում է արեղակի ճառագայթներից, իսկ տգիտությունը զրկվում է կատարյալ կյանքից: Լավ է աչքով կույր [լինել], քան մտքով կույր: Ինչպես որ հոգին մեծ է մարմնից, այնպես էլ մտքի տեսողությունը մեծ է մարմնական տեսողությունից:

Եթե մեկը շատ ճոխացած լինի աշխարհական մեծությամբ, իսկ մտքով ավելի աղքատ լինի, այնպիսին ողորմելի է շատերից. ինչպես որ տեսնում էլ ենք ո՛չ միայն հասարակ մարդկանց մեջ, այլև նրա մեջ, որ ամենից մեծն է: Եթե թագավորը իմաստությունն իրեն ավելի է չափազանց շունչի, չի կարող իր վիճակի մեջ վայելուչ լինել: Իսկ եթե մարմնավոր բաների վերաբերմամբ այսպես է, որքա՞ն ավելի ևս հոգևոր բաների վերաբերմամբ է:

Ամբողջ մարմնի կենդանությունը հոգին է, իսկ մարմինն ու հոգին կառավարողը միտքն է. և ինչպես որ մի մարդու վերաբերմամբ է, այնպես էլ ամբողջ աշխարհի վերաբերմամբ: Թագավորը միայն իրեն համար չէ պատասխանատու, այլ նաև նրանց համար, որոնց կորստյան պատճառ է եղել:

Բայց մենք թեպետև թույլտվություն չունենք բամբասելու իշխաններին, բայց շենք էլ կարող գովաբանել մի մարդու, որ աստծու դեմ է կռվում: Այլ կպատմեմ անցքերն ու դեպքերը, որ նրա ձեռքով անցան սուրբ եկեղեցիների գլխով, և շեմ դանդաղի. գործերի ընթացքը ո՛չ թե

բամբասանք մտքով, այլ ճշմարտությամբ պատմելուց շեմ դադարի։ Ո՛չ կործիրքներով եմ վեր թախի և ո՛չ էլ լուրերից արթնացել, այլ ն՛ս ինքս անձամբ նույն տեղում պատահեցի և տեսա ու լսեցի հանդգնաբար խոսելու ձայնը. ինչպես սաստիկ քամին ալեկոծում է մեծ ծովը, այնպես էր շարժում ու տարուրեքում իր զորքերի ամբողջ բազմությունը։ Եվ բոլոր ուսմունքների հանդիսավոր քննություն էր կատարում, կըշնադատում էր մոգությունն ու քավղեությունը¹⁶ և իր աշխարհի բոլոր ուսմունքները։ Կեղծավորությամբ մեջ էր բերում նաև քրիստոնեությունը և ասում էր զայրացած. «Հարցրե՛ք, քննեցե՛ք, տեսե՛ք. որը լավն է՝ թող այն ընտրենք ու պահենք»։ Եվ ջանք էր գործ դնում, որ իր մտադրությունը շուտով կատարի։

Իսկ զորքի մեջ եղած զանազան կողմերից եկած քրիստոնյաները հասկացան այն կրակը, որ ծածուկ վառվում-բորբոքվում էր և ուզում էր լեռներն ու դաշտերն առհասարակ հրդեհել։ Նրանք էլ կրակ կտրեցին անմարելի հրով և սաստկապես պատրաստվեցին գաղտնի որոգայթների փորձություն դնալ։

Այնուհետև սկսեցին բարձրաձայն, սաղմոսներով ու հոգևոր երգերով և մեծապայծառ վարդապետությամբ [իրենց] պաշտամունքը կատարել մեծ բանակի դեմ հանդիման, և աներկյուղ ու անվախ հոժարությամբ սովորեցնում էին իրենց մոտ եկող մարդկանց։ Եվ Տերն էլ հաջողում էր նրանց [գործը] զանազան հրաշքներով, որովհետև հեթանոսական զորքից շատ հիվանդներ բժշկվում էին։

Իսկ անօրեն իշխանը երբ իմացավ, թե հայտնվեց [իր] խորամանկ մտադրությունը, և պատրաստված հորը՝ դեռ ոչ ոք նրա վրա չփշած՝ նրա վառվելը հայտնի դարձավ աստծու երկյուղածներին, սկսեց ծածուկ նետերով խոցոտել իր շար միտքը և անբուժելի վերքեր էր պատրաստում հոգիների և մարմինների համար։

Մերթ շանթում՝ գալարվում էր ինչպես մի թունավոր օձ, մերթ ձգվում՝ մոնչում էր ինչպես զայրացած առյուծ, ճմլվում ու թապալտկվում էր խարդախ մտադրությամբ և կամենում էր իր կամքը կատարել։ Քանի որ ձևորը ձգել և բռնել չէր կարողանում, — որովհետև ամենքը միատեղ չէին նրա մոտ միևնույն վայրում, — այնուհետև սկսեց առաջ քաշել կրտսերներին ավազների միջից, և անարգներից պատվականների միջից, և տգետներից գիտունների միջից, և վախկոտներից քաջ մարդկանց միջից. և էլ ի՞նչ մեկ-մեկ թվեմ, բոլոր անարժաններին առաջ էր քաշում, իսկ բոլոր արժանավոր մարդկանց հետ էր տանում. մինչև անգամ հորն ու որդուն բաժանում էր միմյանցից։

Քեպետե քոյոր ազգերի վերաբերմամբ էր այս անկարգութիւնն անում, բայց ավելի Հայոց աշխարհի դեմ էր մարտնչում. որովհետև նրանց ավելի շերմեռանդ էր տեսնում աստվածապաշտութիւն մեջ, մանավանդ նրանք, ովքեր Հայոց նախարարների տոհմից էին և միամտութիւնը պահպանում էին առաքյալների և մարգարեների սուրբ քաղցութիւնը: Նրանցից ոմանց խարում էր ոսկով ու արծաթով և շատերին էլ ուրիշ առատ պարգևներով. ոմանց էլ ազարակներ ու մեծամեծ գյուղեր [շնորհելով], ոմանց մեծամեծ պատիվներով ու իշխանութիւններով: Եվ ուրիշ դատարկ հույսեր էլ էր տալիս նրանց: Եվ այսպէս հրապուրում ու հորդորում էր շարունակ. «Եթէ միայն, ասում է, մոգութիւն կրօնը հանձն առնէք և ձեր մուրթութիւնից սրտանց դառնաք մեր երեւելի կրօնի ճշմարտութիւնը, մեծութիւնների և ավագութիւնների կհասցնեմ [ձեզ] իմ սիրելի նախարարներին հավասար, և էլ ավելի կբարձրացնեմ»: Եվ այսպէս կեղծավորութիւնը խոնարհվում էր ամենքի մոտ՝ խոսելով նրանց հետ սիրտ պատրվակով, որպէսզի կարողանա նրանց խորամանկութիւնը որսալ՝ խորհրդատուների առջին խրատի համաձայն: Եվ այս բանն անում էր իր իշխանութիւն շորթորդ տարուց սկսած մինչև տասնմեկերորդ տարին:

Եվ երբ տեսավ, որ ծածուկ հնարագիտութիւնը բանի տեղ շանցավ, այլ դիմացիներն ավելի շատ էին գործում,— որովհետև տեսնում էր, որ քրիստոնեութիւնն օրեցօր աճում-տարածվում էր հեռավոր ճանապարհի այն բոլոր կողմերը, որոնցով ինքն անցնում էր,— սկսեց հալումաշ լինել և հառաչելով հոգոց հանել: Ակամա հայտնեց գաղտնի մտադրութիւնները. բարձրաձայն հրաման տվեց և ասաց. «Իմ իշխանութիւն ներքո գտնված բոլոր ազգերն ու ժողովուրդները թող բոլորը ձեռք բաշեն [իրենց] մուլար կրօններից և գան երկրպագութիւն անեն միմիայն արեգակին, զոհեր մատուցելով և աստված անվանելով [նրան], և սպասավորելով կրակին. բացի այս ամենից՝ մոգութիւն օրենքներն էլ կատարեն, առանց որևէ բան պակաս թողնելու»:

Այս ասելով՝ բարձրաձայն հրապարակում էր [հրամանը] մեծ բանակի մեջ և խիստ պատվեր էր տալիս ամենքին. և շտապով սուրհանդակներ էր ուղարկում բոլոր հեռավոր ազգերի մոտ, այդ նույն հրամանը հասցնում էր բոլորին:

Արդ, իր թագավորութիւն տասներկուերորդ տարվա սկզբին անթիվ քանակութիւնը զորք ժողովեց և հարձակվելով հասավ Իտաղական երկիրը¹⁷:

Այս տեսնելով Քուշանների թագավորը՝ չկարողացավ պատերազ-

մի դուրս գալ նրա դեմ, այլ փախուստ տալով ամուր անապատի կողմերը՝ թաքնվելով ազատվեց իր ամբողջ զորքի հետ: Իսկ սա ասպատակ սփռեց գավառների, տեղերի, վայրերի վրա. առավ բազմաթիվ բերդեր ու քաղաքներ, հավաքեց զերիներ, կողոպուտ ու ավար և տարավ հասցրեց իր իշխանութիան [տակ գտնված] երկիրը: Եվ ահա այնուհետև նույն դատարկ մտադրության հետևից ընկած՝ հաստատվեց իր մուլար կարծիքի վրա, ասելով իր ամբարիշտ պաշտոնյաներին. «Ի՞նչ տանք մենք աստվածներին այս մեծ հաղթության փոխարեն, որ ոչ ոք չկարողացավ մեր դեմ պատերազմի դուրս գալ»:

Այն ժամանակ բոլոր մոզերն ու բավղեանները միաբերան իրենց ձայնը բարձրացրին և ասացին. «Աստվածները, որ քեզ տվին տերութուն և հաղթություն քո թշնամիների դեմ, ամենևին կարիք չունեն քեզնից խնդրելու այս տեսանելի պատվական բաներից, միայն թե մարդկանց բոլոր մուլար ուսմունքները վերացնես և [բոլորին] զբաղատական կրոնին դարձնես»:

Այս խոսքին հավանեցին թագավորն ու բոլոր մեծամեծները, մանավանդ նրանք, ովքեր կրոնի առաջնորդներն էին: Խորհուրդ արին, և այդ խրատը հաղթող հանդիսացավ:

Այնտեղ՝ Պահ դուան ներսում, արգելեց Հայերի, Վրացիների և Աղվանների և այն բոլորի բազմաթիվ հեծելազորը, ովքեր հավատում էին Քրիստոսի սուրբ Ավետարանին: Եվ դոնապաններին խիստ հրաման տվին, որ դեպի Արևելք մեզ մոտ եկողներին ներս թողնեն, իսկ արևելքից արևմուտք փակ լինի ճանապարհը:

Եվ երբ արգելեց ու փակեց նրանց ամուր և անել վանդակի մեջ, — և իրավացի ասացի ամուր և անել, որովհետև այնտեղ փախչելու և թաքնվելու տեղ չկա, քանի որ շորս կողմը թշնամիներ են բնակվում, — այն ժամանակ զործ ձեռնարկեց նրանց վերաբերմամբ և նրանցից շատերին թուլացրեց մեծ շարշարաններով ու պես-պես տանջանքներով, և ստիպում էր ուրանալ ճշմարիտ աստծուն և հավատալ տեսանելի տարրերին: Իսկ զորականներն առհասարակ գեղեցիկ խորհրդով, արիասիրտ զորութամբ միաբան ազադակում էին և ասում. «Վկա են մեզ երկիրն ու երկիրը, որ երբեք չենք ծուլացել արքունի ծառայության մեջ և ոչ էլ վախկոտություն ենք խառնել [մեր] արիության ու քաջության հետ. զուր և անողորմ են մեզ վրա [տեղացող] այս հարվածները»:

Եվ այնքան շատացավ նրանց գոռում-գոշումի ձայնը, մինչև որ ինքը թագավորն իր աչքով տեսավ կատարվող անցքերը և տեղնուտեղը

խկույն երգումով հաստատեց ու ասաց. «Ձեզ չեմ դիշանի, մինչև չկատարեք իմ ամբողջ կամքն ու հրամանները»:

Եվ ահա շարասեր սպասավորները իրավունք ստացան, որ բուն ավազներից շոքա զորականի մեջտեղ բերին և սկսեց տանջել: Նախ և առաջ նրանց դատաստանը տեսան խիստ ծեծելով և նույն կապանքներով տարան բանտը գցեցին: Իսկ մյուսներին [թագավորը] առժամանակ խարեությամբ ներեց և ամբողջ մեղքը գցեց բանտարկվածների վրա. և այս կատարում էր սատանայական խրատի համաձայն:

Իսկ տասներկու օրից հետո հրաման ավելց առատ և սովորական օրերից ավելի ճոխ ընթրիք պատրաստել և հրավիրեց քրիստոնյա զինվորականներից շատերին: Եվ սեղանի պատրաստության ժամին՝ յուրաքանչյուրին իր նստելու տեղն էր շնորհում սեղանի շուրջը և խոսում էր նրանց հետ սիրով ու խոնարհությամբ՝ առաջվա կարգի համաձայն, որպեսզի գուցե համաձայնեն զոհած միս ուտել, որ երբեք օրենք չէր ուտել քրիստոնյաներին: Երբ ոչ մեկն էլ հանձն չառավ [ուտել], շատ էլ շատիպեց, այլ հրամայեց մատուցել նրանց սովորական կերակուր և առավելապես գինով էր ճոխացնում սեղանի ուրախությունը:

Եվ երբ այնտեղից դուրս եկան արքունի սրահը, նրանցից ոմանց ձեռքակալեցին՝ ձեռները հեռաները կապելով և խոնջանները կնքելով¹⁸, և զգուշությամբ պահում էին որի՛ն երկու և որի՛ն էլ երեք օր: Շատ ուրիշ անարժան շարչարանքներ էլ էին տալիս, որ մինչև անգամ զրի առնել արժանի չենք համարում: Եվ նրանցից ոմանց էլ ազնվական պատվից զրկելով՝ քաշեցին և հեռացրին:

Եվ դարձյալ նրանցից խումբ-խումբ ուղարկում էին հեռավոր երկիր՝ անընակ վայրերի ամբոցները՝ թագավորի թշնամիների զեմ պատերազմ մղելու համար. շատերը հենց այնտեղ էլ իրենց մահը գտան սրով: Եվ բոլորին նշանակված թողակները պակասեցնում էին և քաղցով ու ծարավով տանջում նրանց. ձմեռելու համար զմեղակ տեղեր էին նշանակում նրանց և բոլորի աչքում անարգ ու վատթար նրա՛նց էին ցույց տալիս:

Իսկ նրանք Քրիստոսի սիրո համար մեծ ուրախությամբ էին հանձն առնում բոլոր շարչարանքները այն մեծ հույսի ակնկալությամբ, որ առաջուց պատրաստված է պատվիրանապահ համբերողների համար: Որքան շարությունը ավելացնում էր անարգանքը, այնքան նրանք ավելի ևս զորանում էին Քրիստոսի սիրո մեջ. մանավանդ որ նրանցից շատերը սուրբ գիրքը սովորել էին մանկությունից, մխիթարում էին իրենց և քաջալերում ընկերներին, և որպես լույսի աշտարակ կատարում ու ավելացնում էին [քրիստոնեական] պաշտամունքը:

Այս պատճառով էլ հեթանոսներից շատերը, որոնց ախորժելի ու
ցանկալի էին թվում [նրանց երգերի] ձայները, քաջալերում էին նրանց
և մխիթարության խոսքեր ասում, թե լավ է մարդ մահու շափ շար-
շարանք կրի, քան այդպիսի կրոնն ուրանա:

Սակայն թեպետև նրանք Քրիստոսի սիրո պատճառով խիստ ուրախ
և զվարթ էին ներքուստ, բայց [նրանց] արտաքին տեսքը շատ ողոր-
մելի էր օտարության մեջ: Այնպիսի պատվական զինվորությունը հասել
էր շարաշուք և անարգ վիճակի, և հայրենի ազատությունը շարաշար
կերպով գտնվում էր մարդախոշոշ բռնավորի ծառայության մեջ, որը
արյունահեղությամբ հեթանոսների օրհնքներից էլ գերազանցում էր և
ամենևին չէր կարծում, թե այս ամենի համար կարող է երկնքում մի
վրեժխնդիր լինել:

Այլև ոչ ոքի երկրավոր ծառայությունները չէր հիշում. և որ ամեն
բանից մեծ է մարմնավոր կարգով, այնտեղ կային նախարարներից
ոմանք, որոնք նրա եղբայրներին մեծացրել էին իրենց մայրենի կա-
թով, ամենից ավելի նրա՛նց էր տանջում:

Բացի այս ամենից՝ մի այլ շարություն էլ նյութեց: Իր հավատարիմ
ծառաններից մեկին, որի անունը Գենշապուհ էր, գործով ուղարկեց
Հայոց երկիրը. սա եկավ տեղ հասավ արքունի հրամանով, բերեց մեծ
թագավորի ողջույնը և խաղաղասեր կեղծավորությամբ ամբողջ Հայոց
երկիրը աշխարհագիր արեց՝ իրր թե հարկերը ներելու և այրուձիու ծան-
րությունը թեթևացնելու նպատակով: Թեպետև երեսանց կեղծավորու-
թյուն էր անում, բայց ներքուստ երևում էին շարագույն զիտավորու-
թյունները:

Առաջին, եկեղեցու ազատությունը ծառայության տակ գրեց:

Երկրորդ, վանքերում բնակված միայնակյաց քրիստոնյաներին
նույն աշխարհագրի տակ գցեց:

Երրորդ, երկրի հարկն ավելի ծանրացրեց:

Չորրորդ, նախարարներին բանսարկությունամբ թշնամացրեց մի-
մյանց հետ և ամեն տան մեջ խռովություն գցեց:

Եվ այս ամենն անում էր, որպեսզի գուցե քանդի միաբանությունը,
և եկեղեցու ուխտը ցրվե, և միայնակյացներին փախցնի, և շինական-
ներին տկարացնի. և շափազանց աղքատության պատճառով ակամա
ընդունեն մոզական կրոնը:

Բայց ամենից վատթարը հինգերորդն էր. որովհետև նա, որ երկրի
հազարապետն էր, համարվում էր քրիստոնյա աշխարհականների վե-
րակացու հայրը. սրա դեմ զրգռելով ամբաստանություն հարուցեց, և
նրան գործից հանելով՝ նրա փոխարեն մի պարսիկ բերեց [մեր] աշ-

խարհը, և մի մոզպետի էլ աշխարհիկ դատավոր [կարգեց], որպեսզի եկեղեցու փառքը նսեմացնեն:

Սակայն թեպետև այս բոլոր գործերը դժնդակ էին, բայց դեռ ոչ որ հայտնի կերպով ձեռք չէր տվել եկեղեցուն. այդ պատճառով էլ ոչ որ նրան շքեղ դիմացավ, թեև հարկերը ծանր էին: Որովհետև որտեղից պետք էր հարյուր դահեկան առնել, կրկնապատիկն էին առնում. այսպես էլ [հարկի տակ] դրին եպիսկոպոսներին և երեցներին, ո՛չ միայն շեն, այլև ավերակ տեղերը: Մանավանդ ո՞վ կարող է պատմել, թե ինչպիսի ծանր տուրքեր ու սակեր, բաժեր ու հասեր¹⁹ էին նշանակված լեռների, դաշտերի և անտառների վրա: Առնում էին ո՛չ թե ինչպես վայել է պետական արժանապատվությունը, այլ ավազակաբար հափըշտակելով, այն աստիճան, որ իրենք էլ մեծապես զարմանում էին՝ թե մի տեղից որ այսքան գանձ է դուրս գալիս, էլ ինչպե՞ս է շեն մնում այդ աշխարհը:

Եվ երբ տեսան, որ այն ամենով չկարողացան զգվեցնել, այն ժամանակ հայտնապես հրաման տվին մոզերին և մոզպետներին մի նամակ գրել՝ իրենց ձախուժուռ հավատի համաձայն: Եվ նամակի պատճենն այս է.

«ՄԻՉՐՆԵՐՍԵՆՉ ՎՁՈՒՐԿՉ²⁰ հրամանատար Երան և Անեբան, Հայոց Մեծաց շատ ողջույն»:

«Իմացած եղեք, որ ամեն մարդ, ով բնակվում է երկնքի տակ և շունի գենիմազգեզն²¹ կրոնը, խուլ է և կույր և Հարամանիի²² զևերից խարված:

«Որովհետև քանի դեռ չկային երկինքն ու երկիրը, մեծ աստված Զրվանը հազար տարի զո՞ էր անում և ասում էր. «Թերևս ինձ մի որդի լինի Որմիզդ անունով, որ ստեղծի երկինքն ու երկիրը»: Եվ հղացավ երկու հոգի [իր] որովայնում. մեկը՝ զո՞ մատուցանելու և մյուսն էլ՝ թերևս, ասելու համար: Երբ իմացավ, որ որովայնի մեջ երկուսն են, ասաց. «Որը շուա դուրս գա, նրան կտամ թագավորություն»:

«Բայց նա, որ թերահավատությունից էր հղացած, պատռեց որովայնը և դուրս եկավ: Ասում է նրան Զրվանը. «Ո՞վ ես դու»: Ասում է՝ «Քո որդին եմ՝ Որմիզդը»: Զրվանն ասում է նրան. «Իմ որդին լուսավոր է և անուշահոտ, դու խավարային ես և շարասեր»: Եվ երբ խիստ դառնապես լաց եղավ, թագավորությունը նրան տվեց հազար տարով:

«Երբ ծնավ մյուս որդին ևս, անունը Որմիզդ գրեց. թագավորությունը խլեց Արճմնից և տվեց Որմիզդին, և ասաց նրան. «Մինչև այժմ ե՛ս քեզ զո՞ արի, այժմ դո՛ւ ինձ արա»: Եվ Որմիզդն ստեղծեց երկինքն ու երկիրը, իսկ Արճմնը [նրա] դեմ շար գործեց:

«Եվ արարածներն այսպես են բաժանվում. հրեշտակները Որմզդինն են, իսկ դևերը՝ Արհմնինը, և այն բոլոր բարիքները, որոնք երկնքից գալիս են երկիր, Որմզդինն են, իսկ այն բոլոր վնասները, որ գործվում են այնտեղից այստեղ, Արհմնի արածներն են: Նմանապես երկրիս վրա ինչ որ բարի է, այն Որմզդինն է ստեղծել, իսկ ինչ որ բարի չէ, այն Արհմնն է ստեղծել, ինչպես որ մարդուն Որմզդինն է ստեղծել, իսկ ախտերը, հիվանդություններն ու մահը Արհմնն է ստեղծել: Եվ բոլոր թըշվառություններն ու փորձանքները, որ լինում են, և դառն պատերազմները շարի արարածներն են. իսկ հաջողություններն ու իշխանությունը և փառքն ու պատիվները, և մարմնի առողջությունը, դեմքի գեղեցկությունը և ճարտարախոսությունն ու երկարակեցությունը, — սրանք բարիից են [իրենց] գոյությունն առնում. իսկ այն ամենը, որ այդպես չէ, նրա մեջ շարի գործ է խառնված:

«Եվ մոլորված են այն բոլոր մարդիկ, որ ասում են, թե «Մահն աստված է ստեղծել, և շարն ու բարին նրանից են լինում»: Մանավանդ, ինչպես քրիստոնյաներն են ասում, թե «Աստված նախանձոտ է. ծառից մի թուզ ուտելու համար աստված մահ ստեղծեց և մարդուն այդ պատժին ենթարկեց*»: Այդպիսի նախանձ մարդն էլ շունի մարդու նկատմամբ, ո՛ր մնաց թե աստված [ունենա] մարդկանց նկատմամբ. որովհետև ով ասում է այս բանը, նա խուլ է և կույր, և Հարամանիի գեներից խարված:

«Մի ուրիշ մոլորություն էլ. ասում են՝ «Աստված, որ ստեղծեց երկինքն ու երկիրը, եկավ և ծնվեց մի կնոջից, որի անունն էր Մարիամ և նրա մարդու [անունը] Հովսեփ**»: իսկ ճշմարտությունն այն է, որ նա Բանթուրակ անունով մեկի որդին է եղել, անկարգ խառնակությունից [ծնված]²³: Եվ այդպիսի մարդու հետևից են մոլորված շատերը:

«Եթե Հոռոմների աշխարհը մեծ հիմարության պատճառով տգիտաբար մոլորվել է և զրկվել մեր կատարյալ հավատից, իրենց անձերին են պատճառում իրենց վնասը. էլ դուք ինչո՞ւ եք նրանց մոլորության հետևից գնալով խելացնորվում: Այլ ինչ կրոն որ ձեր տերն ունի, դուք էլ նույնն ունեցեք. մանավանդ որ աստծու առաջ էլ ձեզ համար հաշիվ պետք է տանք:

«Մի՛ հավատար ձեր առաջնորդներին, որոնց նաժրացի²⁴ եք վանում, որովհետև սաստիկ խաբեբաներ են. ինչ որ խոսքերով ուսուցանում են, գործով հանձն չեն առնում: Ասում են՝ «Միս ուտելը մեղք

* Հմմտ. Ել. ի 5, բ օրենք և 6, ելք Լզ 14 և այլն. տե՛ս նաև Մեհգ. բ16—17 և գ 19:

** Հմմտ. Գաղատ. գ 4:

չէ», և իրենք չեն ուզում ուտել: «Կին առնել պետք է», բայց իրենք նրա վրա նայել էլ չեն ուզում: «Հարստութիւն ժողովելը, ասում են, շատ մեղք է», բայց աղքատութիւնը չափից ավելի են գովում: Հարգում են թշվառութիւնը և պարսավում հաջողութիւնը: ծաղրում են բախտի անու- նը և խիստ պախարակում են փառավորութիւնը: սիրում են անշուք հա- գուստը և անարգ բաներն ավելի են հարգում, քան պատվականները: մահը գովարանում են և կյանքը պարսավում: մարդու ծնունդն անար- գում են և գովում են անզավակութիւնը: Եվ եթէ մարդ դրանց լսի և կանանց շմերձենա, շուտով կհասնի աշխարհի վերջը:

«Սակայն ես չկամեցա ամեն բան մանրամասն գրել ձեզ, որով- չհետե ուրիշ շատ բաներ էլ կան, որ խոսում են դրանք: Այս բոլոր դրածոներիցս ավելի վատթարագոյնն այն է, որ քարոզում են, թէ աստ- ված մարդկանց ձեռքով խաչ բարձրացվեց, նույնը մեռավ և թաղվեց, և ապա հարութիւն առավ ու երկինք վերացավ: Զէ՞ որ դուք ինքներդ պետք է դատաստան անեիք այդպիսի անարժան ուսմունքների համար: Դեհրը որ շար են, չեն բռնվում ու տանջվում մարդկանց կողմից, ո՛րք մնաց աստված, բոլոր արարածների արարիչը: այսպիսի բաներ ասելը ձեզ համար ամոթ է, իսկ մեզ համար՝ խիստ անհավատալի:

«Արդ, երկու բան կա ձեր առաջ. կա՛մ կետ առ կետ պատասխան տվեք այս նամակին և կա՛մ վեր կացեք Դուռն եկեք և ներկայացեք Մեծ ատյանին»:

**ԱՅՆ ԵՊԻՍԿՈՊՈՍՆԵՐԻ ԱՆՈՒՆՆԵՐԸ, ՈՐՈՒՔ
ԺՈՂՈՎՎԵՅԻՆ ԱՅՐԱՐԱՏՅԱՆ ԳԱՎԱՌՈՒՄ ԵՎ ՆԱՄԱԿԻՆ
ՊԱՏԱՍԽԱՆ ՏՎԻՆ**

ՀՈՎՍԵՓ՝ Այրարատի եպիսկոպոս.

ՍԱՀԱԿ՝ Տարոնի եպիսկոպոս.

ՄԵՂԵՏ՝ Մանազկերտի եպիսկոպոս.

ԵԶՆԻԿ՝ Բագրևանդի եպիսկոպոս.

ՍՈՒՐՄԱԿ՝ Բզնունյաց եպիսկոպոս.

ՏԱՃԱՏ՝ Տայոց եպիսկոպոս.

ԹԱԹԻԿ՝ Բասենի եպիսկոպոս.

ՔԱՍՈՒ՝ Տուրուբերանի եպիսկոպոս.

ԵՐԵՄԻԱ՝ Մարդաստանի եպիսկոպոս.

ԵՎՂԱՂ՝ Մարդաղվո եպիսկոպոս.

ԱՆԱՆԻԱ՝ Սյունյաց եպիսկոպոս.

ՄՈՒՇԵ՝ Արձրունյաց եպիսկոպոս.

ՍԱՀԱԿ՝ Իշտունյաց եպիսկոպոս.

ԲԱՍԻԸ՝ Մոկաց եպիսկոպոս.

ԳԱԳ՝ Վանանդի եպիսկոպոս.

ԵՂԻՇԱ՝ Ամատունյաց եպիսկոպոս.

ԵՂԲԱՅԲ՝ Անձազացյաց եպիսկոպոս.

ԵՐԵՄԻԱ՝ Ապահունյաց եպիսկոպոս:

Այս բոլոր եպիսկոպոսները և բազմաթիվ քորեպիսկոպոսներ²⁵ և պատվական երեցներ զանազան տեղերից եկեղեցու սուրբ ուխտի հետ միասին՝ միաբան և միահավան, միահամուռ ժողովվելով թագավորանիստ վայր Արտաշատում՝ մեծամեծ նախարարների և աշխարհի ամբողջ բազմության հավանությանը դրեցին նամակի պատասխանը:

«ՀՈՎՍԵՓ ԵՊԻՍԿՈՊՈՍ, ինձ հետ միաբանածների հետ միասին մեծամեծներից մինչև փոքերը, Արիների և Անարիների Միհրենեռեն մեծ հազարապետին շատ ու շատ ողջույն խաղաղասե մտնով, Բեզ և Արցաց ամբողջ զորաբանակին:

«Նախնիներից սովորություն ունենք՝ աստվածատուր պատվիրանի համաձայն՝ աղոթք անել թագավորի կյանքի համար և անզայգար խընդրել աստծուց նրա համար երկար կյանք, որպեսզի խաղաղությանը վարի այն տիեզերական իշխանությունը, որ աստված է հանձնել զրան. որպեսզի զրա երկարատև խաղաղ կառավարության ժամանակ մենք էլ առողջությանը և աստվածապաշտությանը անցկացնենք մեր կյանքը:

«Մեր աշխարհն ուղարկած քո նամակի վերաբերմամբ [պատասխանում ենք], առաջ ժամանակները մոզպետներից մեկը, որ ձեր հավատի մեջ ամենից կատարյալն էր, և զուք նրան մարդկային բնությունից վեր մի բան էիք համարում, հավատաց երկնքի ու երկրի արարիչ կենդանի աստծուն, և կես առ կես հերքեց ու հասկացրեց ձեզ ձեր կրոնը: Եվ երբ շկարողացան խոսքով նրա դեմն առնել, քարկոծելով մեռավ Որմիզդ արքայից²⁶: Եվ եթե ճիշտ կհամարես լսել մեր ասածը, այդտեղ ձեր աշխարհի շատ վայրերում կա նրա գիրքը, կարդա և այնտեղից կտեղեկանաս:

«Ընչ վերաբերում է մեր կրոնին, ամեննին աներևույթ չէ այն և ոչ էլ աշխարհի որևէ մի անկյունում է քարոզվում, այլ համատարած ամբողջ աշխարհում, ծովի և ցամաքի ու կղզիների վրա, ո՛չ միայն արևմուտքում, այլև արևելքում, այլև հյուսիսում ու հարավում և մեջերքում լի է հոծությանը: Ո՛չ թե մարդու է ապաստանած, որ վերակացուի միջոցով տարածվի աշխարհում. այլ իր հաստատությունն իր մեջ ունի: Ո՛չ թե ուրիշ վատթարների մոտ է վեհ երևում, այլ վերևից՝ երկնքից ունի [իր] անսուտ օրենսդրությունը, ո՛չ միջնորդի ձեռքով, որովհետև

մեկ է աստված և բացի նրանից ուրիշը չկա, ո՛չ ավելի մեծ և ո՛չ էլ ավելի փոքր:

«Ո՛չ թե որևէ մեկից է աստված սկիզբ առել, այլ ինքնբնութան մշտնջենավոր է. ո՛չ թե մի որևէ տեղ է, այլ ինքը տեղ է իրեն համար. և ո՛չ թե գտնվում է որևէ ժամանակի մեջ, այլ ժամանակները նրանից են գոյացել. և ո՛չ միայն ավելի հին է, քան երկինքը, այլև քան կարող են մտածել ու կարծել մարդիկ ու հրեշտակները: Տարբողեն կերպարանք չի ընդունում և աշքի տեսողության չի ենթարկվում. և ո՛չ միայն ձեռքով չի կարելի զննել, այլև ոչ ոքի մտքի տակ անգամ չի ընկնում, ո՛չ միայն մարմնավորներիս, այլև անմարմին հրեշտակներին. բայց եթե ինքը կամենում է, ճանաչվում է իր արժանավորներիս [հավատացյալներին] մտքով, բայց աչքերին չի երևում, և այն էլ՝ ո՛չ թե երկրավորներիս մտքով [է ճանաչվում], այլ նրանց, ովքեր ճշմարտությամբ հավատացել են աստծուն:

«Եվ նրա անունն է երկնքի ու երկրի արարիչ. իսկ երկնքից ու երկրից առաջ, որպես ինքնագո՛ ինքնանուն է: Ինքն անժամանակ է, իսկ արարածներիս երբ կամեցավ՝ լինելու սկիզբ դրեց ո՛չ թե ընչից, այլ ոչնչից. որովհետև ինչը միայն նա է, և մնացած ամեն քան նրանից ընչացավ: Ո՛չ թե իրբ հետո իմացավ և ստեղծեց, այլ դեռևս շտեղծած՝ իր կանխագիտությամբ տեսնում էր արարածներին. ինչպես և այժմ նախքան մարդու բարի կամ շար բան գործելը՝ աստծուն հայտնի են մարդկանց գործերը: Այսպես էլ այն ժամանակ, երբ դեռ չէր ստեղծել, ո՛չ թե խառնխուռն էր ճանաչում դեռ շտեղծվածներին, այլ յուրաքանչյուր մասերի տեսակները նրա առաջ կային կարգավորված և հարմարեցված. իսկ մարդկանց և հրեշտակների [վերաբերմամբ]՝ թե՛ տեսակները և թե՛ այն ամենը, ինչ որ լինելու էին տեսակի մեջ:

«Եվ որովհետև ստեղծող զորութունն է, մեր շարութունը չէր կարող արգելք լինել նրա բարեբարությանը. ինչպես որ հենց եղավ էլ, և դատավոր ունենք արարիչ աջը: Այն ձեռքը, որ երկինքն ու երկիրը հաստատեց, նույնը և քարեղեն տախտակների վրա փորագրեց և դպրութուն տվեց մեզ, որը պարունակում է խաղաղական և փրկարար օրենքներ, որպեսզի ճանաչենք երևելի և աներևույթ [արարածների] արարիչ մի աստծուն. ո՛չ այլ և այլ, իրբ թե մեկը բարի և մյուսը՝ շար, այլ միևնույնը համակ բարի:

«Բայց եթե քեզ թվա, թե աստծու ստեղծածների մեջ շար բան կա, ասա՛՛ համարձակ, որպեսզի թերևս ճշմարիտ բարին սովորես: Ասացիր, թե դեբը շար են. կան և բարի դեբ, որոնց թե՛ դուք և թե՛ մենք հրեշտակ ենք անվանում. եթե կամենան դեբն էլ բարի կլինեն, և եթե կա-

մենան՝ հրեշտակներն էլ շար կլինեն: Այս բանը մարդկանց մեջ էլ է լինում, և ավելի միևնույն հոր որդիների մեջ. կա, որ հնազանդ ու հպատակ է հորը, և կա՛, որ սատանայից էլ ավելի վատ է: Նույնիսկ ինքը մարդն էլ առանձին՝ երկուսի բաժանված է երևում, երբեմն շար և երբեմն բարի. նա, որ բարի էր, նույնը շարացավ, պատահեց, որ կրկին դեպի բարին շրջվեց, բայց բնությունը մեկ է:

«Իսկ այն, որ ասում ես, թե մեկ թուզի համար աստված մահ ստեղծեց, մի կտոր մագաղաթը ավելի աննշան բան է, քան թուզը, բայց եթե թագավորի խոսքը գրվում է նրա վրա, ով այն պատում է, մահվան պատիժ է ստանում: Արդ, կարելի՞ է շար ասել թագավորի մասին. ամենևին՛, ես չեմ ասում, այլ որպես խրատ գործածելով՝ ուրիշներին սովորեցնում եմ: Աստված այն ժամանակ նախանձոտ կլինե՞ր, եթե պատվիրած շլիներ այն ծառից շուտել. իսկ եթե առաջուց զգուշացրեց, իր բնական սերն ու գուժը ցույց տվեց նրա վերաբերմամբ: Իսկ մարդն արհամարհելով [այն]՝ մահվան պատիժ ընդունեց:

«Բայց այն, որ ասացիր, թե աստված կնոջից ծնվեց, դրանից քեզ վայել չէր խորշել և փախչել. որովհետև ահավասիկ Արհմը և Որմիզը հորից են ծնվել և ոչ թե մորից, որի մասին եթե լավ մտածես, դու էլ չես ընդունի: Եվ մի այլ դրանից էլ ավելի ծաղրելի բան, Միհր աստվածը կնոջից է ծնվում, եթե [նրեկի է, որ] մեկն իր ծնողի հետ պառկի:

«Բայց եթե մի քիչ քեզնից հեռացնեիր իշխանական գոռոզությունդ, և գայիր ընկերաբար պայքարելու, գիտեմ, որ ինչպես ուրիշ ամեն բանով շատ իմաստուն ես, մեր տիրոջ սուրբ կույսից ծնվելն էլ ավելորդարանություն չէիր համարի, այլ աշխարհս ոչնչից ստեղծելուց ավելի մեծագույնը կհամարեիր վերջին փրկությունը, հանցավորությունը կվերագրեիր մարդու ազատությանը, իսկ ծառայությունից ազատվելը՝ աստծու բարեբարությունը:

«Որովհետև երբ լսում ես, թե աստված այս ամբողջ աշխարհը ոչնչից ստեղծեց, այնպես պետք է հասկանաս, որ արարածները նրա խոսքով ծնվեցին: Իսկ աստված, որ այս մեծ մարմինն առանց շարշարանքի ծնեց, իհարկե, իրեն հայր գուժ ունի սրա վրա: Որովհետև քանի որ ինքն անապական է, արարածներին էլ առանց ապականության ծնեց. իսկ սա իր կամքով գլորվելով ապականվեց, և ինքն իրեն այլևս չէր կարող ոտքերի վրա հաստատուն կանգնել: Որովհետև հողից էր [ստեղծված], ինքն իրեն վնասելով՝ նորից նույն բնությանը դարձավ, և քանի որ ո՛չ թե ուրիշ որևէ շար գորությունից ընդունեց պատիժն ու պատուհասը, այլ իր անհոգությունից, որ չսեց բարեբար պատվիրանը,

[ներա] ծառայական մասը պատժվեց մահով, որ կրեց իր անձի մեջ:

«Արդ՝ եթե մահը շար աստվածն ստեղծեց, մեջտեղը մահվան ի՞նչ գոյացութուն է երևում. ոչինչ:— Բայց բարի աստու արարածներին փշացրեց:— Եթե այդ աշխարհն է՝ նրան չի կարելի բարի էլ ասել, այլ կիսագործ ապականացու: Եվ ո՞ր աստու արարածները ապականվող են և փշացող, նրան չի կարելի անեղծ աստված ասել. թողե՛ք, ուրեմն, այդ հիմար բարբաջանքները:

«Մի աշխարհը երկու իշխող չի ունենա, ո՛չ էլ մի արարածը՝ երկու աստված: Եթե մի աշխարհին հանդգնեն իշխել երկու թագավորներ, աշխարհը կփշանա և թագավորութունները կոշնչանան:

«Այս աշխարհը նյութեղեն է, և նյութերը ջոկ-ջոկ են և միմյանց հակառակ: Այս հակառակորդների արարիչը մեկ է, որ համաձայնեցնելով սրանք՝ սիրել է տալիս միմյանց. ինչպես որ [ստեղծողը] կրակի ջերմութունը ճգմելով՝ մեղմացնում է օդի հովությամբ, և օդի կարծր բրտութունը՝ կրակի ուժով, այնպես էլ մանրամաղ փոշիացած հողը զանգում է ջրի խոնավությամբ, իսկ ջրի վայր թափվող բնութունը սալահատակի նման ամրացնում է հողի խառնուրդով:

«Որովհետև եթե այս տարրերը միաբանվեին, գուցե կարճամիտներից մեկը անապական աստված էլ կարծեր սրանց, և արարչին թողնելով՝ այս արարածներին երկրպագութուն մատուցաներ. այդ պատճառով էլ՝ ով որ սրան ստեղծեց, առաջուց զգուշացավ, որպեսզի մարդիկ տեսնելով այս ապականացու տարրերի ակներևութունը, միմիայն սրա կառավարողին ճանաչեն անապական, մեկին և ո՛չ երկուսին, նույն արարչին այս շորս տեսակ նյութերի, որոնցից առաջանում են բոլոր բաները իրենց ստեղծողի հրամանով:

Եվ շրջափոխվելով՝ շորս եղանակով կատարում են իրենց կարևոր սպասավորութունը. և շորսն էլ նայում են իրենց ստեղծողի կամքին ու ակնարկությանը, և առանց դիտակցելու լծված են անհրաժեշտ գործը կատարելու՝ պատվի կարգը չհամփշտակելով միմյանցից:

«Ահա պարզորեն ասված ամեն մարդու համար դյուրըմբռնելի բացատրութունը:

Որովհետև կրակը գոյացությամբ և դորությամբ խառնված է երեք մասերի մեջ էլ. այնպես որ ջերմութունն ավելի շատ գտնվում է քարերի ու երկաթների մեջ, և ավելի քիչ՝ օդի և ջրի մեջ, բայց ինքն առանձին ոչ մի տեղ չի երևում: Իսկ ջրի բնութունն այնպես է, որ առանձին էլ կա, երեք մասերի հետ խառն էլ կա, ավելի շատ՝ հողաբույսերի մեջ և ավելի քիչ՝ օդի և կրակի մեջ: Իսկ օդը թափանցած

դանվում է կրակի և ջրի մեջ և ջրի միջոցով էլ՝ բուսական կերակուր-
ների մեջ:

«Եվ այսպես այս տարրերը խառնված են և դարձել են ինչպես մի
մարմին, և շեն կորցրել յուրաքանչյուրն իր բնությունը, և երբեք էլ
կանգ չեն առել հակառակությամբ, հնազանդ մնալով այն անխառն իշ-
խանին»²⁷, որ խառնվածները հարմարեցնում է իրար հետ՝ բոլոր կեն-
դանինների բնակության և ամբողջ աշխարհիս հարակա տեղության
համար:

«Իսկ եթե այս անբանական աշխարհի համար այսպես հոգ է տանում
աստված, ինչքան ավելի կհոգա բանական աշխարհի՝ մարդու համար:

«Այս բանն ասաց նաև ձեր երեւելի իմաստուններից մեկը, թե
Միհր աստվածը մարդկային մոր ծնած էր, և աստվածազավակ թագա-
վոր է և քաջ համհարզ յոթերորդ աստվածների: Եթե կարելի է հավա-
տալ այդ առասպելաբանությանը, — որ դուք նույնիսկ գործերով կա-
տարյալ եք ցույց տալիս ձեր հավատի մեջ, — մենք այլևս առասպել-
ներից չենք հավատում, այլ աշակերտ ենք մեծ Մովսես մարգարեի,
որի հետ աստված խոսեց մորենու մեջ Սինայում, և դեմառդեմ օրենք-
ներ գրեց և տվեց նրան. և հասկացրեց այս նյութեղեն աշխարհի արա-
բածական լինելը, և իր աննյութ էությունը, որ այս նյութերի ստեղծողն
է ոչնչից. և հասկացրեց նրան, որ այս երկիրը երկրավորներով և եր-
կինքը երկնավորներով նրա ձեռքի գործն են: Երկնքի բնակիչները հրեշ-
տակներն են, իսկ երկրի բնակիչները՝ մարդիկ. բանական են միայն
մարդն ու հրեշտակը, իսկ աստված բարձր է երկնքից և երկրից:

«Եվ բոլոր արարածներն անբանորեն կատարում են նրա պատվի-
բաններն ու հրամանները և երբեք չեն անցնում իրենց համար դրված
սահմանից. բայց մարդն ու հրեշտակը ազատ են թողնված իրենց կամ-
քին, որովհետև բանական են. եթե նրա հրամանին՝ հնազանդ մնան,
անմահ են և աստծու որդիներ: Բոլոր արարածներին տվել է ծառայու-
թյան համար — երկիրս՝ մարդկանց, իսկ երկինքը՝ հրեշտակներին.
Իսկ եթե ականջ չդնեն և պատվիրանը չպահեն, աստծուն ընդդեմ գոր-
ծեն, ամեն պատվից [կընկնեն] և կանարգվեն, որպեսզի [նրա] իշ-
խանությունն անբամբաս երևա, իսկ հանցանք կատարողներն ամո-
թալից լինեն:

«Իսկ եթե դու մոլորվել ես տգիտության մեջ, ես, որ հաստատ
գիտեմ, չեմ կարող քո մոլորության հետեից գալ: Եթե հետևեմ քո
անուսումնությանդ, երկուսս էլ անդառնալի կորստի կմատնվենք, գուցե՝
ես քեզանից ավելի վատթար, որովհետև ինձ վկա ունեմ աստծու ինք-

²⁷ Ղուկ. ԺԲ 47—48:

նասաց ձայնը. «Այն ծառան,— ասում է,— որը շղիտե իր տիրոջ կամ-
քը և ծեծի արժանի մի գործ է կատարում, ծեծ ուտելն ուտում է, բայց
ավելի քիչ⁶. Իսկ ով լավ տեղյակ է թագավորի կամքին և որևէ հանցանք
է գործում նրա առաջ, բազմապատիկ տանջանքի է ենթարկվում առանց
բարեխոսի»:

«Արդ, խնդրում եմ քեզ և քո իշխանության տակ եղած բոլորին.
ո՛չ դու ինձ հետ բազմապատիկ տանջանքի ենթարկվիր, և ո՛չ էլ ես
քեզ հետ՝ ավելի քիչ. այլ ես ու դու և ամբողջ բազմությունդ քաջ թա-
գավորիդ հետ միասին այնպես աշակերտենք աստվածային զրբերին,
որ տանջանքներից փրկվենք և դժոխքն արհամարհենք և անհանգչելի
կրակից ազատվենք, և արքայութունը ժառանգենք, և այս անցավոր
կյանքով անվերջ ունենանք անանց մեծությունը:

«Բայց ինչ բանից որ դու զարհուրել ես, բարեհաճ եղիր և շուտով
կաշակերտես ճշմարտությունը:

«Հրեշտակներից մեկն անմահների զնդից՝ ապստամբվելով և հե-
ռանալով երկնքից և գալով մեր աշխարհը՝ խաբեական խոսքերով ու
սուտ խոստումով անիրագործելի հույս տվեց անփորձ ու անկիրթ նոր
եղած մարդուն, ինչպես մի մանուկ տղայի, ըմբոստացնելով նրա միտ-
քը, որ ուտի այն ծառի պտղից, որին հրամայել էր չմտնելու,— որ-
պեսզի աստված դատնա: Իսկ նա Աստծու պատվիրանը մոռանալով՝
խաբվեց-զնաց մույար խաբեություն հետևից, կորցրեց իր ունեցած ան-
մահ փառքը և չհասավ երազով հուսացած փառքին: Ուտի և մերժվելով
կյանքի վայրից՝ զգվեց այս ապականելի աշխարհը, որի մեջ դուք էլ
բնակված եք այժմ, և ցնորված մոլորվում եք միևնույն խրատատուի
հետևից, այլևս շուտելով պատվիրած ծառից, այլ արարածներին աստ-
ված անվանելով, և անխոս տարրերին երկրպագելով, և անորովայն
զենքին կերակուր՝ մատուցանելով և բոլորի արարչից հեռացած լինելով:

«Չար խրատատուն չի կշտանում, այլ կամենում է, որ իրենից է՛լ
ավելի վատթարները կատարի: Որովհետև զենքը ո՛չ թե բռնություն
են մարդուն դեպի կորուստ տանում, այլ մեղքը քաղցրացնում են մար-
դու քմբի համար և հորդորելով որսում են անուսումներին ու խարում,
ինչպես որ շատ մարդիկ իրենց ընկերներից զողություն և ավազակու-
թյան են հորդորում. ո՛չ թե որևէ բռնությամբ մղելով, այլ ստապատիր
խաբեությամբ շատ շարիքներ են գործել տալիս, ոմանց կախարհու-
թյուն, ոմանց պոռնկություն և ոմանց էլ շատ ուրիշ անթիվ աղտեղի
բաներ: Եվ արդար դատավորների միջոցով մահու շափ վրեժ են առ-
նում. ո՛չ իբր թե բարի աստծու դատավորները բարեգործ են լինում,

⁶ Հմմտ. Ղուկ. ԺԲ 47—48:

իսկ շարինը՝ շարագործ. որովհետև շատ է պատահում, որ բարի մարդկանցից շարութիւնն է բխում, և հետո այն շարագույններից էլ՝ կատարյալ բարութիւնն:

«Եվ ճշմարիտ գատավորները, որոնք գատում են շարագործներին, ո՛չ թե շար ու շարշարող են կոչվում, այլ շատ բարի և բարեգործ. և բնութիւնը մեկ է և ոչ թե երկու. իսկ այն մեկից երևան են գալիս երկու տեսակ գործեր. ոմանց համար մահաբեր, իսկ ուրիշներին համար պարգևատու: Եվ եթե մարդկանց մեջ այսպես է կիրառվում, որ [գատավորը] թագավորից ստացած իրավունքի համաձայն պատժի միջոցով կառավարում է իր իշխանութիւնը, որչա՛փ ավելի կլինի աստծու խնամքը ամբողջ աշխարհի համար, որ բոլորին էլ կյանք է կամենում և ոչ թե մահ: Եվ ահա, ուր բազմացավ հանցանքը, բոլորին էլ մահով պատժեց, իսկ ուր հնազանգութիւն և լսողութիւն եղավ, անմահութիւն պարգևներ շնորհեց:

«Ճշմարիտ աստվածք, մեր բոլորիս արարիչը նա է, որին դու անսանձ արձակ բերանով անահ, աներկյուղ, համարձակ հայհոյում ես: Թողած Հիսուս Քրիստոս փրկական անունը, Փանգուրակի որդի ես անվանում և կարծում ես, թե մոլորեցուցիչ մարդ է. այլև երկնավոր փրկութիւնն ազավաղում-անարգում ես՝ անձիդ և այս ամբողջ աշխարհի կորստյան համար: Այդ տանջանքների անանցական վրեժը պիտի փոխհատուցես սպառնացված Գեհենի անշեջ կրակի մեջ՝ քո բոլոր գործակիցներով մեկտեղ, առաջիններով, միջիններով և վերջիններով:

«Իսկ մենք այսպես ենք ճանաչում աստծուն և այս բանին հավատում ենք աներկբա:

«Աստված, որ ստեղծեց այս աշխարհը, նույնը եկավ և ծնվեց սուրբ կույս Մարիամից, ինչպես առաջուց զուշակել էին մարգարեները, առանց մարմնավոր կարգի որևէ պատճառի: Ինչպես որ ոչնչից ստեղծեց այս մեծամարմին աշխարհը, այնպես էլ առանց որևէ մարմնական միջնորդի [իր] մարմինն առավ անարատ կույսից ճշմարտապես, և ոչ իբրև ստվեր երևալով: Ըշմարտապես աստված էր և ճշմարտապես մարդ դարձավ. ո՛չ մարդ դառնալիս աստվածութիւնը կորցրեց, և ո՛չ էլ աստված մնալիս՝ ազավաղեց մարդկութիւնը, այլ [մնաց] միևնույնը:

«Բայց որովհետև չէինք կարող տեսնել անտեսանելուն և մերձենալ անմերձենալուն, ուստի եկավ մեր մարդկութիւնն ընդունեց, որպեսզի մենք էլ նրա աստվածութիւնը [իր բաժինը] ընդունենք: Ամենևին անարգանք չհամարեց իր ստեղծած մարմինն առնելը, այլ մեծարեց նրան իբրև իր աստվածաստեղծ գործը: Ո՛չ թե քիչ-քիչ շնորհեց սրան անմահութիւն պատիվն ինչպես անմարմին հրեշտակներին, այլ միանգա-

մից հագազով ամբողջ բնությունը մարմնով՝ շնչով և հոգով, և միացրեց աստվածութեան հետ. միութեանը և ոչ թե երկուութեան. և այսուհետև մեկ ենք ճանաչում աստվածութեանը, որ կար այս աշխարհից առաջ, նույնը և այսօր:

«Այս Հիսուս Քրիստոսը, որ իր մարմնով փրկեց ամբողջ աշխարհը, իր կամքով զեպի մահ եկավ. և ինչպես ինքն աստվածութեանը գիտե՞ մարմնացավ անարատ կույսից և ծնվեց ու խանձարուրներով փաթաթվեց և մսուրի մեջ դրվեց, և արևելքից մոգերին շարժեց-բերեց իրեն երկրպագելու. որպես երեսուս անվեց կաթով, աճեց ու մեծացավ երեսուն տարի, ամլորդի Հովհաննեսից²⁸ մկրտվեց Հորդանան գետում²⁹: Մեծամեծ հրաշքներ ու սքանչելիքներ զործեց հրեաների մեջ. մատնվեց քահանաների կողմից, դատապարտվեց Պոնտացի Պիղատոսի³⁰ կողմից: Խաչվեց, մեռավ, թաղվեց, հրբորդ օրը հարութեան առավ. երևաց տասներկու աշակերտներին և ուրիշ շատերին՝ ավելի քան հինգ հարյուրի: Եվ նրանց հետ շրջելով քառասուն օր՝ երկինք վերացավ Ձիթենյաց սարից³¹ իր աշակերտների աչքի առաջ, ելավ ու նստեց հայրենի աթոռը: Խոստացավ երկրորդ անգամ գալ ահա՛վոր զորութեամբ՝ մեռելներին հարութեան տալու, ամբողջ աշխարհս նորոգելու, արդարների և մեղավորների միջև արդար դատաստան անելու, արժանավորների պարգևատրելու և ա՛յն շարագործներին պատժելու համար, ովքեր այս բոլոր բարերարութեաններին շեն հավատում:

«Այս հավատից մեզ ոչ ոք չի կարող խախտել, ո՛չ հրեշտակները և ո՛չ մարդիկ, ո՛չ սուրբ և ո՛չ հուրը, ո՛չ ջուրը և ո՛չ էլ որևէ այլ դառն հարված:

Մեր ամբողջ գույքն ու ստացվածքը քո ձեռքումն են, և մեր մարմինները քո առաջն են. քո կամքի համաձայն արա՛, ինչ ուզում ես: Եթե այս հավատի մեջ թողնես, ո՛չ երկրի վրա ուրիշ տեր կընդունենք քո փոխարեն և ո՛չ էլ երկնքում ուրիշ աստված կընդունենք Հիսուս Քրիստոսի փոխարեն, որից բացի՝ ուրիշ աստված չկա:

Իսկ եթե այս մեծ վկայութեանից հետո ուրիշ բան հարցնես, ահավասիկ պատրաստ ենք՝ մեր ամբողջ մարմինը քո ձեռքը տված. արա՛ շտառով՝ ինչ որ կամենում ես: Քո կողմից տանջանք, իսկ մեր կողմից հանձնառութեան. քո սուրբ և մեր պարանոցները: Մենք ոչնչով ավելի լավ չենք մեր նախնիներից, որոնք այս հավատի համար դրին իրենց գույքն ու ստացվածքը և մարմինները:

Որովհետև եթե անմահ էլ լինեիր և պետք լիներ մեզ մեռնել Քրիստոսի սիրո համար, արժան էր. որովհետև նա էլ անմահ էր, բայց այնչա՛փ սիրեց մեզ, որ մինչև անգամ մահ հանձն առավ, որպեսզի

մենք էլ նրա մահով փրկվենք հավիտենական մահից: Եվ եթե նա իր անմահությունը շինայեց, մենք, որ [մեր] կամքով մահկանացու եղանք. [մեր] կամքով էլ կմեռնենք նրա սիրո համար, որպեսզի նա էլ հոժարությամբ ընդունի մեզ իր անմահության մեջ. կմեռնենք իրրև մահկանացուներ, որպեսզի [նա] մեր մահն ընդունի որպես անմահների մահ:

«Իսկ դու այս ամենից հետո մեզ այլևս մի՛ հարցնի. որովհետև մեր հավատի ուխտը ո՛չ թե մարդու հետ է, որ երեխայի նման խաբվենք, այլ աստծու հետ է անլուծելի կերպով, որ անհնար է քանդել ու հեռանալ, ո՛չ այժմ և ո՛չ հետո, ո՛չ հավիտյանս, և ո՛չ էլ հավիտենից հավիտյանս»:

Ամբողջ բաղմությունը, մեծերից մինչև փոքրերը, միաբանվեցին այս մեծ վկայությանը. անսուտ երգում գրին՝ կյանքով և մահով հաստատ մնալ նրա վրա:

Երբ այս նամակն արքունիք հասավ և կարգացին մեծ Խոնաստանում³² բանակի ամբողջ բաղմության առաջ, շատերը, որ լսում էին, գովում էին [տված] պատասխանները: Թեպետև տերությունից երկյուղ էին կրում, սակայն գաղտնաբար մեկմեկու մոտ նույն գովասանական վկայությունն էին տալիս. ճարտարաբանությունից ավելի զարմանում էին աներկյուղ համարձակության վրա: Եվ շատ ահարեկվածներ սկսեցին ամբապես զորանալ և նույն շշնջյունն էր լսվում բոլորի շրթունքներից:

Իսկ շարասեր մոզպետը մեծ հազարապետի հետ միասին շարախոսություն շնչեց և թագավորին իրրև անշիջանելի հուր բորբոքեց: Եվ նա սկսեց ատամները կրճտացնել ինչպես մի օրհասական վիրավոր և բոլորի առաջ ձայն արձակելով մեծ ատյանում՝ ասաց. «Ես գիտեմ այդ բաղմաթիվ մարդկանց շարությունը, որոնք թերահավատությամբ են վերաբերվում մեր կրոնին և անդարձ մոլորված են կախարհության հետևից: Եվ ես մտքումս գրել եմ, որ ոչ որի մեծամեծ հարվածներից չազատեմ, մինչև որ ակամա հեռանան այնպիսի սխալ կրոնից. եթե ամենամոտիկ մարդկանցիցս մեկն էլ լինի, նույն պատիժները նրան էլ կտամ»:

Այն ժամանակ դառնացած ծերը³³ խոսքը վրա բերեց և ասաց թագավորին. «Ինչո՞ւ համար է այդ քո մեծ տրամոթյունը, որովհետև եթե կայսրը քո հրամանից դուրս չի գալիս, և հոները քեզ են ծառայում, էլ ո՞ր մարդն է երկրի վրա, որ կարող է ընդգիմանալ քո հրամանին: Տիրաբար հրաման տուր ներսը³⁴, և ինչ էլ որ ասես՝ իսկույն կկատարվի»:

Եվ թագավորն անմիջապես ներս կանչելով դպրապետին՝ հրամա-

յնց հրովարտակ գրել. բայց այլևս ո՛չ թե սովորութեան համաձայն, այլ զայրագին խոսքեր ինչպէս ատելի և անպիտան անձերի, ամենևին չհիշելով տիրասեր մարդկանց մեծամեծ ծառայութեանները, այլ միայն անուն-անուն կանչելու հրաման տալով այն մարդկանց, որոնց ինքը ճանաչում էր և որոնց անուններն են՝

Մլունչաց տոհմից ՎԱՍԱԿ անունով.

Արծրունչաց տոհմից ՆԵՐՇԱՊՈՒՇ անունով.

Ռշտունչաց տոհմից ԱՐՏԱԿ անունով.

Խորխոռունչաց տոհմից ԳԱԳԻՇՈՒ անունով.

Մամիկոնչան տոհմից՝ ՎԱՐԳԱՆ անունով.

Մոկաց տոհմից ԱՐՏԱԿ անունով.

Ապահունչաց տոհմից ՄԱՆԵՃ անունով.

Ամատունչաց տոհմից ՎԱՀԱՆ անունով.

Վահուունչաց տոհմից ԳՅՈՒՏ անունով.

Անձեացչաց տոհմից ՇՄԱՎՈՆ անունով:

Այս նախարարներին անուն-անուն կանչեցին արքունի դուռը [Հայ նախարարների] մի մասը հենց իրեն մոտ էին՝ բանակում, մյուսներն էլ հյուսիսային կողմերը՝ Հոնաց պահակում. նախարարներից ոմանց էլ թողել էր Հայոց աշխարհում:

Արդ, թեպետև բոլորը միևնույն տեղում չպատահեցին միմյանց, բայց առաջուց իմանալով շարաքար թռնավորի մտադրութեանները, հեռավորներին էլ իբրև միևնույն վայրում եղած մերձավորների միմյանց մոտիկ էին համարում:

Եվ սուրբ եպիսկոպոս Հովսեփի ձեռքով նույն ուխտի մեջ հաստատվելով յուրաքանչյուրն իր տեղից ելան-գնացին արքունի դուռը: Եվ շատ էին շտապում [իրենց] եղբայրների, որդիների և զայնկասունդ³⁵ սիրելի մտերիմների համար, որոնք խիստ մեծ նեղութեան մեջ էին: Այս պատճառով էլ նրանք իրենց անձը մահվան մատնեցին՝ ամենևին չվախենալով ինչպէս թույլ վատասիրտներ, այլ մեծ քաջութեամբ սիրտ էին տալիս իրենց, որ զուցե կարողանան նրանց փրկել մեծամեծ հարվածներից:

Երբ հասան արքունի դուռը՝ զատկի ավազ շաքաթ օրը ներկայացան թագավորին: Եվ թեպետ իրենց եղբայրներին տեսնում էին մեծամեծ վշտերի ու տառապանքների մատնված, որոնք Քրիստոսի անվան համար սաստիկ նեղութեան մեջ էին, բայց դեմքերին ոչ մի տրամուսյուն ու տխրութեան չէին ցույց տալիս ժողովի առաջ: Եվ որքան նրանք ուրախ-զվարթ էին երևում բոլորին, այնքան ավելի էին զարմանում շարասերները:

Առաջվան ժամանակներում կարգն այն էր, որ երբ Հայաստանից որևէ պատվավոր զորավարի առաջնորդությամբ հեծելազոր էր գնում Գուռը, [Թագավորը] մարդ էր ուղարկում ընդառաջ և հարցնում էր Հայոց աշխարհի ողջությունն ու խաղաղությունը. և երկու-երեք անգամ նույնն էր անում. զորահանդեսն էլ [Թագավորն] ինքն էր անում և պատերազմ սկսելուց առաջ նրանց իրեն մոտ գալ՝ տեղ հասնելն անգամ մեծ շնորհակալության արժանի էր համարում և իր աթոռակիցիների ու բոլոր մեծամեծների առաջ գովասանք էր տալիս ամենքին, հիշում էր նրանց նախնիների ծառայությունները և պատմում էր նրանցից յուրաքանչյուրի քաջությունը:

Իսկ այն օրը սրանցից և ոչ մեկին էլ չհիշեց, այլ ինչպես մի շար գն՝ չէր դադարում ձմեռվա բուքը հուզելուց և շարժելուց. ինչպես որ հենց նմանվում էլ էր վրդովված ալեկոծ ծովի, որը ո՛չ թե երեսանց է մի քիչ [հուզվում], այլ նույնիսկ անզուհից էր բարձրանում փրփրած ու իրար վրա դիզված, վիշապաձայն որոտալով, գազանի նման մոռնալով ընդհանրապես սարսափեցնում էր իր տիեզերական իշխանությունը, կարծես թե փուլ գալով պիտի տարածվեր ամեն կողմ լեռների, անզուհիների և ձորերի վրա՝ լայնարձակ ու գեղեցիկ դաշտերը միանգամայն փշացնելու համար:

Մոռնալով ձայն արձակեց և տասց. «Երգվել եմ մեծ աստված արեգակով, որ իր ճառագայթներով լուսավորում է ամբողջ տիեզերքը և իր շերմությամբ կենդանացնում է բոլոր արարածներին, որ եթե վաղն առավոտյան, սքանչելու ծագելուն պես, բոլորդ ինձ հետ միասին ծունր շղնեք նրա առաջ՝ նրան աստված դավանելով, ձեզ ամենևին զիջողություն չեմ անի, ամեն տեսակ նեղություն ու շարշարանք կթափեմ ձեզ վրա, մինչև որ ակամա կատարեք իմ կամքն ու հրամանը»:

Իսկ հավատացյալները՝ Քրիստոսի մեջ հաստատված՝ ո՛չ ձմեռային սառնամանիքից էին հովանում և ո՛չ խորշակի տոթից տաքանում, ո՛չ ահագին ձայնից էին սարսափում և ո՛չ էլ տանջանքների սպառնալիքից վախենում, այլ վերև նայելով՝ տեսնում էին Քրիստոսի զորությունն իրենց օգնության եկած և զվարթ դեմքերով ու համեստ խոսքերով առաջ անցնելով՝ Թագավորին պատասխան տվին.

«Խնդրում ենք քեզնից, քա՛ջ Թագավոր, ականջ դիր մեր մի քանի խոսքին և քաղցրություն Լի՛ր, ինչ որ ասելու ենք:

«Քեզ հիշեցնում ենք արքայից արքա Շապուհի ժամանակները, որ քո պապ Հազկերտի³⁶ հայրն էր, և Աստված նրան Հայոց երկիրը հպատակեցրեց հենց այս կրոնով, որով և մենք ենք կառավարվում այժմ. և մեր հայրերն ու մեր հայրերի պապերը նրա ծառայության մեջ

մնացին և սիրով կատարում էին նրա բոլոր հրամանները, և շատ անգամ էլ նրանից մեծամեծ պարգևներ էին ստանում: Եվ այն ժամանակներից մինչև քո հայրենի աթոռը նստելը՝ մենք էլ նույն կերպով ծառայեցինք և, թերևս, քեզ ավելի լավ, քան [քո] նախորդներին»:

Այս ասելով՝ ցույց էին տալիս, որ զինվորության կարգի մեջ իրենց քաջութիւններն ավելի էին, քան առաջիններինը: Իսկ տուրքեր, սակեր և աշխարհի ուրիշ ինչ տեսակ հարկեր որ կային, ավելի շատ էին մտնում արքունի [զանձարանը], քան նրա հոր ժամանակ:

«Նույնիսկ սուրբ եկեղեցին, որ մեր նախնիների կարգի համաձայն սկզբից ևնթ ազատ էր ի Քրիստոս, դու հարկի տակ դրիր, և մենք քո տերութեանդ սիրո համար ամենևին չընդդիմացանք քեզ: Արդ, ինչո՞ւ համար է այս ցասումը հարուցված մեզ վրա. դու մեզ ասա՞՝ մեր հանցանքն ու մեղքը. մի՞թե մեր կրոնն է պատճառը, որ մենք անվաստակ ենք դուրս եկել քո առաջ»:

Իսկ շար դեր, ամեն նենգութեամբ լցված, երեսը մի կողմ դարձրեց և ասաց. «Վնաս եմ համարում արքունի զանձարանն ընդունել ձեր աշխարհի հարկը, և ձեր արիությունն ու քաջութիւնն էլ՝ անօգուտ, որովհետև տգիտութեամբ մոլորվել եք մեր ճշմարիտ կրոնից, աստվածներին անարդում եք, կրակն սպանում, ջրերը պղծում և մեռելներին հողի մեջ թաղելով՝ երկիրն ապականում, և մեր կրոնի պատվերները չկատարելով՝ ուժ եք տալիս Հարամանիին. և, որ ամենից մեծն է, ամեն ժամանակ կանանց շեք մերձենում. և դևերը մեծապես ուրախանում են, երբ շեք խրատվում և շեք պահում մոզերի բոլոր կարգերը: Տեսնում եմ ձեզ ինչպես անապատի մեջ ցրված ու մոլորված խաշներ, և ես շատ վախենում եմ՝ չլինի՞ թե աստվածները ձեր պատճառով բարկանան ու վրեժը մեզանից առնեն: Իսկ դուք եթե կամենում եք ապրել և ձեր անձերը փրկել, և մեծարանքներով հետ ուղարկվել, ինչ որ ասացի՞ վաղը շուտ կատարեցե՛ք»:

Այն ժամանակ երանելի նախարարներն առհասարակ բարձրացրին իրենց ձայնը և ասացին բոլորի առաջ. «Մի՛, թագավոր, այլևս մի՛ ասի մեզ այդ բանը. որովհետև եկեղեցին մարդու շինածը չէ և ո՛չ էլ արեղակի տվածը, որի մասին դու թյուրիմացութեամբ կարծում ես, թե աստված է. ո՛չ միայն աստված չէ նա, այլև կենդանի էլ չէ: Իսկ եկեղեցիները ո՛չ թագավորի պարգև են, ո՛չ ճարտարարվեստների գործ, ո՛չ իմաստունների գլուտ, ո՛չ զինվորների քաջութեան ավար և ո՛չ էլ դևերի ստապատիր խաբեություն. այլև ինչ էլ որ ասելու լինիս երկրավորներիս, վեհ բաներից թե վատթարներից, ոչ մի տեղ նրանցից ամենևին եկեղեցի չի ստեղծվի: Այլ մեծ աստծու շնորհն է այն, որ

տվել է ո՛չ թե մարդկանցից որևէ մեկին, այլ բոլոր բանական ազգերին, որոնց վիճակված է այս արեգակի ներքո բնակվել: Նրա հիմքը դրված է հաստատուն վեմի վրա* . ո՛չ ներքինները կարող են [այն] շարժել և ո՛չ էլ վերինները զրգվեցնել: Իսկ ինչ որ երկինքն ու երկիրը շին կարող խախտել, թող մարդկանցից ոչ որ շխրոխտա հաղթել նրան: Ուրեմն, ինչ ձեռով ուզում ես վարվել՝ վարվի՛ր. բոլորս պատրաստ ենք այն ամեն հարվածների ու տանջանքների մեքենաների համար, որ սպառնացիր, ո՛չ միայն շարշարվելու, այլև մեռնելու: Եվ եթե դարձյալ նույն բանը հարցնես, ամեն մեկիցս սրանից էլ ավելի [կտրուկ] պատասխան կլսես»:

Այն ժամանակ թագավորը՝ լեզուց ավելի դառնացած փորի մեջ կուտակված կամավոր մաղձի ծովը փուլ էր ածում, և նրա քթից ու բերանից առհասարակ ջերմախառն գոլորշի էր դուրս գալիս, ինչպես սաստիկ հնոցից թանձր ծուխը: Եվ սիրտը շհամբերելու պատճառով՝ կտրում էր իր մարմնի գորությունը, ծակոտում մտադրությունների բազմամթեր ամանը և ցրվում-տարածում էր [իր] բոլոր նենգավոր մտածմունքները: Եվ ինչ որ ամենևին չէր կամենում հայտնել իր սիրելիներին, ակամա արտահայտում էր Քրիստոսի ծառաների առաջ և ամեն ինչ կարգով ասում:

Երբե-չորս անգամ կրկնում էր իր անսուտ երզումն արեգակի անունով և ասում էր այսպես. «Ձեք կարող խախտել իմ հաստատուն որոշումները, և թույլ չեմ տա, որ դուք շուտով հասնեք ձեր ուզածին. այլ ձեզ բոլորիդ և ովքեր այստեղ գորբի մեջ են, շարաշար կապանքներով Սագաստան³⁷ վտարել կտամ անձանապարհ տեղերով, այնպես որ ձեզանից շատերը գնալու ժամանակ խորշակից կսատկեն, իսկ մնացածները կզցվեն ամուր բերդերը և անելանելի բանտերը: Ձեր աշխարհն էլ անթիվ գորբ կուղարկեմ փղերի հետ միասին և ձեր կանանց ու որդիներին Խուժաստան³⁸ քշել կտամ, և ձեր եկեղեցիները և ինչ որ վկայարան եք կոչում, կբանդեմ, կավերեմ և կփշացնեմ, և եթե էլի մեկը ընդդեմ դուրս եկած լինի, զազանների ոտների տակ զցելով՝ անողորմ մահով կմեռնի: Այս ամեն ասածներս կանեմ և կկատարեմ [ձեք] աշխարհում մնացածների վերաբերմամբ»:

Եվ անմիջապես հրամայեց պատվական նախարարներին մեծ անարգանքներով հեռացնել իր աչքի առաջից. և զգուշությամբ հրաման տվեց զահճապետին, որ նրանց առանց կապելու չուրաքանչյուրին իր

* Հմտ. Դուկ. 2 48:

իջևանում պահի, իսկ ինքը՝ իրենից դուրս եկած՝ անմխիթար տրամու-
թյամբ նորից վերադարձավ և հազիվ ընկավ իր օթևանները:

Իսկ Քրիստոսին ճշմարտությամբ հավատացողները ամենևին չէին
երկմտում ու թերահավատում իրենց սուրբ վարդապետների առաջին
խրատի վերաբերմամբ, այլ դեռևս հնարքներ էին մտածում, թե ինչ-
պես իրենց և իրենց սիրելիներին ազատեն այն մեծ նեղությունից: Շատ
էին ջանք գործ դնում և հարստության մեծամեծ խոստումներ ու հույս
էին տալիս այն մեծամեծներին, որոնք [արքունի] Դուանը նրանց օգ-
նում էին, և հենց նույն ժամանակ էլ նրանց ահագին զանձեր տվին:

Եվ երբ բոլոր կողմերից փակվեց նրանց անելանելի բանտի մուտ-
քը, այն ժամանակ Աբրահամի օրինակը մեջ բերելով ազազակում և
ասում էին իրենց սրտերում. «Մենք բոլորս մեր եղբայրներին ու որդի-
ներին և բոլոր սիրելիներին նվիրել ենք և Իսահակի պես կապած զրել
սուրբ սեղանի վրա. ընդունի՛ր, Տե՛ր, մեր այս կամավոր նվերը և մի՛
թույլ տա, որ այս անօրեն իշխանը քո եկեղեցին ծաղրուծանակի են-
թարկի»:

Թագավորի ներքին խորհրդակիցներից մեկը գաղտնի կապված էր
Քրիստոսի անբախտ սիրով, որովհետև նույնիսկ մկրտված էր կենդանի
ավազանի մեջ, և մեծապես հոգ էր տանում վշտացածների կյանքը
փրկելու: Եվ երբ հաստատապես ստուգեց, որ թագավորն իր սպառնա-
ցած բազմաթիվ շարիքները բոլորն ուղում է կատարել Հայոց աշխարհի
գլխին, թեպետև նրանցից ոչ բոլորին, բայց մի քանիսին խրատ տվեց
և սովորեցրեց, թե ինչ հնարք գործ դնեն, որ առժամանակ իրենց փր-
կեն այն նեղ դրությունից:

Եվ մինչդեռ գորք էին պատրաստում, որ նրանց անդարձ օտարու-
թյուն քշեն, ինչպես քշել էին Վրաց աշխարհի բազմաթիվ նախարար-
ների, հենց այդ ժամանակ գուժկան հասավ Փուշանների կողմերից, թե
թշնամիներից մի գունդ անջատվեց ու արքունի շատ զավառներ ավե-
րեց: Այս բանը երկնային մի մեծ օգնություն եղավ նրանց համար:
Անօրենն շտապով տաղնապում էր հեծելազորն առաջ ուղարկել, և ինքն
էլ անհապաղ նրա հետևից գնաց. և խոր խոցվելով իր մտադրություն-
ների մեջ՝ խափանեց իր առաջին հաստատուն երդումը:

Իսկ աստվածապաշտներն այս տեսնելով՝ մեծ հույսով աղոթք էին
անում և ասում էին միաբան. «Դե՛ռ, ամենքի Տե՛ր, որ գիտես մարդ-
կանց սրտի զաղտնիքը, և հայտնի է քեզ ամեն մի աներևույթ մտա-
դրություն, և կարոտ շես տեսանելի բաների ոչ մի վկայություն, այնպես
որ մեր շգործածներն էլ տեսնում է քո աչքը, այժմ քո առաջ ենք զե-
ղում մեր խնդրվածքը: Ընդունի՛ր, Տե՛ր, մեր ծածուկ աղոթքները և մեզ

կատարյալ դարձրու քո պատվիրանների համաձայն, որպեսզի ամաչի շարը, որ խրոխտացած մարտնչում է մեր դեմ անօրենի իշխանությունամբ: Տարուբերի՛ր, Տե՛ր, նենգավորի կամակոր մտադրությունները, և խափանի՛ր նրա ամբարիշտ կամքը և մեզ խաղաղ մտադրությամբ հետ դարձրու դեպի մեր սուրբ եկեղեցին, որպեսզի շինի թե հանկարծակի հափշտակվելով՝ շարաշար ավերվի թշնամիների ձեռքով:»

Եվ ամենքն այս անբակտելի ուխտը դնելով աստծու հետ, որ հաստատ մնան իրենց նախկին մտադրության վրա, իրենց միևնույն խրատատուին պատգամավոր ուղարկեցին ներս, իբր թե կատարվելու է նրա անօրեն կամքը:

Երբ այս լսեց թագավորը՝ շափազանց ցնծաց և ուրախացավ, կարծելով թե աստվածներն իրեն օգնության են հասել, շրջելով և ոչնչացնելով աստծու ծառաների հաստատուն մտադրությունները, և ահա երկըրպագություն են մատուցանում արեգակին, պատվելով նրան զոհերով և մոգություն բոլոր օրենքներով:

Բայց այս բանը չկարողացավ հասկանալ ցնորվածը, թե արդարության արեգակի անստվեր լույսը մաշում և ոչնչացնում էր նրա խավարային մտադրությունները և եղծում-ապականում էր նրա ամբողջ խեղաթյուր կամքը: Եվ ճշմարիտ հայտնությունից զրկված՝ ամենևին չհասկացավ այն պատրանքն ու խարեությունը, որով սխալեցրին նրան: Նրանց առաջ երկրավոր պարգևներ էր թափում և նորից բոլորին վերագարձնում էր իրենց պատիվն ու զահը, առաջ քաշելով և երևելի դարձնելով նրանց իր ամբողջ տիեզերական իշխանություն մեջ: Եվ նրանցից յուրաքանչյուրին անշափ առատությամբ ազարակներ ու ավաններ էր շնորհում արքունիքից, սիրելիներ և բարեկամներ էր անվանում նրանց և կամակոր մտքի հպարտ հանդգնությամբ կարծում էր, թե ճշմարտությունը կփոխանակվի ստություն հետ:

Եվ այս անելուց հետո՝ շատ այրուծի ուղարկեց նրանց հետ, և մոգերից էլ ոչ պակաս, բան յոթ հարյուրից ավելի ուսուցիչներ հղեց նրանց հետ և մի մեծ իշխանի էլ նրանց վրա մոգպետ կարգեց: Խոնարհվում էր և աղաչում պատվիրելով, թե մինչև ես այս պատերազմից խաղաղությամբ հետ դառնամ, դուք ամեն բան արեք ու կատարեցեք իմ կամքի համաձայն: Եվ այսպես շուքով ու պատվով երկար ճանապարհ էր դնում նրանց դեպի Հայոց երկիրը: Իսկ ինքն ուրախալի ավետիս ուղարկեց շատ ատրուշանների, գրեց և հայտնեց մոգերին ու մոգպետներին և զանազան երկրամասերի բոլոր մեծամեծներին, թե ինչպես աստվածների օգնականությամբ իր առաքինի գործը առաջ տարավ:

Իսկ այն գարշելիներն այնուհետև դուրս գալով յուրաքանչյուրն իր

խավար դարանից՝ փափագում էին շուտով կատարել [Թագավորի] հրամանը: ձայն տվին հեռավոր երկրները, որ վեր կենան, դնան արևմտյան աշխարհը: Եվ դեռ չէին հասել Հայոց մեծ աշխարհը, որ փայտի միջոցով վիճակ էին գցում, թե ո՞ր ժողովուրդը [մոզերի] ո՞ր դասին է բաժին ընկնելու աշակերտելու համար: Որովհետև առհասարակ հրաման էին առել արքունիքից մտնել ինչպես Հայոց, այնպես էլ Վրաց և Աղվանից և Լինաց, Աղձնյաց և Կորդվաց և Մավդեից և Գասն աշխարհները, և դարձյալ ուր որ գանազան տեղեր Պարսից իշխանության մեջ ծածուկ պաշտում էին քրիստոնեությունը:

Եվ անակնկալ հարձակվելով՝ շտապում էին կողոպտել սուրբ եկեղեցիների գանձերը. և այնուհետև ինչպես զենք հանդիպում էին իրար: Եվ հավաքվեց մեծ զորքաբանակ, և շարասեր սաստանան իրրև զորավար երևաց նրանց մեջ, և անդադար հորդորելով՝ բոլորին սաստիկ շտապեցնում էր: [Գործն սկսելու] ժամկետ նշանակելով վեցերորդ ամիսը՝ տազնապի մեջ էին և շտապեցնում էին արքունի հրամանով:

«Նավասարդից մինչև Նավասարդ, ասում է, մեծ Թագավորի իշխանությունյան տակ գտնվող բոլոր վայրերում պետք է վերանան եկեղեցու արարողությունները, պետք է փակվեն և կնքվեն սուրբ տաճարների գանձերը, նվիրական անոթները պետք է գրով ու համարով հարքունիս գրավվեն, լռեն սաղմոսերգությունյան ձայները և դադարեն անսուտ մարգարեների ընթերցվածները: Քահանաները չվատահանան իրենց տներում ուսուցանել ժողովրդին, և Քրիստոսին հավատացող այն տղամարդիկ ու կանայք, որոնք բնակված են մեծանոցներում, փոխեն իրենց հագուստը՝ աշխարհական կարգի համաձայն:

«Նույնպես և նախարարների կանայք պետք է ընդունեն մոզերի ուսմունքն ու վարդապետությունը: Ազատների և շինականների տղաներն ու աղջիկները պետք է կրթվեն նույն մոզերի հրահանգների համաձայն: Պետք է կարճվի և արգելվի սուրբ ամուսնություն օրենքը, որ ունեին նախնիքներից քրիստոնեությունյան սովորությունյան համաձայն. մեկ կնոջ փոխարեն թող շատ կանայք առնեն, որպեսզի Հայոց ազգն աճիբազմանա: Աղջիկներն ամուսնանան [իրենց] հայրերի հետ, և բույրերը՝ եղբայրների հետ. մայրերը շտորչեն [իրենց] որդիներից, այլև թոռները մտնեն [իրենց] պապերի անկողինը:

Զոհելու կենդանիները շմորթվեն առանց [աստվածներին] նվիրվելու, թե՛ ուշաք լինի, թե՛ այժ, թե՛ արջառ, թե՛ թռչուն և թե՛ խոզ: Խմորն առանց փանդամի³⁹ չհունցվի. ծիրան ու քակորը կրակի մեջ չգցվեն. ձեռքերն առանց գումիղի⁴⁰ չվացվեն, ջրշուններն, աղվաններն

ու նապաստակները շտպանվեն: Օձերն ու մողեսները, գորտերն ու մրջյունները և էլի ինչ-որ խառնափնթոր ճճիներ կան, ոչնչացվեն, և թվով ու համարով մեջ բերվեն արքունի շափի համեմատ: Եվ էլի ինչ-որ այսպիսի ծառայություններ կան՝ զոհելու կամ մորթելու վերաբերյալ, բստ տարեկան տոների և կապճաթիվ մոխրաշափ⁴¹ կարգով [պետք է կատարվեն]:

«Այս ամենը, ինչ որ ասացիք, միառժամանակ թող բոլորը կատարեն մինչև տարվա վերջը. իսկ մնացած բոլոր բաները հետազայում կպատրաստեն»:

Մոզերն ու մոզպետներն այս բոլոր հրամաններն ու պատվերները ստանալով՝ գիշեր ու ցերեկ շտապում էին հասնել Հայոց աշխարհը. և անշափ ուրախությունից բնավ չէին ձանձրանում ճանապարհի երկարությունից:

**ԵԿԵՂԵՅՈՒ ՍՈՒՐԲ ՈՒՌՏԻ
ՄԻԱԲԱՆՈՒԹՅԱՆ ՄԱՍԻՆ**

Թեպետև շինք կարող պատմել այն բոլոր շարիքները, որ բանակի մեջ անցան Հայոց զորամասի գլխով, սակայն շինք էլ կամենում լռել և ծածկել [մեր] վիշտն ու նեղութիւնը, այլ փոքրիշատե կասենք, որ պեսզի ձայնակից լինենք նրանց, ովքեր դառնապես ողբում էին մեզ⁴², որպեսզի դու էլ, երբ լսես, շատ արտասուք թափես մեր ազգի թշվառութիւն վրա:

Որովհետև ահա Պարսից մեծ բանակում զանազան ազգութիւնների մարդիկ, որոնք հաճատացել էին Փրիսատոսի սուրբ Ավետարանին, երբ տեսան հայերի շար հանձնառութիւնը, սաստիկ խոցվեցին իրենց մարերում և կործանվեցին-զետին ընկան իրենց երեսների վրա: Նրանցից շատերը ծանր սուգի թախծի մեջ՝ վշտացած հոգով ու դառն արտասուքով եկան ու հանդիմանեցին նախարարներին և խիստ պախարակեցին քահանաների խմբին:

Բոլորին խայտառակում էին և ասում. «Ի՞նչ պիտի անեք այդ սուրբ կտակարանները կամ թե ո՞ւր պիտի տանեք տերունական սեղանի անոթները. մի՞թե պիտի մոռանաք ձեր հողերը օրհնութիւնները և կամ պիտի լռեք ու դադարեցնեք մարդարեական ձայնը: Աչքերդ փակեցիք՝ չկարդալու համար և ականջներդ խցեցիք՝ չլսելու համար. մի՞թե պիտի չհիշեք այն, ինչ որ անմոռաց կա ձեր մտքում: Ի՞նչ պիտի անեք Տիրոջ պատվիրածը՝ «Ով ինձ ուրանա մարդկանց առաջ, ես էլ նրան կուրանամ իմ երկնավոր հոր ու սուրբ հրեշտակների առաջ»⁴³:

«Առաքելական քարոզութիւն վարդապետներ էիք, այժմ այն մուար խաբեութիւն աշակերտ պիտի լինիք: Ծշմարտութիւն ուսուցիչներ էիք, այժմ մոզերի սուտ խաբեութիւնը պիտի սովորեցնեք: Արարչական զորութիւն քարոզիչներ էիք, այժմ տարրերին աստված եք դավանում: Ստութիւնը հանդիմանողներ էիք, այժմ ստից էլ ավելի՞ սուտ պիտի լինեք: Հրով և հողով էիք մկրտված, այժմ պետք է մոխրի և փոշու՞մ մեջ թաթախվեք: Կենդանի մարմնով և անմահ արյունով էիք սնված,

* Մատթ. Ժ 33, Ղուկ. ԺԹ 9:

այժմ զոհերի ճարպի և կեղտոտ արյունի՞ մեջ պիտի աղտոտվեք: Սուրբ հոգու տաճար էինք, այժմ դեերի զոհարան պիտի լինեք: Քրիստոսազգայաց էիք մանկությունից, այժմ այդ փառքերից զրկված՝ դեերի նման արեգակի առաջ պիտի պարեք:

Արքայության ժառանգ էիք, այժմ ինքներդ ձեզ Գեհենի ժառանգ դարձրիք: Նրանց է սպառնացած անշեջ հուրը, դուք ինչո՞ւ եք նրանց հետ այրվում-խորովվում: Նրանց համար է գիրանում անմահ որդը, իսկ այժմ զո՞ւր եք ձեր մարմինները գիրացնում նրան կերակրելու համար: Նրանց համար է թանձրացված պահվում արտաքին խավարը, դուք՝ լուսազգեստներդ՝ ինչո՞ւ նրանց հետ դեպի նույն խավարն ուղևորվեցիք: Նրանք վաղուց արդեն կուրացած էին, զո՞ւր ինչու կուրացաք կույրերի հետևից: Նրանց համար էր փորված խորխորատը, ինչո՞ւ նախ դուք ընկաք նրա մեջ: Ե՞րբ պիտի սովորեք նրանց աստվածների բազմաթիվ անունները. այն աստվածների, որոնցից ո՞չ մեկն էլ մեջտեղում չկա: Մանր բռններից թեթևացած էիք, ինքներդ ծանր բռնվեցրիք ձեզ վրա: Մտալուծյունից ազատված էիք, շարաշար կերպով մտաք անազատելի ծառայության տակ:

«Ի՞նչ կլինեք, գիտենալիք և հայտնի լինեք ձեզ, որ երկինքը սուզ մտավ ձեզ վրա, և երկիրը վշտացավ ձեր ոտների տակ: Վերևից հրեշտակներն են բարկացած ձեզ վրա, իսկ երկրից մարտիրոսներն են զայրացած ձեզ վրա: Խղճո՞ւմ եմ, խղճո՞ւմ եմ ձեր սիրելիներին և ավելի շատ խղճում եմ հենց ձեզ: Որովհետև եթե մա՞րդ ազատեք ձեզ ծառայությունից, և դուք ինքներդ ձեզ ուրիշի ծառայության ներքո գնեիք, սաստիկ կբարկացնեիք ձեր առաջին տիրոջը: Իսկ այժմ ի՞նչ պիտի անեք այն աստվածասաստ հրամանը, թե՛ «Ե՛ս եմ աստված, և բացի ինձանից չկա ոչ մի ուրիշը, և ո՞չ էլ ինձանից հետո ուրիշ որևէ աստված է լինելու. նախանձոտ աստված եմ ես, հայրերի մեղքը հատուցանում եմ որդիներին մինչև յոթը դար»¹: Եթե ուրեմն արդար որդիները հայրերի մեղքերի համար մահ են ստանում, հապա երբ իրենք որդիները մեղք գործեն, չէ՞ որ թե՛ իրենց և թե՛ հայրերի փոխարեն մի անզամ պետք է պատասխան տան:

«Դո՞ւր էիք մեր ապաստանի ամուր պարիսպը. երբ այստեղից վտանգ էր սպառնում, ձեզ մոտ էինք ապահովություն գտնում. այժմ այդ մեծ ամբույթունը հիմնահատակ տապալվեց: Դո՞ւր էիք մեր պարծանքը ճշմարտության թշնամիների առաջ, այժմ զո՞ւր եք մեր նախատինքը նույն թշնամիների մոտ: Մինչև այժմ ձեր ճշմարիտ հավատի համար մեզ էլ փոքրիշատե խնայում էին. իսկ այժմ ձեր պատճառով

¹ Ելից Ի 5, Բ. օրենք Ե 9,

մեզ էլ են անողորմ կերպով դատում: Ո՛չ միայն ձեր անձերի համար եք պատասխան տալու աստծու ահեղ ատենի առաջ, այլև այն բոլոր բազմաթիվ մարդկանց համար, որոնց նույնպես շարշարելու են ձեր պատճառով»:

Այս և սրանից է՛լ ավելին խոսեցին մեծամեծ իշխանների հետ և ցավերի վրա ցավեր ավելացրին: Հայտնել և պարզել նրանց իրենց մտադրությունը՝ չէին կարող, լռել և պատասխան շտալն էլ անհնար էր. սրտերը պատռվում էր, և հորդ արտասուք էին թափում: Նրանց հետ միասին՝ լսողներն ու տեսնողներն էլ դառնացած բոլորը անմխիթար սուգի մեջ էին ընկնում:

Այն ժամանակ այնտեղ զորքի մեջ եղած քահանաները, սրտերի բարկությունից այլևս չկարողանալով համբերել, անջատվեցին հեռացան նախարարներից և ամբողջ բազմությունից և մեկին շտապով սուրհանդակ ուղարկեցին ձիով Հայոց աշխարհը: Սա գույժը բերանն առած և օձիքը պատառելով հասավ եպիսկոպոսների ժողովին, սաստիկ արտասվելով կանգնել-պատմում էր շարշարանքների բոլոր անցուղաքձը, բայց նրանց չէր հայտնում ծածուկ մտադրությունը:

Այն ժամանակ եպիսկոպոսները ցրվեցին ամեն մեկն իր իշխանությունը, և քորեպիսկոպոսներ ուղարկեցին գյուղերն ու ագարակները և լեռնային գավառների բազմաթիվ ամբոցները: Գրդեցին հավաքեցին մեծ բազմությամբ այր և կին, շինական և աղատ, քահանա և միայնակյաց. խրատեցին, ամբապնդեցին և բոլորին Քրիստոսի զինվոր դարձրին:

Եվ խորհրդի առաջին վճիռն այս հաստատվեց. «Հարագատ եղբոր ձեռքը թող բարձրանա այն մերձավորի դեմ, որ դուրս է եկել աստծու պատվիրանի ուխտից. հայրը լինայի որդուն, և որդին չակնածի հոր պատվից: Կինը կռվի իր ամուսնու դեմ, և ծառան զիմադրի իր տիրոջը: Աստվածային օրենքը թագավորի ամեն բանում, և նույն օրենքից հանցավորներն ստանան իրենց դատապարտությունն ու պատիժը»:

Երբ այս այսպես հաստատվեց ու կարգավորվեց, բոլորն էլ զինված դուրս եկան՝ սաղավարտները զլխներին, սրերը մեջքներին և վահանները ձեռներին, ո՛չ միայն քաջ տղամարդիկ, այլև արիասիրտ կանայք:

Իսկ Հայոց զորագունդը բոլոր օգնականներով ու բազմաթիվ մոգերով շորրորդ ամսին եկան հասան Հայոց աշխարհը, մի մեծ գյուղաքաղաք, որի անունն էր Անզղ⁴³. Այգտեղ բանակ դրին, հավաքվեցին, տեղավորվեցին և ամեն կողմերից անթիվ բազմություն ժողովվեց այնտեղ:

Եվ այնպես պատահեց, որ քսանհինգ օրից հետո մի կիրակի օր մոզպետն ինքը մոզերի հետ միասին եկավ մեծ ուժով, որպեսզի քանզի եկեղեցու դռները. ուզում էր փորձել, թե գործն ինչ ընթացք կստանա: Իսկ սուրբ Ղևոնդ երեցը առաջին խորհրդակիցների և բազմաթիվ ուխտակիցների հետ միաբան այնտեղ պատրաստ գտնվեց: Թեպետև լավ տեղյակ չէր բոլոր նախարարների մտազուրկություններին և ո՛չ էլ մոզպետի ուժին ու զորությունը, ամենևին շապասեց բոլոր եպիսկոպոսներին և նույնիսկ մի քիչ էլ շամբերեց ու շներեց անօրեն իշխանին, այլ մեծ ազմուկ ու տազնապ առաջացրեց զորքերի և մոզերի մեջ: Որովհետև դազանակները ձեռքերն առած՝ մոզերի և մոզպետի գլուխները ջարդեցին, բոլորին փախցրին իրենց կացարանները, իսկ իրենք պաշտամունքը վերսկսելով եկեղեցում՝ կիրակնօրյա կարգն էին կատարում, շարունակելով այն ամբողջ նույն կիրակի օրը:

Այս խռովահույզ տագնապից հետո՝ Հայոց աշխարհի բոլոր կողմերից տղամարդկանց ու կանանց մեծ բազմություն հասավ նույն տեղը: Պետք էր տեսնել, թե ինչպիսի՞ աղետալի իրարանցում ընկավ. ոմանք աղբյուրի պես հորդ արտասուք էին թափում իրենց աչքերից. ուրիշները բարձր ճշալով կարծես թե երկինքն էին զողացնում, իսկ կեսն էլ խիզախելով ու դեպի զենքը վազելով՝ նախընտրում էին մեռնել, քան թե ապրել: Իսկ սուրբ եկեղեցու ուխտից ոմանք, Ավետարանը ձեռներն առած, աղոթքներով աստված էին կանչում: Ուրիշներն էլ փափագում էին, որ երկիրը պատուվի, որպեսզի իրենց համար գերեզման դառնա: Եվ այսպես մեծ սարսափ էին գցում մոզպետի վրա: Սա ստեպ-ստեպ աղաչում էր իր օգնականներին, որ հնար գտնեն իրեն մահից փրկելու և ողջ-առողջ նորից արթունիք հասցնելու:

Իսկ այն գործի մասին, որի համար եկել էր, ստիպում էր նրանց և ասում. «Թողք զրեմ և ցույց տամ մեծ թաղավորին, որ ձեռք վերցնի այսպիսի առաջարկություններից. որովհետև եթե աստվածներն իրենք էլ մեզ օգնություն գան, հնարավոր չէ, որ Հայաստանում հաստատություն գտնի մոզական կրոնը, ինչպես որ փորձեցի եկեղեցու ուխտի միաբանությունը: Որովհետև եթե այս աշխարհի զորքն էլ մոզեր լինեին, նրանք ամենևին չէին խնայի և սրանց էլ կսատկացնեին, ո՛չ միայն զրսից եկածներին, այլև իրենց եղբայրներին, որդիներին և բոլոր մերձավորներին, ինչպես նաև հենց իրենց: Մարդիկ, որոնք ո՛չ շղթաներից են վախենում, ո՛չ տանջանքներից երկյուղ կրում և ո՛չ հարստությունը բանի տեղ դնում և, վերջապես, որ բոլոր շարիքներից ամենից վատթարն է, մահը գերադասում են կյանքից, ո՞վ է, որ կարող է նրանց զիմազրել:

Ես լսել էի մեր նախնիներից, թե արքայից արքա Շապուհի օրերում, երբ այդ ուսմունքն սկսեց աճել ու բազմանալ և լցնել Պարսից ամբողջ երկիրը և նույնիսկ մինչև արևելք հասնել, մեր կրոնի վարդապետները հորդորեցին թագավորին [այնպես անել], որ մոգություն կրոնը բոլորովին չվերանա աշխարհից. նա էլ սաստիկ հրաման տվեց, որ քրիստոնեությունը բոլորովին դադարի: Բայց որքան նա կամեցավ արգելքներ հարուցել, նրանք ավելի ու ավելի աճեցին ու բազմացան և հասան մինչև Քուշանների աշխարհը, և այնտեղից էլ [քրիստոնեությունը] տարածվեց դեպի հարավ մինչև Հնդկաստան:

«Եվ այնպես աներկյուղ ու համարձակ էին նրանք Պարսից աշխարհում, որ մինչև անգամ երկրի բոլոր քաղաքներում այնպիսի եկեղեցիներ շինեցին, որոնք իրենց պայծառությամբ գերազանցում էին թագավորաբնակ պալատները: Շինում էին նաև վկայարան կոչվածները և նույնպես դարդարում էին եկեղեցիների նման, և բոլոր տեղերում անապատներ, միայնանոցներ էին շինում: Եվ թեև ոչ մի տեղից հայտնի օգնություն չէր երևում, բայց նրանք շարունակ աճում ու անընդհատ բազմանում էին և մարմնավոր մեծությամբ ճոխանում: Հարստության պատճառների մասին մենք ոչինչ չգիտեինք. բայց այսօրանք միայն ճշգրիտ իմանում էինք, որ ամբողջ տիեզերքը նրանց ուսմունքի հետևից էր գնում:

«Թեպետև թագավորն սկսեց խստություններ դրոժ գնել նրանց վերաբերմամբ և նրանցից շատերին բռնեց ու շարշարեց, և շատ շատերին էլ մահով սպանեց, բայց նա դառնացավ ու ինքն իրեն ձանձրացավ, իսկ նրանց բազմությունը շարողացավ նվազեցնել: Նույնպես և թեպետ փակեց ու կնքեց եկեղեցիների դռներն ամբողջ Պարսից աշխարհում, բայց նրանք ամեն տուն եկեղեցի դարձրին և ամեն տեղ իրենց պաշտամունքն էին կատարում, և ամեն մեկն իր անձը վկայարան էր համարում, և մարդկեղեն շինվածքն ավելի լավ էին հաշվում, քան հողեղենը: Սպանողների սրերը բթացան, իսկ նրանց պարանոցները շողենցին, նրանց ստացվածքն ավարի առնողները հողենցին, իսկ ավարը օրեցօր աճեց ու բազմացավ: Թագավորը դայրացած էր, և բարկացած գահիճները խիստ դառնացած, իսկ նրանք արթուն ու զվարթ՝ ուրախությամբ էին ընդունում ամեն հարված ու տանջանք և սիրով տանում էին իրենց զույքի ամեն մի հափշտակություն:

«Երբ թագավորը տեսավ, որ գրոհ տալով դեպի մահ դիմեցին, ինչպես սուրբ զոհացուները դեպի երկնավոր աղբ, արգելեց և վերջ տվեց նրանց հարվածներին ու տանջանքներին. և հրաման տվեց մոգերին ու մոգպետներին, որ ոչ ոք ամենևին նեղություն չտա նրանց,

այլ ամեն մեկն աներկյուղութիամբ հաստատ մնա իր հավատին—մոզն ու զանգիկը և հրեան և քրիստոնյան, և էլի ինչ բազմաթիվ դավանութիւններ որ կան Պարսից աշխարհի զանազան կողմերում: Եվ այնուհետև երկիրը հաստատուն խաղաղութիւն ձեռք բերեց, և բոլոր խոսվութիւններն ու հուզմունքները դադարեցին: Որովհետև մեր աշխարհի խոսվութիւն հետ՝ Արևմուտքն ևս մեծապես շարժվեց և ամբողջ Տաճկաստանն էլ նրանց հետ հուզվեց:

«Այն ահա լսելով գիտեմք. բայց այս, որ ես իմ աչքով տեսա, ինձ թվում է, թե է՛լ ավելի մեծ պիտի լինի, քան առաջվանը: Արդ, դո՛ւ, որ այս աշխարհի մարզպանն ես, պարտավոր ես հոգ տանել, գրել և ցույց տալ արքունիքին սրանց միաբան ուժը, թե ինչպե՛ս աներկյուղաբար բանի տեղ շղթին արքունական հրամանը: Եվ եթե մենք շտապեմք ու փախուստի շղթմեմք, մեզանից ոչ մեկին էլ կենդանի չէին թողնի: Եթե անզեն մարդիկ այսպիսի ուժ ցույց տվին, հապա եթե հանկարծ զինվորներին էլ իրենց հետ միացնեն, ո՞վ կարող է դրանց հանդուգն հարձակման առաջ կանգնել:

«Ես ահա անտեղյակ էի, որ այդ եկեղեցու ուխտը անքակտելի է միմյանցից. որովհետև ուրի՛շ բան է, երբ մարդ լսում է, և ուրի՛շ բան է, երբ հաստատ կերպով իր աչքով է տեսնում: Դո՛ւ, որ մանկութիւնից այդ կրոնի մեջ էիր սնված, և հավաստիորեն գիտեիր այդ մարդկանց համառութիւնը, որ առանց շատ արյուն թափելու դրանք մեզ թույլ չեն տա ձեռք տալու եկեղեցիներին, ինչո՞ւ այդ ամենը ճշտութիւնով շատացիր թագավորին իրեն: Քանի որ բոլոր նախարարներից մեծը դո՛ւ էիր, և այս ամբողջ երկիրը քեզ էր հանձնված որպէս մարզպանի, ինչո՞ւ զու ինքդ հոգ շտաբար մեծապես: Որովհետև ուրի՛շ ժամանակ իմաստուն էիր, և ես այդ գիտեի, բայց այս բանն իմաստութիւնով շարիր: Եթե այդպես չէ, ապա հայտնի է, որ դու էլ նրանց համամիտ ես, և [նրանք] քո խորհրդով բերին այս անցքերը իմ ու զորքի գլխին:

«Արդ, եթե այդ այդպես է, և զու չես կամենում մոզութիւն ընդունել, ամենևին մի՛ քաշվի և մի՛ վախենա արքայից. ես կգրեմ ու ցույց կտամ մովպետան մովպետին⁴⁴ և դարանադարձապետին⁴⁵ և մեծ հազարապետին⁴⁶, որ թագավորին համաձայնեցնեն, որպէսզի թույլ տա [վարվելու] առաջին հրամանի համեմատ և մարդկանց կամքին թողնվի, որպէսզի փոքր առ փոքր ընտելանան մոզական կրոնին, որպէսզի ովքեր ընդունեն այն, սիրով կատարած լինեն արքունի հրամանը: Որովհետև այս աշխարհը մի ծայրերկիր է. զուցե՛ երբ [նրանց]

որն է վնաս հասցնեն, նրանք էլ վեր կենան ցրվեն օտարութիւն: Իսկ երբ այս երկիրը մարդկանցից դատարկվի, այն ժամանակ քեզ էլ զլսովին մեծ վտանգ կհասնի արքունիքից»:

Մարդպանը պատասխան տվեց մոգպետին և ասաց. «Այդ բոլոր խրատներդ, որ ասացիր, ճշմարիտ են. բայց ինչ որ մենք սկզբում շահակացանք, դու տեսար, և այժմ սաստիկ զղջացիր: Իսկ այժմ ինչ որ ասում եմ, արա՛ւ և քեզ լավ կթվա: Մի քիչ համբերութիւն ունեցիր և քո այս խորհուրդը ծածկի՛ր շատերից. բայց հայտնի՛ր այն մարդկանց, որոնց ես կասեմ, մինչև որ ես ուժ հավաքեմ, օգնական զորք կանչեմ, զուցե կարողանամ եկեղեցու այդ ուխտը երկփեղկել: Եվ եթե այդ այդպես անեմ, այնուհետև դիտեմ, որ արքայական հրամանն էլ կարող եմ կատարել»:

Եվ անմիջապես զորք հանեց Սյունյաց աշխարհից, իր զորամասն ստվարացրեց՝ մոգերին ու մոգպետին օգնութիւն հասնելու համար: Եվ ապա սկսեց ասել. «Հապա դու մի թուղթ ուղարկիր Դուռը, որ Աղվա-նից աշխարհում գտնված տասը հազար այրուծին Հայաստան գա ձմեռն անցկացնելու համար. երբ նրանց մեր ձեռքի տակ ունենանք, էլ ոչ ոք չի կարողանա արհամարհել արքունի հրամանը»:

Մոգպետը պատասխան տվեց և ասաց մարդպանին. «Այդ խորհուրդը դարձյալ հակառակ է իմ խոսքերին, որովհետև եթե մենք բռնութեամբ կովենք այս երկրի հետ, ապա երկիրը կբանգովի, մենք էլ պատուհասից շենք փրկվի, մեր անձերին վնաս [կլինի] և պետութեանն էլ մեծ կորուստ»:

Բայց մարդպանն ամենին չկամեցավ նրան լսել, որովհետև սըրտանց էր ընդունել պարսկական կրոնը: Այնուհետև սկսեց ոմանց խարել գուշոզվ, ոմանց՝ հորդորական խոսքերով. բոլոր ուսմիկներին էլ ահեղ խոսքերով սպառնալով՝ վախեցնում էր: Մշտապես շատացրեց սեղանատան մթերքները և երկարացնում էր ուրախութեան ժամերը, զիշերներին երկարատևութիւնը մաշելով արքեպիսկոպիտան երգերով ու լկտի պարերով. ոմանց համար սիրելի էր դարձնում երաժշտական կարգերն ու հեթանոսական երգերը, մեծամեծ գովեստներ էր տալիս թագավորի կրոնին: Արքունիքից բերել էր նաև շատ դրամ և սրա-նրա զրպանը և գաղտնի կաշառք էր խոթում, իբր թե պարզև ու պատիվ է տալիս. և մեծ նենգութեամբ անմեղ մարդկանց հրապուրում էր և իր կողմը քաշում:

Իսկ երբ այս ամենը տեսան սուրբ եպիսկոպոսները, է՛լ ավելի ուժեղ կերպով ամրապնդվեցին իրենց միաբանութեան մեջ և հնարագետ իմաստութեամբ բանակը երկու մասի բաժանեցին: Մանավանդ

երբ հաստատ կերպով խմացան ու հասկացան, որ Այունյաց անօրին իշխանն ստացել էր այն օրհասական վերքն իր հոգու մեջ, խորշելով հեռացան և փախան նրանից:

Մի զիշեր ուխտի ամբողջ բազմութունը խորհուրդ կազմեց և զորքերի սպարապետին⁴⁷ էլ կանչեցին խորհրդի. հարցրին, քննեցին և տեղեկացան, որ նրա դիտավորութունն անշարժ է և մի փոքր անգամ չի թերացել Քրիստոսի սիրուց: Եվ միաբան ազոթք անելով նրա համար, նրան կրկին ընդունեցին առաքինիների շարքը: Նրա միջոցով շատերին էլ գրավեցին նույն միաբանության մեջ, ովքեր առաջին միաբանությունից անջատված չէին. եկան-հավաքվեցին և մեծ զորագունդ կազմեցին: Եվ է՛լ ավելի զատվեցին-հեռացան մոզերից ու մոզպետից և անօրին Վասակից:

Իսկ նա այնքան հիմարացրեց ու շվարացրեց մոզպետի միտքը, որ նույնիսկ շթողեց, որ նա գործի հեռանքները հասկանա: Ակսեց մոզեր բաժանել նախարարների տները և մեծ-մեծ ոռճիկներ նշանակել, կենդանիներ զոհել և բռնությամբ ստիպել կնքված մարդկանց, որ զոհած միս ուտեն և արեգակին երկրպագություն տան: Երբ այսպիսի պիղծ խառնակությունն սկսեց շատանալ ամբողջ երկրում, այն ժամանակ մինչև իսկ փշտիպանների⁴⁸ կանայք հանդգնեցին կիրակի օրը եկեղեցու ճրագները հանգցնել և հավատավոր կանանց⁴⁹ շորերը պատառոտել:

Այս աղմուկն ու վայնասունը երբ տեսան միաբան սուրբ եպիսկոպոսները, ավետարանը ձեռներն առնելով գնացին և առանց հարցնելու մտան սպարապետի կայանը, որտեղ ժողովված էր Հայոց զորքը:

Իրենց ձայները բարձրացրին և ասացին. «Ձեզ բոլորիդ աղաչում ենք այս սուրբ Ավետարանով. եթե մարդպանն ու մոզպետը ձեր խորհրդով են գործում այն անօրին շարագործությունները, նախ մեր պարանոցները կտրեցեք և հետո ձեռք տվեք եկեղեցուն: Իսկ եթե նրանք առանց ձեր կամքի են կատարում այն շարագործությունները, թող այսօր եթե դրա վրեժը պահանջվի նրանցից»:

Իսկ ովքեր գտնվում էին ներսում, սպարապետի կացարանում, շտքի ելան, միաբան իրենց ձայները բարձրացրին առ աստված և ասացին. «Մո՛ւ, Տե՛ր, որ բոլորի սրտերը գիտես, քեզ ամենևին պետք չէ մարդկանց վկայությունը. եթե մենք սրտանց խտորված լինենք քեզանից, այն դու ինքդ լավ գիտես. հենց այսօր էլ պատժի՛ր մեզ մեր մեղքերի համաձայն. իսկ եթե հաստատ ենք մնացել այս Ավետարանի սուրբ ուխտին, դո՛ւ, Տե՛ր, մեր օգնականն եղի՛ր այսօր և ճշմարտության թշնամիներին տո՛ւր մեր ձեռքը, որպեսզի նրանց հետ վարվենք մեր կամքի համաձայն»:

Երբ այս բանն ասացին, բոլորը զլուխները գետնին էին խփում, և ողջուն ստացան Ավետարանից ու եպիսկոպոսներից:

Իսկ նախարարներից մեկը, որ այնտեղ պատահեց, նրանց խորհրդի մեջ էր. սա շմիաբանվեց նրանց հետ այն մեծ վկայութիան գործում և իսկույն տեղնուտեղը նրանց կողմից քարկոծվեց, և մեծ սարսափ ընկավ բոլորի վրա:

Այն ժամանակ բոլորն այնպես բորբոքվեցին զայրույթով, որ մինչև անգամ բոլոր տեսողների երիկամները զողում էին. նրանք ոչնչի տեղ գրին արքունի պարզեները և ոտնատակ տվին ահռելի հրամանները: Շտապով վազեցին դեպի իրենց զենքերը, ամբողջ գիշերը սպառազինվեցին՝ պատրաստվեցին և արևը ծագելուն պես գորքը-երեք մասի բաժանելով՝ վրա տվին բանակին: Առաջին գունդն արևելյան կողմից, երկրորդ գունդն արևմտյան կողմից և երրորդ գունդը հյուսիսային կողմից շուրջանակի իրենց մեջ առան-փակեցին մեծամթիվ բանակը⁵⁰. շատերին կոտորեցին, է՛լ ավելի շատերին երևելի մարդկանցից կապեցին և ամուր բերդերում բանտարկեցին իրենց իշխանութիան տակ: Եվ բանակի կողոպուտը, թալանն ու ավարը մի տեղ ժողոված պահում էին իբր թագավորի հրամանով:

Իսկ երբ մարդպանին էլ ձերբակալեցին, նա երզումով միաբանվեց նրանց հետ, որ հաստատ կմնա ուխտին, զողում էր, որ առաջ բաժանվել էր նրանցից: Ապաշխարելով ընկնում էր սուրբ եպիսկոպոսների ոտները և աղաչանք-պաղատանք էր անում, որ շմբոթեն ու հենաջնեն նրան իրենցից: Երկու-երեք անգամ անսուտ երզում տվեց սուրբ Ավետարանի վրա բազմութիան առաջ, երզումը գրեց, կնքեց և կապեց Ավետարանից. և աղաչում էր, որ աստված վրեժխնդիր լինի [իրենից] և ո՛չ թե նրանք մարդկաբար սատկեցնեն իրեն:

Իսկ նրանք թեպետև հաստատ գիտեին նրա նենգավոր կեղծավորությունը, և թե խաբուխությամբ նորից դառնալու է էլի առաջվա մոլորությունը, ամենևին հող չտարան նրա վրա ձեռք բարձրացնելու նախորդ հանցանքի համար, այլ նրա դատապարտությունը թողին սուրբ Ավետարանին:

Իսկ նրանք, ովքեր եկել էին եկեղեցու սուրբ գանձերը կողոպտելու համար, իրենց անձերն ու ավարը ակամա գրին սուրբ եպիսկոպոսների և ամբողջ զորքի առաջ. և թագավորի հրամանը ջնջվեց-ոչնչացավ: Եվ աստծու դորությունը հաջողություն գտնելով՝ տղամարդիկ և կանայք և ամբողջ ռամիկ բազմությունը ազադակում և ասում էին զոհանալով. «Պատրաստ ենք հալածվելու և մեռնելու և ամեն տեսակ նեղություն ու շարշարանք կրելու այն սուրբ եկեղեցիների համար, որ ավանդեցին

մեզ մեր նախահայրերը՝ մեր Տեր Հիսուս Քրիստոսի գալստյան զորութեամբ, որով նորից ծնվեցինք մի հավատի հուսով, մկրտվելով Հիսուս Քրիստոսի անունով. նույն նմանութեամբ կամենում ենք շարշարանքներով և արյունով նորոգել մեր անձերը: Որովհետև մեզ հայր ենք ճանաչում սուրբ Ավետարանը, և մայր՝ առաքելական Կաթողիկե եկեղեցին. թո՛ղ ոչ ոք իրեն շար անջրպետ մեջ ընկնելով՝ մեզ սրանից չբաժանի»:

Այնուհետև տերը ծառայից ավելի չէր երևում, և ո՛չ էլ փափուկ մեծացած ազատը՝ տառապյալ գեղջուկից, և ո՛չ էլ մեկը մյուսից ավելի պակաս քաջության մեջ: Միևնույն հոժար սիրտն ունեին բոլորն էլ՝ տղամարդ ու կին, ծեր ու տղա, և Քրիստոսի անունով բոլոր միաբանվածները: Որովհետև առհասարակ [բոլորն էլ] միևնույն զենքով զինվորվեցին և Քրիստոսի հավատի պատվիրանի միևնույն զրահը հագան, ճշմարտության միևնույն գոտիով ամբացրին իրենց մեջքերը թե՛ տղամարդիկ և թե՛ կանայք:

Այնուհետև վեր ընկած էր մնում ոսկին, և ոչ ոք հատկապես իր համար արծաթ չէր վերցնում, և առանց ազահության արհամարհված, անարգված էին զարգարանքի ու մեծարանքի համար հատկացված պատվական հազուստները: Ինչպես և ամեն մի գույք ոչինչ էր համարվում իր տերերի աչքում: Իրենց անձերի վրա նայում էին ինչպես մեռած դիակների վրա, և ամեն մեկն իր գերեզմանն ինքն էր փորում. իրենց կյանքը մահ էին համարում, իսկ մահը՝ հավաստի կյանք:

Բայց շուտ-շուտ այս խոսքն էր լսվում. «Միայն թե քաջութեամբ մեռնենք, միայն թե անուն և հոգի ժառանգենք, որ մեր մեջ կենդանի լինի Քրիստոսը, որի համար հեշտ է մյուս անգամ նորոգել մեզ հողից, ինչպես և նախկին բոլոր մեռածներին, և յուրաքանչյուրին հատուցանել իր գործերի համեմատ»:

Այս և սրանից էլ ավելին խոսելով և իրենց ու միմյանց մխիթարելով՝ զինվորները մի անգամ էլ պատրաստեցին իրենց զենքերը, և ազոթավորները շարունակում էին իրենց ազոթքները, և պահեցողները ճգնում էին իրենց պահքի մեջ: Պաշտոնյաների ձայները գիշեր-ցերեկ անպակաս էին սուրբ սաղմոսները կարգալու մեջ. աստվածային կտակարանների ընթերցումը երբեք չէր դադարում ոչ մի ժամ, այդպես էլ՝ մեկնիչների երկնավոր վարդապետութեամբ մխիթարելը:

Այն ժամանակ նորից հարձակվեցին այն բերդերի և ավանների վրա, որ երկրի զանազան ամուր տեղերում գրավել էին պարսիկները. կործանեցին-քանդեցին նրանց բնակութունները: Նախ՝ մեծ Արտաշատը իր ավաններով. և առան անմատչելի ամրոցները՝ Գառնի քաղաքը, Անին, Արտազեսը և իրենց ավանները. Երկայնորդն ու Արխանին և իրենց

ավանները, Բարձրաբողբ, Խորանիստը, Մախանիստը, ապահով Ողականը և սրանց հետ իրենց ավանները, Արփանյալը, Վան ավանը, նրա հետ նաև իր ավանները. Գոյալն ու Կապույտը, Որոտն ու Վաշակաշատը:

Այս բոլորն ամեն մեկն իր գյուղերով ու ագարակներով, զորքերով ու զորագլուխներով նույն տարին առան ու կործանեցին և տղամարդկանց ու կանանց գերի տարան իրենց գույքերով ու ստացվածքներով, թանկագին զանձներով ու կահ-կարասիով: Տապալում-քանդում էին նրանց շենքերը և հրկիզում էին կրակի պաշտամունքի տեղերը: Մարում էին կոապաշտությունների պղծությունը և գրավում էին ատրուշանների սարք ու կարգը, բերում-դնում էին սուրբ եկեղեցում և սուրբ քահանաների միջոցով նվիրում էին ի ծառայություն տերունական սեղանի: Եվ սնտոխ պաշտամունքների փոխարեն, որ տապալեցին հեթանոսների բոլոր վայրերում, կանգնեցնում էին Քրիստոսի փրկական խաչը. ամենասուրբ սեղան էին շինում և սրբությամբ կատարում կենդանարար խորհուրդը, պաշտոնյաներ ու քահանայներ էին նշանակում այն տեղերում: Ամբողջ երկիրն առհասարակ ուրախանում էր հաստատուն հուսով:

Եվ մինչդեռ այս մեծ առաքինությամբ կատարյալ էին դարձնում իրենց նահատակության գործը, կարծես մի տեսակ աստվածային շնորհ էր երևում բոլորի վրա. որովհետև առանց հայոց զորքերից հրաման ունենալու՝ աշխարհի արևելյան կողմից ոմանք հարձակվեցին Ասորպատական⁵¹ աշխարհի վրա և զանազան տեղերում մեծ վնասներ տվին՝ բազմաթիվ ատրուշաններ առնելով, ավերելով ու կործանելով:

Իսկ ովքեր դեպի մեծ ամրոցներն էին դիմում, երեսները խաշակնքելով հարձակվում էին զորքի վրա. այդպիսով երկու մեծ բերդերի պարիսպանք՝ դեռ ոչ ոք չմտեցած՝ կործանվեցին-ընկան. այնպես որ երկրի բոլոր բնակիչները այդ մեծ հրաշքից զարհուրած՝ իրենք իրենց ձեռքով այրում էին կրակատները. ուրանալով մոգության կրոնը՝ հավատում էին սուրբ Ավետարանին:

Ուրիշ մեծ-մեծ հաջողություններ էլ էին կատարվում զորականների միջոցով. որովհետև ուր ամենևին հույս չկար, թե որևէ մեկը աստծու անունը կտա, այնտեղ մեծ արհամարքներ էին թափվում նրանց վրա, և ամեն մարդ նոր ու զարմանալի տեսիլներ էր պատմում իր ընկերոջը: Նույնպես և աստղերը երկնքում սաստիկ լուսավոր ու պայծառ էին երևում, մի բան, որ նրանց առաջին բնությանը հատուկ չէր: Եվ այդ երկրի բոլոր տղաները խիզախում էին պատերազմող տղամարդկանց նման:

Եվ ահա շատ օրեր անցնելուց հետո եկավ-հասավ Աղվանից հա-
զարապետը նույն աշխարհի սուրբ եպիսկոպոսի հետ միասին, մեծ
տագնապով շտապեցնում էր զորքին՝ ասելով. «Հոնների աշխարհի կող-
մերը գտնված Պարսից զորքը ետ դարձավ այս կողմը, եկավ-մտավ
մեր երկիրը. և շատ ուրիշ այրուձի էլ արքունիքից եկավ: Եվ բացի այս
ամենից՝ հետները բերել են նաև երեք հարյուր մոզ վարդապետներ,
պառակտեցին աշխարհը և ոմանց իրենց կողմը գրավեցին և կամենում
էին եկեղեցու վրա ձեռք բարձրացնել. թագավորի հրամանով ստիպում
էին բոլորին և ասում էին. «Եթե հոժարակամ հանձն առնեք [մոզա-
կան] կրոնը, պարգևներ ու պատիվներ կստանաք նրանից, և արքու-
նիքը կնեղի ձեր հարկերը. իսկ եթե [ձեռք] կամբողջ հանձն շառնեք այդ,
մեզ հրամայված է գյուղերում և քաղաքներում ատրուշաններ շինել, և
Վռամական կրակը⁵² դնել նրանց մեջ և ձեր ամբողջ երկրի վրա մոզեր
ու մոզպետներ կարգել օրենսդիր: Եվ եթե որևէ մեկը անհնազանդ
գտնվի և դիմադրի, ինքը մահվան պատիժ կկրի, իսկ նրա կիսն ու որ-
դինները երկրից արտաքսվելով՝ արքունի [կալվածներում աշխատելու]
կգնան»:

Իսկ Հայոց զորքը երբ լսեց այս դառն գույժը, ամենևին չթուլացավ
քաջությունից և չըրվեց, այլ դարձյալ ամբողջ երկրից համագունդ ժողով
արին այն բոթարեր պատգամավորների վերաբերմամբ, որոնք եկել
էին նրանց մոտ: Եվ միաբանությունամբ քաջալերելով՝ արձակեցին նրանց,
որպեսզի միառժամանակ սուտ խաբուսթյամբ ետ պահեն նրանց իրենց
շար կամբը կատարելուց, թույլ շտան իրենց եկեղեցու սուրբ ուխտին
դիպչելու. իսկ իրենք աստժու օգնությունամբ խորհուրդ անելով մի ելք
էին փնտրում զորժի համար:

Այն ժամանակ մեծ նախարարներից մեկին Գնունյաց տոհմից՝
Ատոմ անունով, շտապով ուղարկեցին Արևմտյան երկիրը, որ Արևելքի
շարամիտ թագավորի այս բոլոր մտադրությունները հայտնի, միաժա-
մանակ պատմի նաև իրենց քաջությունները, որ կատարեցին զործով,
ոտի տակ տալով ահեղ հրամանը, և մոզերին մեծապես սատկեցնելը,
և նրանից օգնություն ու օժանդակություն խնդրի, և եթե նա կամենա,
նրա ծառայության տակ մտնեն:

Եվ այս է այն գրություն պատճենը, որ գրեցին թեոդոս կայսրին.

«Հովսեփ եպիսկոպոս իմ բազմաթիվ եպիսկոպոսակիցներով և
Հայոց ամբողջ զորքով, Վասակ մարզպան և ներշապուհ Ռմբոսյան,
սպարապետի հետ միասին և բոլոր մեծամեծ նախարարներով՝ մեծա-
նուն թեոդոս կայսրիդ շատ ողջույն հասնի մեր կողմից քեզ ու քո բոլոր
զորքերին, որ ձեր խաղաղասեր մարդասիրությամբ տիրում եք ծովին

ու ցամաքին, և երկրավորներինցս չկա մեկը, որ դեմ զնա ձեր խոշոր-
դատներ շունեցող տերութիւններ:

«Ինչպես որ մենք էլ ունենք ձեր առաքինի նախնիների մասին
անսուտ հիշատակարաններ, նրանք Եվրոպան նվաճելով՝ անցան և
տիրեցին Ասիացիների երկրներին ևս Սեբալի սահմաններից մինչև
Գաղերովնի⁵³ կողմերը, և ոչ ոք չգտնվեց, որ ըմբոստանար և նրանց
ձեռքի տակից դուրս գար:

«Ե՛վ այնչափ մեծ իշխանութիւն մեջ մեծ ու սիրելի դաստակերտ
էին անվանում Հայոց աշխարհը: Այս պատճառով էլ մեր նախնին՝
Տրդատիոսը, հիշելով ձեր առաջին սերը, որ մանկութիւն ժամանակ իր
հորն սպանող մարգախողխող հորեղբայրների ձեռքից փախցրած՝
փրկվել ու սնվել էր հույների երկրում և ձեր օգնութեամբ թագավորե-
լով տիրեց իր հայրենի աշխարհին, սույնպես և Քրիստոսի հավատն
ընդունելով Հռոմի սուրբ եպիսկոպոսապետից, լուսավորեց հյուսիսի
խավար կողմերը, որ և ահա արևելքի խավարասեր որդիներն ուզում
են խլել, կորզել մեր ձեռքից:

«Ե՛վ մենք հույս դնելով ձեր արիութիւնն ու քաջութիւնն զրա, բաներ
կային, որ ընդդիմացանք նրանց հրամաններին, բայց է՛լ ավելի շատ
բան կա, որին պատրաստվել ենք այսուհետև [ընդդիմանալու]: Գերա-
դասեցինք մահն աստվածապաշտութեամբ, քան կյանքն ուրացութեամբ.
Եթե դուք էլ պաշտպանեք մեզ, ահա կրկին կյանքի հանդիպեցինք և ոչ
թե մահվան: Իսկ եթե մի քիչ էլ դանդաղեք, զուցե այս կրակի բոցը
ուրիշ շատ աշխարհների էլ հասնի»:

Ե՛վ երբ ներկայացան մեծ թագավորին և կարգացին Հայոց աշ-
խարհի աղաչական գրութիւնն ու նախնիների հիշատակարանները,
շատ զբոսր մեջ բերին՝ կարգացին և նրանց մեջ էլ գտան նույն հաս-
տատուն ուխտը:

Ե՛վ մինչդեռ երանելի Թեոդոսը հարցուփորձ էր անում ամբողջ Սինկ-
դիտոսին⁵⁴ և կամենում էր գործի համար մի հնար գտնել, խաղաղու-
թեամբ և մեծ հոգարութեամբ հոգ էր տանում, որ Արևելքի եկեղեցիները
չհափշտակվեն անօրեն հեթանոսների կողմից, այդ նույն ժամանակ
շուտով հասավ նրա կյանքի վախճանը և օգնութիւն գործը շարաշար
խափանվեց:

Ե՛վ նրա փոխարեն թագավորեց Մարկիանոս կայսրը. սա իր խրա-
տատու վատթար ծառաների շնորհիվ, այն է՝ Անատոլ սպարապետի և
Եղիփարիոս ասորու, — երկուսն էլ անարգ ու վատթար, միևնույն ժամա-
նակ և անաստված մարդիկ, — նրանց կողմն անցնելով թագավորը՝ չկա-
մեցավ ուշադրութիւն դարձնել հայերի միաբան ուխտին, որ իրենց ամ-

բողջ ուժով ընդդիմացել էին հեթանոսների շարութեանը: Իսկ այս անարի մարդը ավելի լավ էր համարում իր դաշինքը պահել հեթանոսների հետ⁵⁵ մարմնական խաղաղութեան համար, քան թե քրիստոնեութեան ուխտին պատերազմակից լինել: Այդ պատճառով էլ շտապեց, զհասպաններ ուղարկեց Պարսից թագավորի մոտ նույն եղփարիտսին և հաստատուն դաշն կնքեց նրա հետ՝ օգնություն ցույց շտալ Հայոց զորքին ո՛չ զորքով և ո՛չ էլ զենքով ու ամեն տեսակ օժանդակութեամբ:

Եվ երբ այս այսպես կատարվեց-պրծավ, և նրանց հույսը կտրվեց մարդկային օգնությունից, դարձյալ սուրբ եպիսկոպոսներն սկսեցին բաշտել իրենց և Հայոց զորքին: Թեպետև տեսնում էին իրենց սակավությունն ու երկու թագավորների միաբանությունը, բայց և այնպես ամենևին չէին վհատվում ու զողում, այլ նախկին ուխտադրութեան համաձայն խիզախում էին և ասում. «Պատրաստ ենք սպանելու և մեռնելու. աստծու համար հեշտ է քիչ մարդկանցով շատերի զործ կատարել և անարգների միջոցով՝ մեծամեծ բաներ անել»:

Թեպետև թագավոր շունեին իրենց առաջնորդ և ո՛չ էլ զրսից որևէ օգնական օտարներից, բայց բոլոր նախարարներն անձնական առաքինությամբ և սուրբ վարդապետների մխիթարությամբ իրենց բոլոր զորքերի հետ միասին ամեն մեկն իր տնից շտապով եկան, մի տեղ հավաքվեցին, նաև ուրիշ շատ հեծելազոր, որոնք թագավորական տնից էին:

Եվ ամբողջ զորքը երեք գնդի բաժանեցին:

Առաջին գունդը տվին ներշապուհ Ռմբոսյանին և ուղարկեցին նրան երկիրը պահպանելու Ատրպատական աշխարհի սահմաններին մոտիկ:

Երկրորդ գունդը տվին Հայոց վարդան զորավարի ձեռքը, որ անցնի վրաց սահմանից ճորա մարդպանի վրա, որ եկել էր Աղվանից եկեղեցիներն ավերելու:

Իսկ երրորդ գունդը հանձնեցին Այունյաց վասակ իշխանին, որն իր ներքին մտազրույթույններով հեռացած չէր հեթանոսների ուխտից: [Նա] ընտրեց և իր հետ վերցրեց այնպիսի մարդիկ, որոնց հավատի թուլությունը գիտեր.

Բագրատունյաց իշխանին իր զորքով.

Խորխոռունյաց իշխանին իր զորքով.

Ապահունյաց իշխանին իր զորքով.

Վահևունյաց իշխանին իր զորքով.

Պալունյաց իշխանին իր զորքով.

Կարեղենից իշխանին իր զորքով.

Արժա Իշխանին իր զորքով:

Եվ ուրիշ բազմաթիվ զորք էլ արքունի տնից իր կողմը գրավեց, նույնպես և ուրիշ սոհմից մի քանի սեպուհներ: Եվ խորամանկ խաբուսթյամբ դարան էր մտնում իր երկրի բերդերում, կեղծավորությամբ պատճառ բերելով, թե ճեպընթաց պիտի անցնի-հարձակվի Պարսից զորքի վրա՝ Աղվանից երկրից նրանց հայածելու համար:

Իսկ նա [իր] ամրածածուկ թաքստոցից շտապով զեսպաններ ուղարկեց Պարսից զորքերի մոտ, թե «Ահա քանդեցի Հայոց ուխտի միաբանությունը և երեք կողմերի վրա զորքը քանդելով բաժանեցի: Առաջին գունդը հեռացրի Հերի և Զարհանդի⁵⁶ կողմերը. երկրորդ գունդը իմ ձեռքի տակ է, որոնց թույլ չեմ տա որեւէ վնաս հասցնել արքունական զորքին: Եվ էլի որքան պատերազմող մարդ որ կար այս աշխարհում, ցիրուցան արի այս երկրի զանազան կողմերը: Իսկ երրորդ գունդը՝ Վարդանի հետ Աղվանք ուղարկեցի՝ փոքրաթիվ և ոչ թե բազմաթիվ: Համարձակ դուրս արի նրա առաջ և ամենեին մի՛ վախենա նրա դեմ պատերազմի ելնելուց. գիտեմ, որ պարսություն պիտի կրեն քո մեծ զորության առաջ»:

Այս բանը գրեց և հասկացրեց մարզպանին, որի անունը Սերուխտ էր: Իսկ նա, երբ լսեց Վասակից այս բոլոր խրախուսանքները և ստուգելով համոզվեց, որ Հայոց սպարապետը սակավաթիվ զնդով է դալիս նրա վրա, այլևս չմնաց ճորա կողմերում, այլ հավաքեց իր ամբողջ բազմաթիվ զորքը և շտապով անցավ Կուր անունով մեծ գետը և հանդիպեց նրան Վրաց սահմաններին մոտիկ Խաղտաղ⁵⁷ քաղաքի հանդեպ, որ Աղվանների թագավորների ձեռնոցն էր: Անցավ սփռվեց իր ամբողջ զորքով, բանակ դրեց և դաշտի ամբողջ մեծութունը բռնեց. զինված ու լիովին սպառազեն դուրս եկան կովիլու Հայոց զորքի դեմ:

Իսկ քաջ Վարդանը և նրա հետ գտնված ամբողջ զորքը, երբ տեսան հեթանոսների զնդի մեծ պատրաստությունը, նայեցին նաև իրենց սակավությանը. թեև թվով նրանցից շատ ավելի քիչ էին, բայց ամենեին շվախեցան նրանց մեծ բազմությունից, այլ բոլորը միասին իրենց ձեռքերը դեպի երկինք բարձրացրին, աղաղակում էին և ասում.

«Դատի՛ր, Տե՛ր, նրանց, ովքեր դատում են մեզ. կովի ելիր նրանց դեմ, ովքեր ահա մարտնչում են մեր դեմ. քո զենքով ու ասպարով օգնի՛ր մեզ՝ Թափահարի՛ր և դողացրո՛ւ այս անօրենների գունդազունդ բազմությունը. ցրի՛ր և ոչնչացրո՛ւ քո թշնամիների շար միաբանությունը այս քո փրկական մեծ նշանի առջև և մեր՝ սակավաթիվներիս

* ՍաղՃ. ԸԳ 1—2:

ձեռքով քաջութիւնն ու հաղթութիւնն պարգևի՛ր այս անհամար բազմութեան դեմ: Ո՛չ թե անօգուտ վաստակների սնոտի փառասիրութեամբ պարծենալու համար ենք աղաչում կամ թե ընչասեր ազահութեամբ անցավոր հարստութիւն կողոպտելու, այլ որպէսզի ճանաչեն ու իմանան այն բոլորը, ովքեր շեն հնազանդվում սուրբ Ավետարանի քարոզութեանը, թե դո՛ւ ես կյանքի ու մահվան տերը, և քո՛ ձեռքին է հաղթութիւնն ու պարտութիւնը: Իսկ մենք պատրաստ ենք մեռնելու քո սիրո համար. և եթե պետք լինի նրանց սպանել էլ, ճշմարտութեան համար վրեժխնդիր կլինենք»:

Այս ասելով՝ խումբ կազմեցին ու հարձակվեցին, և աչ թեք ճեղքելով՝ ձախ կողմը գցեցին, բոլորին սրի ճարակ արին ամբողջ դաշտի վրա և փախցրին մինչև անտառի ամուր տեղերը՝ Լոփնաս գետի⁵⁸ խոր ձորերի մոտ: Այստեղ Բաղասական⁵⁹ թագավորի թագավորազններից ոմանք ետ դարձան, Հայոց նախարարներից մեկին ձիուց վայր գցեցին, Դիմաքսյան գնդից Մուշին սպանեցին և Գագրիկին վիրավորեցին:

Այնտեղ աչբը վեր բարձրացրեց Արշավիր Արշարունին, մռնչաց առյուծի պես և հարձակվեց վարազի նման, խփեց սատկեցրեց կփնաց թագավորի եղբայր քաջ Վուրկին և նրա բազմաթիվ համհարզներին էլ նրա հետ սպանեց: Եվ այսպէս առհասարակ յուրաքանչյուրն իր ախոյանին գետին էր գլորում: Եվ սաստիկ հանդուգն հարձակման պատճառով գետը թափվածների թիվն ավելի շատ էր, քան թե ցամաքի վրա սրի անցրածներինը: Եվ ընկած դիակների բազմութիւնից գետի հստակ ջրերը արյուն դարձան, և նրանցից ոչ ոք չկարողացավ փրկվել և թաք կենալ դաշտերի խիտ անտառներում: Բայց թշնամիների զորականներից մեկը իր զենքերով միասին բարձրանալով ձիու մեջքին՝ անցավ մեծ գետը, մազապուրծ եղավ պատերազմից՝ գույժ տարավ մնացած բուն բանակին, որոնք փախան գնացին մեծ շահաստանը⁶⁰:

Այն ժամանակ Հայոց զորքերը պատերազմի մեծ գործն ավարտելով՝ սկսեցին դիակների կողոպուտը, հավաքեցին բանակի մեծ ավարը և կողոպտեցին ընկած դիակները. ժողովեցին շատ արծաթ ու ոսկի, արի մարդկանց և լավ երիվարների զենքերն ու զարդերը:

Դարձյալ ոչ պակաս քաջութեամբ հարձակվեցին այն բերդերի և քաղաքների վրա, որ գրավել էին պարսիկներն Աղվանների աշխարհում, հզորապէս մարտնչելով հրդեհում էին նրանց ամուր բերդերը. և մոզերի այն խմբերը, որոնց պատրաստել-բերել էին երկրում գալթակղութիւն գցելու համար, ո՛ւր էլ գտնում էին ամուր-ամուր տեղերում, սրի ճարակ դարձնելով՝ թողնում էին երկնքի թռչուններին և երկրի գաղան-

ներին կերակուր: Այն տեղերը մաքրեցին բոլոր պիղծ զոհերից, և եկեղեցիները փրկեցին-ազատեցին անտանելի նեղութիւնից:

Աղվանից նախարարներից ու բոլոր շինականներից շատերն էլ, որոնք աստծու անվան համար ցիրուցան էին եղել Կապկոհ լեռների⁶¹ ամուր տեղերում, երբ տեսան այդ գործի հաջողութիւնը, որ աստված կատարում էր Հայոց զորագնդի միջոցով, նույնպես եկան-ժողովեցին և խառնվեցին Հայոց զորքի հետ և նրանց հետ միաբան ու հավասար մասնակցեցին քաջութիւն գործին: Այնուհետև զնացին-արշավեցին Հոնների պահակի⁶² վրա, որ բռնութիւններ գրավել էին պարսիկներու առան, քանդեցին պահակը և կոտորեցին ներսում բնակված զորքը և Դուռը հանձնեցին Վահանին, որ Աղվանների թագավորների ցեղից էր: Եվ այս բոլոր քաջագործութիւններն անելիս՝ նրանցից ամենևին ոչ ոք չվիրավորվեց, բացի մեկ երանելուց, որ նահատակվեց մեծ պատերազմի մեջ:

Եվ տեղնուտեղը այն մարդուն, որին հանձնել էին Դուռը, հենց նրան էլ դեսպան ուղարկեցին Հոնների երկիրը և Հոնների երկրին գործակից ուրիշ շատ բարբարոս ազգերի մոտ՝ նրանց հետ բանակցելու և դաշն կնքելու, որ հաստատ մնան այդ միաբանութիւն վրա: Իսկ նրանք երբ այս բոլորը լսեցին, շտապով եկան-հասան այնտեղ և իրենց աշքով տեսան հաղթութիւն գործը: Եվ շնապաղեցին երզումով դաշն կնքել իրենց օրենքով ու կարգով: Ընդունեցին նաև քրիստոնյաների երզումը՝ հաստատ պահելու միաբանութիւնը նրանց հետ:

Երբ այս բանն ավարտեցին և իրենց համար մեծ ապահովութիւն ձեռք բերին, և դեռևս նույն վայրում տեղավորված էին հանգիստ կերպով, Հայոց աշխարհից մի գուժկան հասավ, ճակատը վիրավորված ու օձիքը պատառոտված [և պատմեց] ապստամբ Վասակի մասին. «Շեռացել է քրիստոնեութիւն ուխտից և ավերել Հայոց աշխարհի շատ տեղերը, մանավանդ արքունի ձմեռոցները, որոնք զորքի կայաններն էին, Գառնին և Երամոնսը և Դրասխանակերտը՝ մեծ դաստակերտը, Վարդանաշատը և Օշական ամրոցը, Փառախտը, Սարգլանքը, Չողակերտ ավանը և Արմավիրի բերդը, Կուաշ ավանը, Արուճը, Աշնակը և ամբողջ Արագածոտնը, Արտաշատի նահանգը և նույնիսկ Արտաշատն ամբողջովին, ինչպես և նրա շուրջը գտնված բոլոր գլուղերն ու ավանները՝ առել, ավերել և կրակ է տվել և ձեր բոլորի ընտանիքները փախցրել-հեռացրել է իրենց բնակութիւնից: Ձեռք է տվել նաև սուրբ եկեղեցիներին. տարել է նաև եկեղեցու սեղանի սուրբ անոթները. զերել է քահանաների ընտանիքներին, իսկ նրանց կապել ու բանտ է դրել. և ինքը ասպատակ սփռելով ու տարածելով ամեն կողմ՝ ամբողջ եր-

կիրն ավերում է: Եվ այն գունդը, որ Ատրպատականի կողմերում էր, շկարողացավ օգնության ձեռք մեկնել Միշնաշխարհին⁶³: Իսկ այնտեղ մնացած զորքը՝ փախուստ տալով այդ անօրենից՝ քաշվել է երկրի մի ծայրը և դեռևս պահում է Քրիստոսի սիրո միաբանության ուխտը ձեզ հետ: Իսկ նրանք ովքեր նրա հետ էին, ոմանք փախան ամեն մեկն իր տեղը, բայց ավելի բազմաթիվ են նրանք, ովքեր մուրավեցին և հետևեցին նրա ամբարշտությանը»:

[Հայոց զորքը] խիստ շտապով շվեց այնտեղից՝ մեծ ավարով և անշափ հարստությամբ նորից Հայոց աշխարհը վերադառնալու համար. և անտրտում ուրախությամբ բարձր ձայնով երգում էին և ասում. «Գոհություն մատուցեք Տիրոջը, որովհետև նա բարի է, որովհետև նրա ողորմությունը հավիտենական է. ո՛վ ջարդեց մեծամեծ ազգերին և սպանեց հզոր իշխաններին, որովհետև նա բարի է, որովհետև նրա ողորմությունը հավիտենական է*»: Եվ այս սաղմոսը մինչև վերջը երգելով՝ կատարյալ աղոթքով փառք էին տալիս սուրբ Երրորդությանը: Այնտեղ զորավարը խնամքով հոգում-կարգավորում էր զորքի դրությունը առաջապահներով, վերջապահներով ու կողմնապահներով և երեսուն օրվա մեջ ողջ ու առողջ հասցրեց հայրենի երկրի սահմանները:

Լուր հասավ ուրացյալ Վասակին և նրա հետ եղած իշխաններին Վարդանի զորախմբի արիության ու քաջության մասին Աղվանից աշխարհում, ինչպես նաև հոների միաբանվելու մասին: Գեռ միմյանց չէին հանդիպել, նա մի գիշերից օգուտ քաղելով՝ փախավ-ընկավ իր երկրի ամրոցները և այնպիսի տազնապի մեջ հեռացավ, որ Այրարատ գավառից վերցրած գերին ու ավարը, իրն էլ ակամա վրան ավելացրած, թողեց ու փախավ:

Եվ որովհետև ձմեռ ժամանակը վրա էր հասել, և պաշարները թշնամիների գունդն ավարել էր, [Վարդանը] շկարողացավ ամբողջ զորքը մի տեղում պահել ու մատակարարել, այլ սփռեց-տարածեց երկրի զանազան գավառները՝ ձմեռը հանգստանալու համար: Պատվեր տվեց, որ կազմ ու պատրաստ լինեն զարնան պահին: Եվ ավագ նախարարների խմբից քչերին իրեն զործակից թողնելով՝ ուժեղացավ և գրավեց թագավորանիստ տեղերը:

Եվ գունդ-գունդ զորք էր ուղարկում Սյունյաց երկիրը, առնում ու ավերում էր շատ գավառներ. և այնպես նեղը լծեց [Վասակին] և նրա հետ եղած ամբողջ զորքին, որ սովի վտանգից անխտիր սատկած էշերի և ձիերի միս էին ուտում: Եվ շատ հարվածներ էր հասցնում ուրաց-

* Սաղմ. ճվէ 1 հմմտ. Սաղմ. ճլէ 1, 17—18:

լալին, այնպես որ սուրբ եպիսկոպոսների ժողովն ու քահանայութիւնի
ամբողջ ուխտը դառն արտասուք էին թափում շարաշար տանջվածների
վրա, որովհետև բորիկ ու ոտքով էին քշում տղամարդկանց ու փափ-
կասուն կանանց և շատ տղաների քարերին խփելով սպանեցին-զցեցին
ճանապարհների վրա:

Երբ աստծու երկյուզածներն այս ամեն հաջողութիւններն ունե-
ցան, բոլոր եպիսկոպոսներն ու երեցները հրաման արձակեցին ժողո-
վրդին՝ ամբողջ Քաղոց ամիսը՝⁶⁴ պահելով ու աղոթելով խնդրվածք անել
աստծուն, և պատերազմների հաղթութիւնն տոնը խառնել Քրիստոսի
Հայտնութիւնի սուրբ տոնին, որպեսզի այս մեծ հիշատակը անխափան
մնա աստվածային անանց տոնի հետ:

Եվ աստծու այս բոլոր այցելութիւնները, որոնք մեծապես երևա-
ցին Հայոց աշխարհի վրա, սուրբ եպիսկոպոսները գրեցին և ուղարկե-
ցին Հուլաների երկիրը, մեծ քաղաքը՝ Եկեղեցու սուրբ ուխտին, որպեսզի
նրանք էլ աղոթք անեն և աստծուց խնդրեն՝ որ ինչպես սկսել ենք, այն-
պես էլ ավարտենք:

Եվ նախկին բռնված պարսիկներից մեկին [կապանքներից] ազա-
տեցին ու բերին նախարարների առաջ. նրա հետ խոսում էին և ցույց
էին տալիս այն բոլոր վնասները, որ եղան. թե՛ երկրների ավերվելը,
թե՛ արքունի զորքերի ջարդվելը և թե՛ այն բաները, որ զեռ պետք է
լինեին առաջիկայում: Եվ երբ այս բոլորը լրիվ հասկացրին նրան, եր-
կու կողմերն էլ՝ թե՛ առաքինիները և թե՛ հետ կացածները՝ միաբան-
վեցին ու ամբաստանեցին, թե ինչպե՛ս զուր և անտեղի ստիպեց նրանց
հայրենի կրօնից հրաժարվել, և ապստամբ Վասակի խաբութիւնը, որը
թագավորին խաբեց՝ որպես թե հայերը հանձն են առնում մոզութիւնը,
մինչդեռ ոչ ոք նրան խոսք չէր տվել, այլ նա ինքն իրենից քծնելով
խաբել էր:

Երբ այս ամենը լիովին հասկացրին, նրան պատգամավոր ուղար-
կեցին [թագավորի մոտ]՝ եղածն արդարացնելու և հնարքներ գտնելու,
որ թերևս կարողանան իրենց եղբայրներին նեղութիւնից ազատել:

Բայց նրա մոտ անօրեն Վասակի գուժկաններն ավելի առաջ էին
հասել, որ պատմեն արքունի զորքի զլխով անցած բոլոր աղետները,
և ամբողջ մեղքը գցել էր Եկեղեցու սուրբ ուխտի վրա: Որովհետև
անօրենի կամքն հենց այն էր, որ եպիսկոպոսների միաբանութիւնն
անհատի նախարարներից. բայց այն բանը զեռ չէր իմացել, որ բնու-
թիւնն մեջ պատահում է, որ հոգին ու մարմինն առժամանակ բաժան-
վում են միմյանցից, բայց ով որ աստծու սիրով է ուխտ կապել, այդ
բանը չի կարող լինել:

Արդ, այն մարդը գնալով ձմեռոցի տեղը⁶⁵, այս ամենը պատմեց Քաղափորին, շարժեց-դողացրեց նրան, և նա իր բոլոր ուժը կորցրեց-թուլացավ. մանավանդ որ արևելքի պատերազմից կորազուլիս էր վերադարձել և ոչ թե բարձրագույն: Երբ իրեն մոտ հասած վերջին պատգամափորից ստուգեց ու հաստատեց ամեն ինչ, իր գործերի անհաշու դուժյան ամբողջ մեղքը խորհրդակիցների վրա գցեց: Եվ այն ժամանակ մարեց նրա բոցավառ բորբոքումը, որովհետև փակվեց շար խրատատունների բերանը, որոնք անդադար հորդորում էին նրան դժնդակ գործեր կատարել: Խոնարհվեց իր բարձր հպարտությունից և վայրենացած սիրտը մարդկային բնության փոխարկեց. նայեց ու տեսավ, որ ինքը լի է տկարությամբ. հասկացավ, որ չի կարող կատարել այն ամենը, ինչ որ կամենում է. այդ պատճառով էլ ետ կացավ այն հանգուզն հարձակումից և վերջ տվեց մուլեզնոտ գոռում-գոշումին:

Եվ նա, որ ահագին ձայնով որոտում էր և է՛լ ավելի ահեղ հրամաններով դողացնում էր հեռավորներին ու մերձավորներին, սկսեց քաղցր և աղերսական խոսքերով խոսել բոլորի հետ և ասել. «Ես ի՞նչ մի վնաս եմ տվել կամ ի՞նչ հանցանք եմ գործել որևէ ազգի կամ ժողովրդի կամ առանձին անձի դեմ: Չէ՞ որ Արյաց աշխարհում ահա բազմաթիվ կրոններ կան, և յուրաքանչյուրի պաշտամունքը հայտնի է: Ո՞վ երբևիցե նեղեց-ստիպեց [նրանց]՝ մոզության կրոնին զարձնելու համար. մանավանդ քրիստոնեական կրոնի վերաբերմամբ. ինչպես որ հաստատ ու հավատարիմ են մնացել իրենց հավատին, այնպես էլ մեր աչքում բոլոր կրոններից բարձր նրանք են երևացել: Եվ ոչ որ չի կարող որևէ բիծ դնել նրանց ընտիր կրոնին, այլ զուգահավասար եմ համարում մեր մազդեզանց հավատին, ինչպես որ նրանք հարզված էլ էին մեր նախնիների օրով, որը և ես ինքս էլ հիշում եմ իմ հոր ժամանակից, որը նստած էր այս մեծ գահի վրա: «Երբ նա սկսեց հետազոտել և քննել բոլոր կրոնները և հաստատ կերպով վերահասու եղավ, ամենից վեհը գտավ բոլորի մեջ քրիստոնեական կրոնը. այս պատճառով էլ մեծարանքներով շրջում էին արքունի պալատում և նրանից առատաձեռն պարգևներ ստանալով ուրախանում էին և ազատ-համարձակ շրջում ամբողջ երկրում: Նույնիսկ քրիստոնյաների գլխավորներին, որոնց եպիսկոպոս են կոչում, ընծաների և պարգևների էր արժանացնում: Եվ ինչպես հավատարիմ ոստիկանների՝ նրանց էր հանձնում հեռավոր մարդերը և երբեք չէր սխալվում արքունի մեծամեծ գործերը [նրանց հանձնելով]:

«Իսկ դուք այս բաներից ոչ մեկը երբեք չհիշեցիք, այլ ամեն օր

ականչներս ձանձրացրիք՝ ամեն տեսակ շարութիւն խոսելով նրանց մասին: Տեսեք, որ ինձ գործել տվիք այն, ինչ որ շէի ուզում, և մեծամեծ վնասներ եղան երկու անհաշտ թշնամիների միջև եղած սահմաններում: Եվ մինչդեռ մենք դեռ հեռավոր ճանապարհին ենք և այս պատերազմի ոչ մի գործը զուովս չենք հանել, դուք այստեղ իմ տան մեջ պատերազմ հարուցիք իմ դեմ, որի վերջն ավելի վատթար է լինելու, քան արտաքին թշնամիների դեմ մղած պատերազմինը»:

Այս ամենը և սրանից է՛լ ավելին էր խոսում բոլոր մեծամեծների հետ և մեղքն ու հանցանքը գցում էր մոզպետի ու մոզբրի վրա: Եվ բոլոր վզուրկներն ու պատվավոր նախարարները, որոնք նստած էին ատյանում և ականջ էին դնում նրա հեղհեղուկ խոսքերին, ամաշելով զլուխները կորացնում էին և գետնին էին նայում, և շէին կարողանում զլուխները վեր բարձրացնել:

Բայց նրանցից մի քանիսը թագավորին հաճոյանալու համար այսպես ասացին. «Այո՞, քա՛ջ արքա, այդ այդպես է, ինչպես ասացիր, և այժմ կարող ես ամեն ինչ ճշմարտապես նվաճել. չկա այնպիսի մեկը, որ կարողանա քո կամքից դուրս գալ. որովհետև աստվածները քեզ այնպիսի [իշխանութիւն] են տվել. որ ինչ կամենում ես, կարող ես անել: Մի՛ սրտնեղիր ու տագնապիր ինքդ քո մեջ և մի՛ կտորիք մեր բոլորիս սիրտը. գուցե գործերին վերջ տալու համար մի հեշտ հնարք գտնվի: Սիրտդ լայն պահիր և համբերությամբ թույլ տուր այդ մարդկանց նորից քրիստոնեական կրոնը պաշտելու, և դրանց միջոցով ապստամբներին հավանության կրերես»:

Այս խոսքը հաճելի եղավ թագավորին. և անմիջապես իր առջև կանչեց իր գործի մեջ գտնված ամեն ազգի պատկանող քրիստոնյաներին, որոնց բռնությամբ արգելել էր, որ ոչ ոք չհամարձակվի իր ներկայությամբ աստծուն պաշտել: Որովհետև ովքեր ընդդիմացան, շարժարեց և արգելեց նրանց հայտնի պաշտամունք կատարել, ոմանց էլ ակամա երկրպագիլ տվեց արեգակին և բոլոր զորականներին տրտմության ու սգի մեջ դնեց:

Իսկ այն օրը նորից հրամայեց, որ համարձակորեն առաջվա պես հաստատ մնան քրիստոնեական կրոնի մեջ: Իսկ ովքեր հանցավոր էին, շէին կամենում անմիջապես, առանց մեծ ապաշխարության, գալ ու խառնվել քրիստոնեության շարքին, թագավորը հրամայում էր այդպիսիներին բռնությամբ վերցնել և տանել իրենց եկեղեցին: Եվ երեցներին էլ իրավունք տվեց, որ ինչպես գիտեն, իրենց կարգի համեմատ վարվեն: Ում ոռճիկը կտրել էր, կրկին սահմանեց ամեն մեկին, և ում բարձն ու աստիճանը խլել էր, հրամայեց վերադարձնել և նրանց շէր

արգելում ամեն օր արքունիք մտնել. և ամեն բան, ինչ և ինչպես առաջ կարգված էր, կրկին այնպես կարգավորեց: Խոնարհվում և սիրով խոսում էր նրանց հետ նախկին սովորության համաձայն:

Եվ երբ այս ամենն արեց ու կարգադրեց, նրանց ներկայությունը թողութայան հրովարտակներ ուղարկեց իր իշխանություն ու տերություն բոլոր կողմերը քրիստոնյաների վերաբերմամբ:

«Եթե մեկը կապանքի մեջ է, թող արքունի հրամանով արձակվի. և եթե մեկի գույքը հափշտակված է, թող վերադարձվի: Այդպես էլ հողերը— թե՛ հայրական, թե՛ պարզև ստացած և թե՛ փողով գնված— եթե որեէ մեկը խլել է, հրամայեցինք, որ վերադարձվեն»:

Եվ երբ նրանց տեղեկացնում էր այս ամենը, նրանցից խնդրում էր հավատարիմ վկայություն ուղարկել Հայոց երկիրը, և երզումով ուխտում էր նրանց առաջ՝ իր բոլոր մեծամեծների հաստատությունը, թե «Ամենեկին մտքովս շեմ անցկացնի վրեժխնդիր լինել: Ինչպես առաջները ճշմարտությունը պահում էիք ձեր կրոնը, այսուհետև ավելի՛ պահեցեք. միայն թե ծառայությունից դուրս մի՛ գաք»:

Այս ամենը գրում և ցույց էր տալիս թե՛ Հայոց երկրին և թե՛ ուրիշ շատ աշխարհների, որոնք քրիստոնեական կրոնին էին հետևում: Իսկ ինքը ծածուկ խորամանկությամբ շտապով զեսպաններ ուղարկեց Մարկիանոս կայսեր մոտ: Եվ երբ ստուգեց-իմացավ, որ Հռոմները հրաժարվել են քրիստոնյաներին օգնական զորքով և որեէ այլ բանով օժանդակելուց, նորից դարձավ իր նախկին մուլար կարծիքին: Գործերի հաջողությունը վերագրում էր իր պաշտոնյաներին և մտքովն անց էր կացնում, թե առաջվա մտածածի համեմատ կկատարեն ամեն ինչ:

Իսկ հայերը թեպետև ստացան թագավորի խաբերայական սիրալիր գրությունը, որը երեսանց կյանքի ավետիս էր բերում, իսկ ներսից լի էր մահի դառնությամբ, զարմացած էին նրա թերակատար մտածմունքների վրա և ասում էին միմյանց. «Որքան լիրբ է նա իր խորամանկ խաբերայությունը, որ երկու-երեք անգամ փորձ անելով՝ կըշտամբվեց և շի ամաչում: Եվ տեղյակ լինելով մեր անբակտելի միաբանությունը՝ զեռևս լրբանում ու լկտիանում է. հետևներիցս ընկած՝ կամենում է վհատեցնել մեզ»:

«Բայց հավատա՞նք նրա հեղձեղուկ հրամանին. նրա ո՞ր բարեգործությունը տեսանք Պարսից աշխարհում գտնված բոլոր եկեղեցիների վերաբերմամբ: Որովհետև ով որ ինքն իրեն համար շար է, ուրիշի համար շի կարող բարի լինել. և ով որ ինքը խավարի մեջ է շրջում, նա ուրիշին շի կարող ճշմարտության լույսով առաջնորդել: Ինչպես որ անիրավությունից արդարություն շի լինի, այնպես էլ ստությունից ճշմար-

տութիւն չի լինի, նմանապես և խոսվածսք մտքից՝ խաղաղության ակնկալութիւն:

«Բայց մենք, որ փրկված ենք աստու զորությամբ և հաստատված Քրիստոսի տված հույսի հավատով, որ եկավ և մեր բնութիւնն ունեցող մարմին առավ սուրբ կույսից և անբաժանելի աստվածությամբ միացած՝ իր մարմնով կրեց մեր մեղքերի շարշարանքը, և նույն մարմնով խաչվեց ու թաղվեց և հարութիւն առնելով շատերին երևաց, և աշակերտների ներկայությամբ բարձրացավ իր հոր մոտ, և նստեց զորության աջ կողմը, հենց սրան ենք մենք ճշմարիտ աստված դավանում և նրան ենք սպասում, որ Հոր փառքով ու զորությամբ դալու է հարութիւն տալու բոլոր ննջեցյալներին, և նորոգելու արարածների հնութիւնը, հավիտենական դատաստան անելու արդարների և մեղավորների միջև:

«Չենք խարվի երեխաների նման և շենք մոլորվի անտեղյակ մարդկանց նման և շենք խարվի ինչպես տգետներ, այլ պատրաստ ենք ամեն տեսակ փորձութիւններին: Եվ աղաչում ենք աստու և անդադար խնդրում նրա անշափ ողորմութիւնից, որ ինչով սկսել ենք, նրանով էլ ավարտենք՝ քաջությամբ և ո՛չ թե վախկոտությամբ: Որովհետև հիմա Արեւելքն ու Արեւմուտքն իմացան ձեր աստվածամարտ լինելը և մեզ դուր տեղն սպանելը, շնայած մեր բոլոր ծառայութիւններին: Մեզ վկա են երկիրքը երկնավորներով և երկիրք երկրավորներով, որ մինչև իսկ մեր մտքերում էլ ամենևին շենք մեղանշել, և փոխանակ մեզ պարզեներ տալու և բարիք անելու՝ կամենում եք մեր ճշմարիտ կյանքը խլել մեզնից. այդ անհնար բան է և այլևս չի լինելու:

«Իսկ այժմ հավատա՞նք նրա անարժան բերանին, որ շարաշար ստիպում էր ուրացութիւն [հանձն առնել]. այսօր առանց որևէ բարիք անելու նա կարո՞ղ է ավետիքի քարոզիչ լինել: Եվ նա, որ հայհոյում էր Քրիստոսին և հավատացողներին ստիպում էր ուրանալ նրան, այսօր շենք կարող նրա ակամա խոստովանութիւնն անմիջապես վատահել: Նա, որ երդվում էր իր սուտ ու սնտոի հավատով՝ եկեղեցու պաշտոնյաներին ամեն տեսակ շարշարանքների ենթարկելու, այժմ եկել է գողնալ շնորհակալութիւն է հայտնում և դրանով կամենում է իր ամբողջ շարութիւնը մեզ վրա թափել: Ո՛չ դրան ենք հավատում և ո՛չ էլ այդ սուտ հրամանն ենք ընդունում»:

Իսկ նա երբ հասկացավ, թե չի կարող քանզել միաբանվածների հաստատակամութիւնը, այն ժամանակ իր մտքից արձակեց դառնությամբ լցված ձերիս⁶⁶, որի մեջ սատանան բույն էր դրել իր զորու-

թյամբ, և նա շատ արյունհեղութիւնն էր գործել. նրա ցանկալի կերակուրը մանկութիւնից սրբերի անարատ մարմինն էր, և նրա ազահության ըմպելիքը՝ անմեղների արյունը: Նրա շարության վրա ավելացրեց նաև իր մահարեւ հրամանը — բոլոր երկրներից կազմված գնդեր էր դնում նրա հետ, ինչպես և փղերի բազմաթիվ երամակներ էր ուղարկում նրա հետ:

Երբ [սա] հասավ Հայաստանի սահմանների մոտ, մտավ Փայտակարան⁶⁷ քաղաքը և ամբողջ զորքը սփռեց-տարածեց քաղաքի շուրջը՝ իբրև զգուշութիւն, իր շարահնար մտադրութիւնների համար պատրաստութիւն տեսնելու նպատակով: [Այս] հին շարաթույն վիշապը ամուր որջի մեջ մտած և մեծ կեղծավորությամբ իրեն անվախ ձևացնելով՝ հեռավորներին սաստում էր ահարկու ձայնով, իսկ մերձավորների վրա օձի նման ֆշշացնում էր սողալով: Սա ամբողջ Պարսից պետության իշխանն ու հրամանատարն էր, որի անունն էր Միհրնեբսահ, և ամենևին ոչ մեկը չկար, որ համարձակվեր նրա խոսքից դուրս գալ: Եվ ո՛չ միայն մեծամեծներն ու փոքրերը, այլև թագավորն ինքը լսում էր նրա խոսքին, որը և հենց ձեռնարկել էր այն ձախողակ գործերը:

**ՍՅՈՒՆՅԱՅ ԻՇԵԱՆԻ ԵՎ ԻՐ ԸՆԿԵՐՆԵՐԻ
ԵՐԿՊԱՌԱԿՈՒԹՅԱՆ ՄԱՍԻՆ**

Մինչև այստեղ շատ էլ չէի վախենում պատմել մեր ազգի այն հարվածները, որ ճշմարտության արտաքին թշնամիները շարաշար կերպով հարուցին մեզ վրա. որոնցից քշերը մեզ ջարդեցին, և շատերը ջարդ կրեցին մեզանից, որովհետև դեռևս միաբան և ընկերակիցներ էինք: Թեպետև ոմանք ծածուկ նենգավոր երկմտության մեջ էին, սակայն արտաքինների աշքում միաբանությունն ահավոր էր երևում, ինչպես որ երկու-երեք տեղ շկարողացան էլ դեմ կանգնել [մեզ]:

Արդ՝ այստեղից արդեն, երբ ներս է սպրդում երկպառակությունը, միաբանությունը քանդվելու հետ հեռանում է նաև երկնավոր առաքինությունը, և անձնասիրությունն ավելանալով՝ խիստ շատանում է լացն ու ողբը: Որովհետև կտրվեցին-ընկան այն անդամները, որոնք առաջներում այս սուրբ մարմինն էին պատկանում, ուստի մարդու լացը գալիս է իր առջև այդ դիակը տեսնելիս. է՛լ ավելի դառնությունք է լցվում [սիրտը] այն մարդու պատճառով, որ հոգով ու մարմնով առհասարակ դիակ է դառնում: Եվ ի՞նչ մի անձի վերաբերմամբ այսպես է, որքա՞ն ավելի կլինի մի ամբողջ ազգի վերաբերմամբ:

Բայց այստեղ մեր ողբը ո՛չ միայն մի ազգի համար է, այլ [շատ] ազգերի ու երկրների. որ և շարունակելով կպատմեմ կարգով, թեպետև ոչ ուրախ սրտով: Ահա ակամա գրում եմ այն շատերի մասին որոնք զրկվեցին իրենց ճշմարիտ կյանքից և ուրիշ շատերի էլ կորստյան պատճառ եղան, ոմանց միայն այս երևացող բաների, իսկ մյուսների՝ թե՛ երևացող և թե՛ աներևույթ: Եվ ամենից վատն այն է, որ նրանց բաց արած կորստյան դուռը միայն Աստված կարող է փակել, իսկ մարդու [կարողության] սահմանից անցել է և այլևս հնար չկա:

Այս անօրեն Միհրնհրսեհը, քանի որ առաջուց ստույգ գիտեր վասակի ամբարշտությունը, այն ժամանակ էլ մարդ ուղարկեց և նրան իր մոտ կանչեց: Նա էլ, քանի որ առաջուց անշատվել ու բաժանվել էր հայերի միաբանությունից, եկավ-ներկայացավ նրան. և ապացուցում էր իր հավատարմությունը և հայերի անիրավ ապստամբությունը: Դեռ

այնպիսի բաներ էլ ավելացրեց ու պատմեց, որ հայերը բնավ չէին արել, և կամենում էր ընտանեբար հաճոյանալ անօրենին:

Իսկ նա թեպետև ներքուստ սաստիկ պախարակում էր նրան, բայց արտաքուստ պատիվ տվեց և երկրավոր մեծամեծ պարզկներ առաջարկեց նրան: Եվ խոստացավ նրան ավելի մեծ իշխանութիւն, քան թե ուներ, և նրա ուշքը դարձրեց այնպիսի սնտոի բաների վրա, որ իր իշխանութիւնից վեր էր, իբր թե նրան վայել է թագավորական վիճակի հասնել. միայն թե այս գործի հնարը գտնի, թե ինչպես պետք է քանդել Հայոց ուխտի միաբանութիւնը, և թագավորի կամքը կատարվի այն երկրում:

Եվ երբ ամեն բանի հանձնառու եղավ՝ նրա կամքի համաձայն վարվել, դառնացած ծերն էլ հասկացավ, որ նա թմրել ու ցնորվել և անշատվել է միաբանվածների հաստատութիւնից. իր տրտմած սըրտում շատ մխիթարվեց և մտքով անցկացրեց, որ կկարողանա բուրդին էլ այս ձևով որսալ դեպի անգլուտ կորուստը: Եվ իր հնարագիտութիւնն էր վերագրում խելացի գործունեութիւնը, և տեղյակ չէր այն բանին, որ նա իր կամքով է իր անձը ջոկել ու անշատել սուրբ եկեղեցուց, հեռացել ու օտարացել Քրիստոսի սիրուց:

Որովհետև նա մոռացութիւն էր տվել աստծու որդու գալուստը և չհիշեց սուրբ Ավետարանի քարոզութիւնը, ո՛չ սպառնալիքներից վախեցավ և ո՛չ էլ ավետիսով մխիթարվեց: Ուրացավ այն ավագանը, որ հղացավ նրան⁶⁸ և չհիշեց ընկալուչ սուրբ հոգին⁶⁹, որ ծնեց նրան: Անարգեց այն պատվական մարմինը, որով սրբվեց, և ոտնահարեց այն կենդանի արյունը, որով մեղքերի քավութիւն ստացավ: Ջնշեց որդեգրութիւն գիրը և իր ձեռքով խորտակեց մատանու հաստատուն կնիքը⁷⁰, դուրս եկավ երանելիների թվից և շատերին ապստամբեցրեց իր հետ:

Կամակորութիւնով մեծանարկեց և դիվապաշտութիւն որդեգիր մտավ, շարի անոթ դարձավ, և սատանան նրան լցրեց ամեն տեսակ խորամանկութիւնով: Իր ձեռքն առավ ինչպես վահան և հագավ նրան ինչպես զրահ, և դարձավ նրա կամքի կատարչալ զինվորը: Հնարներով կոխի մղեց իմաստունների դեմ և մեծ խորագիտութիւնով՝ գիտունների դեմ, հայտնի կերպով՝ անմեղների դեմ և ծածկաբար՝ խորագետների դեմ. ձեռնարկեց և շատերին դուրս հանեց Քրիստոսի գնդից և խառնեց դեբրի գնդերին: Շատ ուրիշ տեղեր էլ գողաբար սողոսկեց և օձի նման ներս մտավ ամրացածների մեջ. և ցանկապատի մեջ ճեղքվածք առաջացնելով՝ հայտնապես հափշտակեց-առավ ու դուրս հանեց բազմա-

թիվ ազատների և է՛լ ավելի բազմաթիվ շինականների, ինչպես և ուրիշ ոմանց, որոնք միայն անունով էին քահանա:

Նրա գործակիցների անունները սրանք են.

Ռշտունյաց ԱՐՏԱԿ անունով իշխանը.

Խորխոռունյաց ԳԱԴԻՇՈՒ անունով իշխանը.

Վահուտունյաց ԳՅՈՒՏ անունով իշխանը.

Բազրատունյաց ՏԻՐՈՅ անունով իշխանը.

Ապահունյաց ՄԱՆԵՃ անունով իշխանը.

Գարեղենից ԱՐՏԵՆ անունով իշխանը.

Ակեայի ԸՆԶՈՒՂ անունով իշխանը.

Ուրծի ՆԵՐՍԵՆ անունով իշխանը.

Պալունյաց մյուս մասի ՎԱՐԱԶՇԱՊՈՒՆ անունով իշխանը.

Ամատունյաց մի սեպուհ ՄԱՆԵՆ անունով:

Եվ ուրիշ շատ ազատ մարդիկ արքունի տնից, որոնց ուստանիկ են անվանում:

Եվ իր ամբողջ երկիրը լիովին ապստամբեցրեց և ուրանալ տվեց ո՛չ միայն բազմաթիվ աշխարհականների, այլև շատերին եկեղեցու սուրբ ուխտից, մանավանդ սուտ երեցյների միջոցով, որոնց ձեռքով գործում էր այն շարիքները. այն է՝ մի երեց Զանգակ անունով, մի երեց Պետրոս անունով, մի սարկավազ Սահակ անունով, մի սարկավազ Մուշի անունով. սրանց ուղարկում էր անմեղ մարդկանց մոտ, խաբում էր ու մոլորեցնում. երզվում էին սուրբ Ազիտարանով և ասում. թե «Քաղազորի կողմից ամենքին պետք է շնորհվի քրիստոնեությունը»: Եվ այսպես խորամանկ խարեությամբ շատերին անջատում էին սուրբ միաբանությունից, տանում ու խառնում էին ուրացողների խմբերին:

Նա ժողովից բոլոր գայթակղվածներին և մի մեծ զորագունդ կազմեց. նրանցից շատերի անունները մեկ առ մեկ գրեց և ցույց տվեց մեծ հազարապետին, ինչպես և իր արիությունն ու քաջությունը, մեծապես պարծենալով, թե ինչպես աշակերտեցրեց մուլար խարեությանը. և այնպես ցույց տվեց, թե Հայոց զորքը բաժան-բաժան է եղել և պառակտված է:

Եվ երբ այս բոլոր շարիքները հաջողվեցին նրան, քանզեց նաև վրաց աշխարհի միաբանությունը հայերից, Աղվանիցն էլ շթողեց առաջ շարժվել. նույն ձևով ետ պահեց նաև Աղձնյաց երկիրը: Քուլթ գրեց նաև Հունաց երկիրը Վասակ անունով մի մարդու այն Մամիկոնյաններից, որոնք հույների ծառայության մեջ են գտնվում, ցույց տալով [ամեն ինչ] հեղաշրջված և սուտ ու սխալ: Այս թշվառության ժամանակ այն մարդը Ստորին Հայքի սպարապետ էր և Հոռոմների զոր-

քերին հավատարիմ մի անձ Պարսից սահմանի վրա, և իր գործերով Աստուծո օրենքներին հակառակ գործող մարդ էր: Այս Վասակն իրեն գործակից գտավ այն Վասակին այն մեծամեծ շարիքների մեջ, որի համար երկուսը միաբանվեցին:

Նա գրում և շարունակ ապացուցում էր, իբր թե ամբողջ Հայաստանը միաբանվել է իր հետ: Այս միևնույն գիրը ներքին Վասակը⁷¹ մեծ զգուշությամբ ուղարկում էր կայսեր թագավորանիստ քաղաքը, մինչև որ սուրբ եպիսկոպոսների միտքն էլ սառեցրեց նրանցից և հույների ամբողջ զորքի մեջ էլ կասկած գցեց ուխտի վերաբերմամբ:

Մանավանդ որ այն սուտ քահանաների ձեռքով խաբում ու մոլորեցնում էր ինչպես ճշմարիտ մարդկանցով: Ավետարան էր ուղարկում խաչի հետ միասին և իր ամբողջ սատանայական ստույգունը ծածկում էր նրանցով: Իրեն և բոլոր ուրացողներին աստվածապաշտների կարգն էր դասում. իրեն ավելի հաստատուն էր ցույց տալիս, քան ամբողջ Հայոց զորքը. երգվում էր ու հաստատում և ցույց էր տալիս արքունիքից ստացած թողության բոլոր հրամանները:

Հույների երկրի կամքն էլ հենց այս էր — հաճությամբ լսել այս ամենը. բայց նրա [Վասակի] շնորհիվ է՛լ ավելի փոխվելով՝ նույն մտքի մեջ զլորվեցին:

Այսպես էր վարվում նաև աշխարհի բոլոր ամուր կողմերում, Տմորիքում և Կորդվաց աշխարհում, Արցախում և Աղվանքում, Վրաստանում և Խաղտյաց աշխարհում⁷². մարդիկ էր ուղարկում, պնդացնում էր, որ ո՛չ ոք նրանց հյուրընկալության արժանի չհամարի:

Եվ նրա մեծ շարության համաձայն էլ առավիլապես ժամանակը հաջողեցրեց նրա գործերը, որովհետև Հայոց զորքին դրսից ոչ մի օգնող չեղավ, բացի այն հոներից, որոնց հետ խոսք էին կապել: Սակայն նրանց դեմ էլ հավաքեց Արյաց բազմաթիվ հեծելազորը, արգելեց և փակեց նրանց ելքի ճանապարհը. որովհետև նա ամենևին հանդիստ չէր տալիս Պարսից թագավորին, այլ ուղարկում-կանչում էր բազմաթիվ զորքեր ճորա պահակը, հավաքում էր այնտեղ Վրաց աշխարհի ամբողջ զորքը, ինչպես և Լփնաց և Ճղրաց զորքերը. Վատը, Գավը և Իղվաբը, Խրսանը և Հեճմատակը, Փասխը, Փոսխն ու Փյուրվանը և Թավասպարանի⁷³ ամբողջ զորքը, լեռնայինն ու դաշտայինը և լեռների բոլոր բերդերինը: Ոմանց գույքով, մեծ պարգևներով և արքունի գանձարանից առատ-առատ պարգևներ բաշխելով, ոմանց էլ թագավորի հրամանով սպառնալով՝ տազնապի մեջ էր գցում:

Երբ այս ամենն արեց ու ավարտեց թագավորի հրամանի համաձայն, ամեն օր գրում ու ցույց էր տալիս Պարսից մեծ հազարապետին,

որ ծածկվել-թաք էր կացել Փայտակարան քաղաքում: Այնուհետև նա [Միհրնեբրսեհն] էլ համարձակվեց իրեն ցույց տալ շատ ազգերի. ոմանց ահ էր տալիս և ոմանց էլ սիրով պարզեններ էր բաշխում: Իր մոտ կանչեց Վասակին և նրա հետ եղած բոլոր իշխաններին, շատ պարզեններ շնորհեց նրանց արքունի գանձարանից, նույնպես և այն զորքերին, որ նրան համամիտ էին: [Վասակը] նրա առջև տարավ նաև ուրացող երեցնեքին. ապացուցում էր, հաստատում և հայտարարում, թե սրանց միջոցով պիտի որսամ նրանց ու բաժանեմ միաբան ուխտից: Իսկ հազարապետը երբ այդ լսեց, շատ շնորհակալ եղավ երկուսից էլ և հուսադրեց նրանց. «Եթե հաղթությունը մեր կողմը լինի, մյուս քահանաների ունեցած-չունեցածը զրանց եմ շնորհելու և զրանց մեծ ծառայության մասին հայտնելու եմ թագավորին»:

Եվ այսպես [Վասակը] խռովեց ու շփոթեց Հայոց աշխարհը, մինչև իսկ բազմաթիվ հարազատ եղբայրների բաժանեց միմյանցից. հորն ու որդուն միաբան չթողեց և խաղաղության մեջ խռովություն գցեց:

Նույնիսկ հենց իր երկրում նա երկու եղբորորդի ուներ առաքինության սուրբ ուխտի մեջ. նրանց մասին զրեց և հայտնեց արքունիքին և իրավունք ստացավ նրանց ստացվածքի վրա, նրանց հեռացրեց-բռեց երկրից, որպեսզի այլևս այնտեղ չվերադառան: Հալածեց ու փախցրեց աշխարհի բոլոր միայնակյացներին, որոնք նախատում էին նրա անդարձ ամբարշտությունը: Ամեն շարիք արեց-պրծավ ճշմարտության դեմ. և ինչ էլ որ չէին իմանում անօրեն հեթանոսները, հասկացնում էր նրանց, նաև քրիստոնեության ուխտի վերաբերյալ, թե ի՞նչ հնարքներով կարող է այն վերացնել Հայոց աշխարհից:

Երբ այս բոլոր շարագործությունները Միհրնեբրսեհը տեսավ նրա մեջ, իր անձից ավելի հույսը նրա վրա դրեց: Հարցնում և ստուգում էր, թե ընդամենը քանի՞ մարդ կա Հայոց աշխարհում Վարդանի գնդի մեջ: Երբ նրանից լսեց, թե վաթսուն հազարից ավելի են, նաև տեղեկություններ պահանջեց յուրաքանչյուրի քաջության մասին, կամ թե՛ նրանցից քանի՞ հոգի են սպառազեն, և կամ քանի՞ հոգի են առանց զենքի լուկ աղեղնավորներ. նույնպես և վահանավոր հետևակների մասին:

Եվ երբ լսեց բազմության թիվն ու համարը, էլ ավելի շտապեց իմանալ, թե քանի՞ան են քաջ զինվորների պարագլուխները, որպեսզի նրանցից յուրաքանչյուրի դեմ երեքը պատրաստի, բացի բոլոր մնացած բաներից: Մինչև անգամ նրանցից ամեն մեկի գրոշների՞ մասին էլ էր տեղեկություն հարցնում, և թե զորքը քանի՞ գնդի են բաժանելու և նրանցից ովքեր պետք է հրամանատար լինեն, և ո՞ր զորագլուխը ո՞ր կողմից պետք է պատերազմի մեջ մտնի, և ի՞նչ են յուրաքանչյուր

համհարզներին անունները, և քանի՞ փողհար պետք է ձայն արձակեն զնդի մեջ: Արդյոք [ցցապատենշներով ու խրամով շրջապատված] բանակ պիտի դնեն, թե՞ արձակ դաշտում տեղավորվեն. ճակատ առ ճակատ պիտի գործեն, թե՞ համագունդ մի տեղի վրա պիտի գրոհ տան: Նրանցից ո՞րը պետք է տատանման մեջ մնա և կամ նրանցից ո՞րը շանք թափի՝ իր անձը մահվան ենթարկելով:

Եվ երբ այս ամենի մասին տեղեկացավ նրանից, կանչեց բոլոր զորագլուխներին, նրա ներկայությամբ բոլորին հրաման տվեց, որ բոլորը կատարեն նրա հրահանգները: Եվ ամբողջ զորքը զորագլուխների հետ միասին հանձնեց ավազներից մեկին, որի անունը Մուշկան նյուսավուրտ էր:

Իսկ ինքն այնտեղից ելավ-գնաց Արևելյան երկիրը. և ներկայանալով մեծ թագավորին՝ պատմեց նրան գործի բոլոր հանգամանքները, իր հնարագետ իմաստությունը և վասակի խաբերա ճար ու հնարները. թե ինչպես նա իր նախկին ամբարշտությունը կամեցավ ծածկել նրանով, որ քանդեց-երկպառակեց Հայոց զորքը:

Երբ թագավորն այս ամենը լսեց մեծ հազարապետի բերանից, դառնացավ ինքն իր մեջ և անսուտ երզմամբ ասաց. «Եթե այն անօրենը ողջ ազատվի մեծ պատերազմից, մեծ անարդանքով նրան պետք է խմացնեմ մահվան դառն բաժակը»:

ՀԱՅԵՐԻ ԿՐԿԻՆ ԱՆԳԱՄ ՊԱՏԵՐԱԶՄՈՎ ՊԱՐՍԻՑ ԹԱԳԱՎՈՐԻՆ ԳԻՄԱԳՐԵԼ

Աստծու սերն ազնիւի մեծ է, քան ամեն երկրավոր մեծութիւն. և այնպէս աներկչուղ է դարձնում մարդկանց, ինչպէս հրեշտակների անմարմին զորքերը, ինչպէս որ աշխարհի հենց սկզբից կարելի է տեսնել շատերին շատ անգամ և շատ տեղերում: Այն մարդիկ, որոնք աստծու սիրով ինչպէս զենքով սպառազինված էին, ամենևին շինայեցին և անարի վատասիրտների նման չվախեցան ո՛չ մահից, ո՛չ գույրի հափշտակութիւնից, ո՛չ սիրելիների խողխողումից և ո՛չ էլ բնտանիքների գերութիւնից, հայրենի երկրից դուրս գալուց և օտար երկրում ստրկութիւն մեջ ընկնելուց. նրանք բանի տեղ շարին այս բոլոր շարժարանքները, միայն թէ միաբան մնան աստծու հետ, որպէսզի միմիայն նրանից շմբեթվեն, և նրան իրենց մտքում գերադասեցին բոլոր տեսանելի մեծութիւններից: Եվ ուրացութիւնը մեռելութիւն էին համարում, իսկ աստծու համար մեռնելը՝ անանց կենդանութիւն. երկրիս վրա ծառայելը՝ իրենց կյանքի ազատութիւն, և իրենց անձերն օտարութիւն մատնելը՝ աստծու հետ գտնվել:

Ինչպէս որ այս ժամանակ մեր աչքերով տեսանք, որովհետև Հայոց աշխարհն էլ նույն նահատակութիւնով նահատակվեց:

Որովհետև մեր մեծ վարդանը տեսավ իր աշխարհի երկպառակութիւնը, ամենևին չվախեցավ թերահավատութիւնը: Թեպետև սուրգեց-իմացավ դեռևս իրեն միաբանվածներից շատերի երկմտութիւնն էլ, այնուամենայնիվ ինքն իրեն սիրտ տվեց և իր զորքերին էլ քաջալերեց, քանի որ հենց ինքը զեռ գրաված էր պահում թագավորանիստ տեղերն այն նախարարների հետ միասին, որոնք շանջատվեցին սուրբ ուխտից: Հրաման տվեց ամբողջ զորքին հավաքվել Արտաշատ քաղաքում. այն ետ կացածների փոխարեն, որոնք գնացին Սյունյաց իշխանի հետևից, կարգեց նրանց եղբայրների կամ որդիների կամ եղբորորդիների և ամեն մեկին տվեց նրանց զորքերը, որովհետև ամբողջ երկիրը զեռ նրա իշխանութիւն տակ էր:

Եվ նրանք բոլորը շտապով եկան-հասան պատերազմի վայրը, լու-

բաբանշչուրն իր զորքով ու ամբողջ պատրաստութեամբ, նրանք և ուր-
քեր ի բնե հաստատ էին մնացել իրենց տեղում:

Ներշապուն Արծրունին,
և Խորեն Խորխոռունին,
և ինքը սպարապետը,
և Արտակ Պալունին,
և Վահան Ամատունին,
և Վահևունյաց Գյուտը,
և Քարուլ Դիմախյանը,
և Արշավիր Արշարունին,
և Շմավոն Անձավացին,
և Տանատ Գերունին,
և Ատոմ Գևունին,
և Խոսրով Գարեղյանը,
և Կարեն Սահառունին,
և Հմայակ Դիմախյանը,
և էլի մի ուրիշ Դիմախյան՝ Գագրիկը,
և Ներսէն Քաչքերունին,
և Փարսման Մանգակունին,
և Արսեն Ընձայացին,
և Այբուկ Աղկունին,
և Վրեն Տաշրացին,
և Ապրսամ Արծրունին,
և արևունի Շահխոռապետը,
և Խուրս Մովանձայանցը,

և Քողյանները, և Ակեացիները, և Տրպատունիները, և Ռշտունի-
ների զօրքը, և արևունի բոլոր զօրձակալներն ամեն մեկն իր զօրքերի
հետ միասին:

Սրանք բոլորը համախմբված հասան պատերազմի զործի համար
Արտաղու դաշտը⁷⁵, և նրանց ընդհանուր թիվը եղավ վաթսունհինգ հա-
զար մարդ ձիավոր և հետևակ:

Նրանց հետ եկան սուրբ Հովսեփը, սուրբ Ղևոնդ երեցը և բազ-
մաթիվ այլ քահանաներ և էլ ավելի բազմաթիվ [հոգևոր] պաշտոն-
յաներ: Որովհետև նրանք էլ ամենևին չվախեցան պատերազմի զալ
նրանց հետ, քանի որ ո՛չ թե մարմնական էին համարում այն կռիվը,
այլ հոգևոր առաքինության կռիվ: Ծանկանում էին իրենք էլ բաշ զին-
վորներին մահակից լինել:

Սպարապետը նախարարների միաբանութեամբ սկսեց խոսել զորքի հետ և ասաց.

«Շատ պատերազմներ եմ մղել ես, և դուք էլ ինձ հետ, տեղ կար, որ քաջաբար հաղթեցիք թշնամիներին, տեղ էլ կար, որ նրանք հաղթեցին մեզ. բայց ավելի շատ այն է, որ հաղթող ենք դուրս եկել և ոչ թե հաղթված: Բայց այդ բոլորը մարմնավոր պարծանք էր, որովհետև անցավոր թագավորի հրամանով էինք մարտնչում: Ով փախչում էր, վատանուն էր երևում աշխարհում և նրանից անողորմ մահ էր ստանում. իսկ ով քաջութեամբ առաջ էր ընկնում, քաջի անուն էր ժառանգում և մեծամեծ պարգևներ էր ստանում անցավոր ու մահկանացու թագավորից: Եվ մեզնից ամեն մեկս էլ ահավասիկ շատ վերջեր ու սպիներ ունենք մեր մարմինների վրա, և ուրիշ շատ քաջություններ էլ են եղել, որոնց համար և մեծամեծ պարգևներ են ստացվել: Անարգ և անօգուտ եմ համարում այդ քաջությունները և ոչինչ բաներ՝ այդ բազմաթիվ պարգևները, որովհետև բոլորն էլ ոչնչանալու են:

«Իսկ արդ՝ եթե մահկանացու հրամանատուի համար այնպիսի քաջ գործեր էինք կատարում, ինչքան ավելի ևս [պետք է կատարենք] մեր անմահ թագավորի համար, որ տերն է կենդանիների և մեռելների և բոլոր մարդկանց զատելու է իրենց գործերի համեմատ: Չէ՞ որ եթե խիստ շատ ապրելով ծերանանք, միևնույն է՝ այս մարմնից պետք է բաժանվենք, որպեսզի մտնենք կենդանի Աստծու մոտ, որից այլևս չպետք է բաժանվենք:

«Արդ, աղաչում եմ ձեզ, ո՛վ իմ քաջ նիզակակիցներ, մանավանդ որ ձեզանից շատերը քաջութեամբ ինձնից ավելի լավ եք և հայրենական գահի պատվով՝ ավելի բարձր. բայց երբ ձեր հոժար կամքով ինձ կարգեցիք ձեզ առաջնորդ և զորազուխ, թող իմ խոսքերը խորթալուր և բազձալի թվան մեծերիդ ու փոքրերիդ ականջներին: Չերկնչենք ու չվախենանք հեթանոսների բազմությունից և ո՛չ էլ մահկանացու մարդու ահռելի սրի դեմ թիկունքներս դարձնենք. որպեսզի եթե Տերը հաղթությունը մեր ձեռքը տա, ոչնչացնենք նրանց զորությունը, որպեսզի բարձրանա ճշմարտութեան կողմը, իսկ եթե հասել է ժամանակը մեր կյանքը սուրբ մահով ավարտելու այս պատերազմում, ընդունենք ուրախ սրտով, միայն թե արիութեան ու քաջութեան մեջ վախկոտություն չխառնենք:

«Մանավանդ ես շեմ մոռացել և հիշում եմ, թե ինչպես ես և ձեզանից ոմանք այն ժամանակ անօրեն իշխանին խաբեցիք-մոլորեցրիք, ինչպես մի անպիտան մանուկ տղայի, երբ երեսանց նրա ամբարիշտ կամքը իբր կատարեցիք, բայց Տերն ինքը վկա է մեզ, թե

ծածուկ մտադրութիւններով ինչպե՛ս անբաժան ենք մնացել նրանից: Այս դուք ինքներդ էլ գիտեք, որ հնարներ էինք փնտրում ազատելու մեր սիրելիներին, որոնք մեծ նեղութիւն մեզ էին, որպեսզի նրանց հետ միասին մարտի մեջ մտնելով՝ կովներ անօրէն իշխանի դեմ հայրենի աստվածատուր օրէնքների համար: Եվ երբ նրանց շկարողացանք որևէ կերպ օգնել, թող անհնար լինի, որ մարմնավոր սիրո համար աստծուն մարդկանց հետ փոխանակենք:

«Իսկ արդ՞ երկու և երեք կոիվների մեջ ինքը Տերը մեծ զորութեամբ օգնեց մեզ, այնպես որ քաջութիւն անուն ժառանգեցինք և արքունի զորքը շարաշար շարդեցինք, մոզերին էլ անողորմ կերպով կոտորեցինք և կռապաշտութիւն պղծութիւնը մի քանի տեղերից սրբեցինք, թագավորի անօրէն հրամանը շնչեցինք-ոչնչացրինք, ծովի խոտվութիւնն իջեցրինք, լեռնացած ալիքները դաշտացան, բարձրագեղ փրփուրն սպառվեց, զազանացած զայրույթը դադարեց: Նա, որ ամպերի վրայից էր որոտում, ընկճված՝ իր սովորական բնութիւնից էլ ցած իջավ՝ մեզ հետ խոսելով: Նա, որ խոսքով ու հրամանով էր ուղում կատարել իր շարութիւնը սուրբ եկեղեցու վերաբերմամբ, այժմ աղեղով ու նիզակով ու սրով է կովում: Նա, որ կարծում էր, թե մենք քրիստոնէութիւնն իբրև զգեստ ունենք հագած, այժմ շի կարողանում մեզ փոխել, ինչպես մարմնի գույնը [շի կարելի փոխել], գուցե այլևս շկարողանա էլ մինչև վերջը: Որովհետև սրա հիմքերը հաստատ կերպով դրված են անշարժ վեմի վրա, ո՛չ թե երկրի վրա, այլ վերևում՝ երկնքում, ուր ո՛չ անձրևներ են գալիս, ո՛չ քամիներ են փչում և ո՛չ էլ հեղեղներ հարուցանում: Եվ մենք էլ, թեպետև մարմնով երկրի վրա ենք, բայց հավատով երկնքում ենք հաստատված, որտեղ ոչ ոք չի կարող հասնել Քրիստոսի անձեռագործ շինվածքին:

«Հաստատ մնացեք մեր անդրդվելի զորադլխի վրա, որ երբեք չի մոռանա ձեր քաջագործութիւնները: Ո՛վ քաջեր, մեզ համար մեծ շնորհ է այս, որ աստված կատարեց մեր բնութիւն միջոցով, որի մեջ և մեծապես երևում է աստծու զորութիւնը: Որովհետև եթե ուրիշներին կոտորելով աստվածային օրէնքի համար՝ մեզ պարծանք ժառանգեցինք և մեր ազգատոհմի քաջ անունը եկեղեցուն թողինք, և վարձի ակնկալութիւնը Տիրոջից է, որ պահված է մեզնից ամեն մեկի համար իր սրտի հոժարութեան և կատարած գործերի համեմատ, ինչքա՛ն ավելի ևս, եթե մենք մեռնենք մեր տեր Հիսուս Քրիստոսի մեծ վկայութեան համար, որ նույնիսկ երկնավոր հրեշտակներն են ցանկանում եթե հնար լիներ: Եվ որովհետև այս պարգևները ո՛չ թե բոլորին է պատշաճ, այլ ում համար պատրաստում է բարեբար Տերը, մեզ էլ այս պատա-

հեց ո՛չ թե մեր արդար գործերի համար, այլ աննախանձ պարզևատուի կողմից. ինչպես որ ասում էլ է սուրբ կտակարանում. «Ուր ավելի եղավ մեղքը, այնտեղ էլ ավելացան ասածու շնորհները»^{*} :

«Եվ խիստ հարմար է գալիս մեզ այս պատգամը. ինչպես որ մեծ շափով ամբարիշտ երևացինք մարդկանց, կրկնապատիկ շափով արդարացած կերևանք մարդկանց ու հրեշտակներին և ամենքի հորը: Որովհետև չէ՞ որ այն օրը, երբ մարդիկ լսեցին մեր ամբարիշտ գործը, շատ արտասուք թափվեց սուրբ եկեղեցում, և է՛լ ավելի շատ՝ մեր սիրելիներրի մեջ: Մինչև անգամ մեր ընկերները զայրացած՝ սրով էին սպառնում մեզ և կամենում էին դառն մահով պատժել մեզ, և մեր ծառաները խրտնում-փախում էին մեղանից: Հեռավոր մարդիկ էլ, որոնք լսել էին մեր քրիստոնեության անունը, տեղյակ չլինելով մեր մտադրություններին, ողբ ասելով՝ անզաղար սուգ էին անում մեզ վրա և անզիտություն մեր շատ անարգական բաներ էին խոսում մեր մասին: Եվ ինչ որ ամենից մեծն է՝ կասեմ. ո՛չ միայն մարդիկ երկրի վրա, այլև հրեշտակները երկնքում իրենց երեսները շուռ տվին մեղանից, որպեսզի տխուր դեմքերով շնային մեզ:

«Եվ ահա եկել-հասել է ժամանակը, որ ամեն մի կեղտ կոշված բան հեռացնենք մեղանից: Այն ժամանակ իբրև մի վշտալից սզավոր՝ հոգով ու մարմնով տրտմած էինք, այսօր երկուսով էլ զվարթացած ու զգաստացած՝ առհասարակ խելամիտ ենք դարձել. որովհետև բարերար տիրոջն էլ տեսնում ենք մեզ հետ իբրև առաջնորդ. մեր զորավարը մարդ չէ, այլ բոլոր մարտիրոսների զորագլուխը: Վախը թերահավատությունն նշան է. թերահավատությունը մենք վաղուց ենք մերժել մեղանից. նրա հետ թող վախն էլ փախչի մեր մտքերից ու խորհուրդներից»:

Առաքինի զորավարն այս ամենը խոսեց ամբողջ բազմության առաջ. դարձյալ և նրանցից սրան-նրան ծածուկ քաշալերում էր ու սիրտ տալիս և բոլոր պակասություններն ու թերությունները լրացնում: Չորականներից ո՛րը ոչինչ չուներ, հոգում էր իր սեփականությունից և ընկերներից. ով գենք չուներ, գենք էր հայթայթում նրան, ում զգեստ էր պետք, զգեստ էր հագցնում, և ում ձի էր պետք, ձի էր տալիս: Եվ առատ պարենով ուրախացնում էր բոլորին, և ինքն իրեն զվարթ էր ցույց տալիս ամենքին: Եվ պատերազմական կարգի համաձայն՝ քաջ տղամարդկանց հիշատակության արժանի գործերը շարունակ կրկնում էր նրանց առաջ, որովհետև հենց ինքն էլ մանկությունից տեղյակ էր սուրբ կտակարաններին: Եվ ձեռքն առնելով Մակարայեցոց քաջ նկարագիրը՝

* Հոովմ. Ե 20:

կարգում էր, որ բոլորը լսեն, և հորդառատ խոսքերով նրանց հասկացնում էր գործերի հանգամանքները, թե ինչպես մարտնչելով կովեցիին աստվածատուր օրենքների համար Անտիոքացիների թագավորի դեմ: Թեպետև նրանք նույն պատերազմի մեջ իրենց մահը գտան, բայց նրանց քաջ անունն անմոռաց մնաց մինչև այսօր ո՛չ միայն երկրի վրա, այլև երկնքում: Հիշեցնում էր զորականներին նաև այն, թե ինչպես Մատաթիայի ազգատոհմը քակտվեց-անջատվեց նրա միաբանությունից, հնազանդվեցին թագավորի հրամանին, մեհյաններ շինեցին, պիղծ գոհեր մատուցեցին, աստծուց շեղվեցին և մահվան պատիժ ստացան սուրբ միաբանվածների ձեռքով: Իսկ Մատաթիան և նրա հետ եղածները ամենևին չվհատվեցին և շթուլացան, այլ է՛լ ավելի զորացան և երկար ժամանակ ձեռնամուխ եղան պատերազմի գործին: Այս պատմում էր և տեղնուտեղը դաշտում տեղավորում զորքը և բոլոր կողմերից հետզհետև կարգավորում այրուծին:

Մի քանի օրից հետո Պարսից զորագլուխը առաջ խաղաց ամբողջ հեթանոս բազմություն հետ. եկավ-հասավ Հայոց երկիրը՝ Հեր և Ջարեվանդ գավառը: Այնտեղ՝ գավառում կանգ առնելով, բանակ դրեց, փոս փորեց, պատնեշ շինեց, ցցապատերով փակեց և ամեն պատրաստությամբ ամրացրեց ինչպես քաղաք: Նրա զորքերից մեծաթիվ գունդ բաժանվեց, ասպատակելով արշավեց և կամենում էր բազմաթիվ գավառներ կողոպտել:

Երբ այդ բանը լսեց Հայոց զորքը, բոլոր զորականների միջից ընտրեցին Ամատունյաց ցեղից մի սեպուհի Առանձար անունով, որ իմաստություն բաշությամբ լցված մի մարդ էր: Սա երկու հազարով գուրս եկավ նրա դեմ, շարդեց-սատկեցրեց նրա գնդից շատերին, իսկ մնացածներին փախցրեց-հասցրեց նրանց բանակը: Իսկ ինքը ողջ և առողջ վերադարձավ, և այն օրը մեծ ուրախության տոն եղավ Հայոց զորքի համար:

Ուրացյալ Վասակը մի անգամ էլ սկսեց իր առաջին կեղծավորության համեմատ հնարներ գործ դնել. վերևում հիշված սուտ երեցյների հետ շրջում էր, նրանց միջոցով արքայի կողմից պատգամներ էր հայտնում և երգմամբ հավատացնում էր, որ կարող են նորից քրիստոնեությունը պաշտել:

Եվ այս բանը շատ օրեր կատարելով՝ շկարողացավ միաբանությունը քանդել, մանավանդ եկեղեցու սուրբ ուխտը, որ զորքից հեռացած չէր:

Ինչպես երանելի Ղևոնդ երեցը հրաման առնելով իր սուրբ ընկերներից՝ մեծ Հովսեփից և բոլոր մեծամեծներից, քահանաներից և զորա-

գլուխներին, բաց արեց իր բերանը և բարձր ձայնով ասաց [զորքի] պատգամավորների առաջ:

«Բոլորդ հիշեցե՛ք մեր առաջին հայրերին, որոնք նախքան Աստծու որդու ծնունդը [ապրել են] զանազան ժամանակներում:

«Որովհետև երբ շարը մեզ հեռացրեց ու դուրս գցեց աստվածային տեղից⁷⁶, անողորմ դատաստանի տակ ընկանք այն հանցանքի ու մեղքի համար, որ մեր ազատ կամքով գործեցինք անարժանաբար և զրբզրեցինք արարչական զորության զայրույթն ու բարկությունը մեզ վրա, և ողորմած դատավորին զրդեցինք անաշուտ կերպով վրեժ առնելու արարածներին, մինչև այն աստիճան, որ նա հրաման տվեց երկնային ծովին՝ թափվել ցամաքի վրա, և երկրիս հաստատուն հատակները ծակծկվելով՝ հակառակ կողմից նույնը գործեցին: Վերևիներն ու ներքևիները մեզ համար տանջանքի գործիք դարձան, որ առանց բարեխոսի մեր հանցանքի վրեժն առնեն:

«Զէ՞ որ միայն արդար նոյր կատարչալ գտնվեց մարդկային ազգի մեջ, որ իջեցրեց տերունական ցասումի սրտամտությունն ու բարկությունը և սկիզբ դարձավ մարդկային ազգի աճելուն ու բազմանալուն: Նույնպես և Աբրահամը առաքինի գտնվեց փորձության ժամանակ և աստծուց ստացած պարգևները իր իսկ ձեռքով նորից նրան էր մատուցում. այդ պատճառով էլ աստված նրան որպես օրինակ ընդունեց, որովհետև նրա մեջ տպավորված էր տեսնում աստծու որդու աներևույթ զալուատը, անըմբռնելի ըմբռնումը և անմահի զենումը, որ իր մահով խափանեց մահի իշխանությունը: Եթե ուրեմն մահը մեռնում է մահով, շվախենանք Քրիստոսին մահակից լինել, որովհետև ում հեռուներ մենք, նրա հետ էլ կկենդանանանք:

«Հիշեցե՛ք, առաքինիներ՝, մեծ Մովսեսին, որ դեռ այրական հասակին չհասած՝ սուրբ նահատակության խորհուրդը տղայության հասակում երևաց նրան. և եզիպտացիների թագավորի տունը նրան ծառայություն էր մատուցանում և աղամա դայակությամբ սնուցանում նրան. և ժողովրդին նեղությունից փրկելու ժամանակ երկնքի ու երկրի միջնորդ եղավ, միևնույն ժամանակ նաև եզիպտացիների աստված անվանվեց: Որովհետև ուր սուրբ խորհուրդը գորացավ, իր անձով վրեժ լուծեց եզիպտացիներից, իսկ ուր աստվածային հայտնությունն եղավ նրա վրա, գավազանի միջոցով էր մեծամեծ հրաշքները գործում: Եվ իր ունեցած սուրբ նախանձախնդրության պատճառով սպանեց եզիպտացուն և ավազի տակ թաղեց. դրա համար էլ նրան մեծ անուն տվեց և ժողովրդին առաջնորդ կարգեց: Եվ զլսավորն այն է, որ արյուն թափելով արդարացավ և բոլոր մարգարեներից ավելի մեծ կոչվեց, ո՛չ

միայն արտաքին թշնամիներին կոտորելով, այլև [իր] ազգակիցներին, որոնք անապատում աստծուն փոխանակեցին հորթի հետ:

«Եվ եթե նա հեռվից այդպիսի վրեժ էր լուծում աստծու որդու դալըստյան համար, մենք որ ականատես եղանք ու մեծապես վայելեցինք նրա շնորհների երկնավոր պարզենքը, է՛լ ավելի պարտավոր ենք վրեժ-խնդիր լինել մոտակա ժամանակի այս ճշմարտության համար: Նա մահվամբ իր անձը զոհեց մեր մեղքերի համար և մեզ արդարացրեց շափազանց ծանր դատապարտությունից. մենք էլ ուրեմն մահվամբ մեր անձը զոհենք նրա անմահ զորության համար, որպեսզի վրեժ-խնդիրներից ավելի պակաս շղտնվենք:

«Հիշեցե՛ք մեծ քահանա Փենեհեզդին, որ սպանությամբ վերացրեց պղծությունը պատերազմի ժամանակ և քահանայությունը ցեղից ցեղ երզումով հաստատեց: Մի՛ մոռանաք նաև սուրբ մարգարե Եղիասին, որ չէր կարողանում դիմանալ Աքարի կռապաշտությունը նայելիս, և արդար նախանձախնդրությամբ ութ հարյուր հոգուն իր ձեռքով սպանեց, և երկու հիանալիկ էլ անշեշ հրի կերակուր դարձրեց, և աստվածային վրեժը լուծելով՝ շշուշափվող և ահեղ կառքով երկրից երկինք վերացավ: Գուք հասել եք է՛լ ավելի մեծ բախտի, որովհետև ձեզ համար այլևս կառք չի ուղարկվի, որ վերանաք, այլ կառքերի և երիվարների տերն ինքը հզոր զորությամբ և սուրբ հրեշտակներով ընդառաջ գալով՝ ձեզ յուրաքանչյուրիդ թևեր կրուսցնի, որպեսզի նրա ուղեկիցներն ու քաղաքակիցները լինեք:

«Ել ի՞նչ կրկնեմ ձեր քաջ կտրիճություն առաջ, քանի որ ինձնից ավելի տեղյակ և հմուտ եք սուրբ կտակարաններին: Գավիթը մանկու-թյան ժամանակ քարով կործանեց մսեղեն մեծ բլուրը⁷⁷ և ամենևին չվախեցավ հսկայի ահազին սրից. ցրեց այլազգիների զնդերը, և զորքը փրկեց մահվանից ու ժողովրդին՝ գերությունից. և եղավ Իսրայելի թագավորների անդրանիկն ու աստծու որդու հայր կոչվեց: Նա [այդպես] կոչվեց ժամանակի պետքի համար, իսկ դուք, սուրբ հոգուց ճշմարտապես ծնվածներդ, աստծու որդիներ եք և Քրիստոսի ժառանգակիցներ: Թո՛ղ ոչ ոք ձեր բաժինը ձեզնից չկտրի, և ձեզ օտար ու խորթ զարձնե-լով բաժնից զրկի:

«Հիշեցե՛ք Իսրայելի բոլոր նախկին զորավարներին՝ Հեսուին, Գեղեոնին, Եփթայային և բոլոր մյուսներին, որոնք ճշմարիտ հավատ ունեին. նրանք ջարդեցին-կոտորեցին հեթանոսների զորքը և երկիրը պիղծ կռապաշտությունից մաքրեցին: Եվ իրենց հաստատուն և արդար գործունեության համար, որ ամենևին չերկմտեցին իրենց մտքերի մեջ, արեզակն ու լուսինն՝ ականջներ շունհնալով՝ լսեցին ու կատարեցին

նրանց պատվերը. ծովն ու գետերը ճանապարհ բաց արին նրանց առաջ հակառակ իրենց սովորությունն: Եվ [Երիբով] քաղաքի բարձր պարիսպները լուկ ձայնից ընկան-կործանվեցին՝ արդարության օրենքների վրեժխնդրության համար: Եվ բոլոր մյուսները, որոնք յուրաքանչյուրն իր դարում հավատի համեմատ քաջություններ կատարեցին, զովաբանվեցին մարդկանց կողմից, և աստված էլ նրանց արդարացրեց:

«Զէ՞ որ նույն Տերն է սկզբից մինչև այսօր և հետո էլ, հավիտյանս հավիտենից և բոլոր հավիտյաններից էլ այն կողմը: Զի նորոգվում, որովհետև չի հնանում. չի մանկանում, որովհետև չի ծերանում. աստ-ծու անհեղհեղուկ բնությունը չի փոխվում, ինչպես որ ինքն էլ ասում էր սուրբ մարգարեների բերանով. «Ես եմ, ես եմ, ես նույնն եմ սկզբից մինչև հավիտյան. իմ փառքը ուրիշին չեմ տա և ոչ էլ իմ քաջությունները՝ կուտրեբին»»:

«Այս գիտենալով, եզրայրնե՛ր, շքուանանք ու շվհատվենք, այլ պինդ սրտով ու հաստատուն հավատով հոժարակամ հարձակվենք այն թշնամիների վրա, որ վեր են կացել-գալիս են մեզ վրա: Մեր հույսը կրկնակի է երևում մեզ. եթե մեռնենք՝ կապրենք և եթե մեռցնենք՝ միևնույն կյանքն է կանգնած մեր առաջ: Հիշենք առաքյալի խոսքը, որ ասում է, թե՛ «Այն ուրախության փոխարեն, որ սպասում էր նրան, նա հանձն առավ համբերել մահվան, այն էլ՝ խաչի մահվան. այդ պատճառով էլ աստված նրան ավելի ևս բարձրացրեց և այնպիսի մի անուն տվեց նրան, որ բոլոր անուններից վեր է. որովհետև Հիսուս Քրիստոսի անվանը ծուներ պիտի դնեն բոլոր երկնավորներն ու երկրավորները և սանդարամետականները»»:

«Որովհետև ով ճշմարտություն միացած է Քրիստոսի սիրո հետ, հոգու աչքով տեսնում է իմանալի արեզակի⁷⁸ ճառագայթների անտեսանելի հստակ լույսը, որ ամեն ժամ և ամեն օր շատ ավելի պայծառ ծագելով երևում է բոլորին. և սրբատեսիլ ու մաքուր հայացքներն անպղտոր հստակությունը դեպի ինքն է ձգում և թափանցեցնելով երկնքի միջով՝ մոտեցնում է անմերձենալի պատկերներին և զորավոր մտքով որոշում է երկրպագել միասնական զորության երեք մասերին: Եվ արդ, ով աստվածային աստիճաններով ելած լինի և բարձրությամբ [աստվածային] արքունիքին հասած ու նրա ամբողջ մեծությունը լիովին տեսած, միայն նա կժառանգի անանցանելի ուրախությունն ու անտրտում մխիթարությունը:

* Եսայի խր 8 և խր 11—12:

** Փիլիպ. բ 7—10:

«Ո՛ր, իմ պատվական տերե՛ր, այսչափ վեր բարձրանալուց հետո՛ նորից այստեղ երկիր շրնկնենք ու թավալվենք, այլ այդ նույն բարձրության վրա հաստատ կանգնած մնանք: Եթե նայելու լինենք դեպի ցած՝ երկիր, այն կտեսնենք լի ամեն ապականությամբ և անսուրբ պղծություններով: Որովհետև ի՞նչ աղետալի բաներ ասես, որ շեն գործվում այս ախտաբեր երկրայինների մեջ. աղքատների թշվառություններ և նրանց անթիվ շարշարանքներ. հարկահանների կողմից ծանր նեղություններ, բռնավոր ընկերների կողմից զրկանք և խոշտանգում, քաղց ու ծարավ մեր բնության կարոտության համեմատ: Չմեռվա սառնամանիք և ամառվա խորշակ, տարածամ հիվանդություններ ու մահարեք ցավեր շարունակ տանջում են մարդկանց. անդադար վրա են հասնում երկյուղ արտաքիններից և արհավիրք ներքիններից. ժամանակից առաջ մահ են ցանկանում, բայց չեն գտնում. և շատերը կան, որ հետամուտ են լինում ու փնտրում են, և երբ գտնում են՝ ուրախանում են: Իսկ ովքեր մեղ թվում է, թե հաջողված են հարստության մեջ և փափկակլաց ուրախությամբ են անցկացնում այս անցավոր կյանքը, մեծամտում հպարտանում են այն աշխարհի դատարկ գործերով, հենց նրանք են, որ կուրացած՝ ճշմարիտ կյանքը չեն տեսնում: Իսկ արդ, ի՞նչ շարիքներ կան, որ չեն գործվում նրանց մեջ. հարստության հետ խառնված է աղքատների գույքի հափշտակությունը, սուրբ ամուսնության հետ վատթար պղծությունը: Ըշմարիտ կյանքից շեղված՝ ինչ որ վայելում են ընտրությամբ, նրանց էլ երկրպագություն են մատուցանում իբրև աստծու:

«Չէ՞ որ այս ամբողջ աշխարհը ամենքի արարչի ստեղծածն է, և ինչ որ նրանք պաշտում են ու պատվում, միևնույն նյութի մասին է, ապա ուրեմն մասերը մասերին են ծառայություն մատուցանում: Որովհետև եթե այս աշխարհի մի մասն ապականացու է, պետք է որ բոլոր մասերն էլ նրա հետ փշանան: Նաև այն մասերի մեջ էլ պետք է ընտրություն լինի. արդ, թե ո՞րն է լավը, այդ հայտնի է բոլորին, և ով որ կարող է հասկանալ, նա՛ է մասերի մեջ ընտիրը: Իսկ եթե այդ այդպես է, ապա ուրեմն հեթանոսների պաշտած ու երկրպագած բոլոր բաներից՝ երկրպագուններն ավելի գերազանց են, քան անբան տարերքը, որոնց նրանք շարաշար կերպով ծառայում են. և չեն պաշտում է աստծուն, որ մարդու կերպարանք առավ, այլ երկրպագում են արարածներին. նրանց մեղքերին քավություն չկա արդար ատյանում:

«Եվ կ՛ը գեն զցենք մոլորվածների խավարային խորհուրդները, նրանց համարենք բոլոր մարդկանցից ավելի խղճալի և ողորմելի. մանավանդ որ իբենց կամքով են կուրացած և ոչ հարկից ստիպված և եր-

բեր շին գտնի ճշմարիտ ճանապարհը: Իսկ մենք, որ բացահայտ աչքով տեսել ենք երկնավոր լույսը, թող չպատահի մեզ արտաքին խավարը: Որովհետև ովքեր խավարի մեջ էին, նրանց մոտ եկավ ճշմարիտ լույսը. նրանք կուրացած՝ զրկվեցին կյանքից: Իսկ դուք, որ հավատով ընդունեցիք, որդիներ եք և ոչ թե օտար ու խորթ մարդիկ, սիրելիներ եք և ոչ թե թշնամիներ, վերին իմանալի քաղաքի մասնակիցներ և ժառանգորդներ:

«Այնտեղ է մեր փրկութիան առաջնորդը. նա այստեղ քաջությամբ նահատակվեց և միևնույն բանը սովորեցրեց իր նիզակակից ու դործակից բոլոր առաքյալներին. նրանց հետ այսօր դուք էլ եք կրկին երևում, հավատով օրհնված՝ աներևույթ թշնամու դեմ, որ զրահապատված կանգնած է դեմադեմ իրրև սատանայական գործի բնկերակից: Այսպես թե այնպես, երկու կողմերին էլ պարտութիւն կպատճառեք, ինչպես որ ինքը Տերն էլ արեց աշխարհի նկատմամբ. թվաց, թե մեռավ, բայց նա այն ժամանակ տարավ հաղթութիւն կատարյալ մրցանակը. ախոյանին տապալեց, պատերազմում ջարդեց, թշնամիներին ցրեց, ավարը ժողովեց, գերիներին հետ դարձրեց, պարզենբը բաշխեց իր բոլոր սիրելիներին՝ յուրաքանչյուրի առաքինութիւն համեմատ:

«Դուք բոլորդ դիտեք, որ առաջվա ժամանակները, երբ դուք պատերազմ էիք գնում, թեպետև սովորութիւն ունեիք քահանաներին միշտ բանակում պահել, բայց ճակատամարտի ժամանակ ձեզ հանձնելով նրանց աղօթքին, որն է ամուր տեղ էիք թողնում նրանց. իսկ այսօր եպիսկոպոսները և երեցներն ու սարկավազները, սաղմոսերգուներն ու զրակարգացները, ամեն մեկը սահմանված կանոնով իրրև սպառազինված և պատերազմի պատրաստված՝ կամենում են ձեզ հետ միասին հարձակվել ու ջարդել ճշմարտութիւն թշնամիներին: Եվ եթե նույնիսկ մեռնեն էլ նրանց ձեռքով, այդ բանից էլ չեն վախենալու, որովհետև ավելի սիրով մեռնել են ուզում, քան մեռցնել:

Կարծես թե կրկնակի աչքեր ստացած լինեն. հավատի աչքերով տեսնում են մարգարեների քարկոծվելը, իսկ մարմնի աչքերով՝ ձեր քաջ սխրագործութիւնը: Մանավանդ որ ձեր մեջ տեսնում ենք երկուսն էլ. որովհետև դուք էլ տեսնում եք սուրբ առաքյալների շարչարանքները և բոլոր սուրբ մարտիրոսների սպանվելը, որոնց մահով հաստատվեց սուրբ եկեղեցին, և նրանց արյունը թափվելը պարծանք եղավ վերինների ու ներքինների համար: Արդ, մինչև երկրորդ զայուստը նույն քաջագործութիւնն է կատարվում շարչարանքներով»:

Այսբանը խոսեց այն զիշերը սուրբ Դևոնդ երեցը և փառատրելով վերջացրեց «ամեն» ասելով: Եվ սեղան կանգնեցնելով՝ ամենասուրբ խոր-

հուրդը կատարեցին. պատրաստեցին նաև ավազան, և եթե զորքի բազմության մեջ շմկրտված մարդ կար, ամբողջ գիշերը մկրտեցին. և առավոտյան սուրբ հաղորդություն ընդունեցին և այնպես լուսազգեստ դարձան, ինչպես տերունական մեծ սուրբ զատկին:

Եվ զորքի ամբողջ բազմությունը մեծ զվարճությամբ և սաստիկ ուրախությամբ աղաղակեց. և ասում են. «Թող մեր մահը արդարների մահվան հետ հավասարվի և մեր արյունը թափվելը՝ սուրբ մարտիրոսների արյան հետ. թող աստծուն հաճելի լինի մեր կամավոր զոհարելությունը և իր եկեղեցին թող հեթանոսների ձեռքը չմատնի»:

Սրանից հետո, երբ Պարսից բանակի զորավարը տեսավ, որ մեջտեղն էլ պատգամավոր շմնաց նրանց խարելու համար, և իր հույսն ու ակնկալությունը կտրվեց նրանց բաժան-բաժան անելու անբակտելի միաբանությունից, այն ժամանակ իր առջև կանչեց անօրեն վասակին և նրա հետ եղած Հայոց աշխարհի բոլոր ուրացած իշխաններին. հարցուփորձ արեց նրանց և նրանցից սովորում էր հաղթության հնարագիտությունը: Եվ երբ տեղեկացավ ամեն մեկի քաջություններին, կանչեց նաև իր ձեռքի տակ եղած զորագլուխներից շատերին և հրամայեց իր առաջ բերել փղերի երամակները. գունդ-գունդ բաժանեց այդ գազաններին և ամեն մի փղի մոտ երեք հազար սպառազեն մարդ դրեց, բացի մնացած ամբողջ զորքից:

Արքունի հրամանով խոսում էր նաև մեծամեծների հետ և ասում. «Ամեն մեկդ հիշեցեք մեծ թագավորի պատվերը և նպատակ դրեք քաջության անուն հանել. մահը գերադասեցեք, քան թե վախկոտ կյանքը: Մի՛ մոռանաք այն յուզը⁷⁹, պսակը, ուռերն ու առատաձեռն պարզկենբը, որ շնորհվում են ձեզ արքունիքից: Ամեն մեկդ գավառների տեր եք և շատ իշխանություն ունեք. դուք ինքներդ գիտեք Հայոց աշխարհի քաջությունը, և ամեն մեկի անվեհերությունը. գուցե պարտություն կրելով՝ կենդանի-կենդանի զրկվեք այն մեծ կյանքից, որ ունենալու եք: Հիշեցե՛ք ձեր կանանց և որդիներին, հիշեցե՛ք ձեր սիրելի բարեկամներին. գուցե ոտնահար լինիք արտաքին թշնամիներից և ներքին սիրելիների հետ միասին ողբաք»:

Հիշեցնում էր նրանց նաև բազմաթիվ փախած ընկերակիցներին, որոնք թեև պատերազմից փրկվեցին, բայց սրով ստացան իրենց մահվան պատիժը. նրանց տղաներն ու աղջիկները և ամբողջ ընտանիքը տուն ու տեղից զրկվեցին, և հայրենական բոլոր գավառները խլվեցին նրանցից:

Ասում էր այս բանը և սրանից էլ ավելի էր սաստկացնում արքունական հրամանը: Կարգավորեց ամբողջ զորքը և ճակատը տարածեց-

Երկարացրեց մեծ դաշտի երկարութեամբ: Եվ ամեն մի գաղանի աջ ու ձախ կողմը երեքական հազար սպառազեն պատրաստեց և ամենաբնտիր քաջ գինձորականներին իր շուրջը ժողովեց. և այսպես Մատթան գունդն⁵⁰ ամրացրեց ինչպես մի հզոր աշտարակ և կամ մի անմատչելի բերդ: Նշաններ բաշխեց, դրոշներ արձակեց և հրամայեց, որ մեծ փողի ձայնին պատրաստ լինեն: Իսկ Ապարհացի գունդը և Կատշաց, Հոնաց և Գեղաց գնդերը և էլի ուրիշ բազմաթիվ ընտիր-ընտիր զորականների մի տեղ ժողովեց և պատվեր տվեց իր զորքերի աջ կողմում⁵¹ պատրաստ լինել ընդդեմ Հայոց զորավարի:

Իսկ քաջ Վարդանը առաջ գալով՝ հարցուփորձ արեց մեծամեծներին և բոլորի տված խորհրդի համաձայն զորագլուխներ նշանակեց:

Առաջին զորամասը հանձնեց Արծրունյաց իշխանին և նրան նիզակակից կարգեց Մոկաց մեծ իշխանին. և ուրիշ բազմաթիվ նախարարների այս երկուսին նիզակակից նշանակեց, և զորամասի ամբողջ բազմությունը այս ու այն կողմից օգնական տվեց նրանց:

Երկրորդ զորամասը հանձնեց Խորեն Խորխոռունուն, և նրան նիզակակից կարգեց Ընծայինին և Ներսէճ Քաչրերունուն:

Երրորդ զորամասը հանձնեց Քաթուլ Վանանդացուն և նրան նիզակակից կարգեց Տաճատ Գնթունուն, և շատ քաջ մարդիկ էլ այս ու այն կողմից օգնական տվեց նրանց:

Ինքը վերջրեց շորրորդ զորամասը և իրեն նիզակակից՝ քաջ Արշավրին և իր հարազատ եղբայր Համազասպանին:

Այսպես կարգավորեց և ճակատ կազմեց՝ սփռելով դաշտի ամբողջ երեսին, Արյաց զորքի ղեմուղեմը, Տղմուտ գետի ափին:

Եվ երբ այս այսպես պատրաստվեց, երկու կողմերն էլ սրտմտութեամբ և մեծ բարկութեամբ զայրացան և զազանացած զորութեամբ միմյանց վրա հարձակվեցին. երկու կողմերի աղմուկն ու աղաղակը ճայթում էր ինչպես իրար խառնված ամպերի միջից, և ձայների զրդրյունը շարժում էր լեռների քարանձավները: Բազմաթիվ սաղավարտներն ու զրահապատված զորականների զենքերը փայլում էին ինչպես արևի ճառագայթների շողեր: Նաև բազմաթիվ սուսերների շողալույց և բազմախուռն նիզակների ճոճվելուց կարծես ահագին կրակ էր թափվում երկնքից: Որովհետև ո՞վ կարող է պատմել ահավոր ձայների մեծ իրարանցումը, և թե ինչպե՞ս վահանավորների թնդյունն ու աղեղների լարերի ճայթյունը առհասարակ խլացնում էին բոլորի ականջները:

Այնտեղ պետք էր տեսնել, թե ի՞նչ մեծ տազնապ և անշափ իրարանցման սրտնեղություն կար երկու կողմերում էլ, երբ հանդուգն հար-

ձակումով իրար էին բախում։ որովհետև թանձրամիտները հիմարա-
նում էին, և վախկոտները վճատվում։ քաջերը խիզախում էին, և ան-
վեհեր կտրիճներն աղաղակում։ Եվ ամբողջ բազմությունը իրար գլխի
խմբվելով՝ գետն ամեն կողմից փակեցին, և գետի ղժվարությունից
վախեցած Պարսից զորքն սկսեց իր տեղում վխտալ։ Իսկ Հայոց զորքն
անցավ գետը, և ձի նստած մեծ զորություն մը հարձակվեց։ Ուժգին թա-
փով իրար դարկվելով՝ երկու կողմից էլ բազմաթիվ վիրավորներ գե-
տին ընկած թաքտում էին։

Ապա աչքերը վեր բարձրացրեց Մուշկան նյուսալավուրտը և տեսավ,
որ Պարսից զորքի ընտիր-ընտիր քաջ զորականները Հայոց զորքի ձախ
կողմն ընկճեցին. նա մեծ ուժով հարձակվեց այն տեղը և Պարսից զոր-
քի աջ թևը շարգելով՝ քշեց գազանների կողմը և շուրջը պատելով կո-
տորեց մինչև նույն տեղը։ Եվ այնպիսի տազնապ ու իրարանցում գցեց
նրանց մեջ, որ մինչև անգամ Մատյան գնդի հաստատուն կազմա-
կերպությունը քայքայվեց-ցրիվ եկավ, և նա գեռևս պարտություն չկը-
րած՝ փախուստ տվեց։

Ապա աչքերը վեր բարձրացրեց Մուշկան նյուսալավուրտը և տեսավ,
որ Հայոց զորքից ոմանք բաժանվել և ետ են ընկել լեռների հովիտնե-
րում։ Ուստի և աղաղակ բարձրացրեց, քաջալերեց իր շուրջը գտնված
Արշաց զորքին, որոնք կանգնած էին Վարդանի գնդի հանդեպ։ Այնտեղ
երկու կողմերն էլ իրենց պարտված էին զգում, և ընկած դիակների թի-
վըն այնքան մեծ էր, որ նմանվում էր խորզուրոզ քարակույտերի։

Երբ այս բանը տեսավ Մուշկան նյուսալավուրտը, որ սպասում էր
գազանների, որոնց վրա, ինչպես բարձր դիտանոցում, ասես միջնա-
բերդում, նստած էր Արտաշիբը, գալարափողերի բարձր ձայնով շտա-
պեցրեց իր գնդերին և առաջապահ զորքերով շրջապատեց նրան։

Իսկ կորովի Վարդանն իր քաջ նիզակակիցներով մեծ կոտորած
արեց այնտեղ, ուր և հենց ինքն էլ արժանի եղավ ստանալու կատարյալ
նահատակության պսակը։

Եվ պատերազմի գործը երկարելով՝ օրը տարածամեց և երեկոյան
դեմ դադարեց. շատերն իրենց մահվան օրհասը գտան. մանավանդ
որ ընկածների դիակներն այնպես խիտ էին ու իրար մոտ թափված,
ինչպես անտառի կտրատված փայտերը։

Այնտեղ պետք էր տեսնել նիզակների կոտրատումն ու աղեղների
խորտակումը. ուստի և շէին կարողանում ստույգ որոշել երանելիների
սուրբ մարմինները. և սաստիկ խուճապ ու իրարանցում էր երկու կող-
մերի ընկածների համար։ Իսկ ուլքեր [կենդանի] էին մնացել, ցիրու-
ցան եղան ամուր ձորերի լեռնադաշտերում. և երբ պատահում էին

միմյանց, դարձյալ սպանում էին մեկմեկու: Եվ այսպէս դաժան գործը շարունակվեց մինչև արևի մայր մտնելը:

Եվ որովհետև ժամանակը զարնանային էր, ծաղկալից դաշտերը լցվեցին հորդահոս արյունով: Մանավանդ երբ մեկը տեսնում էր ընկած բազմաթիվ դիակների կույտերը՝ սիրտը կտրատվում էր և աղիքները զալարվում, լսելով խոցվածների մրմոռը, և շարդվածների մռնչյունը, վիրավորների թավալզոք սողալն ու շարժվելը, վախկոտների փախուստը, վհատվածների թաք կենալը, անարի մարդկանց սրտաբեկությունը, թուլասիրտների ճիշերը, սիրելիների ողբը, մերձավորների սուգը, բարեկամների վայնասունը: Որովհետև ո՛չ թե մի կողմը հաղթեց, և մյուս կողմը պարտվեց, այլ քաջերը քաջերի դեմ դուրս գալով՝ երկու կողմերն էլ պարտություն կրեցին:

Բայց որովհետև Հայոց զորավարն ընկել էր մեծ պատերազմում, այնուհետև էլ ոչ ոք զխավոր չկար մեջտեղում, որին հենված ժողով՝ վերին մնացած զորքերը: Թեպետև ողջ մնացածներն ավելի շատ էին, քան թե մեռնողները, սակայն նրանք ցանուցիր եղան և քաշվեցին երկրի զանազան ամուր տեղերը և ուժով տիրեցին շատ գավառների ու բերդերի, որոնք ոչ ոք մինչև իսկ առնել չէր կարողանում:

Եվ սրանք են այն քաջ նահատակների անունները, որոնք այդ նույն տեղում վախճանվեցին:

Մամիկոնյան ցեղից Քաջ Վարդանը հարյուր երեսուն և երեք մարդով.

Խորխոռունյաց ցեղից Կարավի Խորենը տասներեք մարդով.

Պալունյաց ցեղից Արի Արտակր հիսուն և յոթը մարդով.

Գնթունյաց ցեղից Զարմանալի Տաճատը տասներեք մարդով.

Դիմաքսյանց ցեղից Իմաստուն Հմայակը քսաներկու մարդով.

Քաջբերունյաց ցեղից Հրաշակեւոտ Ներսեհը յոթը մարդով.

Գնունյաց ցեղից Մանուկ Վահանը երեք մարդով.

Ընծայնոց ցեղից Արգար Արսենը յոթը մարդով.

Սրվանձտյան ցեղից Հառաքաղեմ Գարեգինը երկու հարազատներով և տասնութը մարդով:

Այս երկու հարյուր ութսունյոթ նահատակները՝ ինը մեծամեծ նախարարների հետ՝ հենց այնտեղ վախճանվեցին: Եվ թագավորական տնից և Արծրունյաց տնից և մյուս նախարարների տնից, բացի այս երկու հարյուր ութսունյոթ հոգուց՝ [դարձյալ ընկան] էլի յոթ հարյուր քառասուն հոգի, որոնք ամենքն էլ այն օրը մեծ պատերազմում իրենց անունները գրեցին կյանքի մատյանի մեջ: Եվ այս բոլորը միասին լինում է հազար երեսունևեկեց մարդ:

Իսկ ուրացողներին կողմից այն օրը ընկան երեք հազար հինգ հարյուր քառասունչորս մարդ: Նրանցից ինը հոգի խիստ պատվավորներից էին, ուստի, և շատ խոր վշտացավ Մուշկան Նյուսալավուրաբ: Մանավանդ երբ տեսավ, որ իր զորքի ստացած սաստիկ հարվածները երեք անգամ ավելի մեծ էին, քան հայերինը, նրա ուժն ու զորությունը կոտորվեց, ընկավ, և նրա սիրտը շէր հանգստանում, որ մտածի ու որոշում անի. որովհետև պատերազմն այնպես շվերջացավ, ինչպես ինքը կարծում էր: Մանավանդ երբ նայում էր ու տեսնում իր կողմից ընկածների բազմությունը և հաշիվ էլ էր անում ու այնքան շատ էր գրտնում իր զորքից ընկածները Հայոց զորքից ընկածների համեմատությամբ, առավել ևս այն երևելի մարդկանց պատճառով, որոնց անունանուն ճանաչում էր թագավորը, — այդ մարդը մեծ տազնապի մեջ էր ընկնում: Դեպքերն արդարությամբ գրել և հայտնել՝ վախենում էր թագավորից. բայց թաքցնել էլ չէր կարող, որովհետև այդպիսի մեծ կոխվել ծածկել չէր լինի:

Եվ մինչդեռ ինքն իրեն այս մտորումների մեջ էր և սրտնեղում էր, ուրացող Վասակը, որ զազանների մեջ թաք կացած ազատել էր իր անձը, սկսեց մխիթարել նրա վհատված միտքը և նենգությունը նրան զանազան հնարներ էր սովորեցնում, թե ինչպե՛ս կարող է խաբեությունը կռվել բերդերի դեմ: Երզումներ էր կնքում թագավորի հրամանով և իր անձի վկայությամբ և այն խաբերա երեցների միջոցով, որոնք նրա հետ էին. պատգամավոր էր ուղարկում նրանց և այնպես էր ցույց տալիս, թե ապստամբությունը ներված է, և կրկին իրավունք է շնորհված եկեղեցիները շինելու, և բոլոր կարգերը դարձյալ նորոգելու առաջվա սովորության համաձայն: Թեպետև թագավորի հրամանն իսկությունը էր արված, — որովհետև նրա զորությունը շատ կոտորվեց, ըստ որում նրա երկու կողմերն էլ շարդվեցին, — սակայն Հայոց զորքը, որ շատ անգամ վերահասու էր եղել Վասակի նենգությունն ու խաբերայությունը, շուտով շէր կարողանում հավատ ընծայել նաև թագավորի հրամանին:

Վեցերորդ գլուխ

ԳԱՐՉՅԱԼ ՀԱՅԵՐԻ ԱՌԱՔԻՆՈՒԹՅՈՒՆԸ ԵՎ ՎԱՍԱԿԻ ԱՆՕՐԵՆՈՒԹՅՈՒՆԸ

Արդ՝ այն ժամանակ [Վասակը] դարձյալ զրոհեց Մուշկան նյուսալավուրտին և Արյաց բուր մեծամեծներին. զորքը հետն առնելով հասավ այն ամրոցը, որտեղ ապաստան էին գտել Հայոց զորքերից մի զունդ սուրբ քահանաների հետ միասին, և սկսեցին պատերազմել բերդի շուրջը: Բայց երբ ոչինչ չկարողացան անել նրանց, կրկին ապաստանեցին երզումներին, որպեսզի դաշնադրությամբ ցած իջեցնեն նրանց առանց որևէ դավադրության, և երկու-երեք անգամ [նրանց] մոտ ուղարկեցին Ավետարանը: Քնպետև քահանաները համաձայնում էին իջնել ցած և ներկայանալ, բայց զորականներից շատերը չէին կարողանում հավատալ Վասակի սուտ դաշինքին, որովհետև Մուշկան նյուսալավուրտն սկսեց հետևել Վասակի շարամիտ խրատին:

Հայոց քաջ զորականներից մեկը, Բակ անունով, որ փախելով ընկել էր բերդը, բարձրանալով պարսպի վրա՝ սկսեց նախատել անօրենին և հիշեցնում էր Պարսից զորագլխի առաջ այն բուր շարիքները, որ նա հասցրել էր Հայոց աշխարհին: Այս բանը շատերը լսելով՝ արդարացնում էին մեղադրանքները ո՛չ միայն հայերի կողմից, այլ մանավանդ Պարսից զորքը: Այդ միևնույն մարդը նույն գիշերը ելավ՝ հեռացավ այն բերդից յոթը հարյուր հոգով, և չկարողացան բռնել նրան:

Իսկ ուլքեր ամրոցի ներսը մնացին, թնպետև ստույգ գիտեին նրանց խաբերալական երզումները, բայց ներսում պաշար չունեին: Երբ ակամա ցած իջնելով՝ ներկայացան նրան, հրամայեց նրանցից սպանել երկու հարյուր տասներեք հոգու: Բուրն ազազակեցին և ասացին. «Շնորհակալ ենք քեզանից, մեր տե՛ր աստված. քանի դեռ շեն են եկեղեցիները, և շեն քանդված վկաների մատուռները, և միաբան ու առաքինացած է եկեղեցու սուրբ ուխտը, մեղ արժանի արիւր այս երկնավոր կուումին: Թո՛ղ մեր մահը հավասարվի քաջ նահատակների մահվանը, և մեր արյունը խառնվի ընկած վիրավորների արյան հետ, և տիրոջը հաճելի լինեն իր եկեղեցիները՝ այն բազմաթիվ կամավոր

զոհերով, որոնք բարձրանում են այս սուրբ սեղանի վրա»։ Այս ասելով՝ տեղնուտեղը նահատակվեցին երկու հարյուր տասներեք հոգին։

Իսկ այն ամբողջում գտնված սուրբ քահանաները, այս երանելի Հովսեփն ու Ղևոնդն իրենց բազմաթիվ ընկերներով, նրանք ևս իրենց պարանոցները մեկնեցին դահապետի սրի առաջ, միևնույն խոսքերն ասելով, ինչ որ այն երկու հարյուր հոգին։ Որովհետև այս երանելիները ո՛չ թե որևէ ակնկալություն ունեին մարմնավոր կյանքի համար, այլ իմաստություն հնարք էին փնտրում [զոհվելու] ամբողջ աշխարհի շինություն համար։ Ուստի և բողոքեցին արքունիք և ամբողջ մեղքը պեցցին անօրեն Վասակի վրա։ Երբ այս լսեց Մուշկան նյուսալավուրտը, չհամարձակվեց նրանց մահվան պատիժ տալ. այլ Հովսեփին ու Ղևոնդին ձեռնել տալով՝ հրամայեց զգուշություն պահել, որովհետև բողոքեցին արքունիք։ Իսկ մյուս քահանաներին արձակեցին ամեն մեկին իր տեղը, հրաման տալով, որ աշխարհը շնացնեն և խաղաղացնեն։

Սակայն հայ մարդիկ, որ լավ հասկացել էին թագավորի և ուրացող շարամիտ Վասակի հեղհեղուկ հրամանները, բոլորովին չհավատացին այդ կեղծ ներմանը, այլ քաջալերում էին միմյանց և ասում. «էլ ինչի՞նչ է պետք մեզ այս անցավոր աշխարհի կյանքը, և կամ ինչո՞ւ ենք արև տեսնում մեր սիրելիներից հետո։ Որովհետև քանի որ մեր քաջ կտրիճներն ընկան մեծ պատերազմում և բազմաթիվ վիրավորներ արյունաշաղախ տապալվեցին դաշտի մեջ, և բոլորի մարմինները թռչուններին գեշ և գաղաններին կերակուր դարձան, և մեր պատվական նախարարները թշվառություն ու անարգանքի հասան, լքեցին իրենց իշխանությունները և հալածանքի ու նեղության մեջ են, երբ Հայոց բոլոր փափկաստունները վշտերի ու վտանգի և չլաված ոշնացման ենթարկվեցին, էլ ականջ չենք դնի այդ խաբեբայական հրամաններին և չենք ընկնի անօրեն իշխաններից ձեռքը»։

Այնուհետև յուրաքանչյուրը թողեց իր գյուղը, ավանն ու ագարակը։ Հարսները դուրս եկան առագաստներից և փեսաները՝ սենյակներից, ծերերն ընկան աթոռներից և երեխաները [ծնողների] զբրկեցին. երիտասարդներն ու կույսերը և տղամարդկանց ու կանանց ամբողջ բազմությունը զնացին բռնեցին անմարդարնակ վայրերի ամբողջներն ու բազմաթիվ լեռների ապահով տեղերը։ Ավելի լավ էին համարում գաղանների նման քարանձավների մեջ բնակվել աստվածապաշտություն, քան թե ուրացություն փափուկ կյանք վարել իրենց տներում։ Առանց տրտնջալու դիմանում էին խոտեղեն կերակուրներին և չէին հիշում իրենց սովորական խորտիկները։ Այդ դարուփոսերը

նրանք հավասար էին համարում [իրենց] բարձր շենքերի հարկերին, իսկ գետնանկողիները՝ նկարագարող պատշգամբներին:

Նրանց մրմունջներն ու երգերը սաղմոսներն էին, իսկ կատարյալ ուրախությունը՝ սուրբ գրքերի ընթերցումը: Ամեն մարդ ինքն իր մեջ եկեղեցի էր և նույն ինքը քահանա. յուրաքանչյուր մարմին սուրբ սեղան էր, և նրանց հոգիները՝ ընդունելի զոհաբերություն: Որովհետև նրանցից ոչ մեկը հուսահատորեն չէր ողորում սրով ընկածներին, և ոչ ոք չէր հեծում ու հառաչում իր մերձավոր սիրելիների համար: Ուրախությամբ ընդունեցին իրենց մեծ գույքերի հափշտակությունը, և ամենին շէին հիշում, թե երբևիցե ստացվածք են ունեցել: Համբերությամբ դիմանում էին և մեծ առաքինությամբ տանում այդ քաջ նահատակությունը: Որովհետև եթե բաց աչքերով շտեսներն խնդալից հույսը, չէին էլ կարող այնպիսի մեծ առաքինություն կատարել:

Որովհետև շատերը մեծ նախարարների ցեղից էին, եղբայրներ, որդիներ ու զուտերեր, իրենց բոլոր սիրելիների հետ միասին այդ ամուր վայրերում էին, ոմանք խաղտյաց անույս երկրում և ուրիշ շատերը հարավային կողմերում՝ Տմորիքի անմատչելի ամրոցներում, մի մասն էլ Արցախի խիտ անտառներում, և ուրիշ ոմանք այնտեղ Միջնաշխարհում տիրեցին շատ ամրոցների: Բոլորն էլ մեծ համբերությամբ տանում էին բազմաթիվ նեղություններ Քրիստոսի սիրո համար և միայն մի բան էին աղաչելով խնդրում ասածուց, որ սուրբ եկեղեցիների ավերվելը շտեսներն:

Բայց ինչպես որ շատ անգամ արդեն ցույց ենք տվել ամբարիշտ [Վասակի] շարամտությունը, հորդորում և ստիպում էր մոտիկ վայրերում գտնվող Պարսից զորքերին, որ թագավորի հրամանով նրանց օգնելու համար զորք գա: Եվ շատ հեծելազոր եկավ՝ լրացրեց սպանվածների տեղը, և զորքի թիվն էլի առաջվա չափ եղավ: Սրանք առաջ շարժվեցին դեպի Միջնաշխարհը և պատերազմ սկսեցին Կապույտ լեռան մեծ ամրոցների դեմ: Իսկ ներսում գտնվողները քաջությամբ կրավելով շարժեցին Պարսից զորքից շատերին և մնացածներին փախցրին հասցրին բանակը: Իսկ նրանք դարձյալ անուշ խոսքերի դիմելով ուզում էին խաբեություն մղվածել նրանց:

Երբ ոչ ոք չհավատաց ու չիջավ նրանց մոտ, որպեսզի շարաշար կերպով շատնվեն թշնամիների ձեռքը, հարկ եղավ, որ երդումների պատճառով նրանց մոտ մի քահանա իջնի, որի անունն Արշեն էր: Սա խոսում էր նրանց հետ մտերմաբար ու աղերսելով, ապացուցում էր անմեղների փախուստի անվնաս լինելը, աշխատում էր շարժել ուրացող Վասակի դուրը և պաղատելով հիշեցնում էր նրա քրիստոնեու-

Յյան առաջին ուխտը, որպեսզի նա թերևս մի քիչ մեղմանա անշափ դաժանությունից: Բայց նա ամենևին չսեսց և ականջ չդրեց նրա բազմաթիվ խոսքերին, կապեց ու տարավ երանելուն և նրա հետ իջած մարդկանց: Մանավանդ երբ տեսավ, որ զորավարը նրա խրատին է հետևում, այնուհետև սկսեց շատ տեղեր ասպատակներ ուղարկել, և մարդկանց ինչ բազմություն էլ գտնում էին ամրոցներից դուրս, գերի տարան և ջահճը ձեռքներն առած՝ շատ տեղեր կրակ տվին:

Իսկ ուժքեր Տմորիբի ամրոցներում էին, երբ լսեցին արքունի զորքի կատարած այս բոլոր շարագործությունները, էլ ամենևին օգտակար չհամարեցին ամրոցներում նստելը: Քաջությամբ դուրս եկան և հարձակվեցին ամրոցականների օգնությամբ, և հասնելով պարսիկների մոտակա երկիրը, անխնա կոտորելով՝ արյան նախճիրներ գործեցին, մնացածներին էլ գերի վերցնելով՝ տարան-գցեցին ամրոցները և ջահճը ձեռքներն առած՝ այն երկրի շինությունները հրի ճարակ դարձրին:

Նույնպես և Խաղտյաց լեռներում գտնվածները՝ երբ տեսան, որ Պարսից զորքը հանդիպար և աներկյուղ դիմում է Հայոց աշխարհի ամրոցների վրա, նրանք էլ մեծ զորությամբ հարձակվեցին Տայրի ձորագավառի վրա: Այնտեղ նրանք գտան արքունի զորքերից մի մեծ գունդ, որոնք ուզում էին այն երկրում ամրացած մարդկանց գերի առնել: Նմանապես և կարծում էին, թե նախարարների գանձերն այնտեղ են, ուստի և անխնա հետախուզում էին այն վայրերը:

Այնտեղ տեսան նաև, որ երկու գյուղերում այրել են եկեղեցիները. այս բանի պատճառով էլ ավելի բարկացան ու նախանձախնդրությամբ լցվեցին: Հարձակվեցին, բախվեցին միմյանց և հզորապես հաղթելով՝ շարդեցին Պարսից զնդի զորությունը. նրանցից շատերին կոտորեցին, իսկ մնացածներին բշեցին-փախցրին երկրից:

Եվ այնչափ հանդուգն հարձակումից միմիայն Հայոց վարդան սպարապետի եղբայր երանելի Հմայակը՝ անձնազոհ քաջությամբ կրվելով՝ նահատակությամբ վախճանվեց միաբանության սուրբ ուխտի համար: Իսկ մնացած բոլորը ողջ ու առողջ փրկվելով [կովից] հալածում էին փախստականներին:

Եվ երբ այս այսպես կատարվեց, թագավորի զորքը դադարեց անխտիր կերպով ամեն տեղ զործի մեջ խառնվելուց, և մանավանդ զգուշանում էին եկեղեցիներին ձեռք տալուց: Նորից մի անգամ էլ սկսեցին հարցնել արքունիքին:

Նմանապես և ուժքեր փախել-ընկել էին Արցախի անտառները, իրենց տեղերում ամենևին հանգիստ չմնացին, այլ շարունակ մարդ էին ուղարկում Հոնաց աշխարհը, գրգռում և հորդորում էին Հոնների

զորքին և նրանց հիշեցնում էին այն ուխտը, որ գրել էին հայերի հետ և անսուտ երզումով հաստատել: Նրանցից շատերին հաճելի էր թվում քաղցրութեամբ լսել այդ խոսքերը: Նաև նրանք սաստիկ մեղադրում էլ էին, թե «Պատերազմի ժամանակ ինչո՞ւ պատրաստված չեկաք»: Եվ թեպետ սկզբում չկարողացան միմյանց հետ համաձայնել, բայց հետո մեծ զորք հավաքեցին և անմիջապես հարձակվելով հասան Պարսից տերութեան սահմանները և շատ գավառներ ավերելով՝ է՛լ ավելի շատ վորին այն միաբանությունը, որ ունեին Հայոց զորքի հետ:

Իսկ երբ այս բոլորի լուրը հասավ Պարսից զորավարին, սրտմտեց ու զայրացավ և մեծ բարկութեամբ մեղքը գցում էր անօրեն Վասակի վրա, որպես թե նա է այն բոլոր շարիքների սկիզբն ու առաջնորդը, որոնք գործվեցին: Եվ այնտեղից վեր կացավ, առաջ խաղաց, գնաց-հասավ Պարսից աշխարհը. գրեց և ցույց տվեց թագավորին ամեն ինչ ստուգութեամբ և գործի մեղքը ուրացողի վրա գցեց:

Երբ թագավորը լսեց աշխարհի ամբողջ ավերածությունը և ստուգեց մեծ պատերազմի հանգամանքները, սիրտը կոտորվեց-իջավ մեծ-մեծ խորխտալուց, և լռեց ու դադարեց մշտական խաբերա մտադրություններից. հարցուփորձ էր անում և քննում այդ անհասնճար գործի վրիպման պատճառները և ուզում էր իմանալ, թե «Ո՞վ կարող է այդ գործերի մասին իրեն ստույգ տեղեկություններ տալ»: Իսկ նույն Միհր-ճեբի մասին իրեն ստույգ տեղեկություններ տալու հաղարարեց, որ այնտեղ գիտակ էր արքունի դռան այդ անօրեն գործին, առաջ եկավ և ասաց թագավորին. «Այդ բանը ե՛ս կասեմ քեզ, քա՛ջ թագավոր. եթե ուզում ես ստույգ լսել ճշմարիտը, կանչել տուր ֆիրատոնյաների զլխավորներին, որոնք Հայաստանում են. նրանք հոժարութեամբ կգան և ամեն բան քեզ կպատմեն արդարութեամբ»:

Այն ժամանակ [թագավորը] Հայոց աշխարհի մարդպանությունը հանձնեց իր ավագ նախարարներից մեկին՝ Ատորթիզդ անունով, որի իշխանությունը սահմանակից էր Հայոց աշխարհին և զորավարի գործակներին, Թավասպարների և Խիրիովան⁸² երկրները և այն բոլոր ամրոցները, որ ավերել էր Հոնաց գունդը՝ հայերի հետ ունեցած դաշինքի պատճառով: Այդպես էլ՝ թագավորը սաստիկ տրտմել էր ո՛չ միայն երկրների ավերվելու և զորքերի ջարդվելու համար, այլ առավել ևս այն պահակի ավերվելու համար, որ շատ ժամանակներից ի վեր հազիվ էին կարողացել շինել. այդ պահակն այն ժամանակ հեշտությունը

առնովել էր ու քանդվել, և այլևս հույս չկար, թե այն կշինվի: Իսկ Վասակին գլխավոր քրիստոնյաների հետ միասին հրամայեց կանչել Գուռը:

Արդ, Ատրորմիզդ մարզպանը եկավ, Հայոց աշխարհը մտավ սիրով և խաղաղությամբ: Արքունի հրամանով իր մտա կանչեց Ռշտունյաց սուրբ եպիսկոպոս Սահակին, որ նրանից տեղեկանա ամբաստանության հանգամանքները: Բայց նա, թեպետև ավերել էր մի ատրուշան և մեծ շարշարանքներ էր տվել կրակի պաշտոնյաներին, ամենևին չվախեցավ զալ ներկայանալ հրապարակային ատյանին:

Նույնպես և Արծրունյաց տնից մի բարեպաշտոն երեց Մուշե անունով, որ Արծրունյաց երկրի առաջնորդ էր, նա էլ ավերել էր մի կրակատուն և կապանքներով ու տանջանքներով շատ շարշարանք էր տվել մոզերին. սա էլ ամենևին չվախեցավ, այլ հոժարակամ եկավ և ներկայացավ մարզպանին:

Երկու ուրիշ երանելի քահանաներ էլ, որոնց անուններն են Սամվել և Արբահամ, սրանք էլ քանդել էին Արտաշատի կրակատունը, և ուրացող Վասակը նրանց առաջուց բռնել ու կապել էր տվել. սրանց էլ բերին առաքինի ընկերներին մոտ:

Նույն տեղը բերին նաև մեծ Հովսեփին ու Ղևոնդին, Քաջաչին և Արշենին: Եվ երբ մարզպանը բոլորից լսեց ու տեղեկացավ, ամեն ինչ գրեց և ցույց տվեց արքունիքին ճշմարտությամբ, ինչպես որ լսել էր նրանց բերանից:

Բայց Վասակը թեպետև առաջուց էր հասել Գուռը և ամեն ինչ իր ուզածի պես էր պատմել վայրիվերո և սուտ, սակայն չէր կարողանում իր անձն արդարացնել թագավորի առաջ, որը պատասխան տվեց նրան և ասաց. «Երբ որ քրիստոնյաներն էլ կզան, բոլորիդ միասին կլսեմ ատյանում»:

Իսկ որովհետև սուրբ քահանաներին կապանքներով էին տանում, երկու ամիս և քսան օրից հետո միայն հասան արքունի ձմեռոցը: Երբ մեծ հազարապետը լսեց, որ նրանց քաղաք են բերել, անձամբ այցելեց նրանց: Բայց թեպետև ամեն ինչ մանրամասնորեն լսեց նրանցից, սակայն չկարողացավ ձեռք տալ նրանց և շարշարել, որովհետև Հայոց նախարարներից շատերը դեռևս ուժով գրաված էին պահում աշխարհի ամուր տեղերը, և մարզպանը դեռևս երկյուղի մեջ էր: Դրա համար էլ հրամայեց զգուշությամբ պահել սրբերին և պատվիրեց աշխարհը սիրով նվաճել: Այդ պատճառով էլ հենց ինքը [մարզպանը] շրջում էր, ժողովում ու վերաշինում հաստատ խոստումներով:

Եպիսկոպոսներին էլ հրաման տվեց, որ ամեն մեկն իր իշխանությունն ստանձնի և նախկին սովորության համաձայն հայտնի կերպով

պաշտոն կատարի, և ազատ համարձակ հրապարակ դուրս գա: Մինչև իսկ իր մոտ կանչելով՝ ընծաների և պարզկների արժանացրեց նրանց: Եվ սրովհետև զորականներն առել ու ավերել էին շատ գավառներ, ուստի հրամայեց երկրի հարկերը ներել. արքունի այրուծին էլ միառժամանակ թեթևացրեց: Հրամայեց նաև, որ միայնակյացները, որ փախել-անհետացել էին, գան և ամենքն իրենց տեղերը բռնեն:

«Աստվածպաշտության բոլոր կարգերը, ասում էր, հիմա էլ այնպես կատարեն, ինչպես որ կատարում էին առաջվա ժամանակները, նախնիների օրով: Եվ եթե մեկը որևէ հեռու աշխարհ է գնացել, արքունիքից իրավունք եմ ստացել, ասում էր մարզպանը, որ, ազատ լինեն նրանք, թե՛ շինական, թե՛ եկեղեցական, ինչ կայք էլ թողած լինեն, թող գան և յուրաքանչյուրն իր ունեցածին տեր կանգնի»:

Երդումներ էր կնքում ու ուղարկում զանազան կողմեր: Հենց շատերն էլ եկան հավաքվեցին, և ամեն մեկը իր կալվածքին տեր դարձավ:

Նաև, որ ամենից մեծ բանն է, եթե որևէ մեկը բռնությամբ էր մոգություն ընդունել իր կամքի հակառակ, արքունիքից հրովարտականք ուղարկեց՝ նորից քրիստոնյա դառնալու: Եվ թագավորը խոսում էր արքունիքում եղածների դեմ հանդիման, թե՛ «Ովքեր սիրով շեն ընդունում մազզեզն կրոնը, այդպիսիների վրա աստվածներն էլ են զայրանում, և ես էլ ամենևին չնորհակալ շեմ. և այսօր նույն հրամանն եմ տալիս բոլորին՝ ամեն մարդու թողնել իր կամքի համաձայն վարվելու. ով ինչ կամենում է, թող այն պաշտի. բոլորն էլ իմ ծառաներն են»: Այս ասում էր և գրավոր հրաման տալիս ամբողջ աշխարհին:

Երբ այս լսեցին ու տեսան շատերը, որոնք ցիրուցան էին եղել հեռավոր տեղեր, եկան և տեր կանգնեցին իրենց սեփականությունը: Իսկ այն նախարարները, որոնք գտնվում էին երկրի ամրոցներում կամ հեռավոր օտարության մեջ, երբ տեսան երկրի շենանալը, մանավանդ եկեղեցու ապահովությունը, նրանք էլ սիրտ առան և համարձակվեցին ներկայանալ թագավորին: Ուստի և պատգամ ուղարկեցին երկրի մարզպանին, որ նախարարների խոսքերը հայտնի արքունիքին: Իսկ նա շտապով արքունիքի կողմից և արքունի հրամանով մի հորդորական և ապահով դաշինքի գիր ուղարկեց նրանց: Բայց նրանք, թեպետև զիտեին տերության դաժանությունը, որ ամեն բանի մեջ կեղծ են, ուղեցին մասնակից լինել սրբերի շարձարանքին. այնպես որ եթե մահ էլ ապասելու լինի նրանց, ամենևին երկյուղ չկրեն և չվախենան:

Այս որ լսեց թագավորը, հրամայեց նրանց իրեն մոտ կանչել ու թե կապանքներով, այլ արձակ ձեռներով ու ոտներով: Նրանք շուտով

բերին իրենց կանանց ու որդիներին և ունեցած գույքը հանձնեցին մարդպանի ձեռքը, և իրենք շտապով գնացին արքունի ձմեռոցը:

Եվ մինչդեռ թագավորը այնտեղ ձմեռոցում էր, հրամայեց հարցուփորձի ատյան կազմել նրանց միջև: Եվ հազարապետը նստեց, որ երկու կողմերին էլ լսի: Եվ երբ ամբաստանությունը երկար օրեր շարունակվեց, ուրացողների կողմը հանցավոր ճանաչվեց:

Որովհետև ցույց տվին այն թղթերը, որ Վասակը և բոլոր նրա հետ եղածները տվել էին, թե նրա հետ միաբան են ապստամբության ուխտի մեջ. մի թուղթ Վրաց աշխարհը և մի թուղթ Աղվանից աշխարհը. նույնպես և Աղձնիք գրած մի թուղթ և մի գրություն Հունաց թագավորին և մի թուղթ էլ Անտիոքի մեծ սպարապետին: Այս բոլոր թղթերի վրա գրված էր Վասակի վավերական մատանին⁵³: Նմանպես և նախառն էր մոզերի կոտորածին Զարեհավանում: Պարսիկներից խլված շատ բերդերի վերաբերմամբ էլ նրա թղթերն ու հրամաններն էին մեջտեղ բերում, որովհետև նա էր այն ժամանակվա մարդպանը:

Ինչպես նաև մի նախարար, որի անունն Ատոմ էր, Գնունյաց ցեղից, որին նա պատգամավոր էր ուղարկել հույների մոտ, առաջ եկավ և մեղադրեց նրան մեծ ատյանի առաջ հենց այն հրովարտակով, որ նա տվել էր՝ կնքած իր մատանիով:

Նրան ամբաստանում էր նաև Մուշկան նյուսալավուրտը և իր պատերազմակից ընկերների հետ միասին հայտարարում էր, թե պատերազմը վերջանալուց հետո էլ Վասակը շատ արյուն թափել տվեց. թե ինչպես սուտ երգումներով խաբում ու ցած էր իջեցնում ամբոցներից. արքունի ծառաներից ու աղախիններից ոմանց կոտորում էր, ոմանց էլ գերի էր տանում: Եվ բացի այս բոլոր վնասներից՝ նա գող դուրս եկավ նաև երկրի այն հարկի վերաբերմամբ, որ արքունիք էր գնում:

Նույնպես և նրա ուրացող ընկերներից շատերը կային, որոնք բաց արին այն շարիքները, որ նա գործել էր Հայոց աշխարհի վերաբերմամբ: Նրա մասին հարցրին նաև այն մոզերին ու փշտիպաններին, որոնք եղել էին կապանքների մեջ և փրկվել և ապա բերվել արքունիք, և ասացին. «Դուք որևէ բան գիտե՞ք նրա շարագործության մասին»: Պատասխան տվին և ասացին. «Այն բոլոր անցքերն ու շարշարանքները, որ անցան մեր գլխով, և այն բազմաթիվ հարվածները, որ թափվեցին արքունի գործի վրա, և Հայոց աշխարհի ավերն ու գերությունը, այլև արքունի հարկերի կորուստը, — այդ բոլոր շարիքների սկզբնապատճառն ու առաջնորդն այդ մարդը ևղավ»:

Եվ մինչդեռ այս բոլոր ամբաստանությունները այնքան երկար օրեր լինում էին նրա վրա, առաջ եկան նրա ազգականները⁵⁴, որ ավելի

առաջ էլ զանգատվել էին նրա վրա թագավորին, սկսեցին կարգով ցույց տալ և հայտնել, թե ինչպես նա բարեկամացել էր հոն Հեռանի հետ Բաղասական թագավորի հետ միաբանած, այն ժամանակները, երբ այդ Հեռանը կոտորեց Պարսից զորքերին Աղվանքում, ասպատակելով հասավ Հունաց երկիրը և բազմաթիվ գերիներ ու շատ ավար տարավ Հոռոմներից, Հայերից, Վրացիներից և Աղվաններից. այնպես որ թագավորն ինքն էլ հասկացավ այդ մտադրություններն ու սպանեց Բաղասական թագավորին: Իսկ Վասակն այն ժամանակ Հայոց մարզպանն էր և արքայի թշնամիներին խորհրդակից դուրս եկավ: Նրա ազգականները ցույց տվին և հայտնեցին, թե ինչպես իրենք հմուտ և տեղյակ էին նրա շար մտադրություններին, ամեն ինչ ցույց էին տալիս և հայտնում թագավորին, և էլի ուրիշ բազմաթիվ խարդախություններ, որ կեղծություններ էր վարում իր կյանքը ո՛չ միայն ընկերների վերաբերմամբ, այլև ամբողջովին հենց իրեն իսկ թագավորի նկատմամբ, որովհետև մանկությունից ի վեր երբեք արդարություններ չէր գործել:

Այն ժամանակ հազարապետը հրաման տվեց և ասաց. «Այստեղ բերեք նաև կապյալներից, որոնք բանտումն են դտնվում»: [Կապաններից] արձակեցին և բերին երանելիներից Ռշտունյաց Սահակ եպիսկոպոսին, սուրբ Հովսեփին և Ղևոնդ երեցին:

Երբ ատյանում խոսած բոլոր բաները հայտնեցին նրանց, Սահակ եպիսկոպոսը⁸⁵ պատասխան տվեց և ասաց. «Ովքեր հայտնի կերպով ուրացել են ճշմարիտ աստծուն, չգիտեն՝ թե ինչ են անում և կամ ինչ են խոսում, որովհետև նրանց միտքը խավարած է. տերերին ծառայում են սուտ պատճառանքներով և ընկերների հետ էլ կեղծ ուխտ են կապում: Նրանք սատանայի զարաններ են, որովհետև հենց նրանց միջոցով է կատարում իր դաժան կամքը, ինչպես որ երևում է հենց այդ Վասակի վերաբերմամբ: Որովհետև քանի ղեռ նա քրիստոնեության անունն էր կրում, կարծում էր, թե արտաքուստ ծածկում ու թաքցնում է իր ամբողջ շարությունը ձեր անգետ տերության առաջ, և իր ամբողջ նենգությունը քրիստոնեությունում էր ծածկում: Ուստի և դուք էլ նրան վստահելով՝ մեծապես պատվեցիք զրան, ավելի քան արժանի էր: Դրան հավատացիք Վրաց երկիրը⁸⁶, հարցրեք այդ երկրին՝ արդյոք գո՞հ են զրանից: Դրան տվիք Սյունյաց իշխանությունը. իր ազգականներից լսեցե՞ք, թե ի՞նչ են պատմում զրա մասին: Դրան Հայոց մարզպան զարձրիք. այն, ինչ որ ձեր նախնիները մեծ աշխատություններ էին ձեռք բերել, դա մի տարվա մեջ կորցրեց ամբողջ երկիրը: Տեսա՞ր, որ երբ զրանից վերացավ աստծու պատվական անունը, որ կեղծություններ էր կրում, բացեիրաց երևաց զրա ամբողջ շարագործությունը: Որով-

հետև եթե իր աստծու մոտ սուտ դուրս եկավ, էլ այս մահկանացու-
ներից որի՞ առջև պետք է դա արդար ճանաչվի:

«Արդ, այն ամբողջ ամբաստանութիւնը, որ այժմ հայտնի եղավ
դրա մասին, չէ՞ որ դուք առաջուց արդեն լսել էիք. բայց թե ի՞նչ դի-
տումով ծածկեցիք, դուք ինքներդ էլ լա՛վ գիտեք: Ինձ այնպես է թվում,
թե դա ձեզ սուտ հույսով է ուրախացրել⁸⁷: Բայց ո՛չ դուք, ո՛չ դա և ո՛չ
էլ ով ձեզանից հետո գալու է, այդ բանը շի կարող մեր մեջ տեսնել:

Ուրեմն, վարպեցն՝ք, ինչպես կամենում եք. մեզ էլ ի՞նչ եք հարցնում»:
Մեծ հաղարապետը զարմացավ իր մտքում և ինքն իր մեջ քննում
էր ատյանում ասված բոլոր խոսքերը: Որովհետև հասկացել էր, որ
այդ մարդը իրավացի կերպով դատապարտվեց իր անարժան գործերի
համեմատ. ուստի մտավ արքունիք և ատյանում ասված բոլոր խոս-
քերը հայտնեց թագավորին: Եվ երբ թագավորը լսեց և հաղարապետից
ստուգեց այդ մարդու մեղավորութիւնը, սաստիկ բարկացավ և խոր
խոցվեց, բայց կամեցավ համբերութամբ նրան մեծ անարգանքի
հասցնել: Տասներկու օր լուռ մնաց, մինչև որ ավարտվեց-պրծավ ամ-
բաստանության հարցուփորձը:

Եվ մի նշանավոր օր հրամայեց բոլոր երևելի պատվավոր մարդ-
կանց ընթրիքի կանչել: Կանչեցին նաև ուրացողին. և նա՝ արքունի նախ-
կին կարգերի համաձայն՝ հագավ թագավորից ստացած պատվական
հագուստը, կապեց նաև վարսակալը և զլխին դրեց ոսկեղեն խույրը և
մարգարտով ու թանկագին ակներով հյուսված կռանակուռ ոսկեծույլ
կամարը կապեց մեջքին, գինդերը կախեց ականջներից և մանյակը՝
պարանոցից, սամույրի մուշտակը գցեց ուսերին և թագավորից ստա-
ցած բոլոր շքազգեստները վրան առնելով՝ գնաց արքունիք: Նա բոլորից
ավելի շքեղ և երևելի էր երևում բազմութիւնն աչքին:

Իսկ Հայաստանից կամավոր կերպով եկած նախարարներին, որոնք
անձամբ իրենց անձը փորձութիւնն էին տվել, և առաջուց տեղ հասած
սրբերին բոլորին շղթայակապ էին պահում Արքունի դռանը: Երբ նրան
տեսան զարգարված ու շքեղացած և բազմաթիվ խմբով արքունիք գնա-
լիս, իրենց մտքերում սկսեցին ծաղրել նրան և ասել. «Ո՛վ անխելք
վաճառական, անմահ և անանց պատիվը տվիր և այդ անցավորը գնե-
ցիր. և այդ էլ մոտ օրերս կորցնելու ես»:

Հասավ և նստեց ներսի դահլիճում, որ մեծամեծների ժողովատեղին
էր: Արդ՝ դուրս եկավ արքունի սենեկապանը, թագավորի կողմից հար-
ցրեց նրան և տաց. «Թագավորն [ինձ] ուղարկեց քեզ մոտ, թե՛
ումի՞ց ես տացել այդ բոլոր պատվական շքազգեստները, ասա՛ ինձ

շուտով, ո՞ր արդար ծառայութիւններդ համար»: Եվ հիշեցրեց նրան ատյանում ասված այն բոլոր խոսքերը, որով դատապարտվել էր. նույնիսկ այնպիսի բաներ էլ ասաց նրան, որ այնտեղ խոսված չէին: Որովհետև նա օրինավոր կարգով չէր ստացել Սյունյաց աշխարհի իշխանութիւնը, այլ նենգութեամբ ու քսութեամբ սպանել էր տվել իր հորեղբայր Վաղինակին և ինքը գրավել իշխանութիւնը ինչպես արքունիքի համար վարձատրութեան արժանի գործ կատարող: Էլի ուրիշ շատ խոսքերով դատապարտեցին նրան, և այդ բանին վկա էին բոլոր մեծամեծները: Նա բոլորովին պապանձվեց, և ոչ մի ճշմարիտ խոսք չգտնվեց նրա բերանում: Երբ երկու-երեք անգամ կրկնեցին՝ հասկացնելով թագավորին ներսում, մահվան վճիռ տրվեց նրա համար:

Արդ՝ դուրս եկավ դահճապետը, և շտապով մոտեցավ, բոլոր մեծամեծների առաջ հանեց նրանից արքունիքից ստացած շքազգեստները և նրան մահապարտի զգեստ հագցրեց: Ոտներն ու ձեռները կապեցին և կնոջ նման մատակ ձի նստեցրին տարան և հանձնեցին այն զնդանը, որտեղ բոլոր մահապարտներն էին գտնվում:

Իսկ Հայոց նախարարներն ու սուրբ եպիսկոպոսները երեցների հետ միասին, թեպետև մեծ պատուհասի մեջ էին, ամենևին չէին հիշում այն նեղութիւնները, որ անցել էին նրանց գլխով և կամ որ սպասվում էին ապագայում էլ, այլ դարմացել էին այն մեծ հայտնութեան վրա որ աստծուց եղավ: Մխիթարում էին միմյանց և ասում. «Քաջութեամբ պատերազմեցինք, է՛լ ավելի մեծ համբերութեամբ տանենք շարշարանքները: Մեր սուրբ հայրերից լսել ենք, որ բոլոր առաքինութիւններից գլխավորը համբերութիւնն է, և կատարյալ աստվածապաշտութիւնը՝ երկնավոր իմաստութիւնը. իսկ այս բանը ոչ ոք չի կարող առանց շարշարանքի ձեռք բերել: Իսկ երբ շարշարանքը երկարաձգվում է, այն ժամանակ շատանում է նաև պարզևն ու վարձահատուցումը: Եթև ուրեմն այդ այդպես է, աստծուց միմիայն ա՛յս խնդրենք, որ կարողանանք բոլոր փորձութիւններին դիմանալ. և Տերն ինքը կգտնի մեր փրկութեան հնարը»:

«Մենք լսել ենք Քրիստոսի քառասուն զինվորների դատաստանը, որոնք շատ հարվածներ ու տանջանքներ կրեցին: Նրանցից մեկը շտապեց-զնաց բաղանիք և զրկվեց սրակից. իսկ երեսունևինը համբերութեամբ նահատակվեցին և հասան այն ավետիքին, որ ցանկանում էին: Իսկ մեր այն ընկերակիցը, որ առաջուց բաժանվեց մեզանից, ահա սատանայի գործակիցը դարձավ: Հոգին մարմնից դեռ դուրս չեկած՝ ընդունեց Գեհենի տանջանքների առհավատչյան, որ ո՛չ միայն սրբերի համար է ողբալի, այլև բոլոր զազանաբարո մարդկանց»:

Այս ասում էին և շատ արտասուք թափում կորուսյալի վրա. և միաժամանակ հոգևոր երգեր էին երգում և ասում. «Լավ է տիրոջ վրա հույս դնել, քան մարդկանց. լավ է տիրոջ վրա հույս դնել, քան իշխաններին. բոլոր ազգերը շրջապատեցին ինձ, և տիրոջ անունով հաղթեցի նրանց»⁶⁷: Քաջալերում էին միմյանց և ասում. «Քանի որ այս բանը գիտենք, եղբայրներ, շվախենանք այս անաստված հեթանոս ազգից, որ զայրացած ժամանակ մեղուներին շատ ավելի վատ են, որովհետև նրանց զայրույթն էլ սատակումն է լինելու իրենց անձերի համար: Իսկ մենք Տիրոջ անունը կանչենք և ետ մղենք բոլորին»:

Իսկ ուրացող Վասակը նայում էր սուրբ կապվածների միաբանությանը, որոնք մեծ ուրախությամբ ընդունում էին շարշարանքները և ավելի զվարթ ու պայծառ էին երևում, ինչպես և առաջ արքունիքում. նայում և կարոտում էր, բայց ոչ ոք նրան շխառնեց նրանց հետ, այլ առանձին էին պահում միևնույն կապանքներով: Եվ օր օրի վրա բերում, ինչպես գեձ գցում էին մեծ հրապարակը, նախատում ու ծաղրում էին և ամբողջ բանակի առաջ խաղք ու խայտառակ անում նրան: Կողոպտեցին-խլեցին ինչ որ հետն ուներ և ոչինչ չթողին. այնպիսի խայտառակ աղքատության մեջ գցեցին, որ նրա ծառաները մինչև իսկ հաց էին մուրում և բերում նրան: Եվ երկրի հարկերի այնպիսի ծանր պարտք դրին նրա տան վրա, որ նույնիսկ հայրերի ու պապերի և իր ունեցվածքն ու կանանց զարդերն էլ վրան դրեց, տվեց ու տուժեց, բայց չկարողացավ արքունի պարտքը վճարել: Այն տեղը հասցրին, որ նույնիսկ հարցնում էր՝ «Մեր նախնիների գերեզմաններում արդյոք որևէ գանձ մնացե՞լ է»: Եվ եթե գտներ, կհաներ և տուգանք կտար իր և ընտանիքի համար. ինչպես որ շատ մարդիկ էլ տույժի փոխարեն [գերի] գնացին⁶⁸:

Եվ երբ այսպես ամեն կողմից հարվածներ կրեց ու տկարացավ, հենց այնտեղ կապանքների մեջ դժնդակ ցավերի մեջ ընկավ: Նրա փորը եփ եկավ, նրա ծոցը ճզմվեց ու տրորվեց, և նրա թանձրամսություները հալվեց-քամվեց: Որդերը եռացին նրա աչքերի միջից և ցած թափվեցին քթածակներից: Նրա ականջները ծանրացան, և սաստիկ ծածկվեցին նրա շրթունքները: Նրա բազուկների ջրվերը քայքայվեցին և ոտների կրունկները դեպի ետ ծռվեցին: Մահվան հոտ փչեց նրանից և նրա ձեռնասուն ծառաները փախան նրանից: Միմիայն լեզուն կենդանի մնաց նրա բերանում, բայց խոստովանություն չերևաց նրա շրթունքների վրա: Ըաշակեց հեղձամղձուկ մահը և անհուն դառնությամբ

* Սաղմ. ՃԺԷ 8—10:

դժոխք իջավ: Նրան անարգեցին իր բուր սիրելիները, իսկ բուր թըշ-
նամիները շկտացան նրան հասած այդ սաստիկ հարվածներից:

Եվ նա, որ հանցագործությամբ ուզում էր Հայոց աշխարհի վրա
թագավոր լինել, նրա գերեզմանի տեղն էլ շգտնվեց. որովհետև մեռավ
ինչպես շուն և քարշ տրվեց ինչպես էշ:

Նրա անունը շհիշվեց սրբերի շարքում, և նա շհիշատակվեց եկե-
ղեցում սուրբ սեղանի առաջ: Ոչ մի շարիք շթողեց, որ շգործեր իր կյան-
քում, և մեծամեծ շարիքներից ոչ մեկն էլ շմնաց, որ նրա գլխով շանց-
ներ մահվան ժամանակ:

Այս հիշատակարանը գրվեց նրա մասին՝ նրա հանցանքները կըշ-
տամբելու և նրան մեղադրելու համար, որպեսզի ամեն մարդ, որ լսի
և իմանա այս բանը, նզովք կարդա նրա հետևից և նրա գործերին
ցանկացող շիինի:

**ԳԱՐՉՅԱԼ ՆՈՒՅՆ ՊԱՏԵՐԱԶՄԻ
ԵՎ ՍՈՒՐԲ ՔԱՀԱՆԱՆԵՐԻ
ՉԱՐՉԱՐԱՆՔՆԵՐԻ ՄԱՍԻՆ**

Արդ, նույն թագավորի իշխանության տասնևվեցերորդ տարում⁹⁹ նորից մեծ բարկություն բեր կացա՛վ զնաց Քուշանների աշխարհ՛ը պատերազմելու: Ե՛վ զնալով Վրկանից⁹⁰, անցավ Ապար աշխարհ՛ը, հրամայեց նախարարներին ու բահանաներին նույն կապանքներով պահել Նյուշապուհ⁹¹ քաղաքի զգյակում. իսկ երանելի կապալաներից երկուսին իր հետ տարավ: Որտեղից որ անցնում էր, սարսափ էր տարածում բոլոր քրիստոնյաների վրա:

Երբ այդ տեսնում էր Բել անունով մի հոն, որ խայլանդուրների երկրի թագավորների ցեղից էր, և զազտնի կերպով հակված էր քրիստոնյաների կողմը և սիրով ու հոժարությամբ սովորում էր նրանցից ճշմարտությունը, և իր կամքով հնազանդվել էր թագավորի իշխանությանը, անշափ դառնանում էր իր սրտում, երբ տեսնում էր սրբերին շարշարվելիս: Ե՛վ երբ էլ ուրիշ ոչ մի օգնություն չկարողացավ անել, փախավ-զնաց Քուշանների թագավորի մոտ: Գնաց և պատմեց նրան այն բոլոր շարշարանքները, որ թագավորը բերեց Հայոց աշխարհի զըլխին. տեղեկացրեց նրան նաև, որ Հոնաց պահակը քանդված է. հայտնեց նաև, թե երկպառակություն կա զորքի մեջ, թե շատ ազգեր արդեն հեռացել են թագավորի բարեկամությունից, հասկացրեց նրան նաև, թե Արյաց աշխարհ՛ը ևս տրտնջում է:

Այս որ լսեց Քուշանների թագավորը, ամենին կասկած չտարավ այդ մարդու վրա և իր մտքում էլ նրան լրտես շհամարեց: Որովհետև մի քիչ առաջ նա լսել էր [այդ բաները], զարձայլ երբ Բելից այն էլ ստուգեց, թե վեր է կացել գալիս է Քուշանների աշխարհի վրա, շտապեց շուտով զորք ժողովեց, գունդ կազմեց, որպեսզի հզոր զորությամբ զուրս գա նրա դեմ: Ե՛վ թեպետ զեմուղեմ պատերազմել չէր կարող նրա դեմ, բայց զորամասերի թևերի վերջապահների վրա հարձակվելով՝ մեծ հարվածներ էր հասցնում արբունի զորքերին: Ե՛վ այնպես նեղեց

ու շփոթեցրեց նրանց, որ սակավաթիվ զորքով ձախորդության մեջ գցելով նրանց՝ ետ դարձրեց և ասպատակով հետևից ընկած՝ ավերեց արքունի բաղամթիվ գավառներ, իսկ այնտեղից ողջ-առողջ վերագարձավ իր երկիրը:

Երբ թագավորը տեսավ, որ անարգանքով ու խայտառակությամբ են վերագարձել այս պատերազմից, մի քիչ իջավ հպարտությունից և հասկացավ, որ այդ բոլոր շարիքներն առաջացան զորքերի երկպառակությունից: Եվ մեծ սրտնեղությունից շփտեց, թե ո՛ւմ վրա թափի այն դառն թույնը: Իսկ մեծ հազարապետը սաստիկ երկյուղի մեջ էր, որովհետև ինքն էր այն բոլոր շարիքների պատճառը, որ գործվեցին:

Ակսեց խոսք ղենել մոզպետի և մոզբրի բերանը, որոնք ներկայանալով թագավորին՝ ասացին նրան. «Քա՛ջ թագավոր, մենք մեր կրոնից արդեն գիտենք, որ մարդկանցից ոչ ոք չի կարող կանգնել քո մեծ զորության դեմ. բայց աստվածները մեզ վրա բարկացել են քրիստոնյաների պատճառով, որոնք մեր կրոնին դեմ են, որովհետև մինչև այսօր նրանց կենդանի ես պահել»: Եվ հիշեցնում էին նրան նաև, թե ինչպես նրանք բանտում անիծում էին իրեն: Ուրիշ շատ հայհոյություններ էլ էին խոսում այն սրբերի մասին և ամեն օր աշխատում էին աչքից գցել տալ և թագավորի միտքը զրգույմ, զայրացնում էին, մինչև որ շտապեց շուտով թափել այն անմեղների արյունը:

Հրաման տվեց այն երկուսի մասին, որ այնտեղ բանակում իր մոտ էին — Սամվելի և Աբրահամի մասին — որպեսզի գաղտնի կորցնեն նրանց: Իսկ ովքեր քաղաքի զղյակում էին, բանակից տասնեհինգ օթևանի շափ հեռու էին: Հրամայեց համբարակապետին, որի անունը Դենշապուհ էր, որ իրենից առաջ զնա այն քաղաքը, ուր գտնվում էին Տիրոջ սուրբ քահանաները և իրավունք ունենա շարաշար տանջանքներով գատել և հարցուփորձ անել նրանց, և սրով սպանել:

Բայց ղեռ առաջ՝ թագավորի հրամանից շատ ավելի էր շարշարել նրանց այն մոզպետը, որին հանձնված էին նրանք. որովհետև նա Ապար աշխարհի ղենպետ իշխանն էր և ավելի ջերմեռանդ էր մոգության մեջ. նաև շատ գիտուններից ավելի տեղյակ էր զրագաշտական կրոնին: Այլև, որ մեծ պարծանք էին համարում իրենց մոլորության կարգի համեմատ, Համակզեն⁹² անուն էին տալիս նրան. գիտեք նաև Ամպարտքաշը⁹³, սովորել էր նաև Բոզպայիտը⁹⁴, ծանոթ էր նաև Պահլավիկին ու Պարսկաղենին⁹⁵: Որովհետև այս հինգ կրոններն են, որոնց մեջ բովանդակված է մոգության ամբողջ կրոնը. բայց բացի սրանցից՝ մի ուրիշ վեցերորդն էլ կա, որին Պեստոզ⁹⁶ են կոչում:

Ինքն իր մեջ կարծում էր, թե ամբողջ գիտությամբ ճոխացած է.

երանելիների վրա այնպես էր նայում, թե նրանք տգիտության պատճառով մոլորված են մեր մեծ գիտությունից: Մտքում մի սնտախ հույս գրեց՝ անդադար շարշարել նրանց, որպեսզի մարմնի նեղություններին շղիմանալով՝ թերևս նրանցից որևէ աղաչական խոսք լսի: Այս պատճառով էլ քահանաներին զատեց ու բաժանեց նախարարներից և հեռացրեց նրանցից, և զցեց մի խոնավ ու խավար ներքնատուն: Եվ պատվիրեց վեց մարդու պահակաճ հրկու գարեհաց տալ և դորակ ու կես ջուր, և ամենևին ոչ ոքի չէր թողնում մոտենալ բանտի դռներին:

Եվ երբ քառասուն օր սրանով տանջում էր նրանց և նրանցից թուլության խոսք չլսեց, ուրիշ բան անցավ մտքով, շլինի թե իր ծառաներից մեկը գաղտնի բան ստացած լինի նրանցից և ծածուկ կերակուր լինի տանելիս նրանց: Ինքը գնաց, կնքեց բանտի երդիկն ու դուռը, և նշանակված պարենը իր հավատարիմ մարդկանց ձեռքով էր հասցնում նրանց. այս բանն արեց տասնևհինգ օր:

Բայց և այնպես երանելիներն ամենևին իրարանցման ու տաղնապի մեջ չընկան, այլ մեծ համբերությունով կրում էին շարշարանքները և անդադար սաղմոսներ երգելով՝ կատարում էին ամենօրյա պաշտամունքը և աղոթքը վերջացնելուց հետո զվարթ հոգով գոհանալով՝ մի քիչ պառկում-հանգստանում էին շոր գետնի վրա:

Իսկ կալանավորվածների վրա նշանակված պահապանները սաստիկ զարմացել էին նրանց շփովանդանալու և առողջության վրա, երբ լսում էին նրանց ձայների անդադար հնչումը: Այդ պատճառով ծածուկ պատմեցին մոզպետին և ասացին. «Այդ մարդիկ առանց մեծ զորության չեն. որովհետև եթե պղնձի մարմիններ էլ ունենային նրանք, այնտեղի խոնավությունից արդեն քայքայված պիտի լինեին: Շատ ժամանակ է, որ այս բանտի պահպանությունը մեզ է հանձնված. չենք հիշում, որ կապվածներից որևէ մեկը մի ամիս ժամանակ ապրած լինի այդ տան մեջ: Արդ՝ մենք ասում ենք քեզ. եթե նրանց վերաբերմամբ մահվան հրաման ես ստացել և կսպանես՝ դու գիտես. իսկ եթե ոչ՝ քեզ հանձնարարված է պահել նրանց և ոչ թե պատժել, ապա կալանավորները սաստիկ վտանգի մեջ են: Մենք ինքներս էլ ահուդողի մեջ ենք և խիստ վախենում ենք, երբ տեսնում ենք այնպիսի անտանելի նեղությունները»:

Երբ այս լսեց մոզպետը, կեսգիշերին ինքը վեր կացավ, գնաց բանտի երդիկը: Եվ գիշերային մթության մեջ ներս նայելով այն միջոցին, երբ նրանք պաշտամունքից հանգչում էին, տեսավ, որ յուրաքանչյուր կապվածի անձը բորբոքվում էր անշեջ վառված կանթեղի նման: Մեծ սարսափի մեջ ընկավ և ասում էր իր մտքում. «Թ՛նչ է այս

մեծ հրաշքը. ուրեմն մեր աստվածները եկել-իջել են այս բանտը, և նրանց փառավորութիւնն է վառված-բորբոքվում: Եվ եթե նրանք սրանց շմոտենան, անկարելի է, որ սոսկական մարդը այսպիսի պայծառ լույսով լուսավորվի: Ես այսպես էի լսել այս կրոնի մասին, թե սաստիկ հիմարութեան պատճառով մոլորված են և սուտ կերպարանքներ են ընդունում տգետ մարդկանց աչքում. դուքն այս տեսիլն էլ այդպիսի մի բան էր, որ երևաց ինձ»:

Եվ շէր կարողանում առհասարակ հասկանալ այդ տեսիլը: Մինչդեռ այսպիսի մտածմունքի մեջ էր, սրբերը նորից ամեն մեկն իր գետնանկողնից վեր կացավ և սկսեցին սովորական պաշտամունքը: Այն ժամանակ մոզպետն ստուգեց և իմացավ, որ իրեն երևացածը մի խառնափնթոր տեսիլ չէր, այլ հենց նրանց անձերից էր բխում լուսավորութիւնը: Այն ժամանակ նորից սարսափեց և ասաց. «Կալանավորներից ո՞ւմ վրա է տեսնվել այսպիսի հայտնութիւն. ես ոչ մեկն էլ չգիտեմ և ո՞չ էլ լսել եմ նախնիներից»: Եվ որովհետև շափազանց հուզվեց այն մեծ հրաշքից, ուստի ամբողջ մարմնով դողում էր և մինչև առավոտ թմրած ու կիսամեռ մնաց [բանտի] կտուրի վրա և լույսը բացվելու ժամանակ ինչպես մի երկար ժամանակվա հիվանդ վեր կացավ-գնաց իր բնակարանը, բայց իր տեսածը ամենևին չհամարձակվեց պատմել որևէ մեկին:

Իր մոտ կանչեց պահապաններին և ասաց նրանց. «Գնացեք, կապվածներին տեղափոխեցեք մի ավելի շոր վերնատուն, և այնտեղ նրանց զգուշութեամբ պահեցեք, ինչպես որ ասացիք»: Այն դահճներից մեկը, երբ լսեց մոզպետի հրամանը, շտապեց գնաց՝ իրրև մի մեծ ավետիտ տալու նրանց. «Հրամայեց, ասում է, որ դուք տեղափոխվեք մի ավելի շոր վերնատուն. դե՛հ, շուտ եկեք, և մի՛ ուշանաք. որովհետև մենք էլ պաղատեցինք՝ ձեզ տառապանքներից [ազատելու] համար»:

Իսկ սուրբ Հովսեփն սկսեց մեղմարար խոսել դահճի հետ և ասաց. «Գնա՛ և ասա՛ ձեր անխելք առաջնորդին. դու շե՞ս լսել մեր Տիրոջ ապագա գալստյան մասին և կամ այն հրաշակերտ շինվածքների մասին, որոնք սկզբից պատրաստ պահված են մեզ համար. այդ պատճառով էլ հեշտութեամբ ենք դիմանում այս մեծ նեղութեանը այն հույսի սիրո համար, որ տեսնում ենք: Գու լավ արիր, որ խղճացիր [մեր] այս մարմնավոր նեղութեան համար. բայց մենք ամենևին չենք ձանձրացել իրրև մի անաստված մարդ, որի մտքում ոչ մի այլ հույս չկա, քան այն, ինչ որ երևում է: Բայց մենք մեր Քրիստոսի սիրո համար շատ ուրախ ենք այս բանի վրա. և այս նույնիսկ կատարյալ պարզե ենք

համարում, որպեսզի այս ժամանակավոր վշտերի շնորհիվ անժամանակ երանությունները ժառանգենք:

«Եթե շինվածքների ցանկացող լինեինք, երկնքում առանց մարմնավոր ձեռագործի շինվածքներ ունենք, որոնց մոտ ձեր արքայական պալատները [բան] չեն երևա: Նույնպես էլ զգեստների փառքի և անախտ կերակուրների վերաբերմամբ. այս բանը եթե մեկը կամենա ձեզ ասել, ձեր տկարամտությունը չի կարողանա լսել. որովհետև վաղմի կուրությունից չեք տեսնում և չեք լսում ու չեք հասկանում, այդ պատճառով էլ մեզ պատժում եք զուր ու անիրավ և անողորմ՝ առանց հանցանքի: Բայց մեր թագավորն առատաձեռն է և բարերար, և նրա արքայության դուռը բաց է. եթե մեկը կամենա դիմել այնտեղ, թող համարձակ դիմի. զեպի ապաշխարություն դարձողներից և ոչ մեկին երբեք չար աչքով չի նայում:

«Բայց այն դյուրությունների համար, որ զու հրամայեցիր տալ մեզ, մենք մեր աշխարհում հնարավորություն ունեինք քո թագավորի ձեռքը շքնկնելու, ինչպես և ուրիշները, որոնք ազատվեցին այսպիսի փորձանքներից. բայց ինչպես որ հոժարակամ եկանք, կարծես դիտեցալով այս վիշտն ու վտանգները, և բուրբոխի շվախեցանք այսպիսի նեղություններից, այդպես էլ կամենում ենք, որ է՛լ ավելի ծանրացնես դրանք մեզ վրա, մինչև որ քո շար կամքը հազնա մեր վերաբերմամբ: Որովհետև եթե մեր աստվածը, որ երկնքի ու երկրի և բոլոր երևացող ու աներևույթ բաների արարիչն է, իր բարերարության ու սիրտ պատճառով խոնարհվեց-իչավ մարդկային ազգի մոտ և շարշարելի մարմին հագավ, ամեն տեսակ առաքինություն կատարեց և ավարտեց նախախնամության բոլոր գործերը, մատնվեց խաշահանների ձեռքը, մահով մեռավ ու գերեզմանի մեջ դրվեց, և իր աստվածության զորությամբ հարություն առնելով երևաց իր աշակերտներին և ուրիշ շատերին, և վերացավ երկինք իր հոր մոտ, և նստեց հայրենի աթոռի աջ կողմը և մեզ երկնավոր զորություն շնորհեց, որպեսզի նրա անմահության համաձայն՝ մենք էլ մեր մահկանացու մարմնով կարողանանք շարշարակից լինել նրա անմահ մեծությանը. և նա մեր մահն այլևս մահկանացու մահ չի համարում, այլ իբրև անմահների՝ հատուցանում է մեզ մեր աշխատությունների վարձը,— արդ՝ մենք փոքր բան ենք համարում մեր այս շարշարանները այն սիրտ փոխարեն, որ նա ցույց տվեց մարդկային ազգին»:

Երբ մոզպեստն այս բոլոր խոսքերը լսեց դահճապետից, հուզվեց, նրա միտքը պղտորվեց, և քունը նրա աչքերից փախավ շատ գիշերներ: Իսկ մի օր երկոյան պահին վեր կացավ, գնաց նրանց մոտ միայնակ

ու մնջիկ և սպասաւորներինց ոչ որի հետը շվերցրեց: Եվ երբ հասավ տան դռանը. մի ծակով ներս նայեց և տեսավ էլի առաջին տեսիլքի նման. բայց նրանք անզորք քնած էին: Մեղմորեն կանչեց եպիսկոպոսին անունով, որովհետև նա լավ գիտեր պարսկերեն: Նա դուրս եկավ և հարցրեց. «Ո՞վ ես դու»:— «Ես հենց ինքն եմ, ասաց, ուզում եմ ներս մտնել և ձեզ տեսնել»:

Եվ երբ մտավ սրբերի մեջ, նշանն այլևս շերեաց նրան, և պատմեց նրանց, թե ինչպես իրեն երկու անգամ հրաշք երևաց: Ղևոնդ երեցը պատասխան տվեց և ասաց. «Աստված, որ ասաց, թե խավարի մեջ թող լույս ծագի, որ և ծագեց և իմաստությամբ լուսավորեց աներևույթ արարածներին, նույն զորությունն՝ այսօր էլ ծագեց քո խավարած մտքի մեջ, և քո կուրացած հոգու աշքերը բացվեցին, և տեսար աստծու շնորհքի անշեշ լույսը. շտապի՛ր, մի՛ ծուլանար. դուցե նորից կուրանալով՝ խավարի մեջ խարխափես»:

Եվ երբ այս ասաց, բոլորը ոտքի կանգնեցին, ասելով քառասուն-երկուերորդ սաղմոսից. «Ուղարկի՛ր, Տե՛ր, քո լույսն ու քո ճշմարտությունը, որ նրանք առաջնորդեն ու տանեն մեզ սուրբ լեռը և քո հարկերը»⁹⁶: Իսկպպես որ, «Տե՛ր, ճշմարտությամբ առաջնորդեցիր այս մտլորվածին և բերիր դեպի քո անանցանելի ուրախությունը և անմերժելի հանդիստը: Ահա՛ այս օրը նման է քո սուրբ շարշարանքներին. ինչպես որ մահապարտ ավազակին փրկեցիր երկրորդ մահից և նրանով բաց արիր Ադենի⁹⁷ կողպած դուռը, այնպես էլ գտար նաև այս կորուսյալին. սա, որ շատերի մահվան պատճառ էր, այժմ սրան դարձրիր կյանքի պատճառ մեզ և իր անձի համար: Ծնորճակալ ենք քեզանից, աստված, շնորճակալ ենք և ձայնակցում ենք սուրբ մարգարեին. «Ո՛չ թե մեզ, Տե՛ր, ո՛չ թե մեզ, այլ քո անվանը փառք տուր՝ քո ողորմության և ճշմարտության համար. որպեսզի հեթանոսների մեջ երբեք չասեն, թե ո՛ր է նրանց աստվածը. ինչպես որ այսօր էլ հայտնի եղավ քո մեծ զորությունը այն անսանձ խավարասեր ազգի մեջ»⁹⁸:

Իսկ նա, որ ձրի գտավ աստծու տված շնորհները, նա էլ սկսեց ինքն իրեն ասել. «Տերն է իմ լույսն ու կյանքը, ևս ումի՞ց պիտի վախենամ: Տերն է իմ կյանքի ապավենը, ևս ումի՞ց պիտի դողամ»⁹⁹: Որովհետև ստույգ գիտեմ, որ այսուհետև իմ թշնամիները բազմաթիվ են և ուզում են մոտենալ ու ուտել իմ մարմինը. բայց դու, բոլորի Տե՛ր, եկար բոլորին կյանք տալու համար, որպեսզի ետ դառնան և ապրեն

⁹⁶ Սաղմ. ԽԲ 3:

⁹⁷ Սաղմ. ԾԺԵ 1 հմմտ. Սաղմ. 2Ը 9—10 և Հովել Բ 17:

⁹⁸ Սաղմ. ԻԶ 1:

քո մարդասիրութեան առաջ: Ինձ մի՛ ջոկիր այս սուրբ գառներից, որոնց խառնվեցի, որպեսզի քո փարախից դուրս գալիս շար գազանը նորից շպատառոտի ինձ: Տե՛ր, մի՛ նայիր իմ բաղձամայա ամբարշտութիւններին, որպեսզի ճշմարիտ կյանքիցդ շմուրովեմ և կրկին անգամ շատերին կորստյան ճանապարհը սովորեցնեմ, այլ որոնց մահճան պատճառ եղա, նրանց համար էլ կյանքի պատճառ դառնամ: Սատանան, որ ինձնով խրոխտացած պարծենում էր այս բաղձաթիվ կորստյան մատնվածների մեջ, թող ինձնով գլխիկոր ամաշի իր աշակերտների մեջ»:

Այս ասելուց հետո հենց նրան էլ թույլ տվին աղոթքը ավարտել, և նրա հետ միասին հանգստացան մինչև երրորդ պահը, և այդպես խաղաղ քնի մեջ մնացին բոլորը մինչև առավոտյան ժամը:

Իսկ նա ոտքերի վրա կանգնած՝ շքեց, այլ ձեռները վերև բարձրացրած՝ աղոթում էր: Եվ մինչդեռ աչքերը երդիկին սեեռած նայում էր երկինք, հանկարծ տունը լույսով լցվեց. և նրան մի լուսեղեն սանդուղք երևաց, որ դրված էր երկրից մինչև երկինք. և խումբ-խումբ զորքեր վեր էին բարձրանում. և բոլորի տեսքը նոր էր ու շքեղ, ահավոր ու սքանչելի, ինչպես հրեշտակների տեսքը: Տեսած բոլոր խմբերի թիվն ու համարն էլ մտքում ուներ. կար, որ հազար էր, կար, որ երեսուններեք էր, կար, որ երկու հարյուր և տասներեք էր: Եվ այնքան շատ մոտեցավ, որ մինչև անգամ ճանաչեց նրանցից երեքին՝ Վարդանին, Արտակին և Խորենին: Նրանք իրենց ձեռներին ինն պսակ ունեին. միմյանց հետ խոսում էին և ասում. «Ահա եկավ-հասավ ժամանակը, որ սրանք էլ խառնվեն մեր խմբին, որովհետև մենք էլ հենց սրանց էինք սպասում և սրանց համար ենք բերել առհավատշյա նվերը. իսկ որին չէինք էլ սպասում, եկավ-երևաց և խառնվեց, և դարձավ ինչպես Քրիստոսի զինվորներից մեկը»:

Այս շքեղ տեսիլքը երեք անգամ երևաց երանելի մարդուն: Քնից զարթնացրեց սրբերին և ամբողջ տեսիլքը կարգով պատմեց նրանց:

Իսկ նրանք վեր կացան, աղոթքի կանգնեցին և ասում էին. «Տե՛ր, տեր մեր, ի՞նչ սքանչելի է քո անունը ամբողջ երկրի վրա. քո մեծ վայելչութիւնը բարձրացավ երկնքից էլ վեր. ծծկեր մանուկների բերանից օրհնութիւն հաստատեցիր, որ ոչնչանա թշնամին ու հակառակորդը»:
Որովհետև սրանից հետո այլևս չպետք է ասել՝ «Կտեսնեմ երկինքը, որ քո մատների գործն է**», այլ թե՛ քեզ կտեսնեմ երկնքի ու երկրի տեր.

* Սաղմ. Ը 2—3:

** Սաղմ. Ը 4:

ինչպես որ այսօր իսկ երևացիր. քո սուրբ զորականների միջոցով այս հեռավոր օտարին, որ իր կյանքի ակնկալութունից ձեռք էր քաշել:

«Ահա դու, Տե՛ր, քո ողորմությամբ պսակեցիր սիրելիներիդ, և քո զթասրտությամբ ելար այս կորածին փնտրելու, դարձրիր և խառնեցիր քո սրբերի դասին: Սա ո՛չ միայն երկինքը տեսավ, որ քո մատների գործն է, այլ տեսավ երկինքն ու նրա բնակիչներին, և մինչդեռ այս երկրի վրա է, խառնվեց քո բյուրավոր հրեշտակների գնդերին: Տեսավ նաև նահատակված արդարների հոգիները, տեսավ նաև աներևույթ պատրաստութունների փառքի նմանութունը, տեսավ նրանց ձեռքին նաև անկասկածելի գրավականը, որ պատրաստված պահվում է ճարտարապետի ձեռքում: Երանի՛ սրան այս սուրբ տեսիլքի համար, և երանի՛ է՛ մեզ, որ սա մոտեցավ մեզ. որովհետև սրա միջոցով հաստատապես իմացանք, թե քանի որ սրան այսպիսի սրանչելիքներ են հայտնվում, քո անսպառ բարություններից սա մեծ բաժին ընդունեց: Քո պարգևներն անսպառ են, Տե՛ր, և առանց ինդրելու տալիս ես՝ ում կամենում ես՝ քո հորդարույս և աննախանձ առատությամբ: Եվ քանի որ շինդողներին էլ շես մերժում այն, բա՛ց մեզ, Տե՛ր, քո ողորմության դուռը, որ մեր մանկութունից քո սրբերի բարեմասնության ցանկացող ենք եղել: Քո այս նորազյուտ ձեռակերտին բարեխոսս ենք դարձնում մեր անձերի համար. մեր հավատի նավը թող շքնկղմվի մեղքերի ալեկոծված ծովի մեջ»:

Եվ այսպես երկար աղոթք անելով՝ հորդ և առատ արտասուք էին թափում իրենց անձերի համար: Գթություն էին հայցում բարերարից, որ լսելի լինի նրանց պաղատանքների ձայնը և հաստատուն մնան իրենց վիշտ ու նեղութունների մեջ, որպեսզի շղթվեն այն ցանկալի պսակներից, որ ունեին սրբերն իրենց ձեռքին, ինչպես և ազդարարվեց նրանց սուրբ հոգու կողմից, որովհետև մոտեցել էր նրանց կանչվելու ժամանակը, որ զնան և աներկյուղ հանգստանան այն կասկածելի ակնկալութունից, որին դիմանում էին մեծ տառապանքներով, որպեսզի փոքրիկ առհավատը հասնեն երկնավոր մեծությանը, որին ցանկացող էին ի վաղուց հետև:

Եվ որովհետև հենց ինքը մոզպետը այն աշխարհի իշխանն էր, և նրան էին հանձնված այն քաղաքի կալանավորները, ուստի և առավոտյան համարձակ կերպով հանեց-տարավ կալանավորներին իր ապարանքը: Կվաց ու սրբեց նրանց բանտի աղտեղութուններից, վերցնում էր սրբերի լվացաշուրը և ածում իր մարմնի վրա: Իր տան մեջ ավազան սարքեց և նրանցից սուրբ մկրտություն ընդունեց, հազորդվեց մեր տեր Հիսուսի կենդանարար մարմնին և քավիշ արյանը:

Բարձր ձայնով աղաղակում էր և ասում. «Այս մկրտությունը թող իմ մեղքերի լվացումն լինի ինձ համար, և սուրբ հոգով վերստին ծնունդ ու նորոգություն, և անմահ խորհրդի ճաշակումը երկնավոր քրդեզրության ժառանգ դարձնի ինձ»: Նրանց առջև մարմնավոր կերակրի սեղան էլ բաց արեց, և նրանց մխիթարության բաժակ մատուցեց, և նրանց հետ միացավ օրհնված հացն [ուտելուն]:

Բայց թեպետև ինքը հասավ երկնավոր բարիքներին և երկյուղ շունքը մարդկային հարվածներից, սակայն սաստիկ կասկածի մեջ էր հարազատների վերաբերմամբ, որ չլինի, թե մատնվեն իբրև արքունի գործերի մեջ վնասակար մարդիկ: Այդ պատճառով գիշերով ծածուկ կանչեց նաև այն նախարարներին, որոնք կալանավորված պահվում էին նույն քաղաքում, և մեծամեծ ծախսեր արեց: Եվ բոլորը մեծ ուրախության մեջ էին այն նոր հրաշքների համար, որ երևաց նրանց: Ամենևին չէին հիշում, թե որևէ նեղություններ էին անցել իրենց զլխով:

Բայց սեղան նստելու ժամանակ սրբերը մտները բերին մի երեցի, որ նրանց հետ միասին սուրբ կապանքների մեջ էր. որովհետև նա շինական մարդկանց մեջ էր ապրել և ավելի տղետ էր սուրբ գրքի մխիթարության կողմից: Նրան հրամայեցին նստել սեղանի զլխին. պատասխան տվեց երանելիին և ասաց. «Այդ ի՞նչ բան է, որ դուք գործում եք, և կամ ինչո՞ւ եք ինձնից թաքցնում ձեր զաղտնի խորհուրդները: Ես ձեր կրտսերներից էլ ավելի նվաստ եմ և ձեր աշակերտներից փոքրերից էլ ավելի տղետ. ինչպե՞ս կարող եմ գիմանալ այդ բանին: Հենց այս էլ ինձ համար մեծ բան է, որ այսօր հաղորդակից եմ ձեր սուրբ կապանքներին: Եթե ինձ արժանի եք համարում ձեր սեղանին, ամեն մեկդ ձեր տեղը բռնեցեք սեղանի շուրջը և ինձ էլ հրամայեցեք իմ տեղը նստել»: Եվ սուրբ եպիսկոպոսը մյուս բոլոր սրբերի հետ միաբան հարկադրեցին և բոլորից վերև բազմեցրին նրան:

Եվ երբ բոլորը բազմեցին սեղանի շուրջը և ուրախ-զվարթ ճաշակեցին կերակուրը, ոտքի կանգնեց սուրբ Հովսեփը և սկսեց ուրախության աղոթք մատուցանել և ասել այսպես.

«Բոլորդ էլ ուրախ եղեք Քրիստոսով. որովհետև վաղն այս ժամին արդեն մոռացած կլինենք այն բոլոր նեղություններն ու շարշարանքները, որ կրեցինք: Եվ մեր այս փոքրիկ աշխատության փոխարեն բազմապատիկ հանդիստ ենք ընդունելու և այս բանտի խավարային զրնդանի փոխարեն մտնելու ենք երկնքի լուսավոր քաղաքը, որ քաղաքապետը ինքը Քրիստոսն է, այն ասպարեզի հանդիսապետը, որի մեջ նախ ինքն առաքինացավ հաղթության նշանն առնելով: Եվ այսօր նույն Տերն է, որ հաջողում է մեր գործը՝ նույն նշանն

ընդունելով մեր անձերի փրկութեան և մեծափառ սուրբ եկեղեցու պար-
ծանքի համար: Եվ ինչպես որ դուք այս եղբորը տեսաք մեր սեղանի
զլխին, այնպես էլ վաղը ամենից առաջ սա է ընդունելու պսակն իր
նահատակութեան միջոցով: Որովհետև ահա վասիկ եկել-հասել և մոտեցել
է մեզ մեր կյանքի թշնամին և Քրիստոսի ծառաներիս սուրբ շարչա-
բանքները պսակողը»:

Երբ այս ասաց, քաջալերման խոսքեր լսեց նրանից, որով բուրն
էլ շատ մխիթարվեցին:

Նա ասաց. «Ձեր սուրբ աղոթքներով թո՛ղ այդպես անի ինձ Քրիս-
տոս և քո ասածի նման կատարի իմ կյանքի վախճանն այս աշխար-
հից»: Եվ ահա քո ասելուն պես՝ ազդում եղավ հոգուս, և ես հիշեցի Քրիս-
տոսի մարդասիրութունը, որի այս աշխարհ գալն էլ հենց մեր մեղ-
քերի համար եղավ: Թո՛ղ զթա ինձ, ինչպես ավազակին խաշվելու
ժամանակ. ինչպես որ նրանով փակված դրախտի դռները բաց արեց,
և առաջացավ՝ կարապետ եղավ նրանց համար, ովքեր նույն տեղն էին
վերադառնալու ուրախութեան համար, թո՛ղ Տեր Հիսուս Քրիստոսն
այսօր ինձ էլ ձեր մեծաշուք գնդին սպասավոր դարձնի:

«Ահա մի ապաշխարող մեղավորի համար հրեշտակների ուրա-
խութունն անվերջ է լինում երկնքում, որովհետև հենց գիտեն իրենց
տիրոջ կամքը: Որովհետև նա եկավ փնտրելու մի կորած ոշխար, այդ
պատճառով էլ նրանք խնդակցում են մի ապաշխարողի համար: Թերևս
հենց ինձ համար էր եկել Հայոց մեծ զորավարն իր բազմաթիվ սուրբ
ընկերակիցներով. պսակը ձե՛ր համար էր բերել, իսկ ուրախութեան
ավետիսը առհասարակ բուրբին էր տալիս: Եվ ավելի ևս զարմացել
էին ինձ վրա, որովհետև իրենց կենդանի եղած ժամանակ ինձ չէին
ճանաչում, ահա իրենց սուրբ մահվան ժամանակ կամենում են, որ ես
էլ բաժին ընդունեմ երանելիների հետ:

«Ազաշում եմ ձեզ, ի՛մ տերեր ու հայրեր, աղոթք արեք անարժա-
նիս համար, որպեսզի արժանի լինեմ հասնելու այն մեծ ավետիքին, որ
ձեր անսուտ բերանով ասվեց, որպեսզի ես լսեմ: Այժմ շտապում եմ
տեսնելու այն օրը, և այդ օրվա մեջ այն ժամը, որ եկել-հասել է մեզ
վրա:

«Ե՛րբ պիտի լինի, որ դուրս գամ այս թանձր ու դանդաղ ձանձրալի
մարմնիցս. ե՛րբ պիտի լինի, որ տեսնեմ քեզ, Տեր Հիսուս: Ե՛րբ պիտի
լինի, որ մահից շվախենամ, ե՛րբ պիտի լինի, որ իմ տղիտութունը կա-
տարյալ գիտութեան հասնի: Օգնի՛ր ինձ, Տեր, օգնի՛ր ինձ և ամենա-
զոր աչդ մեկնի՛ր օգնելու համար. որպեսզի իմ խոսքերի խոստման հա-

մաձայն գործն էլ իրոք կատարվի ինձ վրա, և ինձնով, մեղավորովս, փառավորվի մեր տեր Հիսուս Քրիստոսի անունը»:

Երբ երանելին այս ասաց, վեր կացան այն սեղանից, զոհոթյուն հայտնեցին՝ ասելով. «Փա՛ռք քեզ, Տե՛ր, փա՛ռք քեզ թագավո՛ր, որ մեզ ուրախության կերակուր տվիր. լցրո՛ւ մեզ սուրբ հոգովդ, որպեսզի հաճելի լինենք քո առաջ և շամաշենք, որովհետև դու յուրաքանչյուրիս հատուցանում ես իր գործերի համեմատ»:

Նույն ժամին նրանք մեծ խորհրդակցություն ունեցան, թե ի՛նչ եղանակով կարողանան փրկել մոզպեսին, որպեսզի արքունիքում չլսեն և բարկությունը կրակի պես շրորոքովի մնացածների վրա: Երբ այդ միջոցին շկարողացան [խորհուրդը] վերջացնել, միաբանությամբ աղոթք արին և այն հավատացյալ մարդու կյանքը աստծու ձեռքը հանձնեցին:

Իսկ նախարարները սրբերից բաժանվեցին հորդառատ արտասուքներով, և ողբալից ուրախությամբ նրանց ոտներն ընկած՝ սաստիկ աղաչում-պաղատում էին, որ սուրբ հոգուն հանձնեն նրանց, «Որպեսզի, ասում են, մեզնից ոչ ոք չթուլանա և հասարակաց միաբանությունից դուրս գալով՝ շարաբարո գազանին կերակուր դառնա»:

Իսկ երանելիները միաձայն քաջալերում էին նրանց և ասում. «Եղբայրնե՛ր, զորացե՛ք Տիրոջով և մխիթարվեցե՛ք աստծու մարդասիրությամբ, որ ձեզ որր չի թողնում, և չի հեռացնում մեզնից իր ողորմությունը Քրիստոսի հավատով. շնորհիվ այն բազմաթիվ բարեխոսների, որ ունենք նրա մոտ, ձեր վառած կանթեղները շեն հանգչի, և չի ուրախանա ձեր կյանքի խավարասեր թշնամին: Նույն Տեքն է, որ զորացրեց առաջին նահատակներին, խառնելով նրանց իր հրեշտակների գնդերի մեջ. նրանց սուրբ հոգիները և արդարների ամբողջ դասը կհասնեն ձեզ օգնելու համբերության մեջ, որպեսզի նրանց հետ միասին արժանի լինիք նրանց պսակներին»:

Այս էին խոսում նրանց հետ և ամբողջ գիշերը լուսացնում սաղմոսներով, իսկ առավոտյան ժամին բուրն ասացին. «Տե՛ր, քո ողորմությունը ծագեցրու նրանց վրա, ովքեր ճանաչում են քեզ, քո արդարությունը՝ ովքեր ուղիղ են սրտով: Ամբարտավանների ոտքը թո՛ղ մեզ վրա չգա, և մեղավորների ձեռքերը թո՛ղ չզողացնեն մեզ: Այնտեղ կործանվեն բուրբը, ովքեր անօրենություն են գործում. մերժվեցին, և այլևս չկարողացան հաստատվել»*:

Այդ միջոցին դահճենքը շտապով հասան բանտի դուռը, ներս

* Սաղմ. Լե 11—13:

մտան և տեսան, որ նա, ով առաջ մոզպետ էր և հենց նրան էր հանձնված պահել նրանց, նստած էր նրանց մեջ և լսում էր նրանց. նույնիսկ քաջալերում էլ էր նրանց, որ մահից շվախենան: Երբ այս մեծ հրաշքը տեսան դահիճները, սաստիկ դարմացան այդ բանի վրա, բայց չհամարձակվեցին որևէ բան հարցնել նրան. սակայն զնացին և պատմեցին Դենշապուհին, որին հանձնարարված էր սրբերին շարձարելը:

Իսկ սա, երբ լսեց արքունի դահիճներից, մեծ երկյուղի մեջ ընկավ, մտածելով՝ թե զուցե անձամբ իրեն էլ գործի մեջ խառնեն, մանավանդ որ շատ լավ ծանոթ էր այն մարդուն: Հրամայեց բանտից հանել ամենքին իրենց կապանքներով և այն քաղաքից տասներկու պարսկական հրասախ⁹⁸ հեռացրեց: Եվ թաքուն խոսեց մոզպետի հետ, թե ի՞նչ է նրա կալանավորված լինելու պատճառը: Պատասխան տվեց այն մարդը և ասաց. «Թաքուն մի՛ խոսիր ինձ հետ և լուսավոր մտքերը մի՛ լսիր խավարի մեջ, որովհետև այժմ իմ աչքերը բացվեցին, քանի որ տեսա երկնավոր լույսը: Եթե ուզում ես կյանքի խորհրդակից լինել, դեմ հանդիման հրապարակավ հարցրու ինձ, և կպատմեմ քեզ Աստծու մեծամեծ գործերը, որ տեսա»:

Երբ նա լսեց նրանից ամեն բան և ստուգեց էլ նրա միաբանություն վերաբերմամբ, որ շի բաժանվի սրբերի համերաշխությունից, չհամարձակվեց ձեռք բարձրացնել նրա վրա, թեպետև արքունիքից հրաման ուներ: Այլ շտապեց, ինքն անձամբ զնաց թաղավորի մոտ և թաքուն պատմեց նրան այն ամենը, ինչ և ինչպես լսել էր նրանից:

Պատասխան տվեց թագավորը և ասաց Դենշապուհին. «Ոչ որ ամենևին չլսի քեզանից այդ բանը, մանավանդ այն մեծ տեսիլքի մասին, որ երևացել է նրան, որպեսզի տգետ մարդիկ երկմտելով շրթանվեն մեր ճշմարիտ կրոնից: Մինչ մենք ուզում էինք ուրիշներին հնազանդեցնել, որ թերևս իրենց հոգիները գտնեն, երբ մենք չկարողացանք նրանց ոչինչ անել, մեր կրոնի վարդապետները շեղվեցին-զնացին նրանց մոլորություն հետևից»:

Նաև մեզ համար ամենից վատն այն է, որ մի շնչին մարդ չէ, որ շեղվել է զեպի նրանց կրոնը, այլ մի համակղեն մարդ, այս ամբողջ Վերին աշխարհում⁹⁹ երևելի: Եթե պայթարի մտնենք նրա հետ, նա ավելի տեղյակ է, քան մեր աշխարհի բոլոր վարդապետները. զուցե հիմքից խարխելով քանդի մեր կրոնը: Եվ եթե նրան մյուս շարագործների հետ պատժենք, այդ ձևով էլ կհռչակվի նրա քրիստոնեություն համարվը, և մեծ անարգանք կկրի մեր հավատը: Եթե մինչև իսկ սրով սպանվի, մեր բանակում բազմաթիվ քրիստոնյաներ կան, նրա ոսկորները կցրեն-կտարածեն ամբողջ երկրով մեկ: Քիչ էր մեր անարգանքը այն ամեն

մարդկանց մոտ, որ մեծարում, պատվում էին այդ նածրացիների սուկրերնեը, իսկ եթե մոգերի և մոգպետների սուկրներն էլ նույն պատիվն ստանան, հենց մենք ձեր ձեռքով քանդած կլինենք մեր կրոնը:

«Իսկ այժմ ես քեզ երզվեցնում եմ անմահ աստվածներով. ամենից առաջ՝ այդ ժանտ ծերունուն կանչի՛ր քո առաջ. եթե սիրով համաձայնի և զղջալով հրաժարվի նրանց կախարհություններից, մեծարի՛ր նրան՝ պատվելով ինչպես առաջ. և թող ոչ ոք ամենևին շիմանա նրա նախատինքը: Իսկ եթե շհամաձայնի և շկամենա ականջ դնել քո խոսքերին, նրա վրա բազմաթիվ մեղադրանքներ բարդի՛ր այն երկրի կողմից, որ պեսզի վնասակար համարվի արքունի գործերի մեջ. հրապարակավ դատաստան արա և արսորի՛ր Կուրանից ու Մակուրանից էլ այն կողմը. այնտեղ թող նրան զցեն մի վիրապի մեջ և թշվառության մեջ մեռնի: Իսկ այլակրոնների կյանքը շուտով կարճի՛ր այս աշխարհից, որպեսզի մեր երկրի կրոնը շասանեցնեն: Որովհետև եթե ճարտար մոգպետին այնպես շուտով իրենց աշակերտ դարձրին, տգետ մարդիկ ինչպե՞ս կարող են նրանց ստապատիր խաբեությունը դեմ կանգնել»:

Արդ, Գենշապուհը ելավ ասյան նստեց բանակից դուրս, ինչպես ասացինք, տասներկու հրասախ հեռու: Հարցրեց մոգպետին և ասաց. «Քո վերաբերմամբ իրավունք ստացա ո՞չ միայն խոսքերով հարցնել, այլև ամեն տեսակ տանջանքներ տալով: Քանի դեռ քեզ ձեռք չեմ տվել, ընդունի՛ր մեծարանքներն ու արհամարհի՛ր անարգանքները և խնայի՛ր քո պատվական ծերությունը: Հեռացի՛ր քրիստոնեությունից, որ ի բնե շունեի՛ր, և նորից դարձի՛ր մոգության, ինչպես որ շատերի համար նույնիսկ վարդապետ էիր»:

Պատասխան տվեց երանելին և ասաց. «Աղաշում եմ քեզ, տե՛ր, որ առաջ իմ աչքում հարազատ եղբայր էիր համարվում, իսկ այսօր՝ կատարյալ թշնամի. մի՛ գթա ինձ առաջվա սիրուդ համեմատ, այլ կատարի՛ր ինձ վրա ձեր շար թագավորի կամքը, և ինչպես որ իրավունք ես ստացել իմ վերաբերմամբ՝ այնպես էլ պատժի՛ր ինձ»:

Այն ժամանակ, երբ Գենշապուհը տեսավ, որ ոչ մի բանի տեղ շղրեց թագավորի սպառնալիքները, և ոչ էլ իր հորդորներին ուշք դարձրեց, և ավելի կամենում էր, որ հայտնի խոսվի և ոչ թե ծածուկ, նրա վերաբերմամբ վարվեց թագավորի պատվերի համաձայն: Գաղտագողի թշել տվեց հեռավոր օտարություն. ինչպես որ սովորել էր իր ուսուցչից, այնպես էլ արեց:

Եվ [թագավորը] հրամայեց Գենշապուհին ավագ գործակալներից երկու ընկեր էլ վերցնել իրեն օգնական—Ջնիկանին, որ արքունի մարդպետ էր, և Մովան հանդերձապետին՝ մովպետան մովպետի կողմից:

Արդ, այս երեքը, իրենց սպասավորների հետ միասին, վերցրին սրբերին այն անապատից և նույն գիշերը տարան նրանց նույնչափ հետու մի ավելի դժնդակ տեղ: Եվ բանակի միջից ոչ ոքի չլքողին տեսնելու նրանց, ո՛չ հայերից և ո՛չ էլ ուրիշ քրիստոնյաներից, ո՛չ էլ բուլղոսի արտաքին հեթանոսներից: Եվ այն քաղաքում կալանավորների վրա նշանակված սպասավորներին հրամայեցին, որ նրանց զգուշությամբ պահեն, որպեսզի ոչ ոք չիմանա նրանց հետքը, որով տանելու են մահվան տեղը. ո՛չ նրանք և ո՛չ էլ ուրիշ որևէ մարդ:

Բայց արքունի զորքից խուժաստանցի մի մարդ, որ ծածուկ քրիստոնյա էր, և որին վիճակված էր դահիճների խմբում լինելու, և տանջական գործիքներով սպասավորում էր օրապահներին, կեսգիշերին եկավ-մտավ և խառնվեց նախարարների խմբերին: Առաջին խումբը կարծում էր, թե նա միջին խմբից է, միջին խումբը կարծում էր, թե նա երրորդ խմբից է, իսկ երեքն էլ նրան մյուս խմբից էին համարում, և նրանցից ոչ ոք չհարցրեց, թե «Դու ո՞վ ես մեզ հետ», ո՛չ տերերից և ո՛չ էլ սպասավորներից:

Երբ հասան մի անապատ տեղ, որ բուլղոսի զուրկ էր բուսականությունից և այնպես դժնյա ապառաժ էր, որ նրանց համար նույնիսկ նստելու տեղ չգտնվեց այնտեղ, երեք նախարարներն իջան մի քիչ ավելի հեռու տեղ և իրենց դահիճներին հրամայեցին կապել նրանց ձեռներն ու ոտները: Երկար պարաններ դրեցին նրանց ոտներին և երկու-երկու լծվեցին ու սկսեցին քարշ տալ: Եվ այնպես ձգեցին ու ճզճզոտեցին ապառաժ տեղերով քարշ տալով, որ ոչ մի ողջ տեղ չմնաց երանելիների մարմինների վրա: Եվ ապա կապերը բաց արին ու մի տեղ բերին:

Նրանց մի տեսակ այնպես էր թվում, թե կակղացրին նրանց խըստությունը և հնազանդեցրին նրանց բիրտ ապստամբությունը. և հիմա ինչ էլ ասենք, մեր խոսքերին կլսեն և թագավորի կամքը կկատարեն և անտանելի տանջանքներից կազատվեն: Բայց այն չկարողացան լավ հասկանալ, որ նրանց քաջ զինվորների նման ոգևորեցին, կրթության հրահանգների մեջ վարժեցրին նրանց, և նրանց սովորեցրին ինչպես վայրենի արյունարբու զազանների: Եվ եթե առաջուց մի քիչ կասկած ունեին, նայելով իրենց մարմինների շարաշար վերքերին՝ նախկին վախը մի կողմ նետեցին: Հարբած ու անզգայացած մարդու նման սկսեցին միմյանցից զերազանցել պատասխաններ տալու մեջ, և շտապում էին՝ ինչպես ծարավը դեպի աղբյուրն է վազում, թե ո՞վ ավելի շուտ կթափի իր արյունը երկրի վրա:

Մինչդեռ սրբերն այս պատրաստության մեջ էին, խոսել սկսեց նրանց հետ Դենշապուհը և ասաց. «Թագավորն ինձ ուղարկեց ձեզ մոտ.

Հայոց աշխարհի ամբողջ ավերածութիւնը, ասում է, և զորքերի կոտորածը, որ տեղի ունեցավ, ձեր պատճառով եղավ այդ ամբողջ վնասը. և շատ նախարարներ, որ այժմ կապանքների մեջ շարշարվում են, ձեր համառութեան պատճառով եղավ այդ բոլորը: Բայց հիմա էլ, եթե ուզում եք լսել ինձ, ասում եմ ձեզ. ինչպես որ բոլոր շարշարանքների և մահվան պատճառ եղաք, այսօր էլ պատճառ եղեք ձեր կյանքի: Կապանքների մեջ եղած նախարարներին արձակելու իշխանութիւնն էլ ձեր ձեռքին է. և ձեր աշխարհի ավերը ձեզնով կշինվի, և շատերը, որ գերի են տարված՝ կվերագանան:

«Ահա դուք ձեր աչքերով տեսաք այսօր, թե ինչպիսի՛ մի տոհմիկ մարդ էր, որին թագավորն ինքն անձամբ ճանաչում էր մեր կրոնը շատ լավ գիտենալու պատճառով, և կատարյալ էր մեր հավատի մեջ և բոլոր մեծամեծներին սիրելի, և զրեթե այս ամբողջ երկիրը կախված էր նրանից, բայց որովհետև անարգեց դեմամբ զգեցրեք և մոլորվեց ձեր տխմար գիտութեան կողմը, թագավորն ամենևին շինայեց նրա մեծ պատվին, այլ, ինչպես մի անտուն-անտեր գերի, նրան արսորեցի այնպիսի հեռավոր օտարութիւն, որ չի էլ կարող գնալ-հասնել իր պատժավայրը:

«Արդ, եթե նույնիսկ նրա ազգակցութեանը շինայեց պատմական կրոնի պատճառով, որքա՛ն ավելի չի խնայի ձեզ՝ օտարերկրացիներդ, որ նույնիսկ մահապարտ էլ եք արքունի զորքերի վերաբերմամբ: Եվ ձեզ համար ապրելու ուրիշ ոչ մի ճար չկա, բացի այն, որ երկրպագութիւն տաք արեգակին և կատարեք թագավորի կամքը, ինչպես որ սովորեցրել է մեծ Զրադաշտը: Եթե այդ անեք, ո՛չ միայն կապանքներից կարձակվեք և մահից կփրկվեք, այլև մեծամեծ պարգևներով ձեր աշխարհը կուղարկվեք»:

Առաջ անցավ Ղեռնգ երեցը և թարգման դարձրեց Սահակ եպիսկոպոսին. «Ինչպե՛ս հնազանդվեք քո երկդիմի հրամաններին,— ասաց նա.— ահա դու երկրպագութիւնդ նախ արեգակին տվիր, իսկ երկըրպագութեան կատարումը թագավորի կամքին վերագրեցիր. մեծարեցիր արեգակին՝ նախ տալով նրա անունը, իսկ թագավորին արեգակից ավելի մեծարեցիր. և ցույց տվիր, որ արեգակն առանց իր կամքի է սպասաւորում արարածներին, իսկ թագավորն իր ազատ կամքով ում կամենում է՝ աստվածացնում է և ում կամենում է ծառայեցնում է և ինքը գեռ վերահասու չի եղել ճշմարտութեանը: Մեզ հետ մի՛ խոսի ինչպես երեխաների հետ, որովհետև հասակով կատարյալ մարդիկ ենք և գիտութեանն էլ անտեղյակ չենք: Որտեղից դու սկսեցիր, հենց այնտեղից էլ քեզ պատասխան կտամ:

«Մեր երկրի ավերածութեան և արքունի զորքերի կոտորածի պատ-

ճատ չէ՞ որ մե՛զ համարեցիր, մեր կրոնն այդպես չի սովորեցնում մեզ. այլ պատվիրում է մեծապես պատվել երկրավոր թագավորներին և նրանց սիրել մեր բոլոր ուժով, ոչ իբրև մի շնչին մարդու՝ մարդկանց միջից, այլ ծառայել ինչպես ճշմարիտ Աստծուն. և եթե զրկանքներ կրենք նրանց կողմից, երկրավորիս փոխարեն մեզ խոստացավ երկնքի արքայութունը՝: Եվ ո՛չ միայն իբրև հպատակ պարտավոր ենք ծառայել նրանց, այլև մեր անձերը մահու շափ դնել թագավորի սիրո համար: Եվ ինչպես որ երկրիս վրա իրավունք չունենք նրան ուրիշ տիրոջ հետ փոխելու, նույնպես և երկնքում իրավունք չունենք ուրիշի հետ փոխելու մեր ճշմարիտ աստծուն, որից բացի ուրիշ աստված չկա:

«Բայց քեզ մի բան ասեմ. որին ինքզ էլ մի քիչ տեղյակ ես: Քաջ զորականներից ո՞րը հետևից կմտնի պատերազմի մեջ. և եթե այդպիսի բան անի, նա ո՛չ թե քաջ կկոչվի, այլ շատ վախկոտ: Կամ թե՛ իմաստուն վաճառականներից ո՞վ պատվական մարգարիտը կփոխանակի անպետք ուլունքի հետ, բացի նրանցից, ովքեր հիմարացած են տգիտությամբ, ինչպես և մեր մոլորության առաջնորդները:

«Մենակ ես գտել մեզ մեր բազմաթիվ առաքինիներից և ուզում ես խարդախությամբ քանդել մեր հաստատուն մտադրությունները. մենք մենակ չենք, ինչպես որ դու ես կարծում. չկա ոչ մի դատարկ տեղ, որտեղ շիինի մեր թագավոր Քրիստոսը. միայն քեզ և քո շարադե իշխանի նմաններն են, որ զուրկ են նրանից, որ մերժված են նրա կողմից: Որովհետև մեր աշխարհի զինվորներն էլ, որոնք մեր միջոցով աշակերտել էին Քրիստոսին, ոտնահարեցին ձեր թագավորի ահեղ հրամանները և նրա մեծամեծ պարգևները ոչ մի բանի տեղ չդրին. նրանց հայրենական իշխանութունը կողոպտվեց, բայց նրանք շինայեցին իրենց կանանց ու որդիներին և այս աշխարհի մարմնավոր կյանքի գանձերը: Մինչև անգամ իրենց արյունը մտքները չէին բերում Քրիստոսի սիրո համար, այլ արեգակի երկրպագուներին, որոնք ձեր ուսուցիչներն էին, շարաշար հարվածներով սպանեցին և մեծամեծ շարիքներ հասցրին ձեր զորքին, և նրանցից շատերն ընկան նույն պատերազմի մեջ, ոմանք տեսակ-տեսակ փորձությունների մատնվեցին, ուրիշները հեռավոր օտարության քշվեցին և է՛լ ավելի շատերը գերի տարվեցին: Նրանք բոլորը մեզանից առաջ մտան աստծու արքայութունը և խառնված են վերին հրեշտակների զնդերին և ցնծում են պատրաստված ուրախութունների մեջ, որին հասնելով խառնվեց նաև այն երանելի մարդը, որի համար ասում ես, թե արքոր քչեցի: Երանի եմ տալիս նրան և երանի այն երկրին, որի միջով նա պիտի անցնի և այն տեղին, որտեղ նա պիտի վախճանվի.

* Հմտ. 2տովմ. ԺԳ 1—5:

նա ո՛չ միայն ձեր արքունիքից է գերազանցում իր պատվականութ-
յամբ, այլև այդ երկնային լուսավորներից, որոնց դուք երկրպա-
գում եք»:

Պատասխան տվեց Մովան անդերձապետը և ասաց նրանց. «Աստ-
վածները բարերար են և համբերություն հոգում են մարդկային ազգի
համար. որպեսզի հասկանան ու ճանաչեն իրենց փոքրիկությունն ու
նրանց մեծությունը և վայելեն այս աշխարհի պարզեցումը, որոնք հանձ-
նրված են թագավորի իրավունքին, և նրանց բերանից են դուրս գալիս
կյանքի ու մահվան հրամանները: Դուք իրավունք չունեք այդպես ընդ-
դիմանալու նրանց կամքին և հանձն շառնելու արեգակին երկրպագել,
որ իր ճառագայթներով լուսավորում է ամբողջ տիեզերքը և իր ջերմու-
թյամբ հասցնում է մարդկանց և անասունների կերակուրը. և իր ընդ-
հանուրին բաշխող առատության ու անաշառ մատակարարության պատ-
ճառով կողմեց Միհր աստված, որովհետև նրա մեջ չկա նենգություն և
անիմաստություն: Ուստի և մենք էլ երկայնամիտ ենք լինում ձեր տգի-
տության վերաբերմամբ, որովհետև գիշակեր և արյունարբու գազան-
ների նման մարդատյաց չենք: Խնայեցե՛ք ձեր անձերին և մեզ աղամա
մի՛ խառնեք ձեր արյունի մեջ: Մի կողմ թողեք ձեր նախկին հանցանքը
և առաջիկա գործերդ ուղղեցեք, որպեսզի ձեր պատճառով ուրիշներն էլ
ողորմության արժանանան մեծ թագավորի կողմից»:

Սրան Սահակ եպիսկոպոսը պատասխան տվեց և ասաց. «Ինչպես
մի ուսյալ և խիստ կրթված մարդ՝ գեղեցկապես հոգում ես աշխարհի
շինության և թագավորի փառքի համար, բայց այս բանը շատ տգիտա-
բար ես սովորեցնում, որովհետև բազմաթիվ աստվածներ ես դավանում
և բոլորի մասին շեռ ասում, թե մի կամք ունեն: Եթե վեհագույնները
հակամարտ են միմյանց, մենք, նրանցից ավելի խոնարհներս, ինչպե՞ս
կարող ենք համաձայնել քո խոսքերին: Միացրո՛ւ ջուրն ու կրակը, որ-
պեսզի նրանցից խաղաղություն սովորենք. արեգակին տուն կանչիր
որպես կրակ, և եթե նրա գալը հնարավոր չէ, որպեսզի աշխարհը խա-
վարի մեջ շմնա, դրա՛ն ուղարկիր նրա մոտ, որպեսզի նրանից անկարո-
տություն սովորի:

«Եվ եթե քո աստվածների բնությունը մեկ է, թող միանալով հա-
վասարվեն միմյանց. կրակն անկերակուր դառնա ինչպես արեգակը, և
արքունի ծառաները [գործից] շխափանվեն՝ դրան փայտ հասցնելու
համար: Արդ, դրանցից մեկն անհագարար ուտում է և շարունակ մեռ-
նում, իսկ մյուսը, որ չի ուտում, առանց օդի նվազում է նրա ճառագայթ-
ների լույսը. ձմեռը ցրտանում է և բոլոր գալար բույսերը սառցնում,
ամառը տոթանում է և այրում ամեն մի կենդանի բան: Եվ նա, որ շա-

բունակ փոփոխութեան մեջ է, շի կարող որևէ մեկին հաստատուն կյանք շնորհել: Ես չեմ կարող քեզ մեղադրել. ով շի տեսել մեծ թագավորին, երկրպագութիւն է տալիս պատվավորներին. իսկ եթէ հմուտ գիտուններէից մեկն այսպէս վարվի, իսկույն մահվան հրաման կտան նրա վերաբերմամբ:

«Իսկ արեգակի մասին, եթէ կուզես սովորել, ճշմարիտը կասեմ քեզ: Նա այս աշխարհի արարածներէ մի մասն է, շատ մասերից մի որոշված մաս. ոմանք նրանից վերև են, ոմանք ներքև: Նա առանձին սուրբ և հստակ լույս շունի, այլ աստծու հրամանով նա իր ճառագայթները տարածում է օդի միջով և հրային մասով տաքացնում է իր կայանի ներքեր գտնվող բոլոր արարածներին: Իսկ վերիններն ամենևին մաս շունեն նրա ճառագայթներից. որովհետև լույսը նրա զնդի մեջ տեղավորված է ինչպէս մի ամանում, և բերանը դեպի ցած բաց արած՝ լույսը թափում է դեպի ներքև, որպէսզի ներքևում ապրողներս վայելենք: Ինչպէս օրինակ, մի նավ թռչում-սահում է ծովային անհուն ջրերի վրայով, անգիտութեամբ ճանապարհ է կտրում հմուտ և ճարտար նավապետի ղեկավարութեամբ, այդպէս էլ արեգակը իր կառավարի ձեռքով փոփոխում է իր շրջանը մեկ տարի ժամանակում:

«Եվ ինչպէս որ այս աշխարհի ուրիշ մասերը հաստատված են մեր կյանքի համար, նա էլ, ինչպէս մյուս մասերից մեկը, տրված է մեզ՝ լույս տալու համար, ինչպէս լուսինն ու աստղերը և հարածուփ օգերն ու անձրևաբեր ամպերը, նույնպէս և երկրիս մասերից՝ ծովն ու գետերը, աղբյուրներն ու բոլոր պիտանի ջրերը, նույնպէս և ցամաքայիններն իրենց բոլոր պիտույքներով: Սրանցից և ոչ մեկին էլ չպետք է աստված անվանել. իսկ եթէ մեկը համարձակվի ասել, իր անձը կորցնում է տգիտաբար, իսկ նրանք էլ աստված անունով մեծարվելով՝ ոչ մի օգուտ չտաքան: Մի իշխանութիւնը երկու թագավոր շի ունենում, և եթէ մարդն այդ բանը հանձն շի առնում, որբան ալելի հեռու է Աստծու բնութիւնից այդպիսի խառնաշփոթ կարգը:

«Արդ՝ եթէ ուզում ես ճշմարիտը սովորել, քաղցրացրո՛ւ սրտիդ ժանտութիւնը և բաց արա՛ մտքիդ աչքերը և արթնութեան վիճակում կուրորեն մի՛ գնա խավարի միջով. ինքդ ընկել ես խորխորատը և բոլորին էլ կամենում ես քաշել քեզ մոտ: Եվ եթէ յուրայիններդ զալիս են մոլար ուսմունքիդ հետևից, առանց տեսնելու և հասկանալու, մեզ էլ այդպէս մի՛ կարծի. որովհետև մեր մտքի աչքերը բաց են և սրատես ենք: Այս մարմնավոր աչքերով տեսնում ենք արարածներին և հասկանում ենք, որ սա ուրիշն է ստեղծել, և բոլորն էլ ապականացու են: Իսկ

բոլորի արարիչն անտեսանելի է մարմնավոր աշքերի համար, և նրա զորութիւնը մտքով է հասկացվում:

«Եվ որովհետև մեզ տեսավ մեծ տգիտութիւն մեզ և խղճաց մեր անուսումնութիւնը, որով մենք էլ ձեզ նման տեսանելի [արարածներին] արարիչ էինք կարծում և ամեն տեսակ անկարգութիւններ գործում, այդ պատճառով էլ իր սիրով եկավ մարդկային մարմին առավ և մեզ սովորեցրեց իր աներևութ աստվածութիւնը: Նա, որ իրեն բարձրացրեց կախաղանի խաշի վրա, քանի որ մարդիկ մոլորվել էին այդ լուսավորների հետևից, արեգակին զրկեց իր ճառագայթների լույսից, որ խավարն սպասավոր լինի նրա մարդկութիւնը. որպեսզի ովքեր ձեզ նման անարժան լինեն, իրենց կյանքը շտանեն մեծ անարգութիւն մեջ: Այդպես և այսօր. ով շի խոստովանում խաշված աստծուն, նույն խավարն է պատել նրա հոգին ու մարմինը. ինչպես որ դու էլ այսօր նույն խավարի մեջ ես և դեռ մեզ էլ շարշարում ես: Պատրաստ ենք մեռնելու մեր Տիրոջ նման. ինչպե՛ս և ի՛նչ կերպ ուղում ես՝ կատարի՛ր քո դաժան կամքը»:

Այն ժամանակ, երբ անօրեն Դենշապուհը նայեց նրանց և տեսավ բոլորին մեծ ուրախութիւն մեջ և զվարթ, հասկացավ, որ նրանց վրա ազդեցութիւն չեն ունենում սպառնական և հորդորական խոսքերը: Հրամայեց առաջ բերել ամենակրտսերներից մեկին, Արշն անունով մի երեցի, որի մասին առաջ հենց կասկած էր առաջացել սրբերի մեջ: Կայեցին ոտներն ու ձեռները և այնպիսի մեծ ուժով ձիգ տվին, մինչև որ բոլոր շղերի ճարճատիւնը կտրվեց. և այսպես երկար ժամանակ մնաց անտանելի պրկոցի մեջ:

Սուրբն իր բերանը բաց արեց և ասաց. «Ահա իմ շուրջը պատեցին բազմաթիվ շներ և շարերի ժողովը պաշարեց ինձ. ծակեցին իմ ոտներն ու ձեռները, և իմ բերանի փոխարեն բոլոր ոսկորներս աղաղակեցին»^{*}: Լսի՛ր ինձ, Տե՛ր, և անսա՛ իմ ձայնին, և ընդունի՛ր իմ հոգին քո սուրբ զորականների ժողովում, որ երևաց քո նորակերտ ձեռակերտին: Ես որ ամենքից կրտսերն եմ, քո ողորմութիւնը գթալով ինձ վրա՝ առաջ քաշեց»:

Եվ երբ այս ասաց, այլևս չէր կարողանում բերանը բաց անել զելարանի անտանելի պրկոցներից: Դահիճներն անմիջապէս հրաման ստացան երեք նախարարներից՝ սրով կտրել երանելու պարանոցը, և մարմինը զցեցին մի ցամաք խորխորատի մեջ:

Եվ հենց տեղնուտեղը Դենշապուհն սկսեց խոսել եպիսկոպոսի հետ

* Սազմ. ԻԱ 17—18:

և ասաց. «Երբ ես եկա Հայոց աշխարհը, ինձ վիճակվեց մի տարի և վեց ամիս շրջել այնտեղ. ես ամենևին չեմ հիշում, թե որևէ մեկից մի տրբտունջ լսած լինեմ քո մասին, նույնպես և ավելի Հովսեփի մասին. որովհետև հենց դա էր բոլոր քրիստոնյաների պետք և հավատարիմ էր արքունի բոլոր գործերի մեջ: Նույնպես և նա, ով իմ գնալուց առաջ այն աշխարհում մարդպան էր, շատ գոհ էր այս մարդուց. ես ինքս էլ իմ աչքով տեսա, որ ամբողջ երկրի համար հաստատուն հայր էր համարվում, և անաշառ կերպով սիրում էր մեծամեծներին և փոքրերին:

«Արդ, փոխանակ որ դուք աղաչեք, ե՛ս եմ աղաչում ձեզ. խնայեցե՛ք ձեր պատվական անձերին և մի՛ մատնվեք շարշարալից մահվան առաջինի նման, ինչ որ տեսաք ձեր աչքերով: Որովհետև եթե դուք այդ համառ մտքի վրա եք մնում, ես էլ մտքումս դրել եմ անթիվ շարշարանքներով վերջ դնել ձեր կյանքին: Ես դիտեմ, որ դուք այդ մարդու կողմից խաբված եք. որովհետև ինքը մարմնով հիվանդ է և բժիշկների օգնություն մեր շի կարողացել առողջություն գտնել, հիվանդոտ կյանքից ձանձրացել է և ավելի մահվան է փափազում, քան թե կյանքի»:

Այս բանին պատասխան տվեց սուրբ Հովսեփը և ասաց. «Այդ գովասանքը, որ դու տվիր նախ այս եպիսկոպոսին և ապա ինձ, իրավացի արիր և ըստ կարգի պատվեցիր այդ ավհերություն համար. այդպես էլ վայել է: Բայց աստծու ճշմարիտ ծառաներին օրենք չէ ընդդիմանալ երկրավոր իշխաններին, և ժողովրդից ոչ ոքի՝ տրտնջալ մարմնավոր աչքածակություն համար, այլ խոնարհություն և հեզություն սովորեցնել աստծու պատվիրանները, և առանց խարդախամտություն խաղաղասեր լինել բոլորի վերաբերմամբ, և անաշառ վարդապետություն բոլորին առաջնորդել զեպի արարածների միակ տերը:

Իսկ այս մարդու հրապուրանքների համար որ ասացիր, այդ էլ շտեղծիր, այլ բոլորովին ճշմարիտն ասացիր: Որովհետև ո՛չ թե իբրև մի օտար մարդ է հրապուրում մեզ և ո՛չ թե իբրև մի խաբեբա մոլորեցնում է մեզ, այլ սաստիկ սիրում է մեզ: Քանի որ մեր մայր եկեղեցին մեկ է, որ երկնեց մեզ, և մեկ է մեր հայր սուրբ հոգին, որ ծնեց մեզ, ինչո՞ւ պետք է մի հոր և մի մոր որդիները երկպառակված լինեն և ոչ թե միաբան: Այն, ինչ որ քեզ թվում է, թե հրապույր է, մենք զիշեր ու ցերեկ նույն մտածմունքի մեջ էինք, որ անբակ պահենք մեր կյանքի միաբանությունը: Իսկ եթե սա ձանձրացել է և ուզում է իր հիվանդ մարմնից դուրս գալ, առավել ևս մենք բոլորս, որովհետև բնավ ոչ ոք չկա կանանցից ծնվածների մեջ, որ առանց ցավերի ու շարշարանքների մարմին ունենա»:

Պատասխան տվեց Դենշապուհը և ասաց. «Դուք չզիտեք, թե որքա՞ն

համբերող եմ դեպի ձեզ. Քաղաքավորի հրամանով չէ, որ այսչափ երկարաբանում եմ ձեզ հետ և վիճում, այլ իմ քաղցրությամբ եմ այդ թույլ տվել ձեզ, որովհետև ձեզ նման անագորույն չեմ, որ ձեր անձերին ատելի էք և ուրիշներին թշնամի: Ես աղ ու հաց եմ կերել ձեր աշխարհում, ուստի դուք ու սեր ունեմ ձեր աշխարհի վերաբերմամբ»:

Պատասխան տվեց Ղևոնդ երեցն ու ասաց. «Ով դեպի դրսինները դուք ու սեր ունի, աստծու պատվիրաններն է կատարում, բայց պարտական է խնայել նաև իր հոգին. որովհետև մեր անձերի տերը չենք, այլ կա մեկը, որ հաշիվ է պահանջում մեզնից թե՛ դրսինների և թե՛ ներսինների համար: Իսկ որ ասացիր, թե իմ կամքով եմ ձեզ ականջ դնում և ոչ թե թաղաքավորի հրամանով, եթե դուք սովոր եք զանց անել ձեր թաղաքավորի հրամանը, այդ լավ եք անում, որովհետև նա աշխարհ ավերող է և անմեղ մարդկանց սպանող, սատանայի բարեկամ և աստծու թշնամի: Բայց մենք չենք կարող մեր թաղաքավորի հրամանից դուրս գալ, և ո՛չ էլ կարող ենք մեր անանց կյանքը փոխանակել այս աշխարհի ապականացու պատրանքների հետ:

«Իսկ ինձ համար որ ասացիր, թե բժիշկներից առողջություն չզրտնելով՝ մահն ավելի է սիրում, քան թե կյանքը, այդ խոսքերը վայել չեն այն մարդկանց, որոնք տեսնում են այս աշխարհի բոլոր շարժարանքները: Հապա՛, մի փոքր մեղմի՛ր այդ զայրագին սրտմտությունդ և հետևի՛ր իմ ճշմարիտ խոսքերին և կարգով նայի՛ր աշխարհիս գործերին: Մահկանացուներիցս ո՞վ է, որ անտրտում կյանք ունի. չէ՞ որ ահա բոլորն էլ փխտերով լի են, ո՛րք ներսից և ո՛րն էլ դրսից—ցուրտ ու տոթ, քաղց ու ծարավ և ամեն տեսակ աղքատություն ու կարիք: Դրսից՝ անիրավություն, հափշտակություն, զեճ պղծություն ու անառկություն, ներսից՝ ամբարշտություն, ուրացություն, տգիտություն, անդարձ մոլորություն կամավոր ազատությունից:

«Բայց դու որ բժիշկներին մերժելով անարգեցիր, թե ես նրանց միջոցով առողջություն չեմ գտել, այդ էլ զարմանալի չէ, որովհետև նրանք էլ մարդ են. ցավ կա, որի առողջացման հնարը գտնում են, և ցավ էլ կա, որ նրանց հնարներին չի ենթարկվում, որովհետև բոլորս էլ մահկանացու ենք, թե՛ բժշկողը և թե՛ բժշկվողը: Բայց երանի թե դուք էլ բժշկական արվեստից օրինակ առնեիք, որովհետև փոքր չէ նրանց բժշկություն ճշմարտությունը: Որովհետև երբ նրանք մեկին հիվանդացած են տեսնում, չեն դանդաղում նրանց մոտ դնալ, այլ շտապում են հնար գտնել և առողջացնել: Մանավանդ եթե արքունիքում թաղաքավոր սիրելիներից մեկը հիվանդանա, և մեծ հրապարակը հասնելով՝ [բժիշ-

կը] տեսնի պատմավոր մարդկանց մի բազմություն և գեղեցիկ ու առողջ երիտասարդներ, և էլ ավելի ներս մտնելով արքայական սրահները՝ այնտեղ տեսնի բոլոր սպասավորների շքնաղ և սքանչելի տեսքը, նա ամենևին չի զարմանա այդ հրաշակերտ տեսարանով: Նաև, եթե ակնառու և ամբողջովին ոսկեղեն լինի այն մահիճը, որի վրա դրված է հիվանդը, նա այդ բոլորի վրա բնավ ուշադրություն չի դարձնի. այլ կհրամայի հեռացնել ոսկեհուռ վերարկուները, և ձեռքը ներս տանելով, կզննի ամբողջ մարմինը՝ արդյոք չե՞րմ է բնությունը, և սիրտն արդյոք հանգի՞ստ է իր տեղում, և կամ թե լյարդը փափո՞ւկ է, և կամ թե երակների շարժումը կարգի՞ն է. դրա համեմատ էլ բուժելու դարման կանի՝ առողջություն շնորհելով նրան:

«Իսկ արդ, եթե մարդկային բժշկությունը այսպես գիտե արհամարհել ամեն բան և միայն իր արվեստն առաջ տանելով գործ կատարել, որքա՞ն ավելի արժան է ձեզ, որ այս ամբողջ աշխարհը [ձեր] մեծ իշխանություն տակ եք առել, հոգ տանել նախ ձեր հոգիները բժշկելու այս աշխարհի ամեն տեսակ ախտալից մոլորություններից. իսկ մարմնով բոլորն էլ արդեն ձեր ծառայության մեջ էին: Այժմ, որ դուք սոգիտացել եք և անմահ հոգիներդ մահկանացու եք դարձրել Գեհենի անշեջ կրակի համար, ուզեք-չուզեք՝ մարմնով էլ բռնված եք անբուժելի ցավերով. և մեզ նախատում եք մարմնի ցավերի համար, որ մեր ազատ կամքից չեն առաջացել, այլ ինչպես յուրաքանչյուր մարդու պատահում է մարմնի բնության համեմատ:

«Եվ Քրիստոսը՝ կենդանի և կենդանարար ճշմարիտ աստվածը, իր բարերար կամքով հոգիների և մարմինների բժիշկ դարձավ. և նախ ինքն իր շարշարանքների ցավերի միջոցով բժշկեց ամբողջ մարդկային ազգը: Եվ սրանից էլ ավելի խանդաղատելով ու գթալով՝ կրկին ծննդյամբ ծնեց մեզ անցավ և անվերք առողջությամբ, առողջացրեց գաղտնի հարվածներից վիշապի հասցրած հին վերքերը, և մեզ դարձրեց հոգով ու մարմնով անսպի և անարատ. որպեսզի բանակակից լինենք հրեշտակներին և զորք՝ մեր երկնավոր թագավորի համար: Իսկ դու այս շիմանալով և վայելած չլինելով աստծու երկնավոր պարգևները՝ շես էլ կամենում մեզնից սովորել, և դեռ մեզ էլ կամենում ես մոլորեցնել, որ անհնար է և չի լինի, և շես կարող անել:

«Իսկ իմ ցավագար մարմնիս մասին հակիրճ կասեմ քեզ: Շատ ուրախ եմ, երբ իմ մարմինը շարշարված եմ տեսնում. գիտեմ, որ իմ մեջ զորանում է հոգուս առողջությունը: Մանավանդ որ ինձ համար զրավական ունեմ հեթանոսների մեծ վարդապետին¹⁰⁰, որ իր մարմնի ցավերով իրեն մխիթարում էր և սատանայական մարմնի տանջանքով

պարծենում էր և ասում. «Որովհետև եթե անկակից եղանք նրա մահ-վան նմանությունը, որքա՞ն ավելի ևս մասնակից կլինենք նրա հարու-թյանը»։ Իսկ դու, որ իշխանություն ունես մեզ վրա, դատի՛ր մեզ թո շար կամքի համեմատ: Ամենևին շենք վախենալու, ո՛չ թո ահագին ահա-վոր սպառնալիքներից և ո՛չ էլ երկյուղ ենք կրելու այն դաժան մահից, որ բերելու ես մեր գլխին»:

Այն ժամանակ երանելիներին մի փոքր մեկուսացրեց միմյանցից և միայն սուրբ նպիսկոպոսին ասաց. «Առաջ քեզ շատ զովասանք տվի, բայց թո անձի պատիվը շիմացար: Հիշեցնում եմ քեզ այն շարիքները, որ դու գործել ես, որպեսզի ինքդ քեզ մահապարտ անես: Իսկապես՝ դո՞ւ ավերեցիր ատրուշանը Ռշտունիքում և կամ կրակը դո՞ւ սպանեցիր. նաև, ինչպես լսեցի և ստուգեցի, մոզերին էլ դո՞ւ ես շարշարել և պաշ-տամունքի սպասները դո՞ւ ես տարել. արդ, եթե իրոք դո՞ւ ես վերցրել, պատմի՛ր ինձ»:

Պատասխան տվեց սուրբը և ասաց. «Ա՛յժմ ես կամենում այդ իմա-նալ ինձնից, թե առաջուց գիտեիր»:

Գենշապուհն ասաց. «Համբավն ուրիշ է, ճշմարտությունն ուրիշ»:

Նպիսկոպոսն ասաց. «Դու ինչպե՞ս ես կարծում՝ ասա՛ ինձ»:

Գենշապուհն ասաց. «Ես լսել եմ, որ բոյոր վնասները Ռշտունիքում դո՞ւ ես հասցրել»:

Նպիսկոպոսն ասաց. «Եթե այդպես ստույգ կերպով տեղեկացել ես, ինչո՞ւ ես նորից հարցնում»:

Գենշապուհն ասաց. «Ուզում եմ ճշմարտությունը քեզնից իմանալ»:

Նպիսկոպոսն ասաց. «Ո՛չ թե կյանքիդ օգուտն ես ուզում լսել ինձ-նից, այլ իմ արյունն ես ցանկանում»:

Գենշապուհն ասաց. «Արյունարբու գազան շեմ, այլ վրեժխնդիր եմ լինում աստվածներին անարգելու համար»:

Նպիսկոպոսն ասաց. «Համբ տարբերին աստված ես անվանում և թո պատկերակից մարդկանց ուզում ես մորթոտել. թո թագավորի հետ միասին պատասխան պիտի տաս աստծու անկաշառ ատյանի առաջ: Եվ ինչ որ թո շար կամքով ուզում ես լսել ինձնից, այդ ես կասեմ քեզ: Արդարև կրակատունը ե՛ս ավերեցի և մոզերին ծեծելով շարշարեցի, և տան մեջ գտնված պղծության սպասները ե՛ս նետեցի ծովը: Բայց կրա-կըն ո՞վ կարող է սպանել, որովհետև արարածների ամենիմաստ արա-րիչը առաջուց հոգ տանելով՝ չորս նյութերի բնությունը հաստատել է անմահ: Հապա՛, եթե կարող ես, սպանի՛ր օդը կամ փշացրո՛ւ հողը, որ

խոտ շրուացնի, գետը մորթի՛ր, որ մեռնի: Եթե այս երեք բանը կարող ես անել, կրակն էլ կարող ես սպանել:

«Բայց քանի որ մեր ճարտարապետը այդ շորս տարրերն անբակտելի կերպով միացրել է, ուստի և կրակի բնությունը գտնվում է քարերի և երկաթների և զննելի բոլոր տարրերի մեջ, ինչո՞ւ ես ինձ ստույգամբ զրպարտում, թե դու կրակն սպանել ես: Հապա՛, սպանի՛ր արեգակի ջերմությունը, որ կրակի մասն ունի, և կամ հրաման տո՛ւր, որ երկաթից կրակ շիփփի: Մեռնում է այն, որ շնչում է և շարժվում, գնում, ուտում է ու խմում, ե՞րբ ես տեսել, որ կրակը զնա կամ խոսուն ու գիտուն լինի: Արդ, ինչ որ կենդանի շես տեսել, մեռա՞ծ ես ընդունում: Որքա՛ն ավելի աննեքելի է ձեր ամբարշտությունը, քան բոլոր հեթանոսներինը, որոնք ավելի գիտուն են, քան թե դուք. նրանք թեև ճշմարիտ աստծուց մոլորված են, բայց անխոս տարրերին աստված չեն ընդունում: Այժմ, եթե դու անգիտությամբ կորնչելի ես ասում կրակի բնությունը, այս արարածները քո ասածը չեն ընդունի, որովհետև դա խառն է բոլորից»:

Գենշապուհն ասաց. «Ես քեզ հետ ամենևին վեճի ու քննության մեջ չեմ մտնում այս արարածների բնության վերաբերմամբ. այլ խոստովանվիր ինձ՝ կրակը դո՞ւ ես հանգցրել, թե՞ ոչ»:

Պատասխան տվեց երանելին և ասաց. «Որովհետև շկամեցար ճշմարտությանն աշակերտ լինել, կասեմ քեզ քո հոր՝ սատանայի կամբը: Ես հենց ինքս մտա ձեր կրակատունը և տեսա ձեր սնոտի ուսմունքի ամբարիշտ պաշտոնյաներին կանգնած, և կրակարանը կրակով լի բորբոքվում-այրվում էր նրանց առաջ: Հարցրի նրանց խոսքով և ոչ թե ծեծով, թե ձեր մտքում ի՞նչ եք համարում այս պաշտամունքի կրակը: Պատասխան տվին և ասացին. մենք ոչինչ չգիտենք. միայն այսքանը գիտենք, որ նախնիների սովորություն է և թագավորի սաստիկ հրաման»:

«Ասացի նրանց դարձյալ. այդ կրակի բնությունն ինչպե՞ս եք հասկանում. արարի՞չ եք կարծում, թե՞ արարած: Բոլորը միաբան ասացին. մենք դրան արարիչ չենք համարում, ո՞չ էլ աշխատող մարդկանց հանգստացնող: Մեր ձեռքերը կոշտացել են կացին գործածելով, և մեր մեջքերը քերթվել փայտ կրելուց, աչքներս ջրակալել են արտասուքներով դրա ծխի կծու լինելուց, և մեր երեսները մրտավել են դրա թանձր ծխի խոնավությունից: Եթե շատ ենք նրան կերակուր տալիս, սաստիկ սովածանում է. իսկ եթե բնավ չենք տալիս, բոլորովին հանգչում է. եթե մոտ ենք գնում և երկրպագություն ենք տալիս, այրում է մեզ, իսկ եթե

ամենևին մոտ չենք գնում, մոխիր է դառնում: Մենք այսպես ենք հասկացել դրա բնությունը:

«Դարձյալ ասացի նրանց, իսկ դուք լսե՞լ եք, թե ո՛վ է սովորեցրել ձեզ այդպիսի մոլորությունը: Պատասխան տվին և ասացին. ի՞նչ ես լսելու մասին հարցնում մեզ. ահա նախիր՝ ինչ որ կա առջևդ. որովհետև մեր օրենսդիրները միայն հոգու աշքերով են կուրացած, իսկ մեր թագավորը մարմնի մեկ աշքով կույր է, իսկ հոգին բնավ աշք չունի:

«Այս պատճառով էլ, երբ լսեցի մոգերից այս, շատ խղճացի, որովհետև տգիտությամբ ճշմարիտը խոսեցին: Մի քիչ շարշարեցի նրանց ծեծելով և հենց իրենց տվի կրակը, որ ջուրը զցեն և այսպես ասացի. «Այն աստվածները, որ երկինքն ու երկիրը շին ստեղծել, թող կորչեն երկնքի տակից»: Եվ հետո արձակեցի մոգերին»:

Երբ Գենշապուհը լսեց այս բոլորը սուրբ եպիսկոպոսի բերանից, սաստիկ դարհուրեց, որ թագավորին այդպես նախատեց և կրոնն անարգեց: Ուստի և մինչև իսկ վախեցավ հարվածներ ու տանջանքներ տալ նրան, որ շիհի թե ավելի մեծ անարգանքներ ասել տա թագավորի մասին ատյանի մեջ, և իրեն վրա կասկած ընկնի իբրև այդ անարգանքների պատճառ, որ այնքան համբերողությամբ վեճի մեջ մտավ նրանց հետ:

Եվ որովհետև սուրբ մեջքին կապած նստած էր ատյանում, սարսափ զցելով սրբերի վրա, մոնչաց ինչպես զայրացած առյուծ, և հանելով սուրը՝ զազանարար հարձակվեց երանելիների վրա և կտրեց եպիսկոպոսի աջ ուսը թիկունքի հետ միասին և [նրա] ձեռքը վայր զցեց: Իսկ նա ձախ կողմի վրա գետին ընկնելով՝ նորից զորացավ, աջ ձեռքը վեր բարձրացրեց, բարձր ձայնով աղաղակեց և ասաց. «Ընդունի՛ր, Տե՛ր այս կամավոր զոհը, որ ինքս ինձ ամբողջովին մատուցի քեզ, և խառնի՛ր ինձ քո սուրբ զինվորների գնդին»:

Դարձյալ քաշալերում էր իր ընկերակիցներին և ասում. «Գե՛հ, առաքինիներ՛, ահա հասել է մեր նահատակության ժամը. մի վայրկյան փակեցեք մարմնավոր աշքներդ և իսկույն կտեսնեք մեր հույս Քրիստոսին»: Եվ իր արյունի մեջ թավալվելով՝ ասում էր. «Կօրհնեմ տիրոջը ամեն ժամանակ, նրա օրհնությունը միշտ իմ բերանում է: Տիրոջով թող պարծենա իմ անձը. հեղբրը լսեն և ուրախ լինեն»: Եվ այս սաղմոսն ասելով՝ հասցրեց մինչև այստեղ. «Արդարները շատ նեղություններ ունեն. այդ բոլորից կփրկի նրանց Տերը և կպահի նրանց բոլոր ոսկորները»:

Եվ մինչդեռ մի քիչ ուժ կար մարմնում, հենց իր աշքերով նայեց

* Սաղմ. լԳ 2—21:

ու տեսա՛վ, որ երկնքից գալիս էին հրեշտակների շատ գնդեր և վեց պսակ կար հրեշտակապետերի ձեռքին: Նույնպես և ձայն լսեց վերևից, որ ասում էր. «Քաջալերվեցե՛ք, ի՛մ սիրելիներ, որովհետև ահա մոտացաք ձեր այդ վշտալի կյանքը և հասաք այս երանելի պսակներին, որ ձեր ճարտարությամբ կազմեցիք. վերցրեք և դրեք յուրաքանչյուրդ իր գլխին: Որովհետև դրանց պատրաստելու համար հարկավոր նյութը դուք հայթայթեցիք, իսկ այդ գործի ճարտարությունը Քրիստոսի ամենասուրբ ձեռքով կազմվեց. դա ընդունեցեք այդ սպասավորների ձեռքից և պսակակից կլինեք Ստեփանոսին»: Շատ լավ տեսնում էր նաև այն, որ սուրբ զեռ շողում էր երանելիների պարանոցի վրա:

Երբ սուրբ Ղևոնդն այս տեսա՛վ, որ այլևս շեն ուզում մեկ-մեկ հարցնել ու դատել, այլ միանգամից մահի հրաման տրվեց, ասաց երանելի Հովսեփին. «Մոտեցի՛ր, առա՛ջ գնա սրի զեռ, որովհետև աստիճանով դու բոլորից բարձր ես»: Եվ երբ այս ասաց, մեկը մեկի հետևից շարքով կանգնեցին. և որովհետև տազնապով ու շտապով ստիպում էին դահիճներին՝ միանգամից կտրեցին երանելիների պարանոցներն ու զցեցին սուրբ եպիսկոպոսի առաջ. իսկ նա հոգիներն ավանդելիս աղաղակեց և ասաց. «Տե՛ր Հիսուս, ընդունի՛ր մեր բոլորի հոգիները, և մեզ խառնի՛ր քո սիրելիների զնգերին»: Եվ նույն տեղում անմիջապես նահատակվեցին բոլորը:

Եթե կամենաս նրանց հետ հաշիվ անել նաև մոզպետին, որ հավատաց Քրիստոսին, թվով յոթն են, բացի նաև այն երկուսից, որ Վատգեսում¹⁰¹ նահատակվեցին, և Թաքիկ անունով մյուս եպիսկոպոսից, որ [նահատակվեց] Ասորեստանում: Իսկ այդ նույն տեղում վեց հոգի էին, որոնց անուններն են՝

Սահակ Ռշտունյաց եպիսկոպոս.

Սուրբ Հովսեփ Վայոց ձորից, Հողոցիմք գյուղից.

Ղևոնդ երեց Վանանդից՝ Իջավան գյուղից.

Մուշե երեց Աղբակից.

Արշեն երեց Բագրևանդից՝ Եղեգեկ գյուղից.

Քաջաջ սարկավազ, որտեղից Ռշտունյաց եպիսկոպոսն էր.

Իսկ երանելի Մոզպետը նյուշապուհ՝ քաղաքից.

Սամվել երեց Այրարատից՝ Արած գյուղից.

Աբրահամ սարկավազ՝ նույն գյուղից:

Արդ, Դենշապուհը, մոզպետն ու Ջնիկան մայակաբ նույն տեղում պահապաններ ընտրեցին ամեն մեկն իր սպասավորներից և այն անպատում, որտեղ այս վեց սրբերը նահատակվեցին, հրամայեցին երանելիների մարմինները պահել մոտ տասն օր կամ ավելի, մինչև արքու-

նի բանակն անցնի զնա, որպեսզի, ասում են, այլակրոնները չզան ու չվերցնեն դրանց ոսկրները և բաժանելով տարածեն ամբողջ աշխարհով մեկ, որով և մարդիկ աճելի ևս քաջալերվելով կ'առարկեն-կզնան նաժրացիների ազանդի հետևից:

Իսկ խուժիկը, որի մասին առաջ ասացինք, զենքով միասին սպասում էր այնտեղ պահապանների հետ, որպես նրանցից մեկը, իմաստությամբ լի և աստվածային գիտությամբ կատարյալ մի մարդ. նա սպասում էր և ականդատ նայում, թե ի՞նչ եղանակով հնար գտնի սրբերի ոսկրները զողանալու նրանցից:

Եվ երբ երեք օր անցավ, մեծ սարսափ ընկավ բոլորի վրա, և ինչպես թմրած ու կիսամեռ անկանգնելի վեր ընկած մնացին այն երեք օրը: Իսկ շորթորդ օրը պահապաններից երկուսը սաստիկ դիվահարվեցին: Գարձյալ կեսգիշերվան մոտ ահեղ ձայներ լավեցին և ներքևից որոտաձայն թնդուններ, երկրաշարժի զրդոցի նման. երկիրը զոռում էր նրանց ոտքերի տակ և սրբի շողջողալուց կայծակ էր թափվում նրանց շուրջը: Եվ տեսնում էին բոլոր դիակները կանգնած, և ատյանում ասածները բարձր ձայնով խոսում էին նրանց ականջին, այն աստիճան, որ նրանք՝ իրարանցման մեջ ընկնելով՝ միմյանց էին կոտորում: Եվ այսպես տազնապած ու ցնորված՝ ընկերն ընկերոջից փախուստ տալով՝ շփտեր, թե ուր էր գնում: Եվ գալով՝ մեծ զարմանքով պատմեցին այն բոլոր անցքերն ու շարշարանները, որ կրեցին:

Խորհրդի նստեցին երեք նախարարները և սկսեցին զարմանքով ասել միմյանց. «Ի՞նչ անենք, ինչպե՞ս վարվենք քրիստոնյաների այս անքննելի ազանդի հետ. որովհետև քանի կենդանի են, զարմանալի է նրանց կյանքը. ընշատյաց են՝ ինչպես անկարոտ մարդիկ, սրբասեր են՝ ինչպես անմարմինները, անաշառ են՝ ինչպես արդարադատ մարդիկ. աներկյուղ են՝ ինչպես անմահներ: Եթե այս բոլորի վերաբերմամբ ասենք, թե նրանք տգետ են և հանդուգն, հապա ա՛յն ինչ անենք, որ այստեղ բանակում եղած բոլոր ցավագարները նրանց շնորհիվ առողջանում են: Եվ կամ, որ այդ բոլորից մեծ է, ո՞ր մեռած մարդու դին է կանգնած երևացել. և ո՞վ է նրանից որևէ խոսք լսել:

«Որովհետև սուտ չեն [ասում] մեր սպասավորները. մենք ինքներս ստուգել ենք սրանց ճշտութունը: Եթե նրանք ուղենային մարմնավոր ազահություն խառնել զորժի մեջ, մի փոքրիկ ականարկ անեին բանակում եղած քրիստոնյաներին՝ իրենց կշռովը մեկ ոսկի կառնեին: Մեկ էլ՝ այն մարդիկ, որոնք զևի կողմից շարշարվեցին, ուրիշ ժամանակ նրանք ցավոտ չէին, մենք այդ գիտենք. հայտնի է, ուրեմն, որ այսօր մեծ հրաշք կատարվեց: Եթե լուր մնանք, մենք և մեր անձերը այդ-

պիտով կասկածի տակ կընկնեն. իսկ եթե դրանց տանենք թագաւորի առաջ, նա էլ դրանցից լսելով այդ բոլոր մեծամեծ հրաշքները, գուցե նույնիսկ մեր կրօնը քայքայվի»:

Պատասխան տվեց մոզպետն և ասաց նրանց. «Ձէ՞ որ ինձ ուստիկան կարգեցին ձեր երկուսիդ վրա. ինչո՞ւ եք այդպես սրտնեղվում ու տազնապում ձեզուձեզ, դուք ձեր գործը կատարեցիք և արքունի հրամանը գլուխ բերիք: Արդ, եթե այդ լուրն իմացվի և թագաւորի առաջ որևէ հարցուփորձ լինի, այդ մեր, մոզերիս, գործն է. դուք անհող եղեք և ոչ մի բանի մասին մի՛ մտածեք: Եվ եթե ձեր մտքերը զարհուրած են, առավոտը վաղ եկեք Գարիթի, որովհետև վաղն այնտեղ տեր Մովսէստան Մովսէսը զո՞ւ է մատուցանելու. նա էլ ձեր մտքերը կհանգրստացնի»:

Իսկ խուժիկը, երբ այս բոլորը լսեց և հասկացավ, որ այնուհետև նրանք հոգս չեն քաշելու սուրբ սպանվածների մասին, փութով շտապեց տասը մարդ վերցրեց, որոնց քրիստոնյա լինելու վրա վստահ էր, և հասնելով այնտեղ՝ բոլորին կարգին վիճակի մեջ գտավ: Եվ որովհետև դեռ կասկած ունեք նույն դահիճների վրա, այնտեղից սրբերին էլի հեռացրին երկու հրաստիի շափ: Եվ երբ ապահովվեցին, մաքրեցին, կարգի բերին երանելիների ոսկրները. բերին բանակը և ծածուկ պահում էին. և կամաց-կամաց հայտնեցին նախ հայ զորականներին, ապա նաև բանակում եղած բազմամիլ քրիստոնյաներին: Եվ ընծայի առաջին պտուղը մատուցին կապված նախարարներին. և նրանք խսկույն և եթ արձակվեցին իրենց կապանքներից¹⁰², մահվան սպառնալիքը վերացավ նրանց վրայից, և ներման հրովարտակներ ուղարկվեցին Հայոց աշխարհը:

Այս երանելի խուժիկը, որ արժանի եղավ ծածուկ սպասուվոր լինելու սրբերին, ինչ որ նրանց մահից մինչև այժմ ասվեց իբրև այս վճախ դատակնիք՝ սա՛ պատմեց մեզ կարգով այս ամենը—չարաշար քարշ տալը, դատաւորների հարցուփորձը, սրբերից յուրաքանչյուրի պատասխանները, նրանց նահատակութունը և պահապանների կրած ահագին արհավիրքները, և երեք նախարարների հեծեծանքն ու տարակուսանքները, և նրանց սուրբ ոսկրների ամփոփումը ո՛չ թե խառնիխուռն մի տեղ ժողովելով, այլ նրանցից ամեն մեկը առանձին-առանձին՝ վեց տապանների մեջ ժողոված. և յուրաքանչյուրի անունն էլ սովորել ու տապանների վրա նշանակել էր: Եվ երկաթե կապանքները դրել էր յուրաքանչյուրի ոսկրների հետ, որովհետև դահիճները դեն էին գցել. ինչպես նաև նշանակել էր յուրաքանչյուր տապանի հանդերձանքը:

Եվ սրանք վեցը իրենց սուրբ և ցանկալի մահով նահատակվեցին Հրոտից ամսի քսանհինգին Ապար աշխարհի մեծ անապատում՝ Նյուշապուհ քաղաքի սահմաններում:

ԳԱՐՁՅԱԼ ՆՐԱՆՑ
ԽՈՍՏՈՎԱՆՈՂ ԱՇԱԿԵՐՏՆԵՐԻ ՄԱՍԻՆ

Իսկ երանելիների աշակերտները կապանքների մեջ մնում էին նույն քաղաքի ներսում. արքունի մի դահճապետ եկավ և նրանց քաղաքից դուրս հանեց:

Նույն քաղաքից դուրս հանեց նաև հինգ ասորեստանցի քրիստոնյաների, որոնք նույնպես կապանքների մեջ էին Քրիստոսի անվան համար. սրանց հարցրեց խոսքերով, բայց չհամաձայնեցին արեզակին երկրպագություն տալ: Չարշարեց նրանց ծեծելով, բայց նրանք ավելի ևս հաստատվեցին նույն մտքի մեջ. կտրեց նրանց բթերն ու ականջները և ուղարկեց Ասորեստան, որ արքունի [գործերում] մշակություն անեն: Նրանք զնացին մեծ հոժարությամբ, կարծես թե մեծ պարզեցրեց ստացած լինեին թաղավորից:

Այժմ դարձյալ եկավ նույն դահճապետը սուրբ սպանվածների աշակերտների մոտ, ընտրեց նրանցից երկուսին, որոնք ամենից համեստներն էին, մյուսներից հեռացրեց մի կողմ և ասաց նրանց. «Ձեր անուններն ի՞նչ է»:

Մեկը պատասխան տվեց և ասաց. «Մնողներս իմ անունը Խորենն էր ել, իսկ դրա անունն Աբրահամ է. իսկ ըստ մեր շնորհատուր կարգի՝ Քրիստոսի ծառաներն ենք և այն երանելիների աշակերտները, որոնց սպանեցիք»:

Պատասխան տվեց դահճապետը և ասաց նրանց. «Իսկ այժմ ձեր գործն ի՞նչ է, և կամ թե՛ ո՞վ է ձեզ այստեղ բերել»:

Այս բանին Աբրահամը պատասխան տվեց և ասաց. «Այդ դուք պետք է մեր ուսուցիչներից իմանալիք, որովհետև նրանք շնչին մարդիկ չէին, այլ բավական հայրենի ստացվածքներ ունեին ըստ արժանիքի, այնպես էլ սպասավորներ, ո՞րք մեզ նման և ո՞րն էլ մեզանից ավելի լավ. ովքեր մեզ սնուցել և սովորեցրել են, նրանց հետ ենք եկել: Որովհետև մեր աստվածատուր օրհնքները պատվեր են տալիս մեզ՝ սիրելի նրանց ինչպես սուրբ ծնողների և ծառայել նրանց իբրև հոգևոր տերերի»:

Չայրացավ դահճապետն ու ասաց. «Անկիրթ և աներկյուղ ապրու-

տամբի նման եւ խոսում: Քանի որ խաղաղության մեջ և ձեր աշխարհում էիք, լավ էր. բայց երբ նրանք քրեական հանցանքի մեջ բռնվեցին արքունի գործերում և մահապարտ համարվեցին իրենց գործերի համեմատ, ձեզ վայել չէր ամենևին նրանց մոտ գնալ: Չե՞ք տեսնում այս մեծ բանակի մեջ [ինչպես է լինում]. երբ պատվավորներից որևէ մեկը արքունի ժամանակավոր բանտն է բնկնում, սգի շորեր է հագնում, ջուղում-հեռանում է և միայնակ է նստում և ամենևին ոչ որ շի համարձակվում մոտ գնալ նրանց: Իսկ դու այդպես պարծենալով եւ խոսում, ինչպես մի անմեղ մարդու աշակերտ»:

Սրան պատասխան տվեց Խորենը և ասաց. «Ո՛չ ձեր կարգն է անիրավ և ո՛չ մերը սուտ. հանցավոր նախարարը ումից որ պարզե էր ստացել, այնպես պետք է հնազանդ լիներ նրան, որ բացի իր ունեցած շուքից ուրիշ մեծամեծ պարզներ էլ ստանար նրանից: Արդ, քանի որ այդ շի արել, նրան ձախողակի հակառակ բաներն են պատահել: Եվ մեր ուսուցիչներն էլ, եթե հանցանք գործած լինեին աստծու դեմ և կամ որևէ կերպ մեղանշած թագավորի դեմ, նույն ձևով էլ մենք նրանց հետ կվարվեինք. ո՛չ մեր աշխարհում նրանց մոտ կգնայինք և ո՛չ էլ նրանց հետևից այս օտար աշխարհը կգայինք: Բայց քանի որ երկու կողմերի վերաբերմամբ էլ արդար են վարվել, և դուք զուր ու անմեղ սպանեցիք նրանց, այժմ մենք է՛լ ավելի ենք սպասավորում նրանց սուրբ ոսկերեներին»:

Դահճապետն ասաց նրան. «Ես արդեն առաջուց ասացի, թե դու մի շատ հանդուգն մարդ ես. ահա պարզ հայտնվեց, որ նրանց բոլոր հանցանքների մեջ դուք էլ խառն եք»:

Աբրահամն ասաց. «Ո՞ր հանցանքի»:

Դահճապետն ասաց. «Նախ՝ մոզերի սպանման և ապա մնացած բոլոր հանցանքների մեջ»:

Աբրահամն ասաց. «Այդ ո՛չ միայն մեզնից է, այլ նաև ձեր օրենքների կարգի համեմատ. թագավորները հրաման են տալիս ձեզ, իսկ դուք գործում եք ձեր սպասավորների ձեռքով»:

Դահճապետն ասաց. «Մի՛հր աստուծով եմ երզվում, որ դու ավելի խիստ եւ խոսում, քան թե քո ուսուցիչները, զրանից երևում է, որ դուք նույնիսկ ավելի վնասակար եք: Արդ, ձեզ համար մահվանից փրկվելու հնար չկա, բացի արեգակին երկրպագելուց և մեր կրոնի պատվերները կատարելուց»:

Խորենն ասաց. «Մինչև այժմ իբրև մարդ էիր շարախոսում, իսկ այժմ իբրև անպիտան շուն ես վայրահաշում: Եթե արեգակն ականջներ ունենար, դու նրան նախատել կտայիր. բայց նա բնությամբ անզգա է,

իսկ դու շարությամբ ավելի անզգա ես, քան թե նա: Ինչի՞ մեջ մեզ ավելի պակաս տեսար, քան մեր հայրերն էին: Չլինի՞ թե խոսքերով ուզում ես փորձել մեզ, այլ հանդես բեր քո շարությունն ու մեր բարությունը, և թող ամօթով մնա քո հայր սատանան ո՛չ միայն մեզնից, որ ավելի կատարյալ ենք, այլև ով քեզ խիստ փոքրիկ է թվում, նա էլ սաստիկ վերքեր կհասցնի քո հոգուն ու մարմնին»:

Երբ այս լսեց դահճապետը՝ սաստիկ բարկացավ նրանց վրա: Առաջիններից ավելի զետնաբարձ անել տվեց նրանց. և այնքան սաստիկ զետնաբարձ արին, որ շատերը կարծեցին, թե մեռան:

Բայց երբ երեք ժամ անցավ, նորից սկսեցին խոսել երկուսը և ասացին. «Քիչ ենք համարում այս անարգանքը և ոչինչ մեր մարմնին տված ցավերը՝ աստծու մեծ սիրո հանդեպ, որով նահատակվեցին մեր հոգևոր հայրերը: Հապա՛, կանգ մի՛ առնի և մի՛ դադարի, այլ ինչ որ նրանց վերաբերմամբ արիր, նույնը կատարի՛ր նաև մեր վերաբերմամբ: Եթե նրանց գործերը քեզ վատթար են թվում, մերը կրկնապատիկ համարիր. որովհետև նրանք խոսքով էին հրամայում, իսկ մենք գործով կատարում էինք հրամայվածը»: Այն ժամանակ էլ ավելի զայրացավ նրանց վրա և հրամայեց մահու ծեծ տալ նրանց: Նրանցից ամեն մեկին վեցական դահիճ փոխվեց, և մինչդեռ կիսամեռ ընկած էին զետնի վրա, հրամայեց երկուսի ականջները տակից կտրել: Եվ այնպես խոր կտրեցին, որ կարծես երեք իրենց տեղում չէին եղել:

Սաստիկ հարվածներից զարթնեցին ինչպես քնից, սկսեցին աղաչել ու պաղատել և ասացին. «Աղաչում ենք, քեզ, թագավորի բա՛ջ դինվոր, կա՛մ մեզ էլ մահով սպանի՛ր, ինչպես մեր հայրերին, և կամ մեր պատիժն էլ վերջիններիս նման արա: Որովհետև ահա մեր լսելիքն առողջացան երկնային առողջությամբ, իսկ հոտոտելիքը դեռ մնում են իրենց տեղերում ցավ ու շարձարանքի մեջ. կիսապարզև մի՛ առնի մեզ երկնքի բարությունից: Մեր մարմինները սրբեցին բարձ տալով և մեր լսելիքը՝ կտրելով. սրբի՛ր նաև մեր քթերը կտրելով. որովհետև որքան մեզ տգեղացնես այս հողեղեն [մարմնով], այնքան ավելի կզեղեցկացնես հոգևորով:

Դահճապետը մեղմորեն պատասխան տվեց և ասաց. «Եթե ես ավելի երկար մնամ ձեզ մոտ, կարծեմ ինձ էլ ձեր համառության աշակերտ կդարձնես: Ահա հայտնում եմ ձեզ նաև թագավորի կամքը: Ձեզ պատժելու վերաբերյալ եղած հրամանն այդքան էր. իսկ այդ պատժից հետո դուք պետք է դնաք Ասորեստան և մշակություն անեք արքունի գործերում. որպեսզի ով ձեզ նայի՝ այդ նույն համառության մեջ հաստատ շնա թագավորի հրամանների դեմ»:

Երանելիներն ասացին նրան. «Դու մեր երկիրը կիսագործ թողիր, մենք արքունի երկրում մեր կես մարմիններով շենք կարող աշխատել»:

Երբ այս լսեց դահճապետը, նրանց տանող գինձորներին աղաչեց և ասաց. «Այստեղից դուք առեք գնացեք միայն, երբ Ասորեստան հասնեն, թող շրջեն՝ ուր կամենում են»:

Սրանք են հայոց կատարյալ խոստովանողները, որոնք ուրախությամբ իրենց անձերի վրա ընդունեցին խեղությունն ու շարշարանքը: Բայց որովհետև ազատվեցին սուրբ մահից, սգով ու տրտմությամբ էին գնում երկար ճանապարհը: Նրանց ծանր շէին թվում ոտների և ձեռների կապանքները, այլ ավելի այն, թե ինչո՞ւ արժանի չեղան հավասարվելու քաջ նահատակներին:

Երբ նրանց տարան-հասցրին Բարելացոց երկիրը, մի գավառ, որ Շահուղ է կոչվում, թեպետև արքունի պատժի ենթակա էին, սակայն թե՛ հայտնի և թե՛ գաղտնի մեծ ընդունելություն գտան այն երկրի բնակիչների կողմից: Բայց երանելիներն, այնուամենայնիվ, խիստ տխուր էին այն իմաստով, թե քիչ ենք աշխատել և շատ ենք հանգստանում. և շարունակ նույն մտատանջության մեջ էին:

Նրանք աշխատում էին տեսնել նախարարների սուրբ կապանքները, ծառայել նրանց մարմնավոր պիտույքներին: Այս բանն իմաց տվին այն երկրի մեծամեծներին, որոնք քրիստոնեություն նույն սուրբ ուխտի մեջ էին: Եվ բոլոր մեծամեծներն ու փոքրերը հավանություն տվին սրան՝ հայտարարել ամբողջ երկրում, որ ամենքն էլ համաձայն լինեն մարմնավոր պիտույքներ [հայթայթելու] միջոցով մասնակից լինել սուրբ կապվածներին հեռավոր օտարության մեջ:

Եվ այսպես տարեցտարի ժողովում էին յուրաքանչյուր մարդու կարողության համեմատ, ո՞րից քիչ և ո՞րից շատ, ում ձեռին ինչ որ պատրաստ կար, թե՛ դրամ և թե՛ դահեկան, ժողովում-պատրաստում և տալիս էին երանելիներին, որ տանեն նրանց: Եվ այսպես ծառայեցին նրանք, մինչև լրացավ սպասավորության տասը տարին:

Եվ որովհետև խիստ դաժան կյանքի մեջ էին այն շոգ երկրում և անդադար ճանապարհորդում էին նույն Շահուղ, Մեշոփն և Քաշկար երկրներում և ամբողջ Ասորեստանում ու Խուժաստանում, սաստիկ տոբից խորշակահար մեռավ սուրբ Խորենը և ամփոփվեց այն երկրի բնակիչների կողմից սուրբ վկաների հետ:

Իսկ երանելի Աբրահամը շարունակ նույն առաքինի գործն էր կատարում. շրջում-հավաքում էր հավատացյալների բոլոր տուրքերը և տանում էր մեծ հեռաստանը և անձամբ բաժանում յուրաքանչյուրի կարիքների համեմատ: Եվ այսպես շարունակվեց մինչև պատժվածների տասն-

երկուերորդ տարին, մինչև որ բոլորը միասին աղաչեցին նրան, որ համաձայնի զնալ Հայոց աշխարհը, որպեսզի երբ նա հասնի նրանց մոտ, նրա մեջ տեսնեն նաև այն քաջ նահատակներին, որոնք սպանվեցին սրով, նրանում տեսնեն նաև շարշարանքների սուրբ կապանքները:

Եվ երբ մարտիրոսները, խոստովանողներն ու կապվածները հանձին նորա տեսնվեն, նրա շնորհիվ կօրհնվի ամբողջ աշխարհը, նրա շնորհիվ կօրհնվեն ու կաճեն նրանց երեխաները, նրանով կզգաստանան և կիմաստանան նրանց ծերերը, նրա շնորհիվ նրանց իշխանները մարդասիրություն կստվորեն, նրա շնորհիվ Աստծուց գուժ կընկնի թագավորի սիրտը՝ շենացնել ամբողջ երկիրը և խաղաղություն տալ նրան: Նրանով կպարծենան եկեղեցիներն իրրև կատարյալ և քաջ զինվորով, նրանով կզարգարվեն վկայարանները, նրանով վկաներն էլ կցնծան և կրերկրեն: Նրանով նաև Ավարայրի դաշտը պայծառանալով՝ ծաղիկներով կլցվի, ո՛չ թե անձրևաբեր ամպերից, այլ նահատակների սուրբ արյունով և նրանց ցիրուցան եղած սուրբ ոսկրների սպիտակությամբ: Երբ խոստովանողն իր բազմավաստակ ոտքը զնի պատերազմի լայնատարած տեղերը, թեև ըստ իր բնության հող է, երբ կենդանի մարտիրոսը շրջի այնտեղ, կենդանին կենդանիների մոտ զնալով՝ ամբողջ աշխարհը նորից կենդանություն կստանա:

«Գիտենք, ասում են, երբ սրան տեսնեն Հայոց աշխարհի բոլոր միայնակյացները, սրանով կհիշեն պատերազմողների հոգևոր խմբերին, որոնք իրենց անձը, ասում են, մեր փոխարեն մահվան ենթարկեցին և իրենց արյունը թափեցին իրրև հաշտության դո՛հ աստծուն: Սրանով կհիշեն այն սուրբ քահանաներին, որոնք սրախողխող արվեցին այս օտարության մեջ և իջեցրին թագավորի սաստիկ բարկությունը: Սրանով թերևս մեր կապանքներն էլ հիշեն և աղոթք անելով խնդրեն աստծուն, որ մեզ համար գերությունից դարձ լինի զեպի մեր հայրենի երկիրը:

«Որովհետև սաստիկ փափագում ենք ո՛չ միայն մարմնավոր կարոտը լցնելու, այլ ավելի ևս տեսնելու մեր սուրբ եկեղեցիներն ու մեր սրբասեր պաշտոնյաներին, որոնց մենք նշանակեցինք ու հաստատեցինք այնտեղ: Եվ եթե մյուս անգամ աստված հաշողի մեզ զնալ և լրացնել մնացածների կարոտությունը, գիտենք, որ աստված մեզ համար էլ կրանա իր ողորմության դուռը՝ միևնույն ճանապարհով զնալու, որով այս սրբի ոտքերը կառաջնորդեն»:

Այս խորհուրդը մտածելով աստվածաշնորհ նախարարները՝ մեծ թախանձանքով առան խոստովանողի հավանությունը: Եվ որովհետև երբևք սովորություն շունեք բարի բանին հակառակ զնալ, իր նախկին

սովորութիւն համեմատ այստեղ էլ շտապեց շուտով կատարել աստվածային առաքինութիւն հետևողների միաբան հրամանը: Եկավ-հասավ Մեծ Հայոց աշխարհը:

Իսկույն շտապեցին և նրա առաջ դուրս եկան տղամարդիկ և կանայք, մեծերն ու փոքրերը և ազատների ու շինականների ամբողջ բազմությունը: Ընկնում էին և փաթաթվում սրբի ոտներով ու ձեռներով և ասում. «Օրհնված լինի տեր աստվածը բարձունքում, որ երկնքից մեզ համար պատգամաբեր ուղարկեց՝ հարութիւն ավետիս բերելու մեզ, որպեսզի արքայութիւն ժառանգ լինենք: Որովհետև ահա քո մեջ կերպարանք առած ենք տեսնում հարութիւն հուանով բոլոր հրաժարվածների և արձակման ակնկալություն ունեցող կապվածներին: Քո մեջ ենք տեսնում նաև մեր աշխարհի շինությունը խաղաղութիւնով մեր եկեղեցիները ցնծում են և բերկրանքի մեջ են, և քեզանով մեր սուրբ վկաները անդադար բարեխոս կլինեն մեզ համար աստծու մոտ: Օրհնի՛ր մեզ, մե՛ր սուրբ հայր, դու հանգուցյալների բերանն ես, մեզ հետ խոսի՛ր հայտնի օրհնութիւնով, որպեսզի մեր հոգիների մեջ ծածուկ լսենք սրբերի օրհնությունները:

«Ճանապարհ բաց արի՛ր նրանց համար, ովքեր փափագում էին զալ իրենց երկիրը. խնդրի՛ր Աստծուց, որ շուտով գան սուրբ կարապետից հետևից: Եվ ինչպես որ բաց արի՛ր երկրի արգելված ճանապարհը, երկնքում էլ բա՛ց արա մեր աղոթքների դուռը, որպեսզի մեր՝ մեղավորներին՝ պաղատունքն էլ հասնի աստծու առաջ նույն կապվածների բարեխոսութիւն համար. և քանի դեռ այս մահկանացու մարմինների մեջ ենք, ինչպես որ տեսանք քո երանելի սրբությունը, տեսնենք նաև մեր անձկալի սիրելիներին, մենք, որ շատ ժամանակներից ի վեր կոտորված ու պաշարված ենք մեր հոգիներով ու մարմիններով: Արդ, հավատում ենք անսուտ հույսին, որ ինչպես կատարվեց-լրացավ քո սուրբ սիրո մեծ տեսիլը, այնպես էլ մոտ ժամանակներս կտեսնենք Քրիստոսի ճշմարիտ վկաններին, որոնց երկնավոր գեղեցկութիւն տեսքին փափագում ենք շարունակ»:

Բայց երանելի խոստովանողը, թեպետև այսպես սիրով ընդունվեց ամբողջ աշխարհի կողմից, ամենևին չուզեց որևէ մեկին մոտենալ մարմնավոր կարիքների բավարարման համար, այլ ընտրեց իրեն համար բազմամրոխ ժողովրդից մեկուսի մի տեղ և երեք առաքինի եղբայրների հետ մեծ ճգնութիւնով ավարտեց իր կյանքը:

Եթե մեկը կամենա նկարագրել, դժվար թե կարողանա պատմել նրա առաքինի վարքը: Որովհետև եթե նրա տքնությունն ասես, անշեշ կանթեղի նման վառվում էր ամբողջ գիշերներ. թե սակավապատություն

ասես կերակուրների վերաբերմամբ, համարյա թե անկերակուր հրեշտակներին էր նմանվում: Եթե հեղությունն ու խոնարհությունն ուզենաս ասել, կենդանի էակների մեջ շեւ կարող նրա նմանը գտնել. իսկ եթե անընշասիրությունն ուզենաս ասել, ինչպես որ մեռած մարդը կայրով շի խարվի, այդպես էլ ճշմարտությամբ իմացիր այս երանելու վերաբերմամբ:

Անդադար ձայնով շարունակ պաշտամունք էր մատուցանում և անհատնում աղոթքով միշտ աստծու հետ խոսում էր բարձունքում: Աղ եղավ նա անմահացածների համար, և զրդիշ խթան հանդիսացավ բոլոր ծուլացածների համար: Նրանով պախարակվեց ազահությունը, և շվայտ որկրամոլությունը սաստիկ ամաշեց նրա շնորհիվ: Նա առողջություն եղավ Հայոց աշխարհի համար և շատ վիրավորները գաղտնի կերպով առողջություն գտան նրա շնորհիվ: Նա կատարյալ ուսուցիչ եղավ իր ուսուցիչների համար և խրատատու սուրբ հայր՝ իր հայրերի համար: Նրա համբավը լսելով՝ իմաստնացան տղետները, և նրա մոտիկությունը տեսնելով՝ զգաստացան լկտիները: Մարմնով բնակվում էր մի նեղ խցի մեջ, իսկ նրա սրբությունն ահա պատել էր թե՛ հեռավորներին և թե՛ մերձավորներին: Գեները զարհուրեցին և փախան նրանից, հրեշտակներն իջան և շրջապատել էին նրան:

Հույները նրա պատճառով երանի տվին Հայոց աշխարհին և շատ բարբարոսներ շտապեցին տեսնել նրան մարմնով: Նա սիրելի եղավ աստծու սիրելիներին և ճշմարտության թշնամիներից շատերին առաջնորդեց դեպի սուրբ սերը: Իր առաքինության սկիզբը հենց մանուկ հասակից զրեց և նույն առաքինությամբ հասավ մինչև իր կյանքի վերջը: Ինչպես որ աշխարհիս սուրբ ամուսնություն կարգի մեջ շմտավ, այնպես էլ այս աշխարհի բոլոր ապականացու բաների մարմնավոր պետքին շենթարկվեց: Եվ եթե պետք է պարզորեն ասել, ինչպես որ մարմնի պիտույքները փոխեց հոգևոր պիտանացու բաների հետ, հենց այնպես էլ երկրից երկինք փոխադրվեց:

ԱՅՆ ՆԱԽԱՐԱՐՆԵՐԻ ԱՆՈՒՆՆԵՐԸ

Որոճք իրենց հոծար կամֆով Քրիստոսի սիրու համար իրենց ան-
ձերը արժուճի կապանքների հանձնեցին

Սյունյաց ցեղից երկու հղբայրներ Բարզեն և Բակուր.

Արծրունյաց ցեղից՝ ներշապուհ և Շավասայ և Շեզին և Մեհրուժան
և Պարզև և Տանատ.

Մամիկոնյան ցեղից՝ Համազասպյան և Համազասպ և Արտավազ
և Մուշեղ.

Կամսարականների ցեղից՝ Արշավիր և Քար, Վարձ, Ներսիս և
Աշոտ.

Ամատունյաց ցեղից՝ Վահան և Առանձար և Առնակ.

Գնունյաց ցեղից՝ Ատոմ.

Դիմաքսյանների ցեղից՝ Քարոյ և Սատոյ, երկու այլ ընկերներով.

Անձևացյաց ցեղից՝ Շմավոն և Զվարեն և Առավան.

Առավելոյանների ցեղից՝ Փապակ և Վարազդեն և Գատ.

Արծրունյաց տոհմից՝ Ապրսամ.

Մանդակունյաց տոհմից՝ Սահակ և Փարսման.

Տաշրացյաց ցեղից՝ Վրեն.

Ռափսոնյան տնից՝ Բարիկ և Հոհան:

Այս երեսունհինգ մարդկանցից ոմանք ավագ նախարարներից
էին, ոմանք կրտսերներից, բայց բոլորն էլ մարմնով նախարարազուն-
ներ են, իսկ հոգևոր առաքինությամբ՝ բոլորն էլ երկնային քաղաքացի-
ներ: Եվ ուրիշ շատ ազատ մարդիկ էլ, ոմանք թագավորական տնից և
ոմանք հենց նույն նախարարների տնից, քաջ նահատակների նիզակա-
կիցներ ու մարտակիցներ: Սրանք բոլորն էլ հոծարակամ հանձնվեցին
շարշարանքների սուրբ կապանքներին:

Բայց մենք այժմ ո՛չ միայն այս բանի վրա ենք զարմացած, որ
կամովին գնացին, փորձության մեջ ընկան, այլ ավելի այն բանի վրա
ենք սքանչացած, որ նրանց նման փափկակյաց մարդիկ, ձյունապատ
լեռների լայնարձակ ապրած բնակիչները խորշակաբեր դաշտերի բնա-
կիչ դարձան: Նրանք, ովքեր ազատ էրենների նման շրջում էին ծաղկաբեր
սարերում, ձեռքերն ու ոտքերը կապած զցվեցին Արևելքի բոցակեղ աշ-

խարհը: Հացի նեղութեան և ջրի կարոտութեան մեջ էին, ցերեկը խաղա-
րում և գիշերն անլույս, անվերարկու և անանկողին, զաղանների նման
գետնին փռված ինը տարի և վեց ամիս¹⁰³, Եվ այնպիսի մեծ ուրախու-
թյամբ էին տանում այդ նեղութիւնը, որ ոչ ոք ամենին տրտունջ ու
հայհոյանք չլսեց նրանց բերանից, այլ հորդառատ գոհացողութուն՝
աստվածապաշտութեան մեջ գտնվող բարեկեցիկ մարդկանց նմանու-
թյամբ:

Եվ մինչդեռ նրանք այսպիսի նեղութեան մեջ էին, կասկած ընկավ
թագավորի սիրտը, թե սաստիկ տառապանքի պատճառով ձանձրացած
կլինեն իրենց դառն կյանքից: Նրանց մոտ ուղարկեց մեծ հազարապե-
տին և ասաց. «Գոնե այսուհետև զգաստացեք ձեզ ու ձեզ, և նույն հա-
մառութեան մեջ մի՛ մնաք. երկրպագեցեք արեգակին, և կարծակվեք
այդ շարաշար կապանքներից և ամեն մեկդ կրկին տեր կդառնաք ձեր
հայրական գույքին»:

Պատասխան տվին երանելիներն ու ասացին. «Փորձելու համար ես
եկել-հարցնում մեզ, թե՞ իսկպես թագավորն ինքն է ուղարկել քեզ»: Հազարապետը
երգվեց և ասաց. «Ասածիս մեջ ավելի կամ պակաս խոսք
չկա, որ նրա բերանից դուրս եկած չլինի»: Այն ժամանակ ասացին նրան.
«Ովքեր մի անգամ աշակերտել են ճշմարտութեանը, այլևս երբեք ետ
չեն դառնա նրանից, այլ ինչ որ կան՝ այնպես էլ մնում են: Մի՞թե այն
ժամանակ շիմանալուց էինք պնդում, և այսօր նեղութիւնն իմաստ-
նացրեց մեզ. այդպես չէ: Այլ մենք ափսոսում ենք այն բանի համար,
թե ինչու՞ մենք էլ առաջինների հետ չվերջացրինք մեր կյանքը: Իսկ
այժմ աղաչում ենք քեզ և քո միջոցով ձեր թագավորին՝ այդպիսի բա-
ների մասին մեզ այլևս մի՛ հարցնեք, այլ ինչ որ մտքներումդ գրել եք
մեր վերաբերմամբ՝ կատարեցե՛ք»:

Երբ մեծ հազարապետն այս լսեց, իր մտքում շատ գովեց նրանց
հաստատամտութիւնը, և այնուհետև սկսեց նրանց սիրալիրութիւնն ցույց
տալ, ինչպես աստու սիրելիների: Եվ շատ հորդորական խոսքերով թա-
գավորին համոզում էր, որ նրանց ների և արձակի իրենց կապանք-
ներից: Որովհետև նա թեպետև փոխվեց արքունի հազարապետութեան
պաշտոնից, և շատ բաներում վնասակար ճանաչվեց, ինքը հենց իրեն
էր համարում Հայոց աշխարհի ավերման պատճառը, ուստի և մեծ անար-
գանքով իր տունն ուղարկվեց, սակայն կապվածների մասին երբեք չէր
ուզում շարախոսել՝ մինչև իր կյանքի վերջը:

Իսկ երանելիներից շատերը, որոնք ավելի երիտասարդ էին, սովո-
րեցին իրենց հայրենի երկրի գիրն ու զրականութիւնը, և այն դարձավ
նրանց համար հոգևոր կերակուր, որով իրենց խրախուսում էին և ըն-

կերներին մխիթարում: Եվ այնպես զմայլվեցին իրենց մտքով ու հոգով, որ նրանց ծերագույններն անգամ փափկացան, երիտասարդացան, մանկացան: Որովհետև թեպետ նրանց ուսման ժամանակներն անցել էին, սակայն բազմաթիվ սաղմոսներ բերան անելով՝ հոգևոր երգակից էին դառնում մանուկների մատաղերամ բազմությանը:

Եվ այնպես էին պայծառացնում սրբության պաշտամունքը, մինչև որ դաժան դահիճներից ումանք հրապուրվում էին՝ լսելով նրանց երգերի քաղցրությունը, և որքան իրենց ձեռքից գալիս էր, թագավորի հրամանից դուրս գլուխը չէին տալիս նրանց, սեր ու խնամք էին ցույց տալիս բոլորին և շատ անգամ հոգում էին նրանց մարմնավոր կարիքները: Մանավանդ որ աստծու հաջողությամբ բժշկության հրաշքներ էլ էին կատարվում նրանց ձեռքով: Ինչպես որ դիվահարներից շատերը բժշկվեցին այն քաղաքում, որտեղ գտնվում էին կապվածները: Քանի որ նրանց մոտ ոչ մի քահանա չկար, նրանց էին դիմում քաղաքի հիվանդներն ու ցավագարները, և նրանցից ստանում ամեն մեկն իր հիվանդության բժշկությունը:

Այլև այն աշխարհի մեծ իշխանը, որի անունը Հարեշղոմ Շապուհ էր, և որին հանձնված էին բոլոր պատժվածները, շատ գուժ ու սեր ցույց տվեց նրանց բոլորին: Նրանցից ծերերին հոր տեղ էր բնդունում, իսկ ավելի փոքրերին զգվում էր իրրև իր սիրելի որդիների: Շատ անգամ գրեց արքունիք և հայտնեց կապվածների տառապանքն ու նեղությունը, և նրանցից յուրաքանչյուրի ազնիվ վարք ու բարքը բացատրել նրանց մեծամեծների առաջ ճգնում, ամեն տեսակ հնարքներով ջանք էր գործ դնում, մինչև որ շատ բարեխոսների միջոցով թագավորի հաճությունն առան: Հրամայեց նրանց կապանքներն արձակել և վերացնել նրանց վրայից պատժի սուզը և նրանց նախարարությանը վայել զգեստ հագցնել: Նրանց ոռճիկ կարգեց և հրամայեց ամբողջ սպառազինությունն արքունիքից տալ: Գրեց և հանձնարարեց մեծ սպարապետին, որ արքունի գործի հետ պատերազմելու գնան:

Եվ երբ այսպես կարգադրվեց ու կատարվեց թագավորի նոր հրամանը, շատ տեղերում, ուր որ նրանք հասան, գերազանց գտնվեցին՝ քաջության գործում, այնպես որ նրանց մասին գովասանության գրություն էլ գրվեց Դուռը: Թագավորի սիրտն այնպես քաղցրացավ, որ հրամայեց բոլորին իր առջև բերել: Եկան և ներկայացան արքայից արքա Հազկերտին: Ուրախ-զվարթ հանդիպեց նրանց, հանդիսա խոսքերով խոսեց նրանց հետ և խոստացավ ամեն մեկին իր իշխանությունը տալ հայրենի պատվի կարգով և նրանց իրենց աշխարհն ուղարկել՝ քրիստո-

նեական կրօնը պաշտելու, որի համար այնքան մեծամեծ շարժարանքներ էին կրել:

Եվ մինչդեռ նրանք այնտեղ մեծ ուրախությամբ [ազատ] շրջում էին բանակում թագավորի առաջ, այդ նույն ժամանակ հասավ թագավորի կյանքի վերջը՝ իր թագավորության տասնիններորդ տարում: Եվ միմյանց հակառակ դուրս գալով՝ նրա երկու որդիները կովում էին թագավորության համար. այս դժնդակ պատերազմի գործը սաստկություններ շարունակվեց երկու տարի:

Մինչդեռ նրանք այս խռովության մեջ էին, ապստամբեց նաև Աղվանից թագավորը. որովհետև նրանց քնոթդին էր և հայրենի հավատի համաձայն առաջ քրիստոնյա էր, և արքայից արքա Հազկերտը նրան բռնությամբ մոգական կրոնին էր դարձրել: Եվ նա իրեն համար հարմար ժամանակ ընտրելով՝ իր անձը մահվան վտանգի ենթարկեց. ավելի լավ համարեց պատերազմում մեռնել, քան թե ուրացություն թագավոր լինել: Այս բոլորի պատճառով ուշացավ նրանց [Հայոց] աշխարհն ուղարկելը:

Իսկ Հազկերտի կրտսեր որդու դայակը, որի անունը Ռահամ էր Միհրան տոհմից, թեև տեսավ Արյաց զորքը, երկու մասի բաժանված, բայց մեկ կիսով զազանաբար հարձակվեց թագավորի երկու որդու վրա. շարժեց, կոտորեց նրա զորքը և թագավորի որդուն ձեռքակալելով՝ հրամայեց տեղն ու տեղը սպանել: Իսկ մնացած զորքն էլ հավանության բերեց և միաբանություն հաստատեց Արյաց ամբողջ զորքի մեջ, և թագավորեցրեց իր սանին, որի անունը Պերոզ էր:

Թեպետև Արյաց աշխարհում կատարյալ խաղաղություն հաստատեց, բայց Աղվանից թագավորը չէր ուզում նորից ծառայության տակ մտնել. այլ նա բանդեց ճորտ պահակը և Մասբութների զորքն այս կողմն անցկացրեց. միաբանեց տասնամեկ լեռնական թագավորներին և պատերազմով ընդդեմ կացավ Արյաց զորքին և մեծ վնաս պատճառեց արքունի զորքերին: Թեպետ երկու-երեք անգամ աղաչանքի գրություններ ուղղեցին նրան, բայց չկարողացան այդ մարդուն համոզել. նա գրով ու պատգամներով հանդիմանում էր նրանց՝ Հայոց երկիրն իզուր տեղը ավերելու համար: Նրանց հիշեցնում էր նախարարների մահը և կապվածների շարժարանքները: Ասում էր՝ «Այնչափ սիրո և վաստակների համար փոխանակ կյանք շնորհելու նրանց արևը խավարեցրիք: Լավ կլինի ինձ համար ասում է, նրանց շարժարանքները հանձն առնել, քան թե քրիստոնեությունը թողնելը:

Եվ երբ տեսան, որ ո՛չ բռնությամբ և ո՛չ էլ սիրով չկարողացան համոզել նրան, շատ գանձեր ուղարկեցին հայլանդուրների աշխարհը,

բաց արին Ալանների դռները¹⁰⁴, շատ զորք հանեցին հոներից և մե՛ տարի կովեցին Աղվանից թագավորի դեմ: Թեպետև նրա զորքը ցրվեց ու հեռացավ նրանից, սակայն նրան շկարողացան հնազանդեցնել, այլ դերը մեծամեծ հարվածներ էլ ստացան, ո՛րք պատերազմով և ո՛րք հիվանդությունների շարշարանքներով: Եվ պաշարումը երկար ժամանակ տեղելու պատճառով աշխարհի մեծ կեսն ավերվեց, բայց ո՛ր որ նրանից շերկմտեց ու շրթամովեց:

Պարսից թագավորը դարձյալ մարդ ուղարկեց նրա մոտ՝ «Իմ քրոջն. ասաց, և քեռորդուս ուղարկի՛ր ինձ մոտ, որովհետև ի բնե մոգական կրոնի հետևող էին, և դու քրիստոնյա դարձիր, իսկ աշխարհդ թող քեզ մնա»: Բայց այն սքանչելի մարդը կովում էր ո՛չ թե տերություն համար. այլ աստվածապաշտության: Մորն ու կնոջը ուղարկեց և ամբողջ աշխարհից հրածարվեց. իսկ ինքը վերցրեց Ավետարանը և ուզում էր աշխարհից հեռանալ:

Երբ այս բանը լսեց թագավորը, շատ փստոսաց ու ցավեց իր մշտքում, և ամբողջ մեղքն իր հոր վրա էր գցում: Անսուտ երգում կնքեց և ուղարկեց նրան, թե՛ երկրիցդ մի՛ հեռանա միայն, և ինչ որ ասես՝ կանեմ: Նա խնդրեց՝ ինչ որ մանկությունից իր սեփականն էր և որ իր հայրը շնորհել էր նրան երեխա ժամանակ—հազար տուն. թագավորից ստացավ այդ և միայնակյացների հետ միասին նստեց այնտեղ: Եվ այնպես անդադար աստվածային պաշտամունքով զբաղվեց, որ ամենևին չէր էլ հիշում, թե առաջ թագավոր է եղել:

Այս բոլոր երկարատև խռովությունները, որոնք շարունակվեցին մինչև արքայից արքա Պերոզի հինգերորդ տարին, պատճառ եղան Հայոց նախարարների շարձակվելուն: Բայց [նախկին] տարիների սովորությունից ավելի շատացրեց նրանց ուճիկները և արքունի խնճուղքներին մասնակցելու իրավունք տվեց:

Եվ նույն հինգերորդ տարում նրանցից շատերին կրկին շնորհեց նրանց գույքը և մյուսներին էլ հույս տվեց, որ վեցերորդ տարին բոլորին անխտիր կարձակի իրենց գույքով ու պատվով:

Բայց ես դարձյալ պիտի վերադառնամ այս կետին:

Իսկ երանելի առաքինիների և կապվածների ու պատերազմում ընկածների կանանց ամբողջ Հայոց աշխարհում ես հաշվել շեմ կարող, որովհետև շիմացածներս ավելի շատ են, քան թե իմացածներս: Հինգ հարյուրի չափ անուն-անուն ճանաչում եմ, ո՛չ միայն նրանց, ովքեր ավագագույններից էին, այլև շատերին կրտսերագույններից:

Բոլորը միահամուռ երկնավոր նախանձով լցված ամենևին պակաս

չմնացին նրանցից, ովքեր աշխարհ չէին մտել: Որովհետև թե՛ ավագագույնները և թե՛ մանկագույնները հավատի միևնույն առարինությունը զգեստավորվեցին: Ամենևին չհիշեցին մայրենի ազատության փափկությունն անուր, այլ իբրև այնպիսի մարդիկ, որոնք հենց սկզբից նեղությունների են համբերել շինական սովորությունների օրինակով և տանջվելով են անցկացրել իրենց կյանքը, նրանցից էլ ավելի մեծ վշտերի համբերել հանձն առան:

Ո՛չ միայն իրենց հոգիների մեջ մխիթարված էին հավիտենական հույսի աներևույթ զորությամբ, այլև մարմնի նեղություններով էլ ավելի կրեցին ծանր բեռը: Որովհետև թեպետ ամեն մեկն էլ իրենց ձեռնասուուն սպասավորներն ունեին, բայց նրանց մեջ չէր երևում, թե ո՞րն է տիկինը և կամ ո՞րը նաժիշար. բոլորի զգեստները միատեսակ էին և միապես երկուսն էլ պառկում էին գետնին: Ոչ մեկը մյուսի համար անկողին չէր գցում, որովհետև մինչև իսկ չգիտեին խոտեղենները ջոկել միմյանցից. միևնույն թուխ գույնն ունեին փսիաթները և միևնույն սև գույնի էին գլխատակերի բարձերը:

Զկային նրանց համար առանձին անուշահամ կերակուրներ պատրաստող խոհարարներ և ոչ էլ ջոկ հացարարներ՝ նրանց ազատների սովորության համաձայն սպասավորելու համար, այլ [այդ ամենը] ընդհանուր էր: Շարաթամուտն [անց էին կացնում] անապատում բնակվող միայնակյացների կարգով: Ո՛չ ոք մյուսի ձեռին ջուր չէր լցնում, և ո՛չ էլ կրտսերները ավագներին սրբիչ էին մատուցանում. փափկասուն կանանց ձեռքը օճառ շքնկավ, և յուզ շառաջարկվեց ուրախության հանդեսների համար: Նրանց առջև մարուք սկուտեղներ չդրվեցին և ո՛չ էլ բաժակակալներ տրվեցին ուրախության համար. նրանցից ոչ մեկի գոնների մոտ նվիրակ չկանգնեց, և պատվական մարդիկ չկանչվեցին նրանց խնջույքի սեղանին. նրանց մտքերից չանցավ, թե գուցե սնուցանող որևէ դաստիարակ կամ մի սիրելի հարազատ ունեն:

Փռչտովեցին ու ծխտովեցին նորահարսների սրահակներն ու առագաստները և սարդի ոստայններ ձգվեցին նրանց հարսնարաններում. կործանվեցին նրանց դահլիճների բարձր գահերը, և խանգարվեցին նրանց սեղանների պարագաները. ընկան կործանվեցին նրանց ապարանքները, և տապավիցյին ու ավերվեցին նրանց ապաստան ծառայող ամբոցները: Զորացան-ձողեցին նրանց ծաղկանոցների բուրաստանները, և արմատախիլ եղան նրանց դիներեր այգիների տունկերը:

Իրենց աչքերով տեսան իրենց կայքերի հափշտակությունը և իրենց ականջներով լսեցին իրենց սիրելիների վշտերն ու շարշարանքները-

նրանց գանձերն առան, թագավորական արին, և ամենևին զարդեր շմնացին նրանց երեսների վրա:

Հայոց աշխարհի փափկասուն տիկիները, որոնք փափուկ կյանքով ու բնքուշ մեծացել էին բազմոցների ու գահավորակների մեջ, շարունակ բորիկ ու ուտքով էին գնում աղոթատները, առանց ձանձրանալու ուխտելով և խնդրելով, որ կարողանան դիմանալ այն մեծ նեղությունը: Ովքեր իրենց մանկությունից հորթերի ուղեղներով և էրենների փափուկ մտով էին սնվել, մեծ ուրախությամբ խոտեղեն կերակուր էին բնդունում վայրենիների նման և ամենևին չէին հիշում իրենց սովորական փափուկ կյանքը: Նրանց մարմինների մորթը սև գույն ստացավ, որովհետև ցերեկն արևակեզ էին լինում և ամբողջ գիշերներն էլ գետնի վրա էին բնում:

Մշտական սաղմոսներն էին նրանց բերանների մրմունջները, իսկ կատարյալ մխիթարությունը մարգարեների [գրքերի] ընթերցումն էր: Երկու-երկու միաբանվեցին իբրև իրար համաձայն ու հավասար ամուսնի՝ ուղիղ տանելով արքայության ախոսը, որպեսզի առանց վրիպելու հասնեն խաղաղության նավահանգիստը:

Մոռացան իրենց կանացի տկարությունը և առաքինի տղամարդիկ դարձան հոգևոր պատերազմի մեջ. կռիվ բաց արին ու մարտնչեցին ծայրագույն մեղքերի դեմ, կտրեցին և դեն գցեցին նրա մահաբեր արմատները: Միամտությամբ հաղթեցին խորամանկությանը և սուրբ սիրով լվացին նախանձի կապտագույն ներկվածքը. կտրեցին ազահության արմատները և շորացան նրանց ոստերի մահաբեր պտուղները: Խոնարհությամբ հաղթահարեցին ամբարտաճանությունը և միևնույն խոնարհությամբ հասան երկնավոր բարձրությանը: Աղոթքով բաց արին երկնքի փակված դռները և սուրբ խնդրվածքներով հրեշտակներին ցած բերին փրկության համար. ավետիս լսեցին հեռաստանից և փառավորեցին աստծուն բարձունքում:

Այն այրիները, որ նրանց մեջ կային, նորից առաքինության հարսներ դարձան և իրենց վրայից վերացրին այրիության նախատինքը: Իսկ կապվածների կանայք կամովին կապեցին իրենց մարմնավոր ցանկությունները և հաղորդակից եղան սուրբ կապվածների շարչարանքներին. իրենց կյանքում նմանվեցին մեռած քաջ նահատակներին, և հեռվից մխիթարիչ վարդապետներ եղան բանտարկվածներին: Իրենց մատներով աշխատեցին ու կերակրվեցին, և թագավորից նրանց համար նշանակված ուժերից տարեցտարի թռչակ էին անում և նրանց ուղարկում մխիթարելու համար: Նմանվեցին անարյուն ձպուռներին, որոնք իրենց երգի

բաղցրութեամբ ապրում են առանց կերակրվելու և կենդանի են միայն օդ ծծելով՝ նմանվելով անմարմին [հրեշտակ]ներին:

Շատ ձմեռների սառույցներ հալվեցին, գարուն հասավ և նոր ծիծեռներ եկան. կենցաղասեր մարդիկ տեսան և ուրախացան, բայց նրանք երբեք չկարողացան տեսնել իրենց անձկայիներին: Գարնանային ծաղիկները նրանց միտն էին բերում իրենց հավատարիմ ամուսիններին, բայց նրանց աչքերը կարոտ մնացին նրանց երեսների ցանկալի գեղեցկութունը տեսնելու: Որսի բարակները վերջացան, և բոլորովին զաղարեցին որսորդների արշավանքները: Նրանք հիշվեցին միայն զբրված հիշատակարաններով, և ոչ մի տարեկան տոն նրանց հետու օտարութունից տուն չբերեց. նրանց ճաշատեղերին նայեցին ու արտասովեցին և բոլոր ատյաններում հիշեցին նրանց անունները: Շատ արձաններ էին կանգնեցրած նրանց անվանք, և ամեն մեկի անունը նշանակված էր նրանց վրա:

Եվ մինչդեռ այսպես ամեն կողմից ալեկոծվում էին նրանց մտքերը, նրանք ամենևին չթուլացան երկնավոր առաքինութունից: Գրսից նայողներին երևում էին որպես սգավոր և շարշարված այրիներ, իսկ իրենց սրտերում զարգարված ու մխիթարված էին երկնավոր սիրով:

Այլևս սովորութուն չարին հետու երկրից եկած մեկին հարցնելու, թե ե՞րբ կլինի, որ տեսնենք մեր սիրելիներին. այլ այն էր նրանց իղձն ու աղոթքն առ աստված, որ ինչպես սկսել են, այնպես էլ թաշտութեամբ ու երկնավոր սիրով լի նույնը գլուխ հանեն-վերջացնեն:

Ե՛վ մենք, և՛ նրանք առհասարակ ժառանգենք երկնքի արքայութունը և հասնենք այն ամենին, ինչ որ խոստացված է աստծու սիրելիներին հանուն մեր տեր Հիսուս Քրիստոսի:

ԾԱՆՈԹԱԳՐՈՒԹՅՈՒՆՆԵՐ

1. Եղիշեն իր պատմութիւնը գրել է Մամիկոնեան Դավիթ երեցի խնդրանքով: Ո՞վ է նա՞
անհայտ է:— 8:
2. Հաղբուքյան զորագլուխ ասելով հասկացվում է Փրիստուր:— 9:
3. Արշակունեաց ցեղ — հայոց թագավորների այն հարստութիւնը, որ Հայաստանում
թագավորել է ըստ ամանդութիւն Փր. առաջ 2-րդ դարի կեսերից (հաճանորեն 132
թվականից) մինչև 428 թվականը Փրիստուսից հետո, ուրեմն՝ ճիշտ 560 տարի: Սա-
կայն պատմական ճշգրիտ տեղեկութիւնների համաձայն՝ Արշակունիները թագավորել
են Հայաստանում միայն 54 թվականից Փր. հետո, հաստատապես 66 թվականից
սկսած, էրր Արշակունի Տրդատ 1-ը թագ ընդունեց Հոռոմեական կայսր Ներոնից:— 10:
4. Պարսից Սասանի ցեղը կամ Սասանեան տանը սկիզբ է առնում Սասանից, որի թոռ
էր Պապակի որդի Արտաշէր 1-ը, Սասանեան պետութիւն հիմնադիրը: Սա թագավոր
գտննաւով՝ պատերազմի է դուրս գալիս պարսիկների արքայից արքա Արտաշանի
դեմ՝ և 224 թ. հաղթում է նրան, 226 թ. զրաժում է նաև Կասիպոն կամ Տիգրոն
մայրաքաղաքը և ամբողջ պետութիւնը ենթարկում իրեն:— 10:
5. Հունաց երկիր արտահայտութիւնը գործ է ածվում Հոռոմեական կայսրութիւն մեջ
մտած երկրների համար, երկու տող ներքև Եղիշեն նույն երկրների համար գործ է
ածում հռոմեների զավաւներ արտահայտութիւնը:— 10:
6. Մծրին—Վերին Միջագետքի կամ Արժատտանի (Քեն-Արբայն) մայրաքաղաք, Տիգ-
րիսից մոտ 100 կիլոմետր դեպի արևմուտք:— 10:
7. Թեոզոս II կայսր (408—450) — Արևելյան Հոռոմեական կայսրութիւն ամենաթույլ
կայսրերից մեկը, որ քաղաքականապես երբեք չափահաս շղարձավ և միշտ գտնվում
էր իրեն շրջապատողների ազդեցութիւն տակ:— 10:
8. Տիգրոն կամ Կասիպոն—պարսիկների մայրաքաղաքը:— 11:
9. Զախակողմյան պաշտոնյաներ կոչվում են մողերը:— 11:
10. Վուչաններ—հեռական ցեղեր, որոնք ապրում էին Պարսկաստանի Հյուսիսարևելյան
սահմաններին կից Բակտրիայում (այժմյան հորասանում):— 12:
11. Պան դուռ—տեղը հաստատապես որոշել հնարավոր չէ: Այն պետք է որոնել Պարս-
կաստանի Հյուսիսարևմտյան կողմերում: Փորթուզալ փաշան Պան դուռը համարում
է էլբուրսի հարավակողմը գտնվող Միրտասա կոչված կիրճը և նույնացնում է այն
նախկին դուռն Կասպից կոչվածի հետ, որը պաշտպանելու համար կառուցված էր
Ռեյ քաղաքը:— 12:
12. Ապար աշխարհի հին պարսկական ձևն է Ապրշահը, որ բառացի նշանակում է բզե-
րին աշխարհ:— Պարսկաստանի Հյուսիսարևելյան մասը (այժմյան հորասան), որ
տարածվում էր մինչև Վրկան աշխարհի սահմանները:— 12:
13. Բարբարոսներ անվանում էին հույները բոլոր օտար ազգերին, իսկ պարսիկները՝
ալդպիսիներին անվանում էին սանարիներ:— 13:

14. Խայլեղուրներ կամ Խայլանդուրներ—Կովկասյան հոների անունն է:— 14:
15. Ճորա պանակ—Ճորա, Չորա, Կապան Ճորա, Գուռն Աղվանից, Հոնաց և այլն. գտնվում էր այժմյան Գեորգեան քաղաքի մոտերքը, Կասպից ծովի ափին:— 14:
16. Քավղեւայրյուն—բարեխնական կրոնի վերջին շրջանի անունը, երբ կրոնը ամբողջովին վեր է ածվել աստղաբաշխության, կախարդությունների, հմայությունների և գուշակությունների: Կրոնի ներկայացուցիչը քուրմը կոչվում էր քավղեւ:— 17:
17. Խաղաղական երկիր—Հայթալների կամ Հիթալների, ուրիշ խոսքով՝ քուշանների երկիրը: Հմմտ. ժանոթ. 10:— 18:
18. Խոնջան—վարտիքի կամ անզրավարտիքի կապ: Խոնջանները կնքելը մի ժանր պատիժ էր Պարսկաստանում, որպեսզի հանցավորը մնա իր կեղտոտությունների մեջ և տանջվի:— 20:
19. Սակ, Քած և Հաս—հարկատեսակներ:— 22:
20. Վզուրկ—պհլ. վուզուրգ կամ վազուրգ բառն է, որ նշանակում է բավագ, մեծ: Հրամանատարի կողքին զբվելով՝ նշանակում է մեծ հրամանատար, ավագ հրամանատար կամ, ինչպես մենք այժմ ասում ենք, մեծ վեզիր:— 22:
21. Կենիմազղեզն—մազղայական կրոն, իրանական կամ զրազաշտական կրոնի անունը:— 22:
22. Հարամանի, Խարամանի կամ Հարաման, Խարաման—Խույնն է, ինչ որ Արհմն կամ Ահրման, շարություն աստծու անունը:— 22:
23. Քանթուրակ—անշուշտ Պանթերա անվան աղավաղումն է: Հրեական գրույցները Քրիստոսի մասին ասում էին, նրա վարկը գցելու համար, թե անառակություններից ծնված մի մարդ է նա, և նրա հայրը եղել է հոովմայեցի մի զինվոր՝ Պանթերա անունով:— 23:
24. Նածուացի կամ Նածարացի—Խույնն է, ինչ որ Նազարացի կամ Նազովեցի, Նա-նակում է Հիսուս Նազովեցու հետևող կամ քրիստոնյա:— 23:
25. Քոնեպիսկոպոս կոչվում էին Արեւելքում գավառների ու գյուղերի եպիսկոպոսներն ի տարբերություն քաղաքների եպիսկոպոսների:— 25:
26. Ումիզղ աբա—հավանորեն պետք է հասկանալ Ումիզղ II-ը:— 25:
27. Անխոն իշխան—Նշանակում է աստված:— 29:
28. Ավուրդի Հովհաննես—Հովհաննես Մկրտիչը՝ Չարարիա բահանայի և նրա կին Եղիսարեթի որդին, որովհետև Եղիսարեթին ամուլ էր:— 32:
29. Հորդանան գետ—գետ, որ անցնում է Պաղեստինի միջով հյուսիսից դեպի հարավ և ամբողջ երկիրը բաժանում է երկու մասի: Հորդանան գետն սկիզբ է առնում Հերմոն սարից բխող 3 աղբյուրներից և թափվում է Մեռյալ ծովը:— 32:
30. Պոնտացի Պիղատոս—Հրեաստանի և Սամարիայի 5-րդ հովանական պրովուրատորը (26—36 թթ.), որի ժամանակ, ավանդության համաձայն, հանդես է եկել Հիսուս Քրիստոսը:— 32:
31. Չիբեւյաց սար—Նրուսաղեմի դիմացը դեպի արևելք ընկած լեռը: Այստեղ էր զբոնրվում Գեթեմանի պարտեզը և այստեղից է, ավանդության համաձայն, երկինք համարարվել Քրիստոսը:— 32:
32. Խոնաստան—հավանորեն, պարսից արքայական պալատի անունը:— 33:
33. Դառնացյալ ծերը Միհրենբահ՝ մեծ հաղարպետն է: Ուրիշ տեղ էլ Եղիշեն Խույն կերպ է արտահայտվում Միհրենբահի մասին (տե՛ս 3-րդ եղանակի վերջում):— 33:
34. Հրաման տաւ ներսը, այսինքն՝ հրամայիւ պալատի ներսում գտնվող զբաղիներին և այլ գործարար պաշտոնյաներին:— 33:

35. Կայկասանեոց բնակիչ—մեկ տան մէջ մեկ խնամակալի ձեռքով մեծացած և դաստիարակված անձերը:— 34:
36. Տաղուլի ժամանակները, որ Բո պապն Հազկերտի հայրն էր—խոսքը Շապուհ III-ի, (385—388) և Նրա որդի Հազկերտ I-ի (399—420) մասին է:— 35:
37. Սագաստան—Սակերի նրկիբը, պարսից պետութեան արևելյան նահանգներից մեկը, սահմանակից Ենգկասասանին, այժմյան Աֆղանստանի սահմաններում:— 37:
38. Խուժաստան—այժմ Խուզիստան, որ աբսորվում էին Հանցավոր Համարվածների կանայք և որդիները՝ արքունի կալվածքներում աշխատելու համար: Գտնվում է Նին Բարելունից դեպի արևելք, Պարսից ծովից դեպի Նյուսիս:— 37:
39. Փանղամ—հերմակ լաթից բոզ, որով մոզներն իրենց զնմբերը ծածկում էին կրակին մոտենալիս, որպեսզի իրենց արտաշնչութեամբ չպղծեն սուրբ հուրը:— 40:
40. Կումեզ—կովի մեղ. լվացման արարողությունների մեջ գործ էր անվում պղծութիւնը արեւու համար:— 40:
41. Կապեարիվ մխրաշափ կարգով—ինչպես այստեղից երևում է, յուրաքանչյուր տուն պարտավոր էր, իբրև սպացույց իր բարեպաշտութեան, կապիճով (շափի անվանում է) շափված որոշ քանակութեամբ մոխիր ներկայացնելու:— 41:
42. Կունապես սղբում էին մեզ—ասում է Եղիշեն, ցույց տալու համար, որ նախարարների ուրախութեան պահին ինքն էլ նրանց հետ եղել է Պարսկաստանում:— 42:
43. Անզը—գյուղաքաղաք Այրարատի Մազկոտն գավառում:— 44:
44. Մովսէսան Մովսէս—մոզպետների մոզպետ, մազպայական կրոնի զլխավոր քահանայապետ:— 47:
45. Կարանդարնապետ և անգերնապետ—Պարսից արքունիքի մեծ պաշտոնյա:— 47:
46. Մեծ հազարապետ—Միհրնեբսհի տիտղոսը, նշանակում է մեծ վեղիք և ամենայն հավանականութեամբ շվեդուրկ հրամանատարին հայերեն թարգմանությունն է: Այս տիտղոսը անշուշտ պետք է տարբերել հայերեն «հազարապետ» բառից, որ ավելի սահմանափակ նշանակություն ունի:— 47:
47. Զարեհի սպարապետ ասելով հասկացվում է Վարդան Մամիկոնյանը, թեև անունը տրված չէ:— 49:
48. Փշտիպան—պարսկերեն բառ, որ նշանակում է թիկնապահ, օգնական:— 49:
49. Հավատավոր կանայք—կույսեր, մայրապետներ:— 49:
50. Մեծարիվ բանակ. պետք է հասկանալ մոզերի և նախարարների հետ Պարսկաստանից եկած զորքը, որի մեջ էր նաև երկրի մարզպան Սյունյաց իշխան Վասակը:— 50:
51. Ատրպատական—Եղիշեի ժամանակ այժմյան Աղբրեյանի Հարավային և Պարսկաստանի Նյուսիսարևմտյան մասի անունը:— 52:
52. Վտամական կեակ—Բահրամ Բաթր, ամենաարքայան կրակը:— 53:
53. Սեռայի սանձաններից մինչև Գաղեռովնի կղզմուրը—Սեռաց աշխարհը համարվում է Արևելյան Ասիան, իսկ Գաղեռովնը Կաղիբան է Սպանիայի Հարավարևմտյան ծայրին: Ուզում է ասել՝ Ասիայի արևելյան սփերից մինչև Եվրոպայի արևմտյան ծայրը:— 54:
54. Սինկլիտոս—ծերակույտ, սենատ:— 54:
55. Հեթանոսների հետ կռած դաշինք ասելով՝ Եղիշեն նկատի ունի Հազկերտ II-ի և Խեզդու կայսեր դաշինքը (զլ. I), որով Բյուզանդիան խոտտանում է հայերին օգնություն ցույց չտալ ո՛չ զորքով և ո՛չ էլ զենքով:— 55:
56. Ընր և Զարեհոց գավառներ—Պարսկահայք կոչված նահանգի երկու գավառներ՝ ոչ հեռու այժմյան Սալմաստից և Խոյից:— 56:

57. Խաղխաղ թաղար — Ազգանից թագավորների ձմեռոցը V դարում, II և III դարերում՝ հայոց թագավորների ձմեռոցը: Գտնվում էր Ուտիք նահանգում, այժմյան Ջեզամ գետի ափին:— 56:
58. Լուինաս գետ—Հավանորեն, այժմյան Ջեզամ գետը:— 57:
59. Բաղասական կողմեր կամ Բաղասական դաշտ—գտնվում էր Ազգանից երկրում, հավանորեն, երկրի հյուսիսարևելյան կողմերում, հոների սահմաններին մոտիկ:— 57:
60. Ազգանից մեծ շահաստան ասելով հասկացվում է Ազգանից աշխարհի մայրաքաղաք Պարտավը, Տրտու (այժմյան Թարթար) գետի ափին:— 57:
61. Կապկոն լեռներ—Կողկասյան լեռներ. թիֆլիսեցիք մինչև այժմ էլ անվանում են Կապկավ:— 58:
62. Հոների պանակ—նույնն է Ճորա պահակ: Տե՛ս ծանոթագր. 15:— 58:
63. Միջոց աշխարհ կամ Միջնաշխարհ ասելով պետք է հասկանալ Այրարատը իրեն Հայաստանի կենտրոն:— 59:
64. Հայկական տարվա ամիսները (տե՛ս 621 էջի 15-րդ ծանոթագրություն):— 60:
65. «Պարսից արեալից արեալի ձմեռոցի տեղը» ասելով պետք է հասկանալ Տիգրանը:— 61:
66. Մեր ինչպես այստեղ, այնպես էլ այլ տեղերում, գործ է ածվում մեծ հազարապետ Միհրենբեհհի համար:— 64:
67. Փայտակարան քաղաք—Հայաստանի Փայտակարան նահանգը համապատասխանում է Սարարոնի հիշած նահանգին, որ ընկած էր Ուտյաց երկրից դեպի արևելք Արաքսի ափերին և տարածվում էր մինչև Կասպից ծովը:— 65:
68. Ուրացավ այն ավազանը, որ հղացավ նրան—խոսքը քրիստոնեական մկրտության մասին է, որով հին մարդը մեռնում է և մի նորը, վերակենդանացածն է ծնվում՝ քրիստոնեական վարդապետության համաձայն:— 67:
69. Բեկխուշ սուրբ հողի—պետք է հասկանալ՝ նրան քրիստոնեական համայնքի մեջ բնգունող սուրբ հողին:— 67:
70. Ջեջեց որդեգրության գիրք և իր ձևով խոստակեց մատանու հաստատուն կնիքը—այստեղից հետևում է, որ Եղիշեի ժամանակ որդեգրության համար հատուկ գիր էր պատրաստվում և այն կնքվում էր մատանու վրա փորագրած կնիքով իբրև ստորագրություն: Խառակել կնիքն արտահայտությունը ցույց է տալիս, որ կնիքը զրվում էր հավանորեն մեղրամոմով և ոչ թե ներկով, որի համար շեր կարելի խորտակել սակ:— 67:
71. Ներին վասակը—Մամիկոնյան վասակն է, որ ապրում էր Հունաց բաժնում և գործակցում էր Սյունյաց իշխան վասակին: Եղիշեն Մամիկոնյան վասակին ևս նկարագրում է իբրև մի շարագործ և ժառանգ օրհներեքին հակառակ գործող մարդ:— 69:
72. Խաղտյաց աշխարհ, Խաղտիք—Հավանորեն, հին խաղտերի անունից. այդ երկիրն ընկած էր Սև ծովի հարավարևելյան ափերին, այժմյան Տրապիզոնից դեպի հարավ, Հայաստանի Տայք նահանգից դեպի հյուսիս-արևմուտք, Պարխարյան լեռների մոտ:— 69:
73. Այստեղ հիշված տասնմեկ երկրներն իրենց ժողովուրդներով ու թագավորներով պատկանում էին այն դաշտային ու լեռնային ժողովուրդներին, որոնք բնակվում էին Կողկասյան լեռների արևելյան մասի հարավային ու հյուսիսային լանջերին և պահպանում էին Ճորա պահակը Հոների և Մասքութների արշավանքներից:— 69:
74. Կրաշ—բացի «գրոշակ» նշանակությունից, նշանակում է նաև մեկ գրոշի տակ խըմբված զորաբաժին, «գունդ, վաշտ»:— 70:

75. Արտագու զաշտ—այլ անունով Շախարչական դաշտ, Արտագու զավառ: Գտնվում է Մասիսից դեպի Հարավ-արևելք, այժմյան Մակուի մեջ:— 73:
76. Աստվածային տեղ ասելով Հասկացվում է գրախառը, որտեղ բնակեցված էր Աղամբ, բայց աստծու պատվերը չպահելով և շարին լսելով՝ պատվիրանազանց գտնվեց և դուրս արվեց այնտեղից:— 78:
77. Մեղզե մեծ բլուրը Գողթաթն է, որի դեմ դուրս եկավ պատանի Գավիթը պարսա-տիկով ու քարով և սպանեց նրան:— 79:
78. «Ըմանալի արեգակ» արտահայտությունը գործ է ածվում Քրիստոսի Համար:— 80:
79. «Մի՛ մոռանաք այն յուզը, պսակը, ուռերն ու անասածնն պարզենեք, որ շնորհ-վում է ձեզ արքունիքից»: Յուզն այնքան ազնիվ բան էր Համարվում, որ մազդզն արգարների հոգիները Հանդերձյալ կյանքում յուզով պիտի սնվեին: Պսակը նույն-պես շատ գործածական էր Պարսկաստանում և նրանով պսակում կամ վարձատրում էին որևէ գործի մեջ աշխի ընկնող անձերին. իշխաններն ու մեծամեծներն այն իրենց զուրկներին էին դնում տոնի և նեվրուզի օրերին, իսկ այլ մարդիկ՝ ամուսնանալու ժամանակ: Անշուշտ այստեղից է առաջացել նաև մեր մեջ սովորական պսակվել խոսքը ամուսնանալ բառի փոխարեն: Ուռը երևի տրվում էր կամ պսակ շինելու Հա-մար կամ այսպես էր կոչվում խաղողի որթը, որ արվում էր այդի տնկելու Համար:— 83:
80. Մատյան զունդ—այսպես էր կոչվում Պարսից զորքի մեջ ամենաընտիր, լրիվ սպա-ռազինված զունդը:— 84:
81. Պարսից զորավարը Հրաման է տալիս իր զորքերի աշ կողմում պատրաստ լինել ընդդեմ Հայոց զորավարի. այս նշանակում է, որ Վարդան Մամիկոնյանը բռնել էր Հայոց բանակի ձախ թևը:— 84:
82. Եթրիովան—Կովկասյան լեռնականների երկրի անունն է. այս երկիրը չի հիշվում IV դլիի 11 լեռնական ցեղերի անունների շարքում, բայց այստեղ անվանված է նույն երկրների թվում և անշուշտ նրանցից մեկն է: Տե՛ս ծանոթագր. 73:— 92:
83. «Այս բոլոր թղթերի վրա դրված էր Վասակի վավերական մատանին»: Հնում մա-տանիները վրա կնիք էր փորագրվում և պաշտոնական գրությունները վավերացվում էին այդ կնիքը դրոշմելով ստորագրության փոխարեն, եթե մանավանդ Համապա-տասխան անձը անդրազետ էր, ինչպես պատահում էր Համասի:— 95:
84. Վասակին Պարսից արքունիքում ամբաստանող նրա ազգականները կարող էին միայն իր փեսա Վարազդազունը և Հորեղբոր որդիները՝ Բարզանը և Բակուրը լինել, որոնց նա Հայածել էր Հայրենի երկրից և տիրացել Սյունյաց իշխանությունը: Եղիշեի գրքի IV գլխում նրանք եղբոր որդի են անվանված, բայց անշուշտ պետք է ավելի լայն իմաստով հասկանալ: Բարզանը և Բակուրը Վասակի Հորեղբոր՝ Վաղինակի որդիներն էին և բնականաբար, թշնամի պիտի լինեին Վասակին, որովհետև սա բանասարկու-թյամբ սպանել էր ավել նրանց հորը և իշխանությունը հափշտակել:— 95:
85. Պարսից արքունիքում կատարվող դատավարության ժամանակ հոգևորականները կողմից խոսում և պատասխան է տալիս Ռշտունյաց Սահակ եպիսկոպոսը, թեև այն-նա պետք է, իբրև եկեղեցու զլուխ, բոլոր հոգևորականների կողմից պատասխան տա: Այդ բացատրվում է նրանով, որ ինչպես Եղիշեն VII գլխում ասում է՝ Սահակ եպիսկոպոսը «չավ գիտեր պարսկերեն»:— 96:
86. «Ի՞նչան հավատացիք Վրաց աշխարհը» —ասում է Եղիշեն Վասակի Համար, ակնար-կելով նրա վրաց մարդկան նշանակված լինելը: Նրբ է Վասակը Վրաստանի մարդկան

- եղել, անհայտ է, համենայն զեպս, Հայաստանի մարզպան նշանակվելուց առաջ պետք է նշանակվել, հավանորեն 442—445-ի միջև:— 96:
87. Վրեն այնպես է բվում, քե դա նեզ ստու հույսով է ուրախացրել:—ասում է Ռշտուն-յաց Սահակ եպիսկոպոսը Վասակի մասին: Սահակ եպիսկոպոսն ուզում է ասել՝ թեև դա շատ լավ զիտեք, որ հայերին պարսից կրոնին զարձնել չի կարող, բայց նեզ կերակրել է ստու հույսերով, թե ինքն այդ գործը կկարողանա կատարել:— 97:
88. Վերջնակի բազում մարդիկ իսկ չուզան ի տուժիէ: ասելով պետք է հասկանալ, որ պարսիկները Վասակի ընտանիքից շատ մարդկանց բռնել և որպես զերի արքունիք էին տարել տուժի փոխարեն, որովհետև Վասակը դատապարտվել էր նաև արքունի հարկերը անդ չհասցնելու և յուրացնելու համար, և նրա ու իր հայրերի ունեցած-չունեցածն ու նույնիսկ կանանց զարգերը բավական չէին եղել նրա վրա բարդված պարտքը մարելու համար: Եղիշեն ասում է՝ եթե Վասակն իր նախնիների զերեզ-մաններում էլ գանձ գտնելու հույս ունենար, նա թայդ գանձերը կհաներ և սուզանք կտար իրեն և ընտանիքի համար:— 99:
89. Հագվելու II-ի 16-րդ տարին համապատասխանում է 453/454 թվականին:— 101:
90. Վրեան—կասպից ծովից զեպի հարավ-արևելք ընկած աշխարհի անունը:— 101:
91. Նյուշպոտն քաղաք—Ապար աշխարհի մայրաքաղաքն այժմյան Խորասանում:— 101:
92. Համակղեն—կրոնի ամբողջ ուսմունքը լավ զիտցող:— 102:
93. Անպարտաշ—կոչվում է, հավանորեն, պարսից առաջին կամ նախնական կրոնը:— 102:
94. Իսպալայիտ—պարսկական կրոնին վերաբերող մի զրքի անուն, որ մեկնվում է իրրև ամեղքերի քավություն:— 102:
95. Պահլավիկ և Պարսկաղեն—նշանակում է՝ մոզպետը ծանոթ էր պահլավիկ լեզվին, որով թարգմանված և մեկնաբանված էին Ավետայի անհասկանալի լեզվով գրված գրքերը և, ուրեմն, գրեթե ամբողջ կրոնական վարդապետությունը, որ ամփոփված էր Պահլավիկ զրքի մեջ: Իսկ պարսկաղեն ասելով պետք է հասկանալ այն ուսմունք-ներն ու զրույցները, որոնք պահլավիկ զրքերում չկան, ինչպես Ջրվանի նախադրու-թյունը, Որմզդի սպանությունը, Արեգակի և Լուսնի առասպելախառն ծագումը և այլն, առաջ էին եկել Սասանյանների ժամանակ և տարածված էին Պարսկաստանի արևմտյան և հարավային նահանգներում և դավանանքի զորություն ունեին:— 102:
96. Պետմոզ. այլ ընթերցված՝ մոզպետն—այսպես է անվանում Եղիշեն վեցերորդ կեշտը կամ դավանանքը: Ի՛նչ է այդ վեցերորդ կեշտը, և ինչպես պետք է բացատրել պետ-մոզ բառը, մինչև այժմ որոշ չէ: Գուցե նույնպես կրոնական որևէ զրքի անուն էր՝ նախորդների նման:— 102:
97. Աղեն—նույնն է, ինչ որ Եղեն կամ երբայերեն էղեն, որ նշանակում է բնաճույք, բերկրանք:— 106:
98. Հրասախ—ասվում է նաև Խրասախ, փարսաղ— երկարություն չափ է (5250 մետր):— 112:
99. Վերին աշխարհ—բառացի թարգմանություն է Ապար աշխարհի կամ Ապրը-շահրի:— 112:
100. «Ներանուսաց մեծ վարդապետ» կամ «Ներանուսաց մեծ Առաքյալ». Պոզոս Առաք-յալի մակդիրն է իրրև հակադրություն մյուս առաքյալների, որոնք սկզբում իրենց միմիայն հրեաների առաքյալ էին համարում և հեթանոսների քրիստոնեություն չէին քարոզում:— 122:

101. Վատգես կամ Վաղգես — Հին Բակտրիայի գավառներից մեկն էր, Բա՛շլ շահաստանից ոչ շատ հեռու, այժմյան Խորասանից դեպի արևելք և Հերաթից հյուսիս:— 126:
102. Նախարարները կապանքներից արձակվելուց հետո Հայաստան չեն ուղարկվում, այլ առժամանակ զեռ մեռում են Պարսկաստանում և ուղարկվում են Հրե կամ այժմյան Հերաթ քաղաքը՝ արքայից արքայի զորքանակում ծառայելու և Փուշանների զեռ մղվող կռիվներին մասնակցելու համար:— 128:
103. Հայ նախարարների ախտերի տևողությունը մոտ 12 տարի է. սկսած 451 թվականի վերջերից կամ 452 թվականի սկզբից մինչև 463/464 թվականը, երբ նրանք կրկին Հայաստան վերադարձան: Այստեղ հիշված 9 տարի և 6 ամիսը պետք է հասկանալ նախարարների կապված ու բանտարկված վիճակի մասին: Մնացած ժամանակը նրանք թեև ազատ էին բանտարկությունից, բայց զեռ աքսորի մեջ էին Պարսկաստանում, իրավունք չունեին Հայաստան վերադառնալու և ծառայում էին պարսկական հեծելազորի մեջ Հրեում կամ Հերաթում:— 137:
104. Ալանցների դուռ էր կոչվում Գարիպի կիրճը:— 140:

ԱՆՎԱՆԱՅԱՆԿ

- Աբրահամ Նահապետ—38, 78,
 Աբրահամ սարկավազ (Նահապետ)—93
 Աբրահամ Բահաւա—93, 129, 130, 132
 Ազն—106
 Ալանների դռներ—140
 Ակեա—68
 Ակնացիներ—73
 Ազրակ—126
 Աղձնիք, Աղձնյաց աշխարհ, Աղձնյաց երկիր—12, 40, 68, 95
 Աղվանից աշխարհ, Աղվանից երկիր, Աղվանք—12, 40, 48, 56, 57, 58, 69, 92, 95, 96
 Աղվաններ—19, 56, 57, 68, 96
 Ամատունի վանան—34, 73, 136
 Ամատունիք—25, 68
 Ամատունյաց Առանձար—77, 136
 Ամատունյաց տոհմ, Ամատունյաց ցեղ—34, 77, 136
 Ամպարտաշ—102
 Այբարատ, Այբարատյան գավառ—24, 59, 126
 Այբուկ Սղկունի—73
 Անգղ գյուղաբազմ—44
 Անանիա եպիսկոպոս Սյունյաց—24
 Անատոլ, Անատոլիոս սպարապետ—10, 54
 Անարիք, Անարիներ—12, 25
 Աներան—22
 Անի—51
 Անձեացի Շմալոն—34, 73, 136
 Անձեացիներ, Անձեացյաց տոհմ—25, 34, 136
 Անտիոքացիներ—77
 Անտիոք—95
 Աշնակ—58
 Աշոտ Կամսարական—136
 Ապահունիք—25, 55, 68
 Ապահունյաց տոհմ—25, 34
 Ապար (Ապր) աշխարհ—12, 101, 102, 128 (տե՛ս նաև վերինաշխարհ)
 Ապարհացի գունդ—84
 Ապրսամ Արծրունի—73, 136
 Առանձար Ամատունի—77, 136
 Առավան Անձեացի—136
 Առավելյանների ցեղ—136
 :Առնակ Ամատունի—136
 Ասիացոց կողմեր, երկրներ (ասիացիներ) 54
 Ասորեստան—126, 129, 131, 132
 Ասորի եղբարիոս, տե՛ս եղբարիոս Ասորի
 Ավարայրի դաշտ—133
 Ասոմ Գեունի—53, 73, 95, 136
 Ասորոմիզդ—92, 93
 Ասրպատական աշխարհ, Ասրպատական կողմեր—52, 55, 59
 Արագածոտն—58
 Արածո գյուղ—126
 Արգեարգյուն—13
 Արևելք, Արևելքի աշխարհ—8, 11, 12, 16, 19, 53, 54, 64, 71, 136
 Արևմտք, Արևմտյան աշխարհ—47, 53, 64
 Արիներ, Արիք—12, 25, 84, 88, 139
 Արփնի (Արհնի)—51
 Արյաց աշխարհ—61, 84, 85, 101, 139
 Արծրունի Ապրսամ—73, 136

- Արժուոնի ներշնչում—34, 73, 84, 136
 Արժուոնիք, Արժուոնյաց աշխարհ—24, 93
 Արժուոնյաց տոնմ, ցեղ, տուն—24, 34, 93, 136
 Արհմն—22, 23, 27
 Արմավրի բերդ—58
 Արշակ քազավոր, որդի Տիրանի—10
 Արշակունյաց ցեղ—10
 Արշավիր Արշարունի—57, 73, 84
 Արշավիր Կամարական—136
 Արշեն Լեւոյ Բագրևանդի—90, 93, 126
 Արուն—58
 Արսեն Ընծայացի—73, 86
 Արտագերս—51
 Արտաղու դաշտ—73
 Արտակ Մոկացի—34
 Արտակ Պալունի—73, 107
 Արտակ Ռշտունի—34, 68
 Արտաշատ ֆաղաֆ—25, 51, 58, 72, 93
 Արտաշատի նահանգ—58
 Արտաշես քազավոր՝ որդի Վրամշապունի 10
 Արտաշիր—85
 Արտավազդ Մամիկոնյան—136
 Արտեն իշխան Գարեղենից—68
 Արցախ—69, 90, 91
 Արփանյալ—52
 Ահար—79
 Արժուոնի դուռ—97
 Թարգեն Սյունի—136
 Թարևուն—15
 Թարեւացիների Լեկիր—132
 Թարիկ Ռաֆայելյան տնից—136
 Թագրատունիք—55, 68
 Թագրևանդ—24, 126
 Թակ զորական—88
 Թակուր Սյունի—136
 Թաղասական—57, 96
 Թանքուրակ (փանդուրակ)—23
 Թասեն—24
 Թափի Եպիսկոպոս Մոկաց—25
 Թարճարոզ—52
 Թեյ հոն—101
 Թոզպայիդ—102
 Բզնունիք—24
 Գարեղենիք—55
 Գարեղյան Խոսրով—73
 Գաղ Եպիսկոպոս Վանանդի—25
 Գաղերովն—54
 Գաղիշ Խորխոռունի—34, 68
 Գազրիկ Գիմաֆայան—57, 73
 Գառնի—51, 58
 Գավ—69
 Գարեգին Նախարար—15
 Գարեգին Սրվանձայան—86
 Գեղեւոն—79
 Գեղաց զունդ—84
 Գղվար—69
 Գերբունիների ցեղ, Գերբունիք—86
 Գյուտ Վանեւունի—34, 68
 Գերբունի Տանատ—73, 84, 86
 Գերբունի Ատոմ—53, 73, 95, 136
 Գեւունի Վահան—86
 Գեւունյաց ցեղ, տոնմ—53, 86, 136
 Գոյալ—52
 Գասն, Գարսան—13, 40
 Գավիք՝ Լեւոյ Մամիկոնյան—8
 Գավիք՝ Եսայելի քազավոր—79
 Դատ Ասավեղյան—136
 Դարիքիր—128
 Դենշապուն—21, 102, 112, 113, 114, 119, 120, 123, 124, 125, 126
 Դիմաֆայան Գազրիկ—73
 Դիմաֆայան Քարուլ—73, 136
 Դիմաֆայան Հմայակ—73, 86
 Դիմաֆայան ցեղ—86, 136
 Դիմաֆայանների զունդ—57
 Դրասխանակերտ—58
 Եգիպտացիներ—78
 Եղնիկ՝ Եպիսկոպոս Բագրևանդի—24
 Եղբայր՝ Եպիսկոպոս Անձևացյաց—25
 Եղեգեկ գյուղ—126
 Եղիշա՝ Եպիսկոպոս Ամատունյաց—25
 Եղիաս—79
 Եղփարիտ ասորի—54, 55
 Եղվաղ Եպիսկոպոս Մարդաղվո—24

- Եվրոպա—54
- Երամոնս—58
- Երան—22
- Երեմիա՝ եպիսկոպոս Ապամունյաց—25
- Երեմիա՝ եպիսկոպոս Մարդապետանի—24
- Երկայեորդ—51
- Երիբով ֆաղաֆ—80
- Եփրայա—79

- Ջանգակ Էրեց—68
- Ջարեհավան—95
- Ջարեհանդ և Հեր—56, 77
- Չվարեն Աճճեացի—136
- Չրադչոտ, Չրադաչոտ—115
- Չրադաչոտական կրոն—19, 102
- Չրվան—22

- Շնձայացի, Շնձայացի Արսեն—73, 86
- Շնձային—84
- Շնձայեոց ցեղ—86
- Շնչուղ իշխան Ակիայի—68

- Փար Կամառական—136
- Փարիկ՝ եպիսկոպոս Բասենի—73, 126
- Փարսու Դիմաֆայան—73, 136
- Փարսու Վանանդեցի—84
- Փավասպարենի աշխարհ, զորք, Փավասպարհ—69, 92
- Փեղոս կայսր—11, 53, 54
- Փիր—տև՝ս Դարիքի

- Իշավանֆ գյուղ—126
- Իսահակ—38
- Իսաղական երկիր—18

- Լոփնաս գետ—57
- Լփինգ—12, 13, 40, 57, 69
- Լփնած աշխարհ—12, 13, 40, 57, 69, 92

- Խաղխաղ—56
- Խաղախֆ, Խաղաչոյաց աշխարհ—69, 90, 91
- Խայլեղուրներ, Խայլեղուրների աշխարհ, երկիր—14, 101, 139
- Խիբիովան—92
- Խոնաստան—33

- Խորով Գարեղյան—73
- Խորանիստ—52
- Խորեն եորխոռունի—73, 84, 86, 107
- Խորեն վկա, Էահատակ—129, 130, 132
- Խորխոռունիֆ—55
- Խորխոռունյաց ասեմ, ցեղ—34, 86
- Խուժաստան—37, 132
- Խուժիկ, Խուժաստանցի—114, 127, 128
- Խուրս Սրվանձոյան—73
- Խրան—69

- Մախանիստ—52
- Մավղեյաֆ—13
- Մավղեաց աշխարհ—13, 40
- Կամառականների ցեղ—136
- Կապկոն լեռներ—58
- Կապույտ բերդ—52
- Կապույտ լեռ—90
- Կատոյաց գունդ—84
- Կարեն Սահառունի—73
- Կարդուֆ, Կարդվաց աշխարհ—13, 40, 69
- Կուաչ ավան—58
- Կոր գետ—56
- Կուրան—113
- Հագկերտ Ա, Հագկերտ Բ-ի պապը—35
- Հագկերտ Բ—10, 11, 35, 139
- Համագասպ Մամիկոնյան—136
- Համագասպյան—84, 136
- Համակղեն—103
- Հայոց ազգ, հայ, հայեր—19, 22, 40, 53, 56, 66, 67, 88, 92, 93, 96
- Հայոց այրուձի, հեծկազոր, զորամաս, զորագունդ, զորք—19, 21, 40, 42, 44, 49, 53, 55, 56, 57, 58, 59, 68, 69, 71, 85, 87, 88, 92
- Հայաստան, հայոց աշխարհ, երկիր—10, 12, 16, 21, 34, 35, 41, 44, 45, 48, 54, 58, 60, 63, 65, 69, 70, 72, 77, 83, 88, 91, 92, 93, 95, 97, 100, 101, 115, 120, 128, 133, 134, 135, 137, 139, 140, 142
- Հայոց նախարարներ—55, 57, 84, 86, 90, 95, 97, 111, 140
- Հայք ստորին—68
- Հարամանի—22, 25, 36
- Հարեղոս Շապուհ իշխան—138

- Հենմատակներ, հենմատակների աշխարհ— Մանգակունիների տոհմ—136
 69, 92 Մանգակունի Փարսման—73, 136
 Հեռանճոն—96 Մանեն իշխան Ապահունի—34, 68
 Հեր և Զարեանդ—56, 77 Մանեն Սեպուն Ամատունի—68
 Հեսու—79 Մասուրների զորք—139
 Հիսուս—31, 32, 51, 75, 80, 82, 109, 110, Մատարիա—77
 126, 143 Մատարիայի ազգատոհմ—77
 Հմայակ Գիմաֆայան—73, 86 Մատոյան զունդ—84, 85
 Հմայակ՝ եղբայր Վարդանի—91 Մարդաղի—24
 Հնդկաստան—46 Մարդաստան—24
 Հոհան՝ Ռափսոնյան տնից—136 Մարիամ կույս—31
 Հոն Քել, տե՛ս՝ Քել Հոն Մարկիանոս կայսր—54, 63
 Հոնաց աշխարհ, հոների աշխարհ, երկիր Մեղեռ Նպիսկոպոս Մանասկերտի—24
 —13, 53., 58, 91 Մեծ Հայք—12
 Հոներ, հոների զունդ, զորք—14, 84, 91, 92 Մերսիման Արծրունի—136
 Հոների պանակ, հոնաց պանակ—34, 58 Մեշոպլե—132
 Հոռոմների աշխարհ, զավառներ—10, 12, Միհր—27, 29, 117, 130
 13, 14, 23, 63, 68, 96 Միհրան տոհմ—139
 Հովհաննես Մկրտիչ—32 Միհրներեան Վզուրկ հրամանատար, հազարապետ—22, 25, 65, 66, 70, 92
 Հովսեփ՝ այր Մարիամի—23 Միշեռաշխարհ—59, 90
 Հովսեփ Եպիսկոպոս Այրարատի—24, 25, 34, Մծրին Բաղափ—10
 77, 89, 93, 96, 104, 109, 120, 126 Մոկաց տոհմ—34
 Հորդանան գետ—32 Մոկիփ—25, 84
 Հույներ—12, 69, 70, 135 Մովսէս հանդերձապետ—113, 117
 Հույների աշխարհ, հունաց երկիր—12, 13, Մովսէսան Մովսէս—113, 128
 60, 68, 69, 95, 96 Մոզպետ Երանելի—126
 Հոռոմ—54 Մովսէս Մարգարե—29, 78
 Հրոտից—128 Մուշ Գիմաֆայան—57
 Զիրենյաց լեռ—32 Մուշե Եպիսկոպոս Արծրունյաց—24, 93
 Զողակերտ—58 Մուշե երեց Արծրունյաց—93
 Զրաց աշխարհ, ճգրիփ—69, 92 Մուշե երեց Ազրակից—126
 Զոռակազմեր, ճոռապահակ—14, 55, 56, 69, Մուշեղ Մամիկոնյան—136
 139 Մուշի սարկավազ—68
 Զոռակազմեր, ճոռապահակ—14, 55, 56, 69, Մուշկան Նիսալավորտ—71, 85, 87, 89,
 139 92, 95
 Զոռակազմեր, ճոռապահակ—14, 55, 56, 69, Մուշ—57
 139
 Մակրայեցիներ—76 Նաճրացի—113
 Մակուրան—113 Նավասարդ—40
 Մամիկոնյաններ տոհմ, ցեղ—34, 68, 86, Ներշապան, Արծրունի Ռմբոյան—34, 53,
 136 55, 73, 136
 Մամիկոնյան Դավիթ երեց—8 Ներսէն՝ իշխան Ուրծի—68
 Մամսակերտ—24 Ներսէն Կամասրական—136
 Մամսակերտ—24 Ներսէն Քաշբերունի—73, 84, 86

- Նյուշապուն քաղաք—101, 126, 128
 Նոյ ճանապետ—78
 Շանխոռապետ—73
 Շանուղ զավատ—132
 Շապուն—10, 35, 46
 Շմավոն Անձևացի—34, 73, 136
 Շնգին Արծրունի—136
- Ողական—52
 Որմիզղ արքա—25
 Որմիզղ՝ որդի Զրվանի—22, 27
 Որոս—52
- Պալունի Արտակ—73, 107
 Պալունիներ, Պալունյաց ազգ, ցեղ—55, 68, 86
 Պանակ ճոռա—11, 55, 56, 69, 139
 Պան Գուռն—12, 19
 Պանլավիկ—102
 Պարզև Արծրունի—136
 Պարսիկ Սասան—10
 Պարսից աշխարհ, երկիր—14, 46, 47, 69, 92
 Պարսից արևունիք—10
 Պարսց բանակ, զորք, զունդ—42, 53, 56, 77, 83, 85, 90
 Պարսից իշխանություն, տերություն, պետություն—40, 65, 92
 Պարսից բազավոր—55, 69, 72, 140
 Պարսկադեն—102
 Պերոզ արքա պարսից—130, 140
 Պետմոզ—102
 Պետրոս երեց—68
 Պիղատոս Պոնտացի—32
 Պոզոս Առաքյալ—13
 Պոնտացի Պիղատոս, տե՛ս Պիղատոս Պոնտացի
 Ջնիկան—113, 126
 Ռանամ՝ Մինրան տոհմից—139
 Ռափառնյան տուն—136
 Ռշտունիք—123, 126
 Ռշտունյաց զորք—73
 Ռշտունյաց տուն—34
- Սագաստան—37
- Սանակ՝ եպիսկոպոս Ռշտունյաց—24, 93, 96, 115, 126
 Սանակ՝ եպիսկոպոս Տարունի—24
 Սանակ Մանդակունի—136
 Սանակ սարկավազ—68
 Սանարունի Կարեն—73
 Սամվել Բանանա—93, 102, 126
 Սասան՝ պարսկի ցեղ—10
 Սատո Գիմաֆյան—136
 Սարգյանք—58
 Սերուխտ մարզպան—56
 Սերա սանմաններ—54
 Սինա լեռ—29
 Սինգրիտոս—54
 Սրկունի Այրուկ—73
 Սյունք, Սյունյաց աշխարհ—48, 59, 98
 Սյունյաց տուն, ցեղ—34, 136
 Սուրմակ եպիսկոպոս Բզնունյաց—24
 Ստեփանոս Նախավկա—126
 Ստորին Հայք—68
 Սրվաննոյան խորս—73
 Սրվաննոյան ցեղ—86
- Վանան Ազվանից բազավորների ցեղից—58
 Վանան Ամատունի—34, 36, 73
 Վանան Գնունի—86
 Վանունիք—55
 Վանունյաց Գյուտ—73
 Վանունյաց տուն—34
 Վաղինակ Սյունի—98
 Վալոց Չոր—126
 Վան ավան—52
 Վանանդ—126
 Վանանդեցի Քարուլ—84
 Վաչակաշատ—52
 Վասակ Մամիկոնյան—53
 Վասակ Սյունի—34, 48, 53, 56, 58, 59, 60, 66, 68, 69, 70, 77, 83, 87, 88, 89, 92, 93, 95
 Վատ—69
 Վատցես—126
 Վարազդին Առավելյան—136
 Վաղարշապատ Պալունի—68
 Վարդան Մամիկոնյան—34, 56, 59, 65, 70, 72, 86, 91, 107

- Վարդանաշատ—55
 Վարձ կամարական—136
 Վերին աշխարհ—112, տե՛ս նաև Ապար
 աշխարհ
 Վզուրկ. Մինրենբրեն, տե՛ս Մինրենբրեն
 Վզուրկ
 Վուրկ, կինյաց բազավորի եղբայր—57
 Վոսմ, հայր Հազկերտ Բ-ի—10
 Վոսմապոստ—10
 Վրաստան, Վրաց աշխարհ—12, 40, 68, 69,
 95, 96
 Վրացիներ—19, 96
 Վրեն Տաչրացի—73, 136
 Վրկան—101
- Տանատ Արծրունի—136
 Տանատ Գերունի—73, 84, 86
 Տանատ եպիսկոպոս Տայոց—24
 Տակկատան—13, 47
 Տայֆ հայոց ձորագավառ—24, 91
 Տաչացի Վրեն, տե՛ս Վրեն Տաչացի
 Տաչրացիների ցեղ—136
 Տարն—24
- Տիգրան—11
 Տիրան հայր Արշակ բազավորի—10
 Տիրոյ Բագրատունի—68
 Տղմուտ գետ—84
 Տմորիք—69, 91
 Տուրուքերան—24
 Տրդատիոս—54
- Տրդատունիք—73
 Ռւրծ—55
- Փայտակարան ֆազաք—65, 70
 Փանզուրակ—31 (տե՛ս Բանբուրակ)
 Փազակ Առավելյան—136
 Փառախոս—58
 Փասխ—69
 Փարսման Մանգակունի—73
 Փենենեզ ֆանեան—79
 Փյոնփան—69
 Փոսխան—69
- Փազդեացիներ—15
 Փազոսց ամիս—60
 Փաշկար—132
 Փաշաց սարկավազ—63, 126
 Փաշքերունի Ներսէն—73, 84, 86
 Փաշքերունյաց ցեղ—86
 Փասու եպիսկոպոս Տուրուքերանի—24
 Փողյաններ—73
 Փուլաններ, Փուլանք—12, 38, 101
 Փուլանների աշխարհ, երկիր, պետարյան
 կողմեր—12, 38, 46, 101
 Քրիստոս—11, 14, 19, 20, 21, 34, 35, 40,
 44, 49, 51, 54, 59, 60, 64, 67, 78, 79,
 80, 98, 104, 106, 109, 110, 111, 116,
 122, 125, 126, 129, 134, 136, 143
- Օշական—58

ԲՈՎԱՆԴԱԿՈՒԹՅՈՒՆ

Երկու խոսք	3
Մամիկոնյան Դավիթ երեցի խնդրած (պատմությունը) Վարդանի և Հայոց պատերազմի մասին	8
Առաջին գլուխ	19
Երկրորդ գլուխ	16
Յրրորդ գլուխ	42
Չորրորդ գլուխ	66
Հինգերորդ գլուխ	72
Վեցերորդ գլուխ	85
Տասերորդ գլուխ	101
Մանոթագրություններ	144

«Հայոց մատենագիրներ»

ԵՂԻՇԵ

Ե ԳԱՐ

ՎԱՐԴԱՆԻ ԵՎ ՀԱՅՈՍ
ՊԱՏԵՐԱԶՄԻ ՄԱՍԻՆ

Հրատ. խմբագիր՝ Ա. Կարապետյան, եկարիչ՝ Խ. Հակոբյան, տեխն. խմբագիր՝ Գ. Խաչատրյան, գեղ. խմբագիր՝ Գ. Հովհաննիսյան, վերատպող սրբագրիչ՝ Լ. Գևորգյան

НБ 7697

Հանձնված է շտրվածքի 3. 05. 92 թ.: Ստորագրված է տպագրության 27. 05. 1994 թ.:
Չափսը՝ 60×84¹/₁₆: Քուղթ տպագրական № 2: Տառատեսակ՝ «Գրքի սովորական»:
Տպագրություն՝ բարձր, 8,83 պայմ. տպագր. մամ., 7,69 հրատ. մամ.: Տպաքանակ՝
7 000: Պատվեր՝ 1102:

«Հայաստան» հրատարակչություն, Երևան—Չ, Ավ. Բաշակյան 28:

ՀՀ Կառավարությանն առընթեր հրատարակչական գործերի վարչության
«ՀԱԿՈՐ ՄԵՂԱՊԱՐՏ» ՏՊԱԳՐԱՏՈՒՆ:

Երևան-Չ, Տերյան 31: